

Namo tassa bhagavato arahato sammāsambuddhassa

Saṃyuttanikāye

Mahāvagga-aṭṭhakathā

1. Maggasāyuttaṃ

1. Avijjāvaggo

1-2. Avijjāsuttādivaṇṇanā

1-2. Mahāvaggassa paṭhame **pubbaṅgamā**ti sahaṅgātasena ca upanissayavasena cāti dvīhākārehi pubbaṅgamā. **Samāpattiyā**ti samāpajanāya sabhāvapaṭilābhāya, uppattiyāti attho. **Anvadeva ahirikaṃ anottappanti** sā panesā yadetaṃ alajjanākārasaṅghikaṃ ahirikaṃ, abhāyanākārasaṅghitaṅca anottappaṃ, etaṃ anudeva saheva ekatova, na vinā tena uppajjatīti attho. **Avijjāgatassā**ti avijjāya upagatassa samannāgatassa. **Micchādīṭṭhī**ti ayāthāvadiṭṭhi aniyyānikadiṭṭhi. **Pahotī**ti hoti uppajjati. **Micchāsāṅkappā**dīsupi ayāthāvāniyyānikavaseneva micchābhāvo veditabbo. Iti imāni aṭṭhapi akusaladhammasamāpattiyā micchattaṅgāni nāma honti. Tāni pana na ekakkhaṇe sabbāni labbhanti, nānakkhaṇe labbhanti.

Kathaṃ? Yadā hi diṭṭhisampayuttacittaṃ kāyaviññattiṃ samuṭṭhāpentāṃ uppajjati, tadā micchādīṭṭhi micchāsāṅkappo micchāvāyāmo micchāsati micchāsamādhi micchākammantoti cha āṅgāni honti. Yadā diṭṭhivippayuttaṃ, tadā micchādīṭṭhivajjāni pañca. Yadā tāneva dve vacīviññattiṃ samuṭṭhāpenti, tadā micchākammantaṭṭhāne micchāvācāya saddhiṃ tāneva cha vā pañca vā. Ayam ājīvo nāma kuppamāno kāyavacīdvāresuyeva aññatarasmiṃ kuppati, na manodvāre. Tasmā yadā ājīvasīseva tāneva cittāni kāyavacīviññattiyo samuṭṭhāpenti, tadā kāyakammaṃ micchājīvo nāma hoti, tathā vacīkammanti micchājīvassa vasena tāneva cha vā pañca vā. Yadā pana viññattiṃ asamuṭṭhāpetvā tāni cittāni uppajjanti, tadā micchādīṭṭhimicchāsāṅkappamicchāvāyāmicchāsaticchāsamādhivasena pañca vā, micchāsāṅkappādivasena cattāri vā hontīti evaṃ na ekakkhaṇe sabbāni labbhanti, nānakkhaṇe labbhantīti.

Sukkapakkhe **vijjā**ti kammassakataññaṃ. Ihāpi sahaṅgātasena ca upanissayavasena cāti dvīhākārehi pubbaṅgamatā veditabbā. **Hirottappanti** hirī ca ottappañca. Tattha lajjanākārasaṅghitā hirī, bhāyanākārasaṅghitaṃ ottappaṃ. Ayamettha saṅkhepo, vitthāro pana visuddhimagge vuttova. **Vijjāgatassā**ti vijjāya upagatassa samannāgatassa. **Viddasunoti** viduno paṇḍitassa. **Sammādīṭṭhī**ti yāthāvadiṭṭhi niyyānikadiṭṭhi. **Sammākammantā**dīsupi eseva nayo. Iti kusalaḍḍhammasamāpattiyā imāni aṭṭhaṅgāni honti, tāni lokiyamaggakkhaṇe na ekato sabbāni labbhanti, lokuttaramaggakkhaṇe pana labbhanti. Tāni ca kho paṭhamajjhānikamagge, dutiyajjhānikādīsū pana sammāsāṅkappavajjāni satteva honti.

Tattha yo evaṃ vadeyya “yasmā majjhimanikāyamhi mahāsālāyatānikasutte (ma. ni. 3.431) ‘yā tathābhūtaṃ diṭṭhi, sāssa hoti sammādīṭṭhi. Yo tathābhūtaṃ, saṅkappo, svāssa hoti sammāsāṅkappo. Yo tathābhūtaṃ vāyāmo, svāssa hoti sammāvāyāmo. Yā tathābhūtaṃ sati, svāssa hoti sammāsati. Yo tathābhūtaṃ samādhi, svāssa hoti sammāsamādhi. Pubbeva kho panassa kāyakammaṃ vacīkammaṃ ājīvo ca supārisuddho’ti vuttaṃ tasmā pañcaṅgikopi lokuttaramaggo hoti’”ti so vattabbo – tasmīnyeva sutte “evamassāyaṃ ariyo aṭṭhaṅgiko maggo bhāvanāpāripūriṃ gacchatī”ti idaṃ kasmā na passasi? Yaṃ panetaṃ “pubbeva kho panassā”ti vuttaṃ, taṃ pabbajitadivasato paṭṭhāya

parisuddhabhāvadassanattamaṃ. Pabbajitadivasato paṭṭhāya hi parisuddhāni kāyakammādīni lokuttaramaggakkhaṇe atiparisuddhāni hontīti ayamatto dīpito.

Yampi abhidhamme vuttaṃ “tasmim kho pana samaye pañcaṅgiko maggo hotī”ti (vibha. 212), taṃ ekaṃ kiccantaraṃ dassetuṃ vuttaṃ. Yasmiñhi kāle micchākammantaṃ pahāya sammākammantaṃ pūreti, tasmim kāle micchāvācā vā micchājīvo vā na hoti, diṭṭhi saṅkappo vāyāmo sati samādhīti imesuyeva pañcasu kāraṅgesu sammākammanto pūraṭi. Virativasena hi sammākammanto pūraṭi nāma. Sammāvācāsammāājīvesupi eseva nayo. Iti imaṃ kiccantaraṃ dassetuṃ evaṃ vuttaṃ. Lokiyamaggakkhaṇe ca pañceva hontī, virati pana aniyatā. Tasmā “chaṅgiko”ti avatvā “pañcaṅgiko”tveva vuttaṃ. “Yā ca, bhikkhave, ariyacittassa anāsavacittassa ariyamaggasamaṅgino ariyamaggaṃ bhāvayato tīhi kāyaduccaritehi āraṭi virati paṭivirati veramaṇī akiriya akaraṇaṃ, ayaṃ bhikkhave sammākammanto ariyo anāsavo lokuttaramaggo”ti (ma. ni. 3.139). Evaṃ pana mahācattālīsakassuttādīsū anekesu suttesu sammākammantādīnaṅca lokuttaramaggassa aṅgabhāvasiddhito aṭṭhaṅgikova lokuttaramaggo hotīti veditabboti. Imasmim sutte ayaṃ aṭṭhaṅgiko maggo lokiyalokuttaramissakova kathito. Dutiyamaṃ kosalasamaṃyutte vuttameva.

3. Sāriputtasuttavaṇṇanā

3. Tatiye **sakalamidaṃ bhanteti** ānandatthero sāvakaṃpāramīṇāṇassa matthakaṃ appattatāya sakalampi maggabrahmacariyaṃ kalyāṇamittasannissayena labbhātīti na aññāsi, dhammasenāpati pana sāvakaṃpāramīṇāṇassa matthake ṭhitatā aññāsi, tasmā evamaṃha. Tenevassa bhagavā **sādhu sādhu**ti sādhuṅkaramadāsi.

4. Jāṇussoṇibrāhmaṇasuttavaṇṇanā

4. Catutthe **sabbasetena vaḷavābhiraṭhena**ti sakalasetena catūhi vaḷavāhi yuttarathena. So kira sabbo sacakkapañjarakubbaro rajataparikkhito hoti. Ratho ca nāmesa duvidho hoti – yodharatho, alaṅkāratho. Tattha yodharatho caturassasaṅgāho hoti nātimahā dvinnamaṃ tiṇṇamaṃ vā janānaṃ gahaṇasamattho. Alaṅkāratho mahā hoti dīghato dīgho puthulato puthulo ca, tattha chattaṅgāhako vālabījaniggāhako tālavaṅgāhakoṭi evaṃ aṭṭha vā dasa vā sukheneva ṭhātuṃ vā nisīdituṃ vā nīpajjituṃ vā sakkoti. Ayampi alaṅkārathoyeva.

Setā sudamaṃ assāti tā vaḷavā pakatiyā setavaṇṇāva. **Setā alaṅkārāti** pasādhanamaṃ tāsamaṃ rajatamayamaṃ ahoṣi. **Seto ratho**ti rathopi vuttanayeneva rajataparikkhittatā tattha tattha dantakammakacittatā ca setova. **Setaparivāro**ti yathā aññe rathā sīhacammaṃparivārāpi hontī, byagghacammaṃparivārāpi paṇḍukambalaparivārāpi hontī, na evamaṃ esa. Esa pana ghanadukūlena parivāro ahoṣi. **Setā rasmiyoti** rasmiyopi rajatapanāḷisuparikkhittā. **Setā patodalatṭhīti** patodalatṭhipi rajataparikkhittā.

Setamaṃ chattaṅgāti rathamajjhe ussāpitachattampi setameva ahoṣi. **Setamaṃ uṇhīsaṅgā**ti aṭṭhaṅgulavittāro rajatamayamaṃ uṇhīsaṅgāto seto. **Setāni vatthāni**ti vatthāni setāni pheṇapuṇjavāṇṇāni. Tesu nivāsanamaṃ pañcasatagghanaṅkaṃ, uttarāsaṅgo sahasagghanaṅko. **Setā upāhanāti** upāhanā nāma maggārūḷhassa vā hontī aṭṭhaṅgā vā pavisaṅgāssa. Ayaṃ pana rathamaṃ abhirūḷho, tenassa tadanucchaviko rajatapaṭisevito pādālaṅkāro nāma esa evamaṃ vuttoti veditabbo. **Setāya sudamaṃ vālabījanīyāti** phalīkamayadaṅḍāya setacamaravālabījanīyā. Na kevalaṅgā eṭṭakamevassa setamaṃ ahoṣi, so pana brāhmaṇo setavilepanamaṃ vilimpī, setamālaṃ piḷandhi, dasasu aṅgulīsū aṅgulimuddikā kaṇṇesu kuṇḍalānīti evamaṃ alaṅkāropissa rajatamayova ahoṣi. Parivārabrāhmaṇāpissa dasasahasamattā tattheva setavattavilepanamālaṅkāraṃ ahesuṃ.

Yamaṃ panetaṃ **sāvattīyā niyyāyantaṃ**ti vuttaṃ, tatrāyamaṃ niyyāyanavibhāvanā – so kira channaṃ channaṃ māsānaṃ ekavāraṃ nagaraṃ padakkhiṇamaṃ karoti – “ito eṭṭakehi divasehi nagaraṃ padakkhiṇamaṃ karissatī”ti puretameva ghosanaṃ kayirati. Tamaṃ sutvā ye nagarato na pakkantā, te na

pakkamanti. Yepi pakkantā, tepi “puññavato sirisampattiṃ passissāmā”ti āgacchanti. Yaṃ divasaṃ brāhmaṇo nagaraṃ anuvaricari, tadā pātova nagaravīthiyo sammajjitvā vālikam okiritvā lājapañcamehi pupphehi vippakiritvā puññaghaṭṭe ṭhapetvā kadaliyo ca dhaje ca ussāpetvā sakalanagaraṃ dhūpitavāsitaṃ karonti.

Brāhmaṇo pātova sīsaṃ nhāyitvā purebhattaṃ bhujjivā vuttanayeneva setavatthādīhi attānaṃ alaṅkaritvā pāsādā oruyha rathaṃ abhiruhati. Atha naṃ te brāhmaṇā sabbasetavatthavilepanamālālaṅkāraṃ setacchattāni gahetvā parivārenti. Tato mahājanassa sannipātattaṃ paṭhamameva taruṇadāraṅkaṃ phalāphalāni vikiranti, tadanantaraṃ māsaṅkāraṃ, tadanantaraṃ kahāpaṇe vikiranti. Mahājano sannipatati, ukkuṭṭhiyo ceva celukkhepā ca vattanti. Atha brāhmaṇo maṅgalikasovattikādīsu maṅgalāni ceva suvatthiyo ca karontesu mahāsampattiyā nagaraṃ anuvaricari. Puññavantaṃ manussaṃ ekabhūmikādīpāsāde āruyha sukappattasādīsāni vātapānakavātāni vivarivā oloketi. Brāhmaṇopi attano yasasirisampattiyā nagaraṃ ajjhottharanto viya dakkhiṇadvārābhimukho hoti. Taṃ sandhāyetaṃ vuttaṃ.

Tamenam jano disvāti mahājano taṃ rathaṃ disvā. **Brahmanti** seṭṭhādhipaccanamaṃ. **Brahmaṃ vata bho yānanti** seṭṭhāyānasadisamaṃ vata bho yānanti ayamettha attho. **Imasseva kho etanti**, ānanda, manussaṃ nāma vaṇṇabhāṅgaṅkaṃ dhanam datvā attano dārikānaṃ vaṇṇagītaṃ gāyāpentī “abhirūpo hoti dassanīyo mahaddhano mahābhogo”ti, na ca tena vaṇṇabhāṅganamattena abhirūpā vā honti mahaddhanaṃ vā, evameva mahājano brāhmaṇassa rathaṃ disvā – “brahmaṃ vata bho yāna”nti kiñcāpi evaṃ vaṇṇam bhāṇati, na panetaṃ yānaṃ vaṇṇabhāṅganamatteneva brahmayānaṃ nāma hoti. Lāmaṅkaṃhi etaṃ chavaṃ. Paramatthena pana imasseva kho etaṃ, ānanda, ariyassa aṭṭhaṅgikassa maggassa adhipaccanaṃ. Ayañhi sabbadosavigamana seṭṭho, iminā ca ariyā nibbānaṃ yantīti **brahmayānaṃ** itipi, dhammabhūtaṃ yānataṃ ca **dhammayānaṃ** itipi, anuttarataṃ kilesasaṅgāmassa ca vijitataṃ **anuttaro saṅgāma vijayo** itipi vattaṃ vaṭṭati.

Idānissa niddosabhāvañceva saṅgāma vijayabhāvañca dassento **rāgavinayapariyosānā**tiādimāha. Tattha rāgaṃ vinayamānā pariyoṣāpeti pariyoṣānaṃ gacchati nipphajjati rāgavinayapariyoṣānā. Esa nayo sabbattha.

Yassa saddhā ca paññā cāti yassa ariyamaggañāssa saddhānusāriyasena saddhā, dhammānusāriyasena paññāti ime dve dhammā sadā dhuraṃ yuttā, tatramajjhataṭṭayuge yuttāti attho. **Hiri isāti** attanā saddhiṃ adhivijjheṇa bahiddhāsamuttāhānaṃ ottappena saddhiṃ ajjhattasamuttāhānaṃ hiri yassa maggarathassa isā. **Mano yottanti** vipassanācittaṅkaṃ maggacittaṅkaṃ yottaṃ. Yathā hi rathassa vākadimayaṃ yottaṃ goṇe ekābaddhe karoti ekasaṅgahite, evaṃ maggarathassa lokiyavipassanācittaṃ atirekapaññāsa, lokuttaravipassanācittaṃ atirekasaṭṭhi kusaladhamme ekābaddhe ekasaṅgahe karoti. Tena vuttaṃ “mano yotta”nti. **Sati ārakkhasārathī** maggasampayuttā sati ārakkhasārathī. Yathā hi rathassa ārakkho sārathī nāma yoggiyo. Dhuraṃ vāheti yojeti akkhaṃ abbhāṅgati rathaṃ peseti rathayuttake nibbisevane karoti, evaṃ maggarathassa sati. Ayañhi ārakkhapaccupaṭṭhānaṃ ceva kusalākusalānaṅkaṃ dhammānaṃ gatiyo samanvesatīti vuttā.

Rathoti ariyaṭṭhaṅgikamaggaratho. **Silaparikkhāro**ti catupārisuddhisīlālaṅkāro. **Jhānakkhoti** vipassanāsampayuttānaṃ pañcannaṃ jhānaṅgaṅkaṃ vasena jhānamayaakkho. **Cakkavīriyoti** vīriyacakko, kāyikacetāsikaṅkhātāni dve vīriyāni assa cakkānti attho. **Upekkhā dhurasamādhi**ti dhurassa samādhi, unnatonatākāraṃ abhāvena dvinnampi yugapadesānaṃ samatāti attho. Ayañhi tatramajjhataṭṭayuge cittaṃ uppādassa līnuddhaccabhāvaṃ haritvā payogamajjhate cittaṃ ṭhapeti, tasmā imassa maggarathassa “dhurasamādhi”ti vuttā. **Anicchā parivāraṇanti** bāhirakarathassa sīhacammādīni viya imassāpi ariyamaggarathassa alohasaṅkhātā anicchā parivāraṇaṃ nāma.

Abyāpādoti mettā ca mettāpubbabhāgo ca. **Avihimsāti** karuṇā ca karuṇāpubbabhāgo ca. **Vivekoti** kāyavivekādi tividhāviveko. **Yassa āvudhanti** yassa ariyamaggarathe ṭhitassa kulaputtassa etaṃ

pañcavidhaṃ āvudhaṃ. Yathā hi rathe t̥hito pañcahi āvudhehi sapatte vijjhati, evaṃ yogāvacaropi imasmiṃ lokiyalokuttaramaggarathe t̥hito mettāya dosaṃ vijjhati, karuṇāya vihimsaṃ, kāyavivekena gaṇasaṅgaṇikaṃ, cittavivekena kilesasaṅgaṇikaṃ, upadhivivekena sabbākusalaṃ vijjhati. Tenassetam pañcavidhaṃ “āvudha”nti vuttaṃ. **Titikkhāti** duruttānaṃ durāgatānaṃ vacanapathānaṃ adhivāsanakkhanti. **Cammaṣannāhoti** sannaddhacammo. Yathā hi rathe t̥hito rathiko paṭimukkacammo āgatāgate sare khamati, na naṃ te vijjhanti, evaṃ adhivāsanakkhantisamannāgato bhikkhu āgatāgate vacanapathe khamati, na naṃ te vijjhanti. Tasmā “titikkhā cammaṣannāho”ti vutto. **Yogakkhemāya vattatīti** catūhi yogehi khemāya nibbānāya vattati, nibbānābhimukho gacchatiyeva, na tiṭṭhati na bhijjatīti attho.

Etadattani sambhūṭanti etaṃ maggayānaṃ attano purisakāraṃ nissāya laddhattā attani sambhūṭaṃ nāma hoti. **Brahmayānaṃ anuttaranti** asadisāṃ seṭṭhayānaṃ. **Niyyanti dhīrā lokamhāti** yesaṃ etaṃ yānaṃ atthi, te dhīrā paṇḍitapurisā lokamhā niyyanti gacchanti. **Aññadatthūti** ekamsena. **Jayaṃ jayanti** rāgādayo sapatte jinantā jinantā.

5-6. Kimatthiyasuttādivaṇṇanā

5-6. Pañcame **ayamevāti** evasaddo niyamatto. Tena aññaṃ maggaṃ paṭikkhipati. Imasmiṃ sutte vaṭṭadukkhañceva missakamaggo ca kathito. Chaṭṭhaṃ uttānameva.

7. Dutiyaaññatarabhikkhusuttavaṇṇanā

7. Sattame **nibbānadhātuyā kho etaṃ bhikkhu adhivacananti** asaṅkhatāya amatāya nibbānadhātuyā etaṃ adhivacanāṃ. **Āsavānaṃ khayō tena vuccatīti** apica tena rāgādivinayena āsavānaṃ khayotipi vuccati. Āsavakkhayo nāma arahattaṃ, arahattassāpi etaṃ rāgavinayotiādi nāmamevāti dīpeti. **Etadavocāti** “sathārā nibbānadhātūti vadantena amataṃ nibbānaṃ kathitaṃ, maggo panassa na kathito. Taṃ kathāpessāmi”ti anusandhikusalatāya pucchanto etaṃ avoca.

8. Vibhaṅgasuttavaṇṇanā

8. Aṭṭhame **katamā ca bhikkhave sammādiṭṭhīti** ekena pariyāyena aṭṭhaṅgikamaggaṃ vibhajtvā puna aparena pariyāyena vibhajitukāmo idaṃ desanaṃ ārabhi. Tattha **dukkhe ñāṇanti** savanasammasanapaṭivedhapaccavekkhaṇavasena catūhākārehi uppannaṃ ñāṇaṃ. Samudayepi eseva nayo. Sesesu pana dvīsu sammasanassa abhāvā tividhameva vaṭṭati. Evametaṃ “dukkhe ñāṇa”ntiādinā catusaccakammaṭṭhānaṃ dassitaṃ.

Tattha purimāni dve saccāni vaṭṭaṃ, pacchimāni vivaṭṭaṃ. Tesu bhikkhuno vaṭṭe kammaṭṭhānābhiniveso hoti, vivaṭṭe natthi abhiniveso. Purimāni hi dve saccāni “pañcakkhandhā dukkhaṃ, taṇhā samudayo”ti evaṃ saṅkhepena ca, “katame pañcakkhandhā rūpakkhando”tiādinā nayena vitthārena ca ācariyasantike uggaṇhitvā vācāya punappunaṃ parivattento yogāvacaro kammaṃ karoti. Itaresu pana dvīsu saccesu – “nirodhasaccaṃ iṭṭhaṃ kantaṃ manāpaṃ, maggasaccaṃ iṭṭhaṃ kantaṃ manāpa”nti evaṃ savaneneva kammaṃ karoti. So evaṃ karonto cattāri saccāni ekapaṭivedhena paṭivijjhanti, ekābhisamayena abhisameti. Dukkhaṃ pariññāpaṭivedhena paṭivijjhanti, samudayaṃ pahānapaṭivedhena, nirodhaṃ sacchikiriyaṭivedhena, maggaṃ bhāvanāpaṭivedhena paṭivijjhanti. Dukkhaṃ pariññābhisamayena...pe... maggaṃ bhāvanābhisamayena abhisameti.

Evamassa pubbhāge dvīsu saccesu uggaḥaparipucchāsavanadhāraṇasammasanapaṭivedho hoti, dvīsu savanapaṭivedhoyeva. Aparabhāge tīsu kiccatō paṭivedho hoti, nirodhe ārammaṇapaṭivedho. Paccavekkhaṇā pana pattasaccassa hoti. Imassa bhikkhuno pubbe pariggahato – “dukkhaṃ parijānāmi, samudayaṃ pajahāmi, nirodhaṃ sacchikaromi, maggaṃ bhāvemi”ti ābhogasamannāhāramanasikārapaccavekkhaṇā natthi, pariggahato paṭṭhāya hoti. Aparabhāge pana

dukkhaṃ pariññātaṃ hoti...pe... maggo bhāvitova hoti.

Tattha dve saccāni duddasattā gambhīrāni, dve gambhīrattā duddasāni. Dukkhasaccañhi uppattito pākaṭaṃ, khāṇukaṇṭakapahārādīsu ‘‘aho dukkha’’nti vattabbatampi āpajjati. Samudayampi khāditukāmatābhūjītukāmatādivasena uppattito pākaṭaṃ. Lakkhaṇapaṭivedhato pana ubhayampi gambhīraṃ. Iti tāni duddasattā gambhīrāni. Itaresaṃ dvinnāṃ dassanattāya payogo bhavaggaggaṇaṭṭhaṃ hatthapasāraṇaṃ viya avīciṭṭhaṇaṭṭhaṃ pādapasāraṇaṃ viya satadhā bhinnassa vālassa koṭiyā koṭiṃ paṭipādanaṃ viya ca hoti. Iti tāni gambhīrattā duddasāni. Evaṃ duddasattā gambhīresu gambhīrattā ca duddasesu catūsu saccesu uggahādivasena idaṃ ‘‘dukkhe ñāṇa’’ntiādi vuttaṃ. Paṭivedhakkhaṇe pana ekameva taṃ ñāṇaṃ hoti.

Nekkhammasaṅkappādīsu kāmapaccanīkaṭṭhena kāmato nissaṭṭabhāvena vā, kāmaṃ sammasantassa uppannoti vā, kāmapadaghātaṃ kāmavūpasamaṃ karonto uppannoti vā, kāmavivittante uppannoti vā **nekkhammasaṅkappo**. Sesapadadvayepi eseva nayo. Sabbepi ca te nekkhammasaṅkappādayo kāmabyāpādavihiṃsāvīramāṇasaññānaṃ nānattā pubbabhāge nānā, maggakkhaṇe pana imesu tīsu ṭhānesu uppannassa akusalasaṅkappassa padacchedato anuppattisādhanaṇasena maggaṅgaṃ pūrayamāno ekova kusalasaṅkappo uppajjati. Ayaṃ **sammāsaṅkappo** nāma.

Musāvādā veramaṇīādayopi musāvādādīhi viramaṇasaññānaṃ nānattā pubbabhāge nānā, maggakkhaṇe pana imesu catūsu ṭhānesu uppannāya akusaladussīlyacetanāya padacchedato anuppattisādhanaṇasena maggaṅgaṃ pūrayamānā ekāva kusalaveramaṇī uppajjati. Ayaṃ **sammāvācā** nāma.

Pāṇātipātā veramaṇī ādayopi pāṇātipātādīhi viramaṇasaññānaṃ nānattā pubbabhāge nānā, maggakkhaṇe pana imesu tīsu ṭhānesu uppannāya akusaladussīlyacetanāya akiriyato padacchedato anuppattisādhanaṇasena maggaṅgaṃ pūrayamānā ekāva kusalaveramaṇī uppajjati. Ayaṃ **sammākammanto** nāma.

Micchāājīvanti khādanīyabhojanīyādīnaṃ atthāya pavattitaṃ kāyavacīduccaritaṃ. **Pahāyāti** vajjetvā. **Sammāājīvenāti** buddhapasatthena ājīvena. **Jīvikāṃ kappetīti** jīvitavuttiṃ pavatteti. Sammāājīvopi kuhanādīhi viramaṇasaññānaṃ nānattā pubbabhāge nānā. Maggakkhaṇe pana imesuyeva sattasu ṭhānesu uppannāya micchāājīvadussīlyacetanāya padacchedato anuppattisādhanaṇasena maggaṅgaṃ pūrayamānā ekāva kusalaveramaṇī uppajjati. Ayaṃ **sammāājīvo** nāma.

Anuppannānanti ekasmiṃ bhava tathārūpe vā ārammaṇe attano na uppannānaṃ, parassa pana uppajjamāne disvā – ‘‘aho vata me evarūpā pāpakā dhammā na uppajjeyyu’’nti evaṃ anuppannānaṃ pāpakānaṃ akusalānaṃ dhammānaṃ anuppādāya. **Chandanti** tesāṃ akusalānaṃ anuppādakapaṭipattisādhakaṃ vīriyacchandaṃ janeti. **Vāyamatīti** vāyamaṃ karoti. **Vīriyaṃ ārabhatīti** vīriyaṃ pavatteti. **Cittaṃ paggaṇhātīti** vīriyena cittaṃ paggaṇhitaṃ karoti. **Padahatīti** ‘‘kāmaṃ taco ca nhāru ca aṭṭhi ca avasissatū’’ti (ma. ni. 2.184) padhānaṃ pavatteti. **Uppannānanti** samudācārasena attano uppannapubbānaṃ. Idāni tādise na uppādessāmīti tesāṃ pahānāya chandaṃ janeti.

Anuppannānaṃ kusalanānti apaṭiladdhānaṃ paṭhamajjhānādīnaṃ. **Uppannānanti** tesāmyeva paṭiladdhānaṃ. **Ṭhitiyāti** punappunaṃ uppattipabandhavasena ṭhitatthaṃ. **Asammosāyāti** avināsatthaṃ. **Bhiyyobhāvāyāti** uparibhāvāya. **Vepullāyāti** vipulabhāvāya. **Pāripūriyāti** bhāvanāya paripūraṇatthaṃ. Ayaṃ sammāvāyāmo anuppannānaṃ akusalānaṃ anuppādanādicittanānattā pubbabhāge nānā. Maggakkhaṇe pana imesuyeva catūsu ṭhānesu kiccaśādhanaṇasena maggaṅgaṃ pūrayamānaṃ ekameva kusalavīriyaṃ uppajjati. Ayaṃ **sammāvāyāmo** nāma.

Sammāsatipi kāyādiṭṭhāṅgahakacittānaṃ nānattā pubbabhāge nānā, maggakkhaṇe pana imesu

catūsu ṭhānesu kiccasādhanavasena maggaṅgaṃ pūrayamānā ekā sati uppajjati. Ayaṃ **sammāsati** nāma.

Jhānādīni pubbhāgepi maggakkhaṇepi nānā, pubbhāge samāpattivasena nānā, maggakkhaṇe nānāmaggavasena. Ekassa hi paṭhamamaggo paṭhamajjhāniko hoti, dutiyamaggādayopi paṭhamajjhānikā vā dutiyādīsu aññatarajjhānikā vā. Ekassa paṭhamamaggo dutiyādīnaṃ aññatarajjhāniko hoti, dutiyādayopi dutiyādīnaṃ aññatarajjhānikā vā paṭhamajjhānikā vā. Evaṃ cattāropi maggā jhānavasena sadisā vā asadisā vā ekaccasadisā vā honti.

Ayaṃ panassa viseso pādakajjhānaniyamena hoti. Pādakajjhānaniyamena hi paṭhamajjhānalābhino paṭhamajjhānā vuṭṭhāya vipassantassa uppannamaggo paṭhamajjhāniko hoti, maggaṅgabojjhaṅgāni panettha paripuṇṇāneva honti. Dutiyajjhānato vuṭṭhāya vipassantassa uppanno dutiyajjhāniko hoti, maggaṅgāni panettha satta honti. Tatiyajjhānato vuṭṭhāya vipassantassa uppanno tatiyajjhāniko, maggaṅgāni panettha satta, bojjhaṅgāni cha honti. Esa nayo catutthajjhānato paṭṭhāya yāva nevasaññānāsaññāyatanā.

Āruppe catukkapañcakajjhānaṃ uppajjati, tañca lokuttaraṃ, no lokiyaṃ vuttaṃ. Ettha kathanti? Etthāpi paṭhamajjhānādīsu yato vuṭṭhāya sotāpattimaggam paṭilabhivā arūpasamāpattiṃ bhāvetvā so āruppe uppanno, taṃjhānikāvassa tattha tayo maggā uppajjanti. Evaṃ pādakajjhānameva niyāmeti. Keci pana therā – “vipassanāya ārammaṇabhūtā khandhā niyāmeti” ti vadanti. Keci “puggalajjhāsāyo niyāmeti” ti vadanti. Keci “vuṭṭhānagāminīvipassanā niyāmeti” ti vadanti. Tesam vādavinicchayo visuddhimagge vuṭṭhānagāminīvipassanādhikāre vuttanayeneva vedītabbo. **Ayaṃ vuccati, bhikkhave, sammāsamādhīti** ayaṃ pubbhāge lokiyo, aparabhāge lokuttaro sammāsamādhīti vuccati.

9. Sūkasuttavaṇṇanā

9. Navame **micchāpaṇihitanti** sūkaṃ nāma uddhaggaṃ katvā ṭhapitaṃ hatthaṃ vā pādaṃ vā bhindati, tathā aṭṭhapitaṃ pana micchāpaṇihitaṃ nāma. **Micchāpaṇihitāya diṭṭhiyāti** micchāṭhapitāya kammassakatapaññāya. **Avijjaṃ bhindissati** catusaccapañchādakaṃ avijjaṃ bhindissati. **Vijjaṃ uppādessati** arahattamaggavijjaṃ uppādessati. **Micchāpaṇihitattā, bhikkhave, diṭṭhiyāti** kammassakatapaññāya ceva maggabhāvanāya ca micchā ṭhapitattā, appavattitattāti attho. Imasmiṃ sutte kammassakataññaṃ magganissitaṃ katvā missakamaggo kathito.

10. Nandiyasuttavaṇṇanā

10. Dasame **paribbājako** channaparibbājako. Sesamettha uttānamevāti.

Avijjāvaggo paṭhamo.

2. Vihāravaggo

1. Paṭhamavihārasuttavaṇṇanā

11. Dutiyavagassa paṭhame **icchāmahaṃ, bhikkhave, aḍḍhamāsaṃ paṭisallīyitunti** ahaṃ, bhikkhave, ekaṃ aḍḍhamāsaṃ paṭisallīyitum nilīyitum ekova hutvā viharitum icchāmīti attho. **Namhi kenaci upasaṅkamitabbo aññatra ekena piṇḍapātānīhāraakenāti** yo attanā payuttavācaṃ akatvā mamatthāya saddhesu kulesu paṭiyattaṃ piṇḍapātāṃ nīharitvā mayhaṃ upanāmeyya, taṃ piṇḍapātānīhāraṃ ekaṃ bhikkhum ṭhapetvā namhi aññena kenaci bhikkhunā vā gahatṭhena vā upasaṅkamitabboti.

Kasmā pana evamāhāti? Tasmim kira aḍḍhamāse vinetabbo satto nāhosi. Atha satthā – “imaṃ aḍḍhamāsaṃ phalasaṃpattisukheneva vītināmessāmi, iti mayhañceva sukhavihāro bhavissati, anāgate ca pacchimā janatā ‘satthāpi gaṇaṃ vihāya ekako vihāsi, kimaṅgaṃ pana maya’nti diṭṭhānugatim āpajjissati, tadassā bhavissati dīgharattaṃ hitāya sukhāyā”ti iminā kāraṇena evamāha. Bhikkhusaṅghopi satthu vacanaṃ sampañcchitvā ekaṃ bhikkhuṃ adāsi. So pātova gandhakuṭipariveṇasammajjanamukhodakadantakatṭhadānādīni sabbakiccāni tasmim khaṇe katvā apagacchati.

Yena svāhanti yena so ahaṃ. Paṭhamābhisambuddhoti abhisambuddho hutvā paṭhamameva ekūnapaññāsadivasabbhantare. **Viharāmīti** idaṃ atītatthe vattamānavacanaṃ. **Tassa padesena vihāsinti** tassa paṭhamābhisambuddhavihārassa padesena. Tattha padeso nāma khandhapadeso āyatanadhātusaccaindriyapaccayākārasatipatṭhānājhānānāmarūpapadeso dhammapadesoti nānāvīdho. Taṃ sabbampi sandhāya – “tassa padesena vihāsi”nti āha. Bhagavā hi paṭhamabodhiyaṃ ekūnapaññāsadivasabbhantare yathā nāma pattarājjo rājā attano vibhavasāradassanattaṃ taṃ taṃ gabbhaṃ vivarāpetvā suvaṇṇarajatamuttāmaṇiādīni ratanāni paccavekkhanto vihareyya, evameva pañcakkhandhe nippadeso katvā sammāsanto paccavekkhanto vihāsi. Imasmim pana aḍḍhamāse tesam khandhānaṃ padesaṃ vedanākkhandhameva paccavekkhanto vihāsi. Tassa “ime sattā evarūpaṃ nāma sukhaṃ paṭisaṃvedenti, evarūpaṃ dukkha”nti olokayato yāva bhavaggā pavattā sukhavedanā, yāva avīcīto pavattā dukkhavedanā, sabbā sabbākārena upatṭhāsi. Atha naṃ “micchādiṭṭhipaccayāpi vedayita”ntiādīni nāyena pariḅhaṇhanto vihāsi.

Tathā paṭhamabodhiyaṃ dvādasāyatanāni nippadesāneva katvā vihāsi, imasmim pana aḍḍhamāse tesam āyatanānaṃ padesaṃ vedanāvasena dhammāyatanekadesaṃ, dhātūnaṃ padesaṃ vedanāvasena dhammadhātuekadesaṃ, saccānaṃ padesaṃ vedanākkhandhavaseneva dukkhasaccekaḍḍesaṃ, paccayānaṃ padesaṃ phassaḍḍesaṃ vedanāvasena paccayekadesaṃ jhānānaṃ padesaṃ vedanāvaseneva jhānaṅgekadesaṃ, nāmarūpānaṃ padesaṃ vedanāvaseneva nāmekadesaṃ paccavekkhanto vihāsi. Paṭhamabodhiyaṃhi ekūnapaññāsadivasabbhantare kusalādidhamme nippadeso katvā anantanayāni satta pakaraṇāni paccavekkhanto vihāsi. Imasmim pana aḍḍhamāse sabbadhammānaṃ padesaṃ vedanāttikameva paccavekkhanto vihāsi. Tasmim tasmim ṭhāne sā sā ca vihārasamāpatti vedanānubhāvena jātā.

Idāni yenākārena vihāsi, taṃ dassento **micchādiṭṭhipaccayāpīti**ādīmāha. Tattha **micchādiṭṭhipaccayāpīti** diṭṭhisampayuttā vedanāpi vaṭṭati. Diṭṭhim upanissayaṃ katvā uppannā kusalākusalavedanāpi vaṭṭati vipākavedanāpi. Tattha micchādiṭṭhisampayuttā akusalāva hoti, diṭṭhim pana upanissāya kusalāpi uppajjanti akusalāpi. Micchādiṭṭhikā hi diṭṭhim upanissāya pakkhadivasesu yāgubhattādīni denti, addhikādīnaṃ vaṭṭaṃ paṭṭhapenti, catumahāpathe sālaṃ karonti, pokkharāṇiṅca khaṇāpenti, devakulādīsū mālāgacchaṃ ropenti, nadīviduggādīsū setuṃ attharanti, visamaṃ samaṃ karonti, iti nesam kusalavedanā uppajjati. Micchādiṭṭhim pana nissāya sammādiṭṭhike akkosanti paribhāsanti, vadhabandhanādīni karonti, pānaṃ vadhitvā devatānaṃ upahāraṃ upaharanti, iti nesam akusalavedanā uppajjati. Vipākavedanā pana bhavantaragatānaṃyeva hoti.

Sammādiṭṭhipaccayāti etthāpi sammādiṭṭhisampayuttā vedanāpi vaṭṭati, sammādiṭṭhim upanissayaṃ katvā uppannā kusalākusalavedanāpi vipākavedanāpi. Tattha sammādiṭṭhisampayuttā kusalāva hoti, sammādiṭṭhim pana upanissāya buddhapūjaṃ dīpamālaṃ mahādharmassavanaṃ appatitṭhite disābhāge cetiyapatiṭṭhāpananti evamādīni puññāni karonti, iti nesam kusalā vedanā uppajjati. Sammādiṭṭhimyeva nissāya micchādiṭṭhike akkosanti paribhāsanti, attānaṃ ukkaṃsenti, paraṃ vambhenti, iti nesam akusalavedanā uppajjati. Vipākavedanā pana bhavantaragatānaṃyeva hoti. **Micchāsāṅkappapaccayāti**ādīsūpi eseva nayo. **Chandapaccayāti**ādīsū pana chandapaccayā atṭhalobhasahagatacittasampayuttā vedanā veditabbā, vitakkapaccayā paṭhamajjhānavedanāva. Saññā paccayā ṭhapetvā paṭhamajjhānaṃ sesā cha saññāsamāpattivedanā.

Chando ca avūpasantotiādīsu tiṇṇaṃ avūpasame aṭṭhalobhasahagatacittasampayuttā vedanā hoti, chandamattassa vūpasame paṭhamajjhānavedanāva. Chandavitakkānaṃ vūpasame dutiyajjhānādivedanā adhippetā, tiṇṇampi vūpasame nevasaññānāsaññāyatanavedanā. **Appattassa pattiyāti** arahattaphalassa pattatthāya. **Atthi āyāmaṅti** atthi vīriyaṃ. **Tasmimpi ṭhāne anuppatteti** tassa vīriyārambhassa vasena tassa arahattaphalassa kāraṇe anuppatte. **Tappaccayāpi vedayitanti** arahattassa ṭhānapaccayā vedayitaṃ. Etena catumaggasahajātā nibbattitalokuttaravedanāva gahitā.

2. Dutiyavihārasuttavaṇṇanā

12. Dutie paṭisallānakāraṇaṃ vuttanayeneva veditabbaṃ. **Micchādiṭṭhivūpasamapaccayāti** micchādiṭṭhivūpasamo nāma sammādiṭṭhi. Tasmā yaṃ sammādiṭṭhipaccayā vedayitaṃ vuttaṃ, tadeva micchādiṭṭhivūpasamapaccayā veditabbaṃ. Imasmiṃ pana sutte vipākavedanaṃ atidūreti maññamānā na gaṇhantīti vuttaṃ. Iminā nayena sabbattha attho veditabbo. Yassa yassa hi vūpasamapaccayāti vuccati, tassa tassa paṭipakkhadhammapaccayāva taṃ taṃ vedayitaṃ adhippettaṃ. **Chandavūpasamapaccayātiādīsu** pana chandavūpasamapaccayā tāva paṭhamajjhānavedanā veditabbā. **Vitakkavūpasamapaccayā** dutiyajjhānavedanā. **Saññāpaccayā** chasamāpattivedanā. **Saññāvūpasamapaccayā** nevasaññānāsaññāyatanavedanā. **Chando ca vūpasantotiādīni** vuttatthāneva.

3-7. Sekkhasuttādivaṇṇanā

13-17. Tatiye **sekkhoti** sikkhanasīlo. Kiṃ sikkhatīti? Tisso sikkhā. **Sekkhāyāti** tīhi phalehi catūhi ca maggehi saddhiṃ uppannāya. Sāpi hi anīṭṭhitakiccattā attano kiccaṃ sikkhatevāti sekkhā. Catutthapañcamachattasattamāni uttānatthānevāti.

8-10. Paṭhamakukkuṭārāmasuttādivaṇṇanā

18-20. Aṭṭhame **ummaṅgoti** paññāummaṅgo, paññāvīmaṃsanaṃ, paññāgavesananti attho. **Evañhi tvam āvusoti** idaṃ tassa pucchāpatiṭṭhāpanatthāya āha. Navamadasamāni uttānatthānevāti.

Vihāravaggo dutiyo.

3. Micchattavaggavaṇṇanā

21-30. Tatiyavaggassa paṭhame **micchattanti** micchāsabhāvaṃ. **Sammattanti** sammāsabhāvaṃ. **Micchāpaṭipattādhikaraṇahetūti** micchāpaṭipattikaraṇahetu. Yasmā micchāpaṭipattiṃ karoti, tasmāti attho. **Nārādhakoti** na sampādako. **Ñāyaṃ dhammanti** ariyamaggadhammaṃ. **Micchāñāṇīti** micchāvīññāṇo micchāpaccavekkhaṇo. **Micchāvimuttīti** ayāthāvavimutti, aniyyānikavimutti. Imesu tatiyādīsu catūsu suttesu vaṭṭavivaṭṭaṃ kathitaṃ, pacchimesu panettha dvīsu puggalo pucchito dhammo vibhatto, evaṃ dhammena puggalo dassitoti. **Suppavattiyoti** suppavattaniyo. Yathā icchicchitaṃ disaṃ pavattento dhāvati, evaṃ pavattetuṃ sakkā hotīti attho. **Saupanisam saparikkhāranti** sappaccayaṃ saparivāraṃ. Sesam sabbattha uttānatthānevāti.

Micchattavaggo tatiyo.

4. Paṭipattivaggavaṇṇanā

31-40. Catutthe **micchāpaṭipattinti** ayāthāvapaṭipattiṃ. **Micchāpaṭipannanti** ayāthāvapaṭipannaṃ. Iti ekaṃ suttaṃ dhammasena kathitaṃ, ekaṃ puggalavasena. **Apārā pāranti** vaṭṭato nibbānaṃ. **Pāragāminoti** ettha yepi pārāgatā, yepi gacchanti, yepi gamissantī, sabbe pārāgāminotveva veditabbā.

Tīramevānudhāvātī vaṭṭameva anudhāvati, vaṭṭe vicarati. **Kaṇhanti** akusaladhammaṃ. **Sukkanti** kusaladhammaṃ. **Okā anokanti** vaṭṭato nibbānaṃ. **Āgammāti** ārabha sandhāya paṭicca. **Pariyodapeyyāti** parisuddhaṃ kareyya. **Cittaklesehīti** cittaṃ kilissāpentehi nīvaraṇehi. **Sambodhiyaṅgesūti** sattasu bojjaṅgesu.

Sāmaññatthanti nibbānaṃ. Tañhi sāmaññena upagantabbato sāmaññatthoti vuccati. **Brahmaññanti** seṭṭhabhāvaṃ. **Brahmaññatthanti** nibbānaṃ brahmaññena upagantabbato. Yattha yattha pana heṭṭhā ca imesu ca tīsu suttesu “rāgakkhayo” ti āgataṃ, tattha tattha arahattampi vaṭṭatiyevāti vadanti.

Paṭipattivaggo catuttho.

5. Aññatitthiyapeyyālavaggavaṇṇanā

41-48. Aññatitthiyapeyyāle **addhānapariññatthanti** saṃsāraddhānaṃ nibbānaṃ patvā pariññātaṃ nāma hoti. Tasmā nibbānaṃ “addhānapariññā” ti vuccati, tadatthanti attho. **Anupādāparinibbānatthanti** apaccayaparinibbānatthaṃ. Iti imasmiṃ peyyāle vijjāvimutti phalena arahattaṃ kathitaṃ. Nāṇadassanena paccavekkhaṇā, sesehi nibbānanti.

Aññatitthiyapeyyālavaggo.

6. Sūriyapeyyālavaggavaṇṇanā

49-62. Sūriyapeyyāle aruṇuggaṃ viya kalyāṇamittatā, kalyāṇamittatāya thatvā nibbattito savipassanaariyamaggo sūriyapātubhāvo viyāti evaṃ sabbattha attho vedītabbo. **Sīlasampadāti** catupārisuddhisīlaṃ. **Chandasampadāti** kusalakattukamyatāchando. **Attasampadāti** sampannacittatā. **Diṭṭhisampadāti** ñāṇasampatti. **Appamādasampadāti** kārāpakaappamādasampatti. **Yonisomanasikārasampadāti** upāyamanasikārasampatti. Puna **kalyāṇamittatā** tiādīni sammādiṭṭhiādīnaṃ aññenapi ākārena bhāvadassanattaṃ vuttāni. Sabbāneva cetāni suttāni pāṭiyekkaṃ puggalajjhāsaya vasena vuttānīti.

Sūriyapeyyālavaggo.

7. Ekadhammapeyyālavaggādivaṇṇanā

63-138. Ekadhammapeyyālopi gaṅgāpeyyālopi pāṭiyekkaṃ puggalajjhāsaya vaseneva tathā tathā vutte bujjanakānaṃ ajjhāsaya vasena kathito.

8. Appamādapēyyālavaggo

1. Tathāgatasuttavaṇṇanā

139. Appamādapēyyāle **evameva khoti** ettha yathā sabbasattānaṃ sammāsambuddho aggo, evaṃ sabbesaṃ kusaladhammānaṃ kārāpakaappamādo aggoti daṭṭhabbo. Nanu cesa lokiyova, kusaladhammā pana lokuttarāpi. Ayañca kāmāvacarova, kusaladhammā pana catubhūmakā. Kathamesa tesam aggoti? Paṭilābhakattāthena. Appamādena hi te paṭilābhanti, tasmā so tesam aggo. Tenetaṃ vuttaṃ **sabbe te appamādamūlakā** tiādī.

2. Padasuttavaṇṇanā

140. Jaṅgalānanti pathavītalavāsīnaṃ. **Pāṇānanti** sapādakapāṇānaṃ. **Padajātānīti** padāni. **Samodhānaṃ gacchantīti** odhānaṃ upakkhepaṃ gacchanti. **Aggamakkhāyatīti** seṭṭhaṃ akkhāyati. **Yadidaṃ mahantattenāti** mahantabhāvena aggamakkhāyati, na guṇavaseṇāti attho.

3-10. Kūṭasuttādivaṇṇanā

141-148. Vassikanti sumanapupphaṃ. Imaṃ kira suttaṃ sutvā bhātiyamahārājā vīmaṃsitukāmatāya ekasmiṃ gabbhe catujātigandhehi paribhaṇḍaṃ kāretvā sugandhāni pupphāni āharāpetvā ekassa samuggassa majjhe sumanapupphamuṭṭhiṃ ṭhapetvā sesāni tassa samantato muṭṭhimuṭṭhiṃ katvā ṭhapetvā dvāraṃ pidhāya bahi nikkhanto. Athassa muhuttaṃ vītināmetvā dvāraṃ vivarivā pavasantassa sabbapaṭhamaṃ sumanapupphagandho ghānaṃ pahari. So mahātalasmiṃyeva mahācetiyaḥbhimukho nipajjitvā – “vassikaṃ tesam aggantī kathentena sukathitaṃ sammāsambuddhenā”ti cetiyaṃ vandi. **Kuṭṭarājānoti** khuddakarājāno. “Khuddarājāno”tipi pāṭho. **Tantāvutānanti** tante āvutānaṃ, tantaṃ āropetvā vāyitānanti attho. Idañca paccatte sāmivacanaṃ. Yāni kānīci tantāvutāni vatthānīti ayañhettha attho. Atha vā tantāvutānaṃ vatthānaṃ yāni kānīci vatthānīti evaṃ sāvasesapāṭhanayenapettha attho daṭṭhabbo. Sesam sabbattha uttānamevāti.

Appamādavaggo aṭṭhāmo.

9. Balakaraṇīyavaggo

1. Balasuttavaṇṇanā

149. Balakaraṇīyavagge **balakaraṇīyāti** ūrubalabāhubalena kattabbā dhāvanalaṅghanatāpanavahanādayo kammantā. **Sile patiṭṭhāyāti** catupārisuddhisīle ṭhatvā. **Aṭṭhaṅgikaṃ magganti** sahavipassanaṃ ariyamaggaṃ.

2. Bijasuttavaṇṇanā

150. Bijaḡāmahūtagāmatī ettha pañcavidhampi bijaṃ bijaḡāmo nāma, tadeva paṇṇasampannaṃ nīlabhāvato paṭṭhāya bhūtagāmoti veditabbaṃ.

3. Nāgasuttavaṇṇanā

151. Balaṃ gāhentīti balaṃ gaṇhanti, gahitabalā thirasarīrā honti. **Kusobbhe otarantīti**ādīsū ayamanupubbikathā – nāginiyo kira utusamaye patiṭṭhitagabbhā cintenti – “sace mayaṃ idha vijāyissāma, evaṃ no dārakā ūmivegañca supaṇṇassa ca pakkhanditvā āgatassa vegaṃ sahituṃ na sakkhissanti”ti tā mahāsamudde nimujjitvā sambhajjamukhadvāraṃ patvā pañca mahānadiyo pavisitvā himavantaṃ gacchanti. Tattha supaṇṇehi apakkhandaniyāsu suvaṇṇarajatamaṇiguhāsu vasamānā vijāyitvā nāgapotake gopphakādīpamāṇesu udakesu otāretvā udakataṇaṃ sikkhāpentī.

Atha yadā anukkamena te nāḡā gaṅgādīnaṃ nadīnaṃ orimatīrato paratīraṃ, paratīrato orimatīranti taraṇapaṭitaraṇaṃ kātuṃ sakkonti, tadā “idāni no dārakā ūmivegañca garuḷavegañca sahituṃ sakkhissanti”ti ṇatvā attano ānubhāvena mahāmeghaṃ samuṭṭhāpetvā sakalahimavantaṃ ekodakaṃ viya kurumānā devaṃ vassāpetvā suvaṇṇarajatādīmayā nāvā māpetvā upari suvaṇṇatāraḡāvicittaṃ samosaritagandhapupphadāmaṃ celavitānaṃ bandhitvā surabhicandanagandhapupphādīni ādāya tāhi nāvāhi pañca mahānadiyo ogāhitvā anukkamena mahāsamuddaṃ pāpuṇanti. Tattha ca vasantā dasabyāma-satabyāma-sahassabyāma-satasahassabyāma-pamāṇataṃ āpajjantā mahantattaṃ vepullattaṃ āpajjanti nāma.

Evameva khoti ettha himavantapabbato viya catupārisuddhisīlaṃ daṭṭhabbaṃ, nāgapotakā viya yogāvacarā, kusobbhādayo viya ariyamaggo, mahāsamuddo viya nibbānaṃ. Yathā nāgapotakā himavante patiṭṭhāya kusobbhādīhi mahāsamuddaṃ patvā kāyamahantattaṃ āpajjanti, evaṃ yogino sīlaṃ nissāya sīle patiṭṭhāya ariyamaggena nibbānaṃ patvā arahattamaggeneva āgatesu chasu abhiññādhammesu guṇasarīramahantattaṃ pāpuṇantīti.

5. Kumbhasuttavaṇṇanā

153. Kumbhoti udakaghaṭo. **No paccāvamatīti** na patiāvamati, na anto pavesetīti attho.

7. Ākāsasuttavaṇṇanā

155. Puratthimāti puratthimadisato āgatavātā. **Pacchimadisādīsipi** eseva nayo. **Cattāropi satipaṭṭhānāti** yatheva hi etesaṃ puratthimādibhedānaṃ vātānaṃ sannipāto ākāse ijjhati, evaṃ idhāpi ‘‘cattāro satipaṭṭhānā’’tiādīnā nayena vuttā bodhipakkhiyadhammā sahavipassanassa ariyamaggassa bhāvanāya ijjhanti, tenetaṃ vuttaṃ.

8-9. Paṭhamameghasuttādivaṇṇanā

156-157. Gimhānaṃ pacchime māseti āsāḷhamāse. **Ūhatanti** dvipadacatuppadānaṃ pādappahārena pathavītale uṭṭhahitvā uddhaṃ gataṃ vaṭṭivaṭṭi hutvā ākāse pakkhantaṃ. **Rajojallanti** paṃsurajojallaṃ.

10. Nāvāsuttavaṇṇanā

158. Sāmuddikāya nāvāyātiadi heṭṭhā vāṇijakopame vitthāritameva.

11-12. Āgantukasuttādivaṇṇanā

159-160. Āgantukāgāranti puññatthikehi nagaramajjhe kataṃ āgantukagharaṃ, yattha rājarājamahāmattehipi sakkā hoti nivāsaṃ upagantaṃ. **Abhiññā pariññeyyāti** yatheva hi tesāṃ puratthimadisādīhi āgatānaṃ khattiyādīnaṃ vāso āgantukāgāre ijjhati, evaṃ imesaṃ abhiññāpariññeyyātiādīnaṃ dhammānaṃ abhiññāparijānanādīhi sahavipassanassa ariyamaggassa bhāvanāya ijjhanti, tenetaṃ vuttaṃ. Nadīsuttaṃ heṭṭhā vuttanayamevāti.

Balakaraṇīyavaggo navamo.

10. Esanāvaggo

1. Esanāsuttavaṇṇanā

161. Esanāvagge **kāmesanāti** kāmānaṃ esanā gavesanā magganā patthanā. **Bhavesanāti** bhavānaṃ esanā. **Brahmacariyesanāti** micchādiṭṭhisāṅkhātassa brahmacariyassa esanā.

2-11. Vidhāsuttādivaṇṇanā

162-171. Vidhāti mānakoṭṭhāsā mānaṭhapanā vā. **Seyyohamasmīti vidhāti** ahamasmi seyyoti evaṃ mānakoṭṭhāso mānaṭhapanā vā. **Nīghāti** dukkhā. Vacanatto panettha yassa uppajjanti, taṃ purisaṃ nīhanantīti nīghā. Sesamettha uttānamevāti.

Esanāvaggo dasamo.

11. Oghavaggo

1-2. Oghasuttādivaṇṇanā

172-173. Oghavagge **kāmoghoti** pañcasu kāmaguṇesu chandarāgo. **Bhavoghoti** rūpārūpabhavesu chandarāgo. **Diṭṭhoghoti** dvāsattḥi diṭṭhiyo. **Avijjoghoti** catūsu saccesu aññāṇaṃ. **Kāmayogā**disupi eseva nayo.

3-4. Upādānasuttādivaṇṇanā

174-175. **Kāmupādānanti** kāmaggahaṇaṃ. **Diṭṭhupādānā**disupi eseva nayo. **Ganthāti** ganthanā ghaṭanā. **Kāyaganthoti** nāmakāyassa gantho ganthanaghaṭanakilesa. **Idamsaccābhinivesoti** antaggāhikadiṭṭhivasena uppanno “idameva sacca”nti evaṃ abhiniveso.

5-10. Anusayasuttādivaṇṇanā

176-181. **Kāmarāgānusayoti** thāmagataṭṭhena kāmarāgo va anusayo kāmarāgānusayo. Sesesupi eseva nayo. **Orambhāgiyānīti** heṭṭhākoṭṭhāsīyāni. **Samyojanānīti** bandhanāni. **Uddhambhāgiyānīti** uparikoṭṭhāsīyāni. Sesam sabbattha uttānatthamevāti.

Oghavaggo ekādasamo.

Maggasaṃyuttavaṇṇanā niṭṭhitā.

2. Bojjhaṅgasamṃyuttam

1. Pabbatavaggo

1. Himavantasuttavaṇṇanā

182. Bojjhaṅgasamṃyuttassa paṭhame **nāgāti** imepi mahāsamuddapitṭhe ūmiantaravāsīnova, na vimānaṭṭhakanāgā. Tesam himavantaṃ nissāya kāyavaḍḍhanādisabbaṃ heṭṭhā vuttanayeneva vedītabbaṃ. **Bojjhaṅgeti** ettha bodhiyā, bodhissa vā āngāti **bojjhaṅgā**. Kiṃ vuttaṃ hoti? Yā hi ayaṃ dhammasāmaggī, yāya lokiyalokuttaramaggakkhaṇe uppajjamānāya līnuddhaccapatiṭṭhānāyūhana kāmasukhattakīlamathānuyogaucchedasassatābhinivesādīnaṃ anekesaṃ upaddavānaṃ paṭipakkhabhūtāya satidhammavicayavīriyapītipassaddhisamādhīupekkhāsāṅkhātāya dhammasāmaggiyā ariyasāvako bujjhatīti katvā bodhīti vuccati. **Bujjhatīti** kilesasantānaniddāya utṭhahati, cattāri vā ariyasaccāni paṭivijjhati, nibbānameva vā sacchikarotīti vuttaṃ hoti. Yathāha “satta bojjhaṅge bhāvetvā anuttaraṃ sammāsambodhiṃ abhisambuddho”ti (saṃ. ni. 5.378; dī. ni. 3.143). Tassā dhammasāmaggisāṅkhātāya bodhiyā āngāti **bojjhaṅgā** jhānaṅgamaggaṅgādayo viya. Yopesa yathāvuttappakārāya etāya dhammasāmaggiyā bujjhatīti katvā ariyasāvako bodhīti vuccati, tassa bodhissa āngātipi **bojjhaṅgā** senaṅgarathaṅgādayo viya. Tenāhu aṭṭhakathācariyā – “bujjhanakassa puggalassa āngāti vā bojjhaṅgā”ti.

Apica “bojjhaṅgāti kenatṭhena bojjhaṅgā? Bodhāya saṃvattantīti bojjhaṅgā, bujjhantīti bojjhaṅgā, anubujjantīti bojjhaṅgā, paṭibujjantīti bojjhaṅgā, sambujjantīti bojjhaṅgā”iccādīnā (paṭi. ma. 2.17) paṭisambhidānāyēnāpi bojjhaṅgattho vedītabbo.

Satisambojjhaṅgāntiādīsu pana pasattho sundaro ca bojjhaṅgoti sambojjhaṅgo. Satiyeva sambojjhaṅgoti **satisambojjhaṅgo**, taṃ satisambojjhaṅgānti evaṃ sabbattha attho veditabbo. **Bhāvetīti** vaḍḍheti, attano cittasantāne punappunaṃ janeti, abhinibbattetīti attho. **Vivekanissitantiādīni** kosalasamyutte “sammādiṭṭhiṃ bhāveti vivekanissita”nti ettha vuttanayeneva veditabbāni.

Ayaṃ pana viseso – tattha tadaṅgavivekanissitaṃ, samucchadavivekanissitaṃ, nissaraṇavivekanissitanti, vivekattayameva vuttaṃ, bojjhaṅgabhāvanaṃ patvā pana pañcavidhāvivekanissitampi eke vaṇṇayanti. Te hi na kevalaṃ balavavipassanāmaggaphalakkhaṇesu eva bojjhaṅge uddharanti vipassanāpādaka-kasiṇajjhāna-ānāpānāsubha-brahmavihārajjhānesupi uddharanti, na ca paṭisiddhā aṭṭhakathācariyehi. Tasmā tesam matena etesam jhānānaṃ pavattikkhaṇe kiccato eva vikkhambhanāvivekanissitaṃ. Yathā ca vipassanākkhaṇe “ajjhāsayato nissaraṇavivekanissita”nti vuttaṃ, evaṃ paṭipassaddhivivekanissitampi bhāvetīti vattum vaṭṭati. Sesamettha heṭṭhā vuttanayameva.

2. Kāyasuttavaṇṇanā

183. Dutiye **āhāraṭṭhitikoti** paccayaṭṭhitiko. **Āhāraṃ paṭiccāti** paccayaṃ paṭicca. **Subhanimittanti** subhampi subhanimittaṃ, subhassa ārammaṇampi subhanimittaṃ. **Ayonisomanasikāro**ti anupāyamanasikāro uppathamanasikāro anicce “nicca”nti vā, dukkhe “sukha”nti, anattani “attā”ti vā, asubhe “subha”nti vā, manasikāro. Taṃ tasmiṃ subhārammaṇe bahulaṃ pavattayato kāmaccchando uppajjati. Tena vuttaṃ “atthi, bhikkhave, subhanimitta”ntiādi. Evaṃ sabbanīvaraṇesu yojanā veditabbā.

Paṭighanimittantiādīsu pana paṭighopi paṭighanimittaṃ paṭighārammaṇampi. **Aratīti** ukkaṇṭhitā. Yaṃ sandhāya vuttaṃ – “tattha katamā aratī? Pantesu vā senāsanesu aññataraññataresu vā adhikusalesu dhammesu aratī aratitā anabhirati anabhiramanā ukkaṇṭhitā paritassitā, ayaṃ vuccati aratī”ti (vibha. 856).

Tandīti atisītādipaccayā uppannaṃ āgantukakāyālasiaṃ. Yasmiṃ uppanne “atisītaṃ atiuṇhaṃ aticchātosmi atidhātosmi atidūramaggaṃ gatosmī”ti vadati, yaṃ sandhāya vuttaṃ “tattha katamā tandī, yā tandī tandiyanā tandimanakatā ālasyaṃ ālasyāyanā ālasyāyitattaṃ, ayaṃ vuccati tandī”ti (vibha. 857).

Vijambhitāti kilesavasena kāyavinamanā. Yaṃ sandhāya vuttaṃ – “tattha katamā vijambhitā? Yā kāyassa jambhanā vijambhanā ānāmanā vinamanā sannamanā paṇamanā byādhiyakaṃ, ayaṃ vuccati vijambhitā”ti (vibha. 858).

Bhattasammadoti bhattapariḷāho. Yaṃ sandhāya vuttaṃ – “tattha katamo bhattasammado? Yā bhuttāvissa bhattamucchā bhattakilamatho bhattapariḷāho kāyaduṭṭhullaṃ, ayaṃ vuccati bhattasammado”ti (vibha. 859).

Cetaso ca līnattanti cittassa līyanākāro, yaṃ sandhāya vuttaṃ – “tattha katamaṃ cetaso līnattaṃ? Yā cittassa akalyatā akammaññatā oliyanā sallīyanā līnaṃ līyanā līyitattaṃ thināṃ thīyanā thīyitattaṃ cittassa, idaṃ vuccati cetaso līnatta”nti (vibha. 860).

Cetaso avūpasamoti yathā nāma vītaccikopi āṅgāro neva tāva sannisīdati patāpaṃ karotiyeva, yathā ca pattapacanaṭṭhāne neva tāva sannisīdati patāpaṃ karotiyeva, evaṃ cittassa avūpasantākāro, atthato panetaṃ uddhaccakukkucameva hoti.

Vicikicchaṭṭhāniyā dhammāti vicikicchāya ārammaṇadhammā. **Ayonisomanasikāro** sabbattha vuttanayova. Evamettha kāmaccchando vicikicchāti ime dve dhammā ārammaṇena kathitā, byāpādo

ārammaṇena ca upanissayena ca, sesā sahaḷātena ca upanissayena cāti.

Satisambojjhaṅgaṭṭhānīyā dhammāti satiḷā ārammaṇadhammā sattatiṃsa bodhipakkhiyā ca nava lokuttaradhammā ca. **Tattha yonisomanasikārabahulīkāroti** tattha upāyamanasikārassa punappunaṃ karaṇaṃ.

Kusalākusalā dhammātiādīsu **kusalā**ti kosallasambhūtā anavajjasukhavipākā. **Akusalā**ti akosallasambhūtā sāvajjadukkhavipākā. **Sāvajjā**ti akusalā. **Anavajjā**ti kusalā.

Hīnapaṇītakapaṇhasukkesupi eseḷa nayo. **Sappaṭibhāgā**ti kaṇhasukkāyeḷa. Kaṇhā hi kaṇhavipākādānato, sukkā ca sukkavipākādānato sappaṭibhāgā nāma, sadisavipākakoṭṭhāsāti attho. Paṭipakkhabhūtassa ḷā bhāgassa atthitāya sappaṭibhāgā. Kaṇhānaṇhi sukkā paṭipakkhabhāgā, sukkānaṇca kaṇhā paṭipakkhabhāgāti evampi sappaṭibhāgā. Sappaṭibhāhitatṭhena ḷā sappaṭibhāgā. Akusalaṇhi kusalaṃ paṭibāhitḷā attano vipākāṃ deti, kusalaṇca akusalaṃ paṭibāhitḷāti evampi kaṇhasukkā sappaṭibhāgā.

Ārambhadhātūti paṭhamārambhavīriyaṃ. **Nikkamadhātū**ti kosajjato nikkhantattā tato balavataraṃ. **Parakkamadhātū**ti paraṃ paraṃ ṭhānaṃ akkamanatāya tatopi balavataranti tīhipi padehi vīriyameḷa kathitaṃ.

Pītisambojjhaṅgaṭṭhānīyāti pītiyā ārammaṇadhammā. **Kāyapassaddhī**ti tiṇṇaṃ khandhānaṃ darathapassaddhī. **Cittapassaddhī**ti viññāṇakkhandhassa darathapassaddhī. **Samathanimittanti** samathopi samathanimittaṃ, ārammaṇampi. **Abyagganimitanti** tasseḷa veḷacanaṃ.

Upekkhāsambojjhaṅgaṭṭhānīyāti upekkhāya ārammaṇadhammā, atthato pana majjhattākāro upekkhāṭṭhānīyā dhammoti ḷeditabbo. Evamettha satidhammavicayaupekkhāsambojjhaṅgā ārammaṇena kathitā, sesā ārammaṇenapi upanissayenapi.

3. Silasuttavaṇṇanā

184. Tatiye **sīlasampannā**ti ettha khīṇāsavassa lokiyalokuttarasīlaṃ kathitaṃ, tena sampannāti attho. **Samādhipaññāsupi** eseḷa nayo. **Vimutti** pana phalavimuttiyeḷa. **Vimuttiñāṇadassanaṃ** paccavekkhaṇaṇāṇaṃ. Evamettha sīlādayo tayo lokiyalokuttarā, vimutti lokuttarāḷa, vimuttiñāṇadassanaṃ lokiyameḷa.

Dassanampāhanti dassanampi ahaṃ. Taṃ panetaṃ dassanaṃ – cakkhudassanaṃ, ñāṇadassananti duvidhaṃ. Tattha pasanṇehi cakkhūhi ariyānaṃ dassanaṃ olokaṇaṃ cakkhudassanaṃ nāma. Ariyeḷi pana diṭṭhassa lakkhaṇassa dassanaṃ, paṭividdhassa ca paṭivijjanaṃ jhānena ḷā vipassanāya ḷā maggaphaleḷi ḷā ñāṇadassanaṃ nāma. Imasmiṃ panettha cakkhudassanaṃ adhippetāṃ. Ariyānaṇhi pasanṇehi cakkhūhi olokaṇampi bahukārameḷa. **Savananti** “asuko nāma khīṇāsavo asukasmiṃ nāma raṭṭhe ḷā janapade ḷā gāme ḷā nigame ḷā vihāre ḷā leṇe ḷā vasatī”ti kathentānaṃ sotena savanaṃ, etaṃ bahukārameḷa. **Upasaṅkamananti** “dānaṃ ḷā dassāmi, paṇhaṃ ḷā pucchissāmi, dhammaṃ ḷā sossāmi, sakkāraṃ ḷā karissāmi”ti eḷarūpena cittena ariyānaṃ upasaṅkamaṇaṃ. **Payirupāsananti** paṇhāpayirupāsaṇaṃ. Ariyānaṃ guṇe sutḷā te upasaṅkamitḷā nimantetḷā dānaṃ datḷā “kiṃ, bhante, kusala”ntiādīnā nayeḷa paṇhapucchanaṇti attho.

Anussatinti rattitṭhānadivāṭṭhānesu nisinnassa “idāni ariyā leṇaguhaṃaṇḷapādīsu jhānavipassanāmaggaphalasukkheḷi vītināmentī”ti anussaraṇaṃ. Yo ḷā teḷaṃ santike oḷādo laddho hoti, taṃ āvajjitḷā “imasmiṃ ṭhāne sīlaṃ kathitaṃ, imasmiṃ samādhi, imasmiṃ vipassanā, imasmiṃ maggo, imasmiṃ phala”nti eḷaṃ anussaraṇaṃ. **Anupabbajjanti** ariyesu cittaṃ pasādetḷā gharā nikkhama teḷaṃ santike pabbajjaṃ. Ariyānaṇhi santike cittaṃ pasādetḷā teḷameḷa santike pabbajjitḷā teḷameḷa oḷādānusāsanaṃ paccāsīsamānassa caratopi pabbajjā anupabbajjā nāma. Ariyesu pasādena

aññattha pabbajitvā ariyānaṃ santike ovādānusāsaniṃ paccāsīsamānassa carato pabbajjāpi anupabbajjā nāma. Aññesu pana pasādena aññesaṃyeva santike pabbajitvā aññesaṃyeva ovādānusāsaniṃ paccāsīsamānassa carato pabbajjā anupabbajjā nāma na hoti.

Evam pabbajitesu pana mahākassapattherassa tāva anupabbajjam pabbajitā satasahassamattā ahesuṃ, tathā therasseva saddhivihārikassa ca candaguttattherassa, tassāpi saddhivihārikassa sūriyaguttattherassa, tassāpi saddhivihārikassa assaguttattherassa, tassāpi saddhivihārikassa yonakadhammarakkhitattherassa, tassa pana saddhivihāriko asokarañño kaniṭṭhabhātā tissatthero nāma ahoṣi, tassa anupabbajjam pabbajitā aḍḍhateyyakoṭisaṅkhā ahesuṃ. Mahindattherassa anupabbajitānaṃ gaṇanaparicchedo natthi. Yāvajjadivasā laṅkāḍīpe satthari pasādena pabbajantā mahindattherasseva pabbajjam anupabbajanti nāma.

Taṃ dhammanti taṃ tesam ovādānusāsaniḍhammaṃ. Anussaratīti sarati. Anuvitakketīti vitakkāhatam karoti. Āraddho hotīti paripuṇṇo hoti. Pavicinatītiādi sabbam tattha ñāṇacāraseneva vuttam. Atha vā pavicinatīti tesam tesam dhammānaṃ lakkhaṇam vicināti. Pavicaratīti tattha ñāṇam carāpeti. Parivīmaṃsamāpajjati vīmaṃsanaṃ olokanam gavesanaṃ āpajjati.

Satta phalā sattānisamsāti ubhayampetaṃ atthato ekaṃ. Diṭṭheva dhamme paṭikacca aññaṃ ārādheti arahattaṃ ārādhento imasmimyeva attabhāve ārādheti, tañca kho paṭikacca, asampattheyeva maraṇakāleti attho. **Atha maraṇakāleti** atha maraṇassa āsannaḱāle.

Antarāparinibbāyīti yo āyuvemajjham anatikkamitvā parinibbāyati, so tividho hoti. Kappasahassāyukesu tāva aviheṣu nibbattitvā eko nibbattadivaseyeva arahattaṃ pāpuṇāti. No ce nibbattadivase pāpuṇāti, paṭhamassa pana kappasatassa matthake pāpuṇāti. Ayameko antarāparinibbāyī. Aparo evaṃ asakkonto dvinnaṃ kappasatānaṃ matthake pāpuṇāti, ayaṃ dutiyo. Aparo evampi asakkonto catunnaṃ kappasatānaṃ matthake pāpuṇāti, ayaṃ tatiyo antarāparinibbāyī.

Pañcamam pana kappasatam atikkamitvā arahattaṃ patto **upahaccaparinibbāyī** nāma hoti. Atappādīsupi eseṣa nayo. Yattha katthaci uppanno pana asaṅkhārena sappayogena arahattaṃ patto **sasaṅkhāraparinibbāyī** nāma, asaṅkhārena appayogena patto **asaṅkhāraparinibbāyī** nāma. Avihādīsupi nibbatta tattha yāvatāyukam ṭhatvā uparūpari nibbattitvā akaniṭṭham patto **uddhamso akaniṭṭhagāmī** nāma.

Imasmim pana ṭhāne **aṭṭhacattārisa anāgāmino** kathetabbā. Aviheṣu hi tayo antarāparinibbāyī, eko upahaccaparinibbāyī, eko uddhamso akaniṭṭhagāmīti pañca honti. Te asaṅkhāraparinibbāyino pañca, sasaṅkhāraparinibbāyino pañcāti dasa honti, tathā atappādīsū. Akaniṭṭhesu pana uddhamso natthi, tasmā tattha cattāro sasaṅkhāraparinibbāyī, cattāro asaṅkhāraparinibbāyīti aṭṭhāti evaṃ aṭṭhacattārisa honti. Tesam uddhamso akaniṭṭhagāmī sabbajetṭho ceṣa hoti sabbakaniṭṭho ca. Katham? So hi soḷasakappasahassāyukattā āyunā sabbesaṃ jetṭho, sabbapacchā arahattaṃ pāpuṇīti sabbesaṃ kaniṭṭho. Imasmim sutte apubbaṃ acarimaṃ ekacittakkhaṇikā nānālakkhaṇā arahattamaggassa pubbhāgavipassanā bojjaṅgā kathitā.

4. Vatthasuttavaṇṇanā

185. Catutthe **satisambojjhaṅgo iti ce me hotīti** satisambojjhaṅgoti evaṃ ce mayham hoti. **Appamāṇoti me hotīti** appamāṇoti evaṃ me hoti. **Susamāradhoti** suparipuṇṇo. **Tiṭṭhatīti** ettha aṭṭhahākārehi satisambojjhaṅgo tiṭṭhati – uppādaṃ anāvajjitattā anuppādaṃ āvajjitattā satisambojjhaṅgo tiṭṭhati, pavattaṃ, appavattaṃ, nimittaṃ, animittaṃ saṅkhāre anāvajjitattā, viṣaṅkhāraṃ āvajjitattā satisambojjhaṅgo tiṭṭhatīti. Imehi aṭṭhahākārehi tiṭṭhatīti thero jānāti, vuttākāraviparīteheva aṭṭhahākārehi cavantaṃ cavatīti pajānāti. Sesambojjhaṅgesupi eseṣa nayo.

Iti imasmim̄ sutte therassa phalabojjhaṅgā kathitā. Yadā hi thero satisambojjhaṅgaṃ sīsaṃ katvā phalasaṃpattim̄ saṃpajjati, tadā itare cha tadanvayā honti. Yadā dhammavicayādīsu aññataraṃ, tadāpi sesā tadanvayā hontīti evaṃ phalasaṃpattiyāṃ attano ciñṇavasitaṃ dassento thero imaṃ suttaṃ kathesīti.

5. Bhikkhusuttavaṇṇanā

186. Pañcame **bodhāya saṃvattantīti** bujjanatthāya saṃvattanti. Kiṃ bujjanatthāya? Maggena asaṅkhataṃ nibbānaṃ, paccavekkhaṇāya katakiccatāṃ, maggena vā kilesaniddāto pabujjanatthāya, phalena pabujjanabhāvattthāyātipi vuttaṃ hoti. Tenevettha nibbānasacchikiriyā kilesapahānapaccavekkhaṇāti sabbaṃ dassitaṃ.

6-7. Kuṇḍaliyasuttādivaṇṇanā

187-188. Chaṭṭhe **ārāmanissayīti** ārāmaṃ nissāya vasanabhāvena ārāmanissayī. **Parisāvacaroti** parisāya avacaro. Parisaṃ nāma bālāpi, paṇḍitāpi osaranti, yo pana parappavādaṃ madditvā attano vādaṃ dīpetuṃ sakkoti, ayaṃ parisāvacarō nāma. **Ārāmena ārāmantī** ārāmeneva ārāmaṃ anucaṅkamāmi, na bāhirenāti attho. **Uyyānena uyyānanti** etthāpi eseva nayo. Aññena vā ārāmena pavisitvā aññaṃ ārāmaṃ, aññena uyyānena aññaṃ uyyānanti ayamettha attho. **Itivādappamokkhānisamsanti** “evaṃ pucchā hoti, evaṃ vissajjanaṃ, evaṃ gahaṇaṃ, evaṃ nibbethana”nti iminā nayena itivādo hoti itivādappamokkhoti etaṃ ānisamsaṃ. **Upārambhānisamsanti** “ayaṃ pucchāya doso, ayaṃ vissajjane”ti evaṃ vādadosānisamsaṃ.

Kathaṃ bhāvito ca, kuṇḍaliya, indriyaṃvaroti satthā “ettakaṃ ṭhānaṃ paribbājakena pucchitaṃ, idāni pucchitūṃ na sakkotī”ti ñatvā “na tāva ayaṃ desanā yathānusandhiṃ gatā. Idāni naṃ yathānusandhiṃ pāpessāmī”ti sayameva pucchanto imaṃ desanaṃ ārabhi. Tatha **manāpaṃ nābhijjhātīti** iṭṭhārammaṇaṃ nābhijjhāyati. **Nābhihaṃsatīti** na sāmīsāya tuṭṭhiyā abhihaṃsati. **Tassa ṭhito ca kāyo hoti, ṭhitaṃ cittaṃ ajjhantanti** tassa nāmakāyo ca cittaṅca gocarajjhatte ṭhitaṃ hoti. **Susaṅṭhitanti** kammaṭṭhānavasena suṭṭhu saṅṭhitaṃ. **Suvimuttanti** kammaṭṭhānavimuttīyā suvimuttaṃ. **Amanāpanti** anīṭṭhārammaṇaṃ. **Na maṅku hotīti** tasmim̄ na maṅku hoti. **Appatiṭṭhitacittoti** kilesavasena aṭṭhitacitto. **Adīnamānasoti** domanassavasena adīnacitto. **Abyāpannacetasoti** dosavasena apūticitto.

Evaṃ bhāvito kho, kuṇḍaliya, indriyaṃvarō evaṃ bahulīkato tīṇi sucaritāni paripūretīti ettha evaṃ sucaritaṃpūraṇaṃ veditabbaṃ – imesu tāva chasu dvāresu aṭṭhārasa duccharitāni honti. Kathaṃ? Cakkhudvāre tāva iṭṭhārammaṇe āpāthagate kāyaṅgavācaṅgāni acopetvā tasmim̄ ārammaṇe lobhaṃ uppādentassa manoduccaritaṃ hoti. Lobhasahagatena cittaṃ “aho vatidaṃ iṭṭhaṃ kantaṃ manāpa”nti bhaṇantassa vacīduccaritaṃ, tadeva hatthena parāmasantassa kāyaduccaritaṃ. Sesadvāresupi eseva nayo.

Ayaṃ pana viseso – sotadvārasmiṅhi saddārammaṇassa vatthubhūtaṃ saṅkhapaṇavāditūriyabhaṇḍaṃ anāmāsaṃ āmasantassa, ghānadvāre gandhārammaṇassa vatthubhūtaṃ gandhamālādīṃ, jivhādvāre rasārammaṇassa vatthubhūtaṃ macchamaṃsādīṃ, kāyadvāre phoṭṭhabbārammaṇassa vatthubhūtaṃ vatthātūlakapāvārādīṃ, manodvāre paññattivāsena dhammārammaṇabhūtaṃ sappitelamadhuphānitādīṃ āmasantassa kāyaduccaritaṃ veditabbaṃ. Saṅkhepato panettha chasu dvāresu kāyavītikamo kāyaduccaritaṃ, vacīvītikamo vacīduccaritaṃ, manovītikamo manoduccaritanti tīṇeva duccharitāni honti.

Ayaṃ pana bhikkhu attano bhāvanāpaṭisaṅkhāne ṭhito imāni duccharitāni sucaritaṃ katvā vipariṇāmeti. Kathaṃ? Cakkhudvāre tāva iṭṭhārammaṇe āpāthagate kāyaṅgavācaṅgāni acāletvā rūpārammaṇaṃ vipassanaṃ paṭṭhāpayato manosucaritaṃ hoti, vipassanāsahagatena cittaṃ

khayadhammaṃ vayadhammanti bhaṇantassa vacīsucaritaṃ, ‘‘anāmāsabhaṇḍaṃ eta’’nti anāmasantassa kāyasucaritaṃ. Sesadvāresupi eseva nayo. Evaṃ imāni vitthārato aṭṭhārassa sucaritāni honti. Saṅkhepato panethhāpi chasu dvāresu kāyasaṃvaro kāyasucaritaṃ, vacīsaṃvaro vacīsucaritaṃ, manosaṃvaro manosucaritanti tiṇeva sucaritāni honti. Evaṃ indriyasaṃvaro tīṇi sucaritāni paripūretīti veditabbo. Ettāvatā silānurakkhitaṃ indriyasaṃvarasīlaṃ kathitaṃ.

Kāyaduccaritaṃ pahāyātiādīsu tividhaṃ kāyaduccaritaṃ, catubbidhaṃ vacīduccaritaṃ, tividhaṃ manoduccaritaṃ. Tassa paṭipakkhavasena kāyasucaritādīni veditabbāni. Ettāvatā kāyasaṃvaravacīsaṃvarehi pātimokkhasīlaṃ, manosaṃvarena tīṇi silānīti catupārisuddhisīlaṃ kathitaṃ hoti. Sakale pana imasmiṃ sutte sucaritāmūlakā satipaṭṭhānā lokuttaramissakā, sattannaṃ boj्jhaṅgānaṃ mūlabhūtā satipaṭṭhānā pubbabhāgā, tepi satipaṭṭhānamūlakā boj्jhaṅgā pubbabhāgāva. Vijjāvimuttimūlakā pana lokuttarāva kathitāti veditabbā. Sattamaṃ uttānameva.

8. Upavānasuttavaṇṇanā

189. Aṭṭhame **paccattanti** attanāva. **Yonisomanasikārāti** yoniso manasikārena. **Ārabhamānovāti** kurumānoyeva. **Suvimuttanti** kammaṭṭhānavimuttīyā suṭṭhu vimuttaṃ. **Aṭṭhiṃkatvāti** atthaṃ karitvā, atthiko hutvāti vuttaṃ hoti.

9. Paṭhamauppannasuttavaṇṇanā

190. Navame **nāññatra tathāgatassa pātubhāvāti** tathāgatassa pātubhāvaṃ vinā na aññasmiṃ kāle uppajantīti attho.

10. Dutiyauppannasuttavaṇṇanā

191. Dasame **nāññatra sugatavinayāti** sugatovādaṃ vinā na uppajantīti.

Pabbatavaggo.

2. Gilānavaggo

1-3. Pāṇasuttādivaṇṇanā

192-194. Dutiyavaggassa paṭhame **cattāro iriyāpathe kappentīti** yesaṃ cattāro iriyāpathā atthi, tesameyeva vasenetāṃ vuttaṃ. **Sīlaṃ nissāyāti** catupārisuddhisīlaṃ nissayaṃ katvā. **Satta boj्jhaṅgeti** saḥavipassanake maggabojjhaṅge. Dutiyatatiyāni uttānatthāneva.

4-10. Paṭhamagilānasuttādivaṇṇanā

195-201. Catutthe **tathā pahīno cāyasmato mahākassapassa so ābādho ahoṣīti** therassa kira imaṃ boj्jhaṅgabhāvanaṃ sādhukaṃ suṇantassa etadahosi ‘‘mayhaṃ pabbajitadivasato sattame divase saccāni paṭivijjhantassa ime boj्jhaṅgā pātubhūtā’’ti. Athassa ‘‘niyyānikaṃ vata satthusāsana’’nti cintayato lohitaṃ pasīdi, upādārūpaṃ visuddhaṃ ahoṣi, pokkharapatte patitaudakabindu viya sarīrato rogo vinivattivā gato. Tena vuttaṃ ‘‘tathā pahīno cāyasmato mahākassapassa so ābādho ahoṣī’’ti. Pañcamachattāthesupi eseva nayo. Imesaṃ pana tiṇṇampi janānaṃ pabbatapāde pupphitavisarukkavātasamphassena uppanno mandasītajaro ābādhoti veditabbo. Sesaṃ sabbattha uttānamevāti.

Gilānavaggo.

3. Udāyivaggo

1-2. Bodhāyasuttādivaṇṇanā

202-203. Tatiyavaggassa paṭhame **kittāvataṃ nu kho, bhante, bojjhaṅgāti vuccantīti** bhante, kittakena nu kho bujjanakaṅgā nāma vuccantīti pucchati. **Bodhāya saṃvattantīti** bujjanatthāya saṃvattanti. Imasmiṃ sutte missakabojjhaṅgā kathitā. Dutiye dhammaparicchedo kathito.

3-5. Tḥānīyasuttādivaṇṇanā

204-206. Tatiye **kāmarāgaṭṭhānīyananti** kāmarāgassa kāraṇabhūtānaṃ ārammaṇadhammānaṃ. **Byāpādaṭṭhānīyā**dīsipi eseva nayo. Sakalañhi idaṃ suttaṃ ārammaṇeneva kathitaṃ. Paṭhamavaggassa dutiyasutte vuttaparicchedopettha labbhateva. Catutthe missakabojjhaṅgā kathitā. Pañcame **aparīhānīye dhammeti** aparīhānikare sabhāvadhamme.

6-7. Taṇhakkhayasuttādivaṇṇanā

207-208. Chaṭṭhe **etadavocāti** “imissaṃ parisati nisinno udāyitthero nāma anusandhikusalo bhikkhu atthi, so maṃ pucchissatīti bhagavatā osāpitadesanaṃ ñatvā desanānusandhiṃ ghaṭṭessāmī” ti pucchanto etaṃ avoca. **Vipulanti**ādi sabbāṃ subhāvitattaṃ sandhāya vuttaṃ. Subhāvito hi satisambojjhaṅgo vipulo ca mahaggato ca appamāṇo ca abyāpajjo ca nāma hoti. So hi patthaṭṭā **vipulo**, mahantabhāvaṃ gatattā **mahaggato**, vaḍḍhipamaṇattā **appamāṇo**, nīvaraṇānaṃ dūrībhāvena byāpādarahitattā **abyāpajjo** nāma hoti. **Taṇhāya pahānā kammaṃ pahīyatīti** yaṃ taṇhāmūlakam kammaṃ uppajjeyya, taṃ taṇhāpahānena pahīyati. **Kammaṃ pahānā dukkhanti** yampi kammamūlakam vaṭṭadukkham uppajjeyya, taṃ kammamahānena pahīyati. Taṇhakkhayādayo taṇhādīnaṃyeva khayā, atthato panetehi nibbānaṃ kathitanti veditabbaṃ. Sattamaṃ uttānameva.

8. Nibbedhabhāgiyasuttavaṇṇanā

209. Aṭṭhame **nibbedhabhāgiyanti** nibbijjanakoṭṭhāsiyaṃ. **Satisambojjhaṅgaṃ bhāvitena**ti satisambojjhaṅgena bhāvitena, satisambojjhaṅgaṃ vā bhāvetvā ṭhitena, evamettha maggabojjhaṅgā missakā. Tehi bhāvitam, te vā bhāvetvā ṭhitaṃ cittaṃ nibbattitalokuttameva. Tampi pana magganissitaṃ katvā missakameva kathetum vaṭṭati.

9. Ekadhammasuttavaṇṇanā

210. Navame **saṃyojanavinibandhāti** saṃyojanasaṅkhātā vinibandhā. **Ajjhosānāti** pariniṭṭhapetvā gahaṇā.

10. Udāyisuttavaṇṇanā

211. Dasame **abahukatoti** akatabahumāno. **Ukkujjāvakujjanti** ettha ukkujjaṃ vuccati udayo, avakujjaṃ vayoti udayabbayavasena parivattento sammasantoti dīpeti. **Dhammo ca me, bhante, abhisamītoti** vipassanādhammo abhisamāgato. **Maggoti** vipassanāmaggo. Sace hi thero tasmīṃ samaye sotāpanno, upari tiṇṇaṃ maggānaṃ atthāya, sace anāgāmī, arahattamaggassa atthāya ayaṃ vipassanā veditabbā. **Tathā tathā viharantanti** tena tenākārena viharantaṃ. **Tathattāyāti** tathābhāvāya. **Khīṇā jāṭīti**ādihi tathattāyāti adhippetam tathābhāvaṃ dasseti. Paccavekkhaṇatthāya upanīyatīti hi ettha adhippāyo, taṃ dassento evamāha. Sesam sabbattha uttānamevāti.

Udāyivaggo.

4. Nīvaraṇavaggo

3-4. Upakkilesasuttādivaṇṇanā

214-215. Catutthavaggassa tatiye **na ca pabhassaranti** na ca pabhāvantaṃ. **Pabhaṅgu cāti** pabhijjanasabhāvaṃ. **Ayoti** kāḷalohaṃ. Ṭhapetvā idha vuttāni cattāri avasesaṃ **lohaṃ** nāma. **Sajjhūti** rajataṃ. **Cittassāti** catubhūmakacittassa. Lokiyassa tāva upakkilesa hotu, lokuttarassa kathaṃ hotīti? Uppajjituṃ appadānena. Yadaggena hi uppajjituṃ na denti, tadaggeneva te lokiyassāpi lokuttarassāpi upakkilesā nāma honti. **Pabhaṅgu cāti** ārammaṇe cuṇṇavicuṇṇabhāvūpagamanena bhijjanasabhāvaṃ. **Anāvaraṇā anīvaraṇāti** kusaladhamme na āvarantīti anāvaraṇā, na nīvaranti na paṭicchādentīti anīvaraṇā. **Cetaso anupakkilesāti** catubhūmakacittassa anupakkilesā.

8. Āvaraṇanīvaraṇasuttavaṇṇanā

219. Aṭṭhame **paññāya dubbalīkaraṇāti** paññāya mandabhāvakarā. Nīvaraṇānañhi abhiṇhuppāde sati antarantarā uppajjamānā paññā dubbalā hoti mandā avisadā.

Pañca nīvaraṇā tasmim samaye na honti. Sattabojjhaṅgā tasmim samaye bhāvanāpāripūriṃ gacchantīti ariyasāvakaassa hi sappāyadhammassavanaṃ suṇantassa pañca nīvaraṇā dūre honti. So sace tasmimyeva ṭhāne viresaṃ nibbattetuṃ sakkoti, evamassa satta bojjhaṅgā bhāvanāpāripūriṃ gacchanti. No ce sakkoti, tato vuṭṭhāya rattitṭhānadivāṭṭhānaṃ gato tameva pītiṃ avijahanto pañca nīvaraṇe vikkhambhetvā viresaṃ nibbattessati. Tattha asakkontopi yāva sattadivasabbhantarā tameva pītiṃ avijahanto nīvaraṇe vikkhambhetvā viresaṃ nibbattessatīti idaṃ sandhāyetaṃ vuttaṃ. Dhammassavanavasena sakim pītipāmojjapakkihiyā paṭiladdhabojjhaṅgā hi kammāramatādīni āgamma nassanti, tathārūpaṃ pana utusappāyādiṃ labhitvā puna uppajjantāpi tasmim samaye bhāvanāpāripūriṃ gacchanti icceva vuccati.

9. Rukkhasuttavaṇṇanā

220. Navame **ajjhāruhāti** abhiruhanakā. **Kacchakoti** aṭṭhikacchako. **Kapitthanoti** makkaṭathanasadisaphalo vijātapilakkho.

10. Nīvaraṇasuttavaṇṇanā

221. Dasame **andhakaraṇāti** andhabhāvakaraṇā. **Acakkhukaraṇāti** paññācakkhussa akaraṇā. **Paññānirodhikāti** paññāya nirodhanā. **Vighātapakkihiyāti** dukkhapakkihiyā. **Anibbānasamvattanikāti** nibbānatthāya asaṃvattanikā. Sesam sabbattha uttānatthameva. Sakalepi imasmim vagge missakabojjhaṅgāva kathitāti.

Nīvaraṇavaggo.

5. Cakkavattivaggo

1. Vidhāsuttavaṇṇanā

222. Pañcamavaggassa paṭhame **tisso vidhāti** tayo mānakoṭṭhāsā, mānoyeva vā. Tathā tathā vidahanato hi mānova vidhāti vuccati.

2. Cakkavattisuttavaṇṇanā

223. Dutiye **rañño, bhikkhave, cakkavattissāti** ettha attano sirisampattiyā rājati, catūhi vā saṅgahavattūhi lokam rañjetīti rājā, tassa **rañño**. ‘‘Pavattatu bhavam cakkaratana’’nti puññānubhāvena abbhuggatāya vācāya codento cakkam vattetīti cakkavattī, tassa **cakkavattissa. Pātubhāvāti** pātubhāvena. **Sattannanti** gaṇanaparicchedo. **Ratanānanti** paricchinnaatthadassanam. Vacanattho panettha ratijananatthena **ratanam**. Apica –

‘‘Cittikatam mahagghañca, atulam dullabhadassanam;
Anomasattaparibhogam, ratanam tena vuccatī’’ti.

Cakkaratanassa ca nibbattakālato paṭṭhāya aññaṃ devatthānam nāma na hoti, sabbeva gandhapupphādīhi tasseva pūjañca abhivādanādīni ca karontīti **cittikataṭṭhena** ratanam. Cakkaratanassa ca ‘‘ettakam nāma dhanam agghatī’’ti aggho natthi, iti **mahagghatthēnāpi** ratanam. Cakkaratanañca aññehi loke vijjamānaratanehi asadisanti **atulaṭṭhena** ratanam. Yasmā pana yasmiṃ kappe buddhā uppajjanti, tasmīyeva cakkavattino, buddhā ca kadāci karahaci uppajjanti, tasmā **dullabhadassanaṭṭhena** ratanam. Tadetam jātirūpakulaissariyādīhi anomassa ulārasattasseva uppajjati, na aññassāti **anomasattaparibhogatthēnāpi** ratanam. Yathā ca cakkaratanam, evam sesānipīti. Tena vuttam –

‘‘Cittikatam mahagghañca, atulam dullabhadassanam;
Anomasattaparibhogam, ratanam tena vuccatī’’ti.

Pātubhāvo hotīti nibbatti hoti. Tatrāyam yojanā – cakkavattissa pātubhāvā sattannam ratanānam pātubhāvoti ayuttam. Uppannañhi cakkam vattetvā so cakkavattī nāma hotīti nāyuttam. Kasmā? Cakkavattananiyamāpekkhatāya. Yo hi niyamena cakkam vattessati, so paṭisandhito pabhuti ‘‘cakkavatti pātubhūto’’ti vattabbatam āpajjati. Laddhanāmassa ca purisassa mūluppattivacanatopi yuttamevetam. Yo hi esa cakkavattīti laddhanāmo sattaviseso, tassa paṭisandhisāṅkhāto pātubhāvoti ayamettha attho. Tassa hi pātubhāvā ratanāni pātubhavanti. Pātubhūtehi pana tehi saddhiṃ paripakke puññasambhāro so samyujjati, tadā lokassa tesu pātubhāvaccittam uppajjati. Bahulavacanato cāpi yuttamevetam. Yadā hi lokassa tesu pātubhāvasaññā uppajjati, tadā ekameva paṭhamam, pacchā itarāni cha pātubhavanti bahulavacanato cāpi etam yuttam. Pātubhāvassa ca atthabhedatopi yuttamevetam. Na kevalaṅhi pātubhūtameva pātubhāvo, pātubhāvayatīti pātubhāvo. Ayam pātubhāvassa atthabhedo. Yasmā yo so puññasambhāro rājānam cakkavattim paṭisandhivasena pātubhāvayati, tasmā rañño cakkavattissa pātubhāvā. Na kevalaṅhi cakkavattiyeva, imāni pana satta ratanānīpi pātubhavanti ayamettha attho. Yatheva hi so puññasambhāro rañño janakahetu, evam ratanānampi pariyaena upanissayahetūti yuttamevetam ‘‘rañño, bhikkhave, cakkavattissa pātubhāvā sattannam ratanānam pātubhāvo hotī’’ti.

Idāni tesam ratanānam sarūpavasena dassanattham **katamesam sattannam cakkaranassāti**ādīmāha. Tatha **cakkaratanassāti**ādīsu ayam saṅkhepādhippāyo – dvisahassadīparivārānam catunnam mahādīpānam sirivibhavam gahetvā dātum samatthassa **cakkaratanassa** pātubhāvo hoti, tathā purehattameva sāgarapariyantam pathaviṃ anupariyāyanasamatthassa vehāsaṅgamassa **hatthiratanassa**, tādisasseva **assaratanassa**, caturāngasamannāgatepi andhakāre yojanappamānam andhakāram vidhamitvā ālokadassanasamatthassa **maṇiratanassa**, chabbidham dosam vivajjetvā manāpacārino **itthiratanassa**, yojanappamāne padese antopathavigatānam nidhīnam dassanasamatthassa **gahapatiratanassa**, aggamahesiyā kucchimhi nibbattitvā sakalarajjānusāsanasamatthassa jeṭṭhaputtasaṅkhātassa **pariṇāyakaratanassa** ca pātubhāvo hotīti. Ayamettha saṅkhepo. Viṭṭhārato pana tesam cakkaratanādīnam pātubhāvavidhānam mahāsudassanādīsu suttesu āgatameva. Atthopissa tesam vaṇṇanāya samvaṇṇitoyeva.

Satisambojjhaṅgaratanassātiādīsu sarikkakatā evam veditabbā – yatheva hi cakkavattino cakkaratanam sabbaratanānam purecam, evam **satisambojjhaṅgaratanam** sabbesam catubhūmakadhammānam purecaranti, purecaranatthena cakkavattirañño cakkaratanasadisam hoti.

Cakkavattino ca ratanesu mahākāyūpapannaṃ accuggataṃ vipulaṃ mahantaṃ hatthiratanāṃ, idampi **dhammavicayasambojjhaṅgaratanāṃ** mahantaṃ dhammakāyūpapannaṃ accuggataṃ vipulaṃ mahantanti hatthiratanasadiṣaṃ hoti. Cakkavattino assaratanāṃ sīghaṃ lahu javaṃ, idampi **vīriyasambojjhaṅgaratanāṃ** sīghaṃ lahu javanti imāya sīghalahu javatāya assaratanasadiṣaṃ hoti. Cakkavattino maṇiratanāṃ andhakāraṃ vidhamati, ālokaṃ dasseti, idampi **pīṭisambojjhaṅgaratanāṃ** tāya ekantakusalattā kilesandhakāraṃ vidhamati, saha jātapaccayādivasena ñāṇālokaṃ dassetīti iminā andhakāra vidhamana āloka dassa nabhāvena maṇiratanasadiṣaṃ hoti.

Cakkavattino itthiratanāṃ kāyacittadarathaṃ paṭipassambheti, pariḷāhaṃ vūpasameti. Idampi **passaddhisambojjhaṅgaratanāṃ** kāyacittadarathaṃ paṭipassambheti, pariḷāhaṃ vūpasameti itthiratanasadiṣaṃ hoti. Cakkavattino gahapatiratanāṃ icchiticchitakkhaṇe dhanadānena vikkhepaṃ pacchindivā cittaṃ ekaggaṃ karoti, idampi **samādhisambojjhaṅgaratanāṃ** yathicchitādivasena appanaṃ sampādeti, vikkhepaṃ pacchindivā cittaṃ ekaggaṃ karotīti gahapatiratanasadiṣaṃ hoti. Cakkavattino ca pariṇāyakaratanāṃ sabbatthakiccasampādanena appossukkataṃ karoti. Idampi **upekkhāsambojjhaṅgaratanāṃ** cittuppādaṃ līnuddhacato mocetvā payogamajjhatte ṭhapayamānaṃ appossukkataṃ karotīti pariṇāyakaratanasadiṣaṃ hoti. Iti imasmiṃ sutte catubhūmako sabbasaṅgāhikadhammaparicchedo kathitoti veditabbo.

4-10. Duppaññasuttādivaṇṇanā

225-231. Catutthe **eḷamūgoti** mukhena vācaṃ nicchāretuṃ sakkontopi dosehi mūgo asampannavacano. Sesam sabbattha uttānatthamevāti.

Cakkavattivaggo.

6. Sākacchavaggo

1. Āhārasuttavaṇṇanā

232. Chaṭṭhavaggassa paṭhame **ayamāhāro anuppannessa vā satisambojjhaṅgassa uppādāyāti** adīsu ayaṃ purimanayato viṣeso. Na kevalaṅhi satisambojjhaṅgādīnaṃ ete vuttappakārāva uppādāya, uppannānaṃ vā bhāvanāya pāripūriyā paccayā honti, aññepi pana evaṃ veditabbā. Aparepi hi cattāro dhammā satisambojjhaṅgassa uppādāya saṃvattanti satisampajaññaṃ muṭṭhassatipuggalaparivajjanatā upaṭṭhitassatipuggalasevanatā tadadhimuttatāti. Abhikkantādīsu hi sattasu ṭhānesu satisampajaññaṇa, bhattanikkhittakākasadise muṭṭhassatipuggale parivajjanena, tissadattatheraabhayattherādīsadise upaṭṭhitassatipuggale sevanena, ṭhānanisajjādīsu satisamuṭṭhāpanatthaṃ ninnaponapabbhāracittatāya ca satisambojjhaṅgo uppajjati. Evaṃ catūhi kāraṇehi uppannessa panassa arahattamaggena bhāvanāpāripūrī hoti.

Satta dhammā **dhammavicayasambojjhaṅgassa** uppādāya saṃvattanti – paripucchakatā vatthuvisadakiriyā indriyasamattapaṭipādanā duppaññapuggalaparivajjanā paññavantapuggalasevanā gambhīraññācariyapaccavekkhaṇā tadadhimuttatāti. Tattha **paripucchakatāti** khandhadhātuāyatana indriyabalabojjhaṅgamaggaṅgajhānaṅgasamathavipassanānaṃ atthasannissitaparipucchābahulatā.

Vatthuvisadakiriyāti ajjhattikabāhirānaṃ vatthūnaṃ visadabhāvakaṇaṃ. Yadā hissa kesanakhalomāni dīghāni honti, sarīraṃ vā ussannadosaṅceva sedamalamakkhitaṅca, tadā ajjhattikavatthu avisadaṃ hoti aparisuddhaṃ. Yadā pana cīvaraṃ jīṇaṃ kiliṭṭhaṃ duggandhaṃ hoti, senāsaṇaṃ vā uklāpaṃ, tadā bāhiravatthu avisadaṃ hoti aparisuddhaṃ. Tasmā kesādichedanena uddhaṃvirecanaadhovirecanādīhi sarīrasallahukabhāvakaṇaṇa ucchādanānaḥāpanena ca ajjhattikavatthu visadaṃ kātabbaṃ. Sūcikkammadhovanarajanaparibhaṇḍakaraṇādīhi bāhiravatthu

visadaṃ kātappaṃ. Etasmiñhi ajjhattikabāhire vatthumhi avisade uppannesu cittacetāsikesu ñāṇampi avisadaṃ aparissuddhaṃ hoti aparissuddhāni dīpakapallakavaṭṭitelāni nissāya uppannadīpasikhāya obhāso viya. Visade pana ajjhattikabāhire vatthumhi uppannesu cittacetāsikesu ñāṇampi visadaṃ hoti parisuddhāni dīpakapallakavaṭṭitelāni nissāya uppannadīpasikhāya obhāso viya. Tena vuttaṃ – “vatthuvisadakiriya dhammavicayasambojjhaṅgassa uppādāya saṃvattatī”’ti.

Indriyasamattapaṭipādanā nāma saddhādīnaṃ indriyānaṃ samabhāvakaraṇaṃ. Sace hissa saddhindriyaṃ balavaṃ hoti, itarāni mandāni, tato vīriyindriyaṃ paggahakiccaṃ, satindriyaṃ upaṭṭhānakiccaṃ, samādhindriyaṃ avikkhepakiccaṃ, paññindriyaṃ dassanakiccaṃ kātuṃ na sakkoti. Tasmā taṃ dhammasabhāvapaccavekkhaṇena vā, yathā vā manasikaroto balavaṃ jātaṃ, tathā amanasikaraṇena hāpetappaṃ. **Vakkalitttheravatthu** cettha nidassanaṃ. Sace pana vīriyindriyaṃ balavaṃ hoti, atha neva saddhindriyaṃ adhimokkha-kiccaṃ kātuṃ sakkoti, na itarāni itarakiccabhedā. Tasmā taṃ passaddhādībhāvanāya hāpetappaṃ. Tatthāpi **soṇattherassa vatthu** dassetappaṃ. Evaṃ sesesupi ekassa balavabhāve sati itaresaṃ attano kicesu asamattatā veditabbā.

Visesato panettha saddhāpaññānaṃ samādhivīriyānañca samataṃ pasamsanti. Balavasaddho hi mandapañño mudhappasanno hoti, avatthusmiṃ pasīdati. Balavapañño pana mandasaddho kerāṭīkapakkaṃ bhajati, bhesajjasamuṭṭhito viya rogo atekiccho hoti. Cittuppādamatteneva kusalaṃ hotīti atidhāvītvā dānādīni akaronto niraye uppajjati. Ubhinnaṃ samatāya vatthusmiṃyeva pasīdati. Balavasamādhimānaṃ mandavīriyaṃ samādhissa kosajjapakkhattā kosajjaṃ abhibhavati. Balavavīriyaṃ mandasamādhimānaṃ vīriyassa uddhaccapakkhattā uddhaccaṃ abhibhavati. Samādhī pana vīriyena saṃyojito kosajje patitūṃ na labhati, vīriyaṃ samādhinā saṃyojitaṃ uddhacce patitūṃ na labhati. Tasmā tadubhayaṃ samaṃ kātappaṃ. Ubhayasamatāya hi appanā hoti.

Api ca samādhikammikassa balavatīpi saddhā vaṭṭati. Evaṃ saddahanto okappento appanaṃ pāpuṇissati. Samādhīpaññāsu pana samādhikammikassa ekaggatā balavatī vaṭṭati. Evañhi so appanaṃ pāpuṇāti. Vipassanā-kammikassa paññā balavatī vaṭṭati. Evañhi so lakkhaṇapaṭivedhaṃ pāpuṇāti. Ubhinnaṃ pana samatāyapi appanā hotiyeva. Sati pana sabbattha balavatī vaṭṭati. Sati hi cittaṃ uddhaccapakkhikānaṃ saddhāvīriyapaññānaṃ vasena uddhaccapātato, kosajjapakkhikena ca samādhinā kosajjapātato rakkhati. Tasmā sā loṇadhūpanaṃ viya sabbabyañjanesu, sabbakammikaamacco viya ca sabbarājakkicesu sabbattha icchitabbā. Tenāha “sati ca pana sabbatthikā vuttā bhagavatā. Kiṃ kāraṇā? Cittañhi satipaṭisaraṇaṃ, āra-kkhapaccupaṭṭhānā ca sati, na vinā satiyā cittassa paggahaniggaho hotī”’ti.

Duppaññapuggalaparivajjanā nāma khandhādibhede anogālhapaññānaṃ dummedhapuggalānaṃ ārakā parivajjanaṃ. **Paññavantapuggalasevanā** nāma samapaññāsalakkhaṇapariggāhikāya udayabbayapaññāya samannāgatapuggalasevanā. **Gambhīraññācariyapaccavekkhaṇā** nāma gambhīresu khandhādīsu pavattāya gambhīrapaññāya pabhedapaccavekkhaṇā. **Tadadhimuttatā** nāma ṭhānanisajjādīsu dhammavicayasambojjhaṅgasamuṭṭhāpanatthaṃ ninnapoṇapabbhāracittatā. Evaṃ uppannessa panassa arahattamaggena bhāvanāpāripūrī hoti.

Ekādasa dhammā **vīriyasambojjhaṅgassa** uppādāya saṃvattanti – apāyabhayapaccavekkhaṇatā, ānisamsadassāvītā, gamanavīthipaccavekkhaṇatā, piṇḍapātāpacāyanatā, dāyajjamahattapaccavekkhaṇatā, satthumahattapaccavekkhaṇatā, jātimahattapaccavekkhaṇatā, sabrahmacārimahattapaccavekkhaṇatā, kusītapuggalaparivajjanatā, āradhāvīriyapuggalasevanatā, tadadhimuttatāti.

Tattha “nirayesu pañcavidhabandhanakammakāraṇato paṭṭhāya mahādukkhaṃ anubhavanakālepi, tiracchānayanoniyāṃ jālakhipanakumīnādīhi gahitakālepi, pājanakaṇṭakādippahāratunnassa pana sakataṇṭavahanādīkālepi, pettivisaye anekānīpi vassasahassāni ekaṃ buddhantarampi khuppipāsāhi āturībhūtakālepi, kālakañcikaasuresu saṭṭhihatthaasītihatthappamāṇena aṭṭhicammamatteneva attabhāvena vātātapādidukkhānubhavanakālepi na sakkā vīriyasambojjhaṅgaṃ uppādetuṃ. Ayameva te

bhikkhu kālo’’ti evaṃ **apāyabhaṃ paccavekkhantassāpi** vīriyasambojjhaṅgo uppajjati.

‘‘Na sakkā kusītena navalokuttaradhammaṃ laddhuṃ, āradhvīriyeneva sakkā ayamānisamso vīriyassā’’ti evaṃ **ānisamsadassāvīnopi** uppajjati. ‘‘Sabbabuddha-pacceka-buddha-mahāsāvakeheva gatamaggo te gantabbo. So ca na sakkā kusītena gantu’’nti evaṃ **gamanavīthiṃ paccavekkhantassāpi** uppajjati.

‘‘Ye taṃ piṇḍapātādīhi upaṭṭhahanti, ime te manussā neva ñātakā, na dāsakammakarā, nāpi ‘taṃ nissāya jīviṣṣāma’’ti te paṇītāni piṇḍapātādīni denti. Atha kho attano kārānaṃ mahapphalataṃ paccāsīsamānā denti. Satthārāpi ‘‘ayaṃ ime paccaye paribhuñjitvā kāyadaḥhibahulo sukhaṃ viharissati’’ti na evaṃ sampassatā tuyhaṃ paccayā anuññātā, atha kho ‘‘ayaṃ ime paribhuñjamānova samaṇadhammaṃ katvā vaṭṭadukkhato mucchissati’’ti te paccayā anuññātā, so dāni tvaṃ kusīto viharanto na taṃ piṇḍaṃ apacāyissasi, āradhvīriyasēva hi piṇḍapātāpacāyanaṃ nāma hotī’’ti evaṃ **piṇḍapātāpacāyanaṃ paccavekkhantassāpi** uppajjati **mahāmittattherassa** viya.

Thero kira kassakaleṇe nāma paṭivasati. Tasseva gocaragāme ekā mahāupāsikā therāṃ puttaṃ katvā paṭijagati. Sā ekadivasāṃ araṇṇaṃ gacchantī dhītaraṃ āha – ‘‘amma, asukasmīṃ ṭhāne purāṇataṇḍulā, asukasmīṃ khīraṃ, asukasmīṃ sappi, asukasmīṃ phāṇitaṃ, tava bhātikassa ayyamittassa āgatakāle bhattaṃ pacitvā khīrasappiphāṇitehi saddhiṃ dehi, tvañca bhuñjeyyāsi, ahaṃ pana hiyyo pakkaṃ pāriyāsikabhattaṃ kañjiyena bhuttāmhī’’ti. ‘‘Divā kiṃ bhuñjissasi, amma’’ti? ‘‘Sākapaṇṇaṃ pakkhipitvā kaṇṭaṇḍulehi ambilayāguṃ pacitvā ṭhapehi, amma’’ti.

Thero cīvaraṃ pārupitvā pattaṃ nīharantova taṃ saddaṃ sutvā attānaṃ ovadi ‘‘mahāupāsikā kira kañjiyena pāriyāsikabhattaṃ bhuñjitvā divāpi kaṇṭaṇḍambilayāguṃ bhuñjissati, tuyhaṃ atthāya pana purāṇataṇḍulādīni ācikkhati, taṃ nissāya kho panesā neva khettaṃ na vatthūṃ na bhattaṃ na vatthaṃ paccāsīsatī, tisso pana sampattiyo pathayamānā deti, tvaṃ etissā tā sampattiyo dātuṃ sakkhissasi, na sakkhissasīti, ayaṃ kho pana piṇḍapāto tayā sarāgena sadosena samohena na sakkā gaṇḥitu’’nti pattaṃ thavikāya pakkhipitvā gaṇṭhikaṃ muñcitvā nivattitvā kassakaleṇameva gantvā pattaṃ heṭṭhāmañce, cīvaraṃ cīvaravaṃse ṭhapetvā ‘‘arahattaṃ apāpuṇitvā na nikkhamissāmi’’ti vīriyaṃ adhiṭṭhahitvā nisīdi. Dīgharattaṃ appamatto hutvā nivutthabhikkhu vipassanaṃ vaḍḍhetvā purebhattameva arahattaṃ patvā vikaṣamānāniva padumaṃ mahākhīṇāsavo sitaṃ karontova nikkhami. Leṇadvāre rukkhāmi adhiṭṭhā devatā –

‘‘Namo te purisājañña, namo te purisuttama;
Yassa te āsavā khīṇā, dakkhiṇeyyosi mārisā’’ti. –

Udānaṃ udānetvā ‘‘bhante, piṇḍāya pavitṭhānaṃ tumhādisānaṃ arahantānaṃ bhikkhaṃ datvā mahallakittiyo dukkhā mucchissanti’’ti āha. Thero uṭṭhahitvā dvāraṃ vivaritvā kālaṃ olokento ‘‘pātōyevā’’ti ñatvā pattacīvaraṃ ādāya gāmaṃ pāvīsi.

Dārikāpi bhattaṃ sampādetvā ‘‘idāni me bhātā āgamissati, idāni āgamissati’’ti dvāraṃ olokayamānā nisīdi. Sā there gharadvāraṃ sampatte pattaṃ gahetvā sappiphāṇitayojitassa khīrapīṇḍapātassa pūretvā hatthe ṭhapesi. Thero ‘‘sukhaṃ hotū’’ti anumodanaṃ katvā pakkāmi. Sāpi taṃ olokayamānāva aṭṭhāsī. Therassa hi tadā ativiya parisuddho chavivaṇṇo ahosi, vipassannāni indriyāni, mukhaṃ bandhanā muttatālapakkaṃ viya ativiya virocittha.

Mahāupāsikā araṇṇato āgantvā ‘‘kiṃ, amma, bhātiko te āgato’’ti pucchi. Sā sabbaṃ taṃ pavattim ārocesi. Upāsikā ‘‘ajja me puttassa pabbajitakiccaṃ matthakaṃ patta’’nti ñatvā ‘‘abhiramati te, amma, bhātā buddhasāsane, na ukkaṇṭhati’’ti āha.

‘‘Mahantaṃ kho panetaṃ satthudāyajjaṃ, yadidaṃ satta ariyadhaṇāni nāma, taṃ na sakkā kusītena

gahetuṃ. Yathā hi vippaṭṭipannaṃ puttaṃ mātāpitaro ‘ayaṃ amhākaṃ aputto’ti paribāhiraṃ karonti, so tesam accayena dāyajjaṃ na labhati, evaṃ kusītopi idaṃ ariyadhanadāyajjaṃ na labhati, āradhaviṛiyova labhati”ti **dāyajjamahattaṃ paccavekkhatopi** uppajjati.

“Mahā kho pana te satthā, satthuno hi te mātukucchismiṃ paṭisandhiggahaṇakālepi abhinikkhamanepi abhisambodhiyampi dhammacakkappavattana-yamakapāṭihāriya-devorohana-āyusaṅkhāravossajjanepi parinibbānakālepi dasasahassilokadhātu akampittha. Yuttaṃ nu kho te evarūpassa satthu sāsane pabbajitvā kusītena bhavitu”nti evaṃ **satthumahattaṃ paccavekkhatopi** uppajjati.

“Jātiyāpi tvaṃ idāni na lāmakajātiko, asambhinnāya mahāsammatapeṇiyā āgataukkākārājavamse jātosi, suddhodanamahārājassa ca mahāmāyādeviyā ca nattā, rāhulabhaddassa kaniṭṭho, tayā nāma evarūpena jinaputtana hutvā na yuttaṃ kusītena viharitu”nti evaṃ **jātimahattaṃ paccavekkhatopi** uppajjati.

“Sāriputtamoggallānā ceva asīti mahāsāvaka ca vīriyeneva lokuttaradhammaṃ paṭivijjhimsu. Tvaṃ pana etesaṃ sabrahmacārīnaṃ maggaṃ paṭipajjasi, na paṭipajjasi”ti evaṃ **sabrahmacārimahattaṃ paccavekkhatopi** uppajjati.

Kucchiṃ pūretvā ṭhitaajagarasadiṣe vissaṭṭhakāyikacetasikavīriye kusītapuggale parivajjentassāpi, āradhaviṛiye pahitatte puggale sevantassāpi ṭhānanisajjādīsu vīriyuppādanatthaṃ ninnapoṇapabbhāracittassāpi uppajjati. Evaṃ uppānassa panassa arahattamaggena bhāvanāpāripūrī hoti.

Ekādasa dhammā **pītisambojjhaṅgassa** uppādāya saṃvattanti – buddhānussati dhammo, saṅgho, sīlaṃ, cāgo, devatānussati, upasamānussati, lūkhapuggalaparivajjanatā, siniddhapuggalasevanatā, pasādanīyasuttantapaccavekkhaṇatā, tadadhimmuttatāti.

Buddhagūṇe anussarantassāpi hi yāva upacārā sakalasarīraṃ pharamāno pītisambojjhaṅgo uppajjati, dhammasaṅghagūṇe anussarantassāpi, dīgharattaṃ akhaṇḍaṃ katvā rakkhitaṃ catupārisuddhisīlaṃ paccavekkhantassāpi, gihino dasasīlapañcasīlāni paccavekkhantassāpi, dubbhikkhabhayādīsu paṇītaṃ bhojanaṃ sabrahmacārīnaṃ datvā “evaṃ nāma adamhā”ti cāgaṃ paccavekkhantassāpi, gihinopi evarūpe kāle sīlavantānaṃ dinnadānaṃ paccavekkhantassāpi, yehi guṇehi samannāgatā devattaṃ pattā, tathārūpānaṃ attani atthitaṃ paccavekkhantassāpi, samāpattiyā vikkhambhitā kilesā saṭṭhipi sattatipi vassāni na samudācarantīti paccavekkhantassāpi, cetiyadassanabodhidassanatheradassanesu asakkaccakiriyāya saṃsūcitalūkhabhāve buddhādīsu pasādāsinehābhāvena gadrabhapiṭṭharajasadiṣe lūkhapuggale parivajjentassāpi, buddhādīsu pasādabahule muducitte siniddhapuggale sevantassāpi, ratanattayagūṇaparidīpake pasādanīye suttante paccavekkhantassāpi, ṭhānanisajjādīsu pītiuppādanatthaṃ ninnapoṇapabbhāracittassāpi uppajjati. Evaṃ uppānassa panassa arahattamaggena bhāvanāpāripūrī hoti.

Satta dhammā **passaddhisambojjhaṅgassa** uppādāya saṃvattanti – paṇītabhojanasevanatā, utusukhasevanatā, iriyāpathasukhasevanatā, majjhattapayogatā, sāraddhakāyapuggalaparivajjanatā, passaddhakāya-puggalasevanatā, tadadhimmuttatāti.

Paṇītañhi siniddhaṃ bhojanaṃ bhuñjantassāpi, sītuṅhesu utūsu ṭhānādīsu ca iriyāpathesu sappāyaṃ utuñca iriyāpathaṅca sevantassāpi passaddhi uppajjati. Yo pana mahāpurisajātiko sabbautiriyāpathakkhamova hoti, na taṃ sandhāyetaṃ vuttaṃ. Yassa sabhāgavisabhāgatā atthi, tasseva visabhāge utuiriyāpathe vajjetvā sabhāge sevantassa uppajjati. Majjhattapayogo vuccati attano ca parassa ca kammassakatapaccavekkhaṇā. Iminā majjhattapayogena uppajjati. Yo leḍḍudaṇḍādīhi paraṃ viheṭṭhayamānova vicarati, evarūpaṃ sāraddhakāyapuggalaṃ parivajjentassāpi, samyatapādapaṇiṃ

passaddhakāyaṃ puggalaṃ sevantassāpi, ṭhānanisajjādīsu passaddhiuppādanatthāya ninnapoṇapabbhāracittassāpi uppajjati. Evaṃ uppānassa paṇassa arahattamaggena bhāvanāpāripūrī hoti.

Dasa dhammā **samādhisambojjhaṅgassa** uppādāya saṃvattanti – vatthuvisadakiriyatā, indriyasamattapaṭipādanatā, nimittakusalatā, samaye cittassa paggaṇhanatā, samaye cittassa niggaṇhanatā, samaye sampahaṃsanatā, samaye ajjupekkhanatā, asamāhitapuggalaparivajjanatā, samāhitapuggalasevanatā, tadadhimuttatāti. Tattha **vatthuvisadakiriyatā** ca **indriyasamattapaṭipādanatā** ca vuttanayeneva veditabbā.

Nimittakusalatā nāma kasiṇanimittassa uggahaṇakusalatā. **Samaye cittassa paggaṇhanatā**ti yasmiṃ samaye atisithilavīriyatādīhi līnaṃ cittaṃ hoti, tasmīṃ samaye dhammavicayavīriyapītisambojjhaṅgasamuṭṭhāpanena tassa paggaṇhanaṃ. **Samaye cittassa niggaṇhanatā**ti yasmiṃ samaye accāraddhavīriyatādīhi uddhataṃ cittaṃ hoti, tasmīṃ samaye passaddhisamādhipekkhāsambojjhaṅgasamuṭṭhāpanena tassa niggaṇhanaṃ. **Samaye sampahaṃsanatā**ti yasmiṃ samaye cittaṃ paññāpayogamandatāya vā upasamasukhānaṃ vigamena vā nirassādaṃ hoti, tasmīṃ samaye aṭṭhasaṃvegavatthupaccavekkhaṇena saṃvejeti. **Aṭṭha saṃvegavatthūni** nāma jātijarābyādhimaraṇāni cattāri, apāyadukkhaṃ pañcamāṃ, atīte vaṭṭamūlakaṃ dukkhaṃ, anāgate vaṭṭamūlakaṃ dukkhaṃ, paccuppanne āhārapariyēṭṭhimūlakaṃ dukkhanti. Ratanattayaguṇānussaraṇena ca pasādaṃ janeti, ayaṃ vuccati “samaye sampahaṃsanatā”ti.

Samaye ajjupekkhanatā nāma yasmiṃ samaye sammāpaṭipattiṃ āgamma alīnaṃ anuddhataṃ anirassādaṃ ārammaṇe samappavattaṃ samathavīthipaṭipannaṃ cittaṃ hoti, tadāssa paggaṇhaniggaṇhasampahaṃsanesu na byāpāraṃ āpajjati sārathi viya samappavattesu assesu. Ayaṃ vuccati “samaye ajjupekkhanatā”ti. **Asamāhitapuggalaparivajjanatā** nāma upacāraṃ vā appanaṃ vā appattānaṃ vikkhittacittānaṃ puggalānaṃ ārakā parivajjanaṃ. **Samāhitapuggalasevanatā** nāma upacārena vā appanāya vā samāhitacittānaṃ sevanaṃ bhajānaṃ payirupāsanaṃ. **Tadadhimuttatā** nāma ṭhānanisajjādīsu samādhīuppādanatthameva ninnapoṇapabbhāracittatā. Evañhi paṭipajjato esa uppajjati. Evaṃ uppānassa paṇassa arahattamaggena bhāvanāpāripūrī hoti.

Pañca dhammā **upekkhāsambojjhaṅgassa** uppādāya saṃvattanti – sattamajjhataṭṭatā, saṅkhāramajjhataṭṭatā, sattasaṅkhāraṅkēlāyanapuggalaparivajjanatā, sattasaṅkhāramajjhataṭṭatā, tadadhimuttatāti. Tattha dvīhākārehi **sattamajjhataṭṭatā** samuṭṭhāpeti – “tvam attanova kammena āgantvā attanova kammena gamissasi, esopi attano kammena āgantvā attanova kammena gamissati, tvam kaṃ kelāyasi”ti evaṃ kammassakatapaccavekkhaṇena ca – “paramatthato sattoyeva natthi, so tvam kaṃ kelāyasi”ti evaṃ nissattapaccavekkhaṇena ca. Dvīhevākārehi **saṅkhāramajjhataṭṭatā** samuṭṭhāpeti – “idaṃ cīvaraṃ anupubbena vaṇṇavikāratañceva jiṇṇabhāvañca upagantvā pādapuñchanacoḷakaṃ hutvā yaṭṭhikoṭiyā chaḍḍanīyaṃ bhavissati, sace paṇassa sāmiko bhavēyya, nāyaṃ evaṃ vinassituṃ dadeyyā”ti evaṃ assāmikabhāvapaccavekkhaṇena ca, “anaddhaniyaṃ idaṃ tāvakālika”nti evaṃ tāvakālikabhāvapaccavekkhaṇena ca. Yathā ca cīvare, evaṃ pattādīsupi yojanā kātabbā.

Sattasaṅkhāraṅkēlāyanapuggalaparivajjanatāti ettha yo puggalo gihi vā attano puttadhītādike, pabbajito vā attano antevāsikasamānupajjhāyakādike mamāyati, sahatthāva nesam kesacchedana-sūcikkamma-cīvaradhovana-rajana-pattapacanādīni karoti, muhuttampi apassanto “asuko sāmaṇero kuhiṃ, asuko daharo kuhi”nti bhantamigo viya ito cito ca āloketi, añña kesacchedanādīnaṃ atthāya “muhuttaṃ tāva asukaṃ pesethā”ti yāciyamānopi “amhepi taṃ attano kammaṃ na kārema, tumhe naṃ gahetvā kilamessathā”ti na deti, ayaṃ **sattakelāyano** nāma. Yo pana cīvarapattathālakakattarayāṭṭhīādīni mamāyati, añña hatthena parāmasitumpi na deti, tāvakālikaṃ yācitopi “mayampi imaṃ dhanāyantā na paribhuñjāma, tumhākaṃ kiṃ dassāmā”ti vadati, ayaṃ **saṅkhāraṅkēlāyano** nāma. Yo pana tesu dvīsupi vatthūsu majjhato udāsino, ayaṃ

sattasaṅkhāramajjhato nāma. Iti ayaṃ upekkhāsambojjhaṅgo evarūpaṃ sattasaṅkhāra kelāyanapuggalaṃ ārakā parivajjentassāpi, sattasaṅkhāramajjhatappuggalaṃ sevantassāpi, ṭhānanisajjādīsu taduppādanatthaṃ ninnapoṇapabbhāracittassāpi uppajjati. Evaṃ uppanassa panassa arahattamaggena bhāvanāpāripūrī hoti.

Asubhanimittanti uddhumātakādibhedā dasa asubhārammaṇā dhammā.

Yonisomanasikārabahulikāroti ettha pana yonisomanasikāro nāma upāyamanasikāro, pathamanasikāro, uppādakamanasikāro. Apica cha dhammā kāmaccchandassa pahānāya saṃvattanti – asubhanimittassa uggaho, asubhabhāvanānuyogo, indriyesu guttadvāratā, bhojane mattaññutā, kalyāṇamittatā, sappāyakathāti.

Dasavidhañhi asubhanimittaṃ uggaṇhantassāpi kāmaccchando pahīyati, bhāventassāpi, indriyesu guttadvārassāpi, catunnaṃ pañcannaṃ ālopānaṃ okāse sati udakaṃ pivitvā yāpanasīlatāya bhojane mattaññunopi. Tenetaṃ vuttaṃ –

“Cattāro pañca ālope, abhutvā udakaṃ pive;
Alaṃ phāsuvihārāya, pahitattassa bhikkhuno”ti. (theragā. 983);

Asubhakammikatisattherasadise asubhabhāvanārate kalyāṇamitte sevantassāpi kāmaccchando pahīyati, ṭhānanisajjādīsu dasaasubhanimittāya-sappāyakathāyapi pahīyati. Tena vuttaṃ “cha dhammā kāmaccchandassa pahānāya saṃvattantī”ti. Imehi pana chahi dhammehi pahīnassa kāmaccchandassa arahattamaggena āyatim anuppādo hoti.

Mettā cetovimuttīti ettha mettāti vutte appanāpi upacāropi vaṭṭati, cetovimuttīti appanāyeva.

Yonisomanasikāro vuttalakkaṇova. Apica cha dhammā **byāpādassa** pahānāya saṃvattanti – mettānimittassa uggaho, mettābhāvanānuyogo, kammassakatāpaccavekkhaṇatā, paṭisaṅkhānabahulatā, kalyāṇamittatā, sappāyakathāti.

Odissakaanodissakadisāpharaṇānañhi aññataravasena mettaṃ uggaṇhantassāpi byāpādo pahīyati, tathā odhisodhisodisāpharaṇavasena mettaṃ bhāventassāpi. “Tvam etassa kuddho kiṃ karissasi? Kimassa sīlādīni nāsetuṃ sakkhissasi? Nanu tvam attano kammena āgantvā attano kammena gamissasi? Parassa kujjhanam nāma vītaccikaṅgāratattaayasalākagūthādīni gahetvā param paharitukāmatāsadisam hoti. Esopi tava kuddho kiṃ karissati? Kiṃ te sīlādīni vināsetuṃ sakkhissati? Esa attano kammena āgantvā attano kammena gamissati? Appaṭicchitapahēnaṃ viya paṭivātaṃ khittarajomuṭṭhi viya ca etassevesa kodho matthake patissati”ti evam attano ca parassa ca kammassakataṃ paccavekkhatopi, ubhayakammassakataṃ paccavekkhitvā paṭisaṅkhāne ṭhitassāpi, assaguttattherasadise mettābhāvanārate kalyāṇamitte sevantassāpi byāpādo pahīyati, ṭhānanisajjādīsu mettānissitasappāyakathāyapi pahīyati. Tena vuttaṃ “cha dhammā byāpādassa pahānāya saṃvattantī”ti. Imehi pana chahi dhammehi pahīnassa byāpādassa anāgāmimaggena āyatim anuppādo hoti.

Atthi bhikkhave aratītiādi vuttatthameva. Api ca cha dhammā **thinamiddhassa** pahānāya saṃvattanti – atibhojane nimittaggāho, iriyāpathasamparivattanatā, ālokasaññāmanasikāro, abbhokāsavāso, kalyāṇamittatā, sappāyakathāti.

Āharahattakam, bhuttavamitakam, tatravaṭṭakam, alaṃsātakam, kākamāsakabhojanam bhuñjitvā rattitṭhānadivāṭṭhāne nisinnassa hi samaṇadhammaṃ karoto thinamiddham mahāhatthī viya ottharantaṃ āgacchati, catupañcālopaokāsam pana ṭhapetvā pānīyam pivitvā yāpanasīlassa bhikkhuno tam na hotīti evam atibhojane nimittaṃ gaṇhantassāpi thinamiddham pahīyati. Yasmiṃ iriyāpathe thinamiddham okkamati, tato aññaṃ parivattentassāpi, rattim candālokadīpālokaukkāloke divā sūriyālokaṃ manasikarontassāpi, abbhokāse vasantassāpi, mahākassapattherasadise pahīnathinamiddhe kalyāṇamitte

sevantassāpi thinamiddham pahīyati, ṭhānanisajjādīsu dhutaṅganissitasappāyakathāyapi pahīyati. Tena vuttam “cha dhammā thinamiddhassa pahānāya saṃvattanti”ti. Imehi pana chahi dhammehi pahīnassa thinamiddhassa arahattamaggena āyatim anuppādo hoti.

Atthi bhikkhave cetaso vūpasamotiādīni vuttatthāneva. Apica cha dhammā **uddhaccakukkuccassa** pahānāya saṃvattanti – bahussutatā, paripucchakatā, vinaye pakataññutā, vuddhasevitatā, kalyāṇamittatā, sappāyakathāti.

Bāhusaccenapi hi ekaṃ vā dve vā tayo vā cattāro vā pañca vā nikāye pālīvasena ca atthavasena ca uggaṇhantassāpi uddhaccakukkuccam pahīyati, kappiyākappiyaparipucchābahulassāpi, vinayapaññattiyam ciṇṇavasībhāvatāya pakataññunopi, vuddhe mahallakatthere upasaṅkamantassāpi, upālītherasadise vinayadhare kalyāṇamitte sevantassāpi, uddhaccakukkuccam pahīyati, ṭhānanisajjādīsu kappiyākappiyaniissitasappāyakathāyapi pahīyati. Tena vuttam “cha dhammā uddhaccakukkuccassa pahānāya saṃvattanti”ti. Imehi pana chahi dhammehi pahīne uddhaccakukkucce uddhaccassa arahattamaggena, kukkuccassa anāgāmimaggena āyatim anuppādo hotīti.

Kusalākusalā dhammātiādīnīpi vuttatthāneva. Apica cha dhammā **vicikicchāya** pahānāya saṃvattanti – bahussutatā, paripucchakatā, vinaye pakataññutā, adhimokkhabahulatā, kalyāṇamittatā, sappāyakathāti.

Bāhusaccenapi hi ekaṃ vā...pe... pañca vā nikāye pālīvasena ca atthavasena ca uggaṇhantassāpi vicikicchā pahīyati, tiṇi ratanāni ārabba paripucchābahulassāpi, vinaye ciṇṇavasībhāvassāpi, tīsu ratanesu okappaniyasaddhāsaṅkhātaadhimokkhabahulassāpi, saddhādhimutte vakkalītherasadise kalyāṇamitte sevantassāpi vicikicchā pahīyati, ṭhānanisajjādīsu tiṇṇam ratanānam guṇaniissitasappāyakathāyapi pahīyati. Tena vuttam “cha dhammā vicikicchāya pahānāya saṃvattanti”ti. Imehi pana chahi dhammehi pahīnāya vicikicchāya sotāpattimaggena āyatim anuppādo hoti. Iti bhagavā imasmim sutte desanam tīhi bhavehi nivattetvā arahattena kūṭam gaṇhi. Desanāpariyosāne pañcasatā bhikkhū arahattam pāpuṇṇimsu.

2. Pariyāyasuttavaṇṇanā

233. Dutīye **sambahulāti** vinayapariyāyena tayo janā sambahulāti vuccanti, tato param saṅgho. Suttantapariyāyena tayo tayo eva, tato uddham sambahulā. Idha suttantapariyāyena sambahulāti veditabbā. **Piṇḍāya pavisimsūti** piṇḍāya pavittā. Te pana na tāva pavittā, “pavisissāmā”ti nikkhantattā pana pavisimsūti vuttā. Yathā kiṃ? Yathā “gāmaṃ gamissāmī”ti nikkhantapuriso tam gāmaṃ apattopi “kahaṃ itthannāmo”ti vutte “gāmaṃ gato”ti vuccati, evaṃ. **Paribbājakānam ārāmoti** jetavanassa avidūre aññatitthiyānam paribbājakānam ārāmo atthi, tam sandhāyetam vuttam. **Samaṇo āvusoti** āvuso tumhākaṃ sathā samaṇo gotamo.

Mayampi kho āvuso sāvakānam evaṃ dhammaṃ desemāti titthiyānam samaye “pañca nīvaraṇā pahātabbā, satta bojjhaṅgā bhāvetabbā”ti etaṃ natthi. Te pana ārāmaṃ gantvā parisapariyante ṭhatvā aññam olokento viya aññavihitakā viya hutvā bhagavato dhammadesanam suṇanti. Tato “samaṇo gotamo ‘idaṃ pajahatha idaṃ bhāvetthā’ti vadatī”ti sallakkhetvā attano ārāmaṃ gantvā ārāmamajjhe āsanam paññāpetvā upaṭṭhāyakaupaṭṭhāyikāhi parivutā sīsam ukkhipitvā kāyam unnāmetvā attano sayambhūñāṇena paṭividdhākāraṃ dassentā – “pañca nīvaraṇā nāma pahātabbā, satta bojjhaṅgā nāma bhāvetabbā”ti kathenti.

Idha no āvusoti ettha **idhāti** imasmim paññāpane. **Ko visesoti** kiṃ adhikaṃ? **Ko adhippayāsoti** ko adhikappayogo? **Kiṃ nānākaraṇanti** kiṃ nānattam? **Dhammadesanāya vā dhammadesananti** yadidaṃ samaṇassa vā gotamassa dhammadesanāya saddhim amhākaṃ dhammadesanam, amhākaṃ vā dhammadesanāya saddhim samaṇassa gotamassa dhammadesanam ārabba nānākaraṇam vucceyya, tam

kinnāmāti vadanti. Dutiyapadepe ese va nayo.

Neva abhinandiṃsūti “evameva”nti na sampaṭicchimsu. **Nappaṭikkosimsūti** “nayidaṃ eva”nti na paṭisedhiṃsu. Kiṃ pana te pahontā evaṃ akaṃsu, udāhu appahontāti? Pahontā. Na hi te ettakaṃ kathaṃ kathetuṃ na sakkonti “āvuso tumhākaṃ samaye pañca nīvaraṇā pahātabbā nāma natthi, satta bojjhaṅgā bhāvetabbā nāma natthi”ti. Evaṃ pana tesam ahoṣi – “atthi no etaṃ kathāpābhatam, mayaṃ etaṃ satthu āroccāma, atha no satthā madhuradhammadesanaṃ desessati”ti.

Pariyāyoti kāraṇaṃ. **Na ceva sampāyissanti** sampādetvā kathetuṃ na sakkhissanti. **Uttariṇca vighātanti** asampāyanato uttarimpi dukkhaṃ āpajjissanti. Sampādetvā kathetuṃ asakkontānañhi dukkhaṃ uppajjati. **Yathā taṃ, bhikkhave, avisayasminti** ettha **tanti** nipātamattaṃ, **yathāti** kāraṇavacanaṃ, yasmā avisaye pañho pucchitoti attho. **Sadevake**ti saha devehi sadevake. **Samārakādīsūpi** ese va nayo. Evaṃ tiṇi ṭhānāni loke pakkipitvā dve pajāyāti, pañcahipi satta lokameva pariyaḍiyitvā etasmiṃ sadevakādibhede loke devaṃ vā manussaṃ vā na samanupassāmīti dīpeti. **Ito vā pana sutvāti** ito vā pana mama sāsanaṃ sutvā. Ito sutvā hi tathāgato tathāgatasāvako pi ārādheyya, paritoseyya, aññathā ārādhanā nāma natthīti dasseti.

Idāni attano tesam pañhānaṃ veyyākaraṇena cittārādhanam dassento **katamo ca bhikkhave pariyaḍiyoti**ādīmāha. Tattha **ajjhataṃ kāmacchandoti** attano pañcakkhandhe ārabba uppannachandarāgo. **Bahiddhā kāmacchandoti** paresam pañcakkhandhe ārabba uppannachandarāgo. **Uddesaṃ gacchatīti** gaṇanaṃ gacchati. **Ajjhattaṃ byāpādoti** attano hatthapādādīsū uppannapaṭigho. **Bahiddhā byāpādoti** paresam tesu uppannapaṭigho. **Ajjhattaṃ dhammesu vicikicchāti** attano khandhesu vimati. **Bahiddhā dhammesu vicikicchāti** bahiddhā aṭṭhasu ṭhānesu mahāvicikicchā. **Ajjhattaṃ dhammesu satīti** ajjhattike saṅkhāre paṭiggaṇhantassa uppannā sati. **Bahiddhā dhammesu satīti** bahiddhā saṅkhāre pariggaṇhantassa uppannā sati. **Dhammavicayasambojjhaṅgepi** ese va nayo.

Kāyikanti caṅkamaṃ adhiṭṭhahantassa uppannavīriyaṃ. **Cetasikanti** – “na tāvāhaṃ imaṃ pallaṅkaṃ bhindissāmi, yāva me anupādāya āsavehi cittaṃ vimuccissati”ti evaṃ kāyapayogaṃ vinā uppannavīriyaṃ. **Kāyappassaddhīti** tiṇṇaṃ khandhānaṃ darathapassaddhi. **Cittappassaddhīti** viññāṇakkhandhassa darathapassaddhi. **Upekkhāsambojjhaṅge** satisambojjhaṅgasadisova vinicchayo.

Imasmiṃ sutte missakasambojjhaṅgā kathitā. Etesu hi ajjhattadhammesu sati, pavicayo, upekkhāti ime attano khandhārammaṇattā lokiyāva honti, tathā maggaṃ apattaṃ kāyikavīriyaṃ. Avitakkaavicārā pana pītisamādhī kiñcāpi rūpāvacarā honti, rūpāvacare pana bojjhaṅgā na labbhanti lokuttarāva honti. Ye ca therā brahmavihāravipassanāpādakajjhānādīsū bojjhaṅge uddharanti, tesam matena rūpāvacarāpi arūpāvacarāpi honti. Bojjhaṅgesu hi arūpāvacare pītiyeva ekantena na labhati, sesā cha missakāva hontīti. Desanāpariyosāne keci bhikkhū sotāpannā jātā, keci sakadāgāmī, keci anāgāmī, keci arahantoti.

3. Aggisuttavaṇṇanā

234. Tatiye **satiṇca khvāhaṃ, bhikkhave, sabbatthikaṃ vadāmīti** loṇadhūpanaṃ viya sabbakammikāmaccaṃ viya ca sabbattha icchitabbaṃ vadāmīti attho. Yathā hi loṇadhūpanaṃ sabbabyañjanesūpi nivisati, yathā ca sabbakammiko amacco yodhakammampi karoti mantakammampi paṭihāraṅgampi sabbakiccāni sādheti, evaṃ uddhatassa cittassa niggaṇhanaṃ, līnassa paggaṇhananti sabbametaṃ satiyā ijjhati, na sakkā vinā satiyā etaṃ sampādetuṃ, tasmā evamāha. Imasmiṃ sutte pubbabhāgavipassanā bojjhaṅgāva kathitā.

4. Mettāsahagatasuttavaṇṇanā

235. Catutthe **mettāsahagatena cetasāti**ādī sabbam sabbākārena visuddhimagge (visuddhi. 1.240-241) vitthāritameva. **Mayampi kho, āvuso, sāvakaṇaṃ evaṃ dhammaṃ desemāti** idampi te

purimanayeneva satthu dhammadesanaṃ sutvā vadanti. Titthiyānañhi samaye pañcanīvaraṇappahānaṃ vā mettādibrahmavihārabhāvanā vā natthi. **Kiṃ gatikā hotti** kiṃ nipphatti hoti. **Kiṃ paramāti** kiṃ uttamā. **Kiṃ phalāti** kiṃ ānisaṃsā. **Kiṃ pariyosānāti** kiṃ niṭṭhā. **Mettāsahagatanti** mettāya sahatatā saṃsaṭṭhaṃ sampayuttaṃ. Eseva nayo sabbattha. **Vivekanissitādini** vuttatthāneva.

Appaṭikūlanti duvidhaṃ appaṭikūlaṃ – sattaappaṭikūlañca, saṅkhāraappaṭikūlañca. Tasmim appaṭikūle iṭṭhe vatthusminti attho. **Paṭikūlasaṅgāni** anitṭhasaṅgāni. Kathaṃ panettha evaṃ viharati? Asubhapharaṇaṃ vā aniccanti manasikāraṃ vā karonto. Vuttañhetā paṭisambhidāyaṃ “kathaṃ appaṭikūle paṭikūlasaṅgāni viharati. Iṭṭhasmim vatthusmim asubhāya vā pharati, aniccato vā upasaṃharati”’ti. Paṭikūle pana anitṭhe vatthusmim mettāpharaṇaṃ vā dhātumanasikāraṃ vā karonto **appaṭikūlasaṅgāni viharati** nāma. Yathāha “kathaṃ paṭikūle appaṭikūlasaṅgāni viharati. Anitṭhasmim vatthusmim mettāya vā pharati, dhātuto vā upasaṃharati”’ti (paṭi. ma. 2.17). Ubhayamissakapadesupi eseva nayo. Appaṭikūlappaṭikūlesu hi tadeva asubhapharaṇaṃ vā aniccanti manasikāraṃ vā karonto **paṭikūlasaṅgāni viharati** nāma. Paṭikūlappaṭikūlesu ca tadeva mettāpharaṇaṃ vā dhātumanasikāraṃ vā karonto **appaṭikūlasaṅgāni viharati** nāma. “Cakkhunā rūpaṃ disvā neva sumano hoti”’tiadinā (paṭi. ma. 2.17) nayena vuttaṃ pana chaḷaṅgupekkhaṃ pavattayamāno “appaṭikūle ca paṭikūle ca tadubhayaṃ abhinivajjetvā upekkhako tattha viharati sato sampajāno”’ti veditabbo.

Ettāvatā ca imassa bhikkhuno mettāya tikacatukkajjhānaṃ nibbattetvā tadeva pādakaṃ katvā vipassanaṃ vaḍḍhetvā arahattaṃ pattassa saha vipassanāya maggasambojjhaṅgānaṃ ariyiddhiyā ca dassitattā desanā vinivaṭṭetabbā siyā. Idaṃ pana mettājhānaṃ pādakaṃ katvā saṅkhāre sammasantopi yo arahattaṃ pāpuṇiṭṭhaṃ na sakkoti, yasmā tassa arahattaparamā mettā na hoti. Yaṃparamā pana hoti, taṃ dassetabbā. Tasmā tassa dassanattaṃ ayaṃ desanā āraddhā. Parato **sabbaso vā pana rūpasāṅgānaṃ samatikkamāti**ādīsipi iminā nayena puna desanārambhapayojanaṃ veditabbā.

Subhaparamanti subhaniṭṭhaṃ, subhakoṭikaṃ, subhanipphattiṃ. **Idhapaṅgāni** idheva paññāssa, nayimaṃ lokaṃ atikkamatīti idhapaṅgāni, tassa idhapaṅgāni, lokiyapaṅgāni attho. **Uttarivimuttiṃ appaṭivijjhatoti** lokuttaradhammaṃ appaṭivijjhantaṃ. Yo pana paṭivijjhituṃ sakkoti, tassa arahattaparamāva mettā hotīti attho. **Karuṇā**ādīsipi eseva nayo.

Kasmā panetāsaṃ mettādīnaṃ subhaparamādītā vuttā bhagavatāti? Sabhāgavasena tassa tassa upanissayattā. Mettāvihāriṃ hi sattā appaṭikūlā honti, athassa appaṭikūlāparicayā appaṭikūlesu parisuddhavaṇṇesu nīlādīsū cittaṃ upasaṃharato appakasireneva tattha cittaṃ pakkhandati. Iti mettā subhavamokkhasa upanissayo hoti, na tato paraṃ, tasmā **subhaparamāti** vuttā.

Karuṇāvihāriṃ uṇhābhigāhātādirūpanimittaṃ sattadukkhaṃ samanupassantaṃ karuṇāya pavattisambhavato rūpe ādīnavo parividito hoti, athassa parividitarūpādīnavattā pathavīkasiṇādīsū aññataraṃ ugghātetvā rūpanissaraṇe ākāse cittaṃ upasaṃharato appakasireneva tattha cittaṃ pakkhandati. Iti karuṇā ākāsaṇācāyatanassa upanissayo hoti, na tato paraṃ, tasmā **ākāsānañcāyatanaparamāti** vuttā.

Muditāvihāriṃ pana tena tena pāmojjakāraṇena uppannapāmojjasattānaṃ viññānaṃ samanupassantaṃ muditāya pavattisambhavato viññānaṃaggahaṇaparicitaṃ hoti, athassa anukkamādhigataṃ ākāsaṇācāyatanāṃ atikkamma ākāsanimittagocare viññāne cittaṃ upasaṃharato appakasireneva tattha cittaṃ pakkhandati. Iti muditā viññānañcāyatanassa upanissayo hoti, na tato paraṃ, tasmā **viññānañcāyatanaparamāti** vuttā.

Upekkhāvihāriṃ pana “sattā sukhitā vā hontu, dukkhato vā vimuccantu, sampattasukhato vā mā vigacchantū”’ti ābhogābhāvato sukhadukkhādiparamatthagāhavimukhasambhavato avijjamānaggahaṇadukkacittaṃ hoti. Athassa paramatthagāhato vimukhabhāvaparicittatassa

paramatthato avijjamānaggahaṇadukkhacittassa ca anukkamādhigataṃ viññāṇāñcāyatanam samatikkamasambhavato avijjamāne paramatthabhūtaṃ viññāṇassa abhāve cittaṃ upasaṃharato appakasireneva tattha cittaṃ pakkhandati. Iti upekkhā ākiñcaññāyatanassa upanissayo hoti, na tato param, tasmā **ākiñcaññāyatanaparamā**ti vuttā. Desanāpariyosāne pañcasatā bhikkhū arahattaṃ pattāti.

5. Saṅgāravasuttavaṇṇanā

236. Pañcame **pagevā**ti paṭhamaññeva. **Kāmarāgapariyuṭṭhitenā**ti kāmarāgagahitena. **Kāmarāgaparetenā**ti kāmarāgānugatena. **Nissaraṇanti** tividham kāmarāgassa nissaraṇam vikkhambhananissaraṇam tadanānissaraṇam samucchedanissaraṇanti. Tattha asubhe paṭhamajjhānam vikkhambhananissaraṇam nāma, vipassanā tadanānissaraṇam nāma, arahattamaggo samucchedanissaraṇam nāma. Taṃ tividhampi nappajānātīti attho. **Attatthampī**tiādīsu arahattasaṅkhāto attano attho attattho nāma, paccayadāyakānam attho parattho nāma, sveva duvidhopi ubhayattho nāma. Iminā nayena sabbavāresu attho vedītabbo.

Ayam pana viseso – **byāpādassa nissaraṇanti**ādīsu hi dveva nissaraṇāni vikkhambhananissaraṇaṅca samucchedanissaraṇaṅca. Tattha byāpādassa tāva mettāya paṭhamajjhānam vikkhambhananissaraṇam, anāgāmimaggo samucchedanissaraṇam. Thinamiddhassa ālokasaññā vikkhambhananissaraṇam, arahattamaggo samucchedanissaraṇam. Uddhaccakukkuccassa yo koci samatho vikkhambhananissaraṇam, uddhaccassa panettha arahattamaggo, kukkuccassa anāgāmimaggo samucchedanissaraṇam. Vicikicchāya dhammavavattānam vikkhambhananissaraṇam, paṭhamamaggo samucchedanissaraṇam.

Yā panettha **seyyathāpi brāhmaṇa udapatto saṃsaṭṭho lākhāya vā**tiādīkā upamā vuttā, tāsu **udapattoti** udakabharitā pāti. **Saṃsaṭṭhoti** vaṇṇabhedakaraṇavasena saṃsaṭṭho. **Pakkuthitoti** kuthito. **Usmudakajātoti** usumajāto. **Sevālapaṇakapariyonaddhoti** tilabījākādibhedena sevālena vā nīlamanḍūkapiṭṭhivaṇṇena vā udakapiṭṭhiṃ chādetvā nibbattapaṇakena pariyonaddho. **Vāteritoti** vātena erito kampito. **Āviloti** appasanno. **Luḷitoti** asannisinno. **Kalalībhūtoti** kaddamībhūto. **Andhakāre nikkhittoti** koṭṭhantarādibhede anālokaṭṭhāne ṭhapito. Imasmiṃ sutte bhagavā tīhi bhavehi desanam nivattetvā arahattanikūṭena desanam niṭṭhāpesi, brāhmaṇo pana saraṇamatte patiṭṭhito.

6. Abhayasuttavaṇṇanā

237. Chaṭṭhe **aññāṇāya adassanāyā**ti aññāṇatthāya adassanatthāya. **Taggha bhagavā nīvaraṇā**ti ekaṃsena bhagavā nīvaraṇā. **Kāyakilamathoti** kāyadaratho. **Cittakilamathoti** cittadaratho. **Sopi me paṭippassaddhoti** tassa kira satthu santike sīlalam utusappāyattānam pavisitvā nisinnassa kāyadaratho paṭippassambhi, tasmiṃ paṭippassaddhe tadanvayeneva cittadarathopi. Apica maggenevassa etaṃ ubhayampi passaddhanti vedītabbam.

7. Ānāpānavaggo

1. Aṭṭhikamahapphalasuttādivaṇṇanā

238. Sattamādīsu **aṭṭhikasaññā**ti aṭṭhikam aṭṭhikanti bhāventassa uppannasaññā. Taṃ panetaṃ bhāvayato yāva nimittaṃ na uppajjati, tāva chavipi cammampi upaṭṭhāti. Nimitte pana uppanne chavicammāni neva upaṭṭhahanti, saṅkhavaṇṇo suddhaaṭṭhikasaṅghāṭova upaṭṭhāti hatthikkhandhagataṃ dhammikatisarājānam oloketassa sāmaṇerassa viya, paṭimagge hasamānam itthiṃ oloketassa cetiyapabbatavāsino tissattherassa viya cāti. Vatthūni visuddhimagge (visuddhi. 1.15) vitthāritāni. **Sati vā upādiseseti** gahaṇasese upādānasese vijjamānamhi.

2-10. Puḷavakasuttādivaṇṇanā

239-247. Puḷavakasaññāti puḷavaṃ puḷavanti bhāventassa uppannasaññā. **Vinīlakasaññādīsūpi** eseva nayo. Vinicchayakathā panettha saddhim bhāvanāyena visuddhimagge (visuddhi. 1.102) vuttā. **Mettādayo** tikacatukkajjhānavasena veditabbā, **upekkhā** catutthajjhānavaseneva.

8. Nirodhavaggo

1-10. Asubhasuttādivaṇṇanā

248-257. Asubhasaññāti asubhe paṭhamajjhānasaññā. **Maraṇasaññāti** “avassaṃ maritabbaṃ, maraṇapaṭibaddhaṃ me jīvita”nti abhiṅgaṃ paccavekkhantassa uppannasaññā. **Āhāre paṭikūlasaññāti** odanakummāsādimhi ajjhoharaṇīye paṭikūlasaññā. **Sabbaloke anabhiratisaññāti** sakalalokasmim anabhiratiṃ uppādentassa uppannasaññā. **Pahānasaññāvirāgasaññāti** dve pubbhāgā. **Nirodhasaññā** missakā. Evametāni aṭṭhikasaññādīni vīsati kammaṭṭhānāni niddiṭṭhāni. Tesam navasu appanā honti, ekādasa upacārajjhānikā. Sesā panettha vinicchayakathā visuddhimagge (visuddhi. 1.294) āgatāva. Gaṅgāpeyyālādayo maggasaṃyutte vuttanayeneva veditabbā.

Bojjhaṅgasamṃyuttavaṇṇanā niṭṭhitā.

3. Satipaṭṭhānasamṃyuttaṃ

1. Ambapālivaggo

1. Ambapālisuttavaṇṇanā

367. Satipaṭṭhānasamṃyuttassa paṭhame **ambapālivaneti** ambapāliyā nāma rūpūpajīvinīyā ropite ambavane. Taṃ kira tassā uyyānaṃ ahosi. Sā satthu dhammadesanaṃ sutvā pasannacittā tattha vihāraṃ kāretvā tathāgatassa niyyātesī. Taṃ sandhāyetaṃ vuttaṃ. **Ekāyanvāyanti** ekāyano ayaṃ. Tattha **ekāyanoti** ekamaggo. Maggassa hi –

“Maggo pantho patho pajjo, añjasaṃ vaṭumāyanaṃ;
Nāvā uttarasetū ca, kullo ca bhisi saṅkamo”ti. (cūḷani. pārāyanatthutīgāthāniddeṣo 101) –

Bahūni nāmāni. Svāyaṃ idha ayananāmena vutto. Tasmā **ekāyanvāyaṃ, bhikkhave, maggoti** ettha ekamaggo. Ayaṃ, bhikkhave, maggo, na dvedhāpathabhūtoti evamattho daṭṭhabbo. **Maggoti** kenaṭṭhena maggo? Nibbānagamaṇaṭṭhena, nibbānattihikehi magganīyaṭṭhena ca.

Sattānaṃ visuddhiyāti rāgādīhi malehi abhijjhāvisamalobhādīhi ca upakkilesehi saṃkiliṭṭhacittānaṃ sattānaṃ visuddhatthāya. **Sokaparidevānaṃ samatikkamāyāti** sokassa ca paridevassa ca samatikkamāya, pahānāyāti attho. **Dukkhadomanassānaṃ atthaṅgamāyāti** kāyikadukkhassa ca cetasikadomanassassa cāti imesaṃ dvinnaṃ atthaṅgamāya, nirodhāyāti attho. **Ñāyassa adhigamāyāti** ñāyo vuccati ariyo aṭṭhaṅgiko maggo, tassa adhigamāya pattiyāti vuttaṃ hoti. Ayañhi pubbhāgā lokiyo satipaṭṭhānamaggo bhāvito lokuttaramaggassa adhigamāya saṃvattati. Tenāha “ñāyassa adhigamāyā”ti. **Nibbānassa sacchikiriyāyāti** taṇhāvānavirahitattā nibbānanti laddhanāmassa amatassa sacchikiriyāya, attapaccakkhāyāti vuttaṃ hoti. Ayañhi maggo bhāvito anupubbena nibbānasacchikiriyāya sādheti. Tenāha “nibbānassa sacchikiriyāyā”ti.

Evam bhagavatā sattahi padehi ekāyanamaggassa vaṇṇo bhāsito, so kasmāti ce? Bhikkhūnaṃ ussāhajanattham. Vaṇṇabhāsanañhi sutvā te bhikkhū – “ayaṃ kira maggo hadayasantāpabhūtaṃ sokaṃ, vācāvippalāpabhūtaṃ paridevaṃ, kāyikaasātabhūtaṃ dukkhaṃ, cetasikaasātabhūtaṃ domanassanti cattāro upaddave harati. Visuddhim, ñāyaṃ, nibbānanti tayo visese āvahatī”ti ussāhajātā

imaṃ desanaṃ uggahettabbaṃ pariyāpuṇitabbaṃ, dhāretabbaṃ, imañca maggaṃ bhāvetabbaṃ maññissanti. Iti tesam bhikkhūnaṃ ussāhajananatthaṃ vaṇṇaṃ abhāsi kambalavāṇijādayo kambalādīnaṃ vaṇṇaṃ viya.

Yadidanti nipāto, ye imeti ayamassa attho. **Cattāro**ti gaṇanaparicchedo. Tena “na tato heṭṭhā, na uddha”nti satipaṭṭhānāparicchedaṃ dīpeti. **Satipaṭṭhānā**ti tayo satipaṭṭhānā satigocaropi, tidhā paṭipannesu sāvakesu satthuno paṭighānūnāvītivattatāpi, satipi. “Catunnaṃ, bhikkhave, satipaṭṭhānānaṃ samudayañca atthaṅgamañca desessāmi taṃ suṇātha. Ko ca, bhikkhave, kāyassa samudayo? Āharasamudayā kāyasamudayo”tiādīsu (saṃ. ni. 5.408) hi satigocarō satipaṭṭhānanti vutto. Tathā “kāyo upaṭṭhānaṃ, no sati, sati upaṭṭhānañceva sati cā”tiādīsopi (paṭi. ma. 2.35). Tassa attho – patitṭhāti asminti paṭṭhānaṃ. Kā patitṭhāti? Sati. Satiyā paṭṭhānaṃ **satipaṭṭhānaṃ**. Padhānaṃ ṭhānanti vā paṭṭhānaṃ. Satiyā paṭṭhānaṃ satipaṭṭhānaṃ hatthiṭṭhānaassaṭṭhānādīni viya.

“Tayo satipaṭṭhānā, yadariyo sevati, yadariyo sevamāno satthā gaṇamanusāsītumarahatī”ti (ma. ni. 3.311) ettha tidhā paṭipannesu sāvakesu satthuno paṭighānūnāvītivattatā satipaṭṭhānanti vuttā. Tassattho – paṭṭhapetabbato paṭṭhānaṃ, pavattayitabbatoti attho. Kena paṭṭhapetabboti? Satiyā. Satiyā paṭṭhānaṃ satipaṭṭhānanti.

“Cattāro satipaṭṭhānā bhāvitā bahulikatā satta bojjaṅge paripūrentī”tiādīsu (ma. ni. 3.147; saṃ. ni. 5.989) pana satiyeva satipaṭṭhānanti vuttā. Tassattho – patitṭhātīti paṭṭhānaṃ, upaṭṭhāti okkanditvā pakkhanditvā pavattatīti attho. Satiyeva paṭṭhānaṃ satipaṭṭhānaṃ. Atha vā saraṇaṭṭhena sati, upaṭṭhānaṭṭhena paṭṭhānaṃ, iti sati ca sā paṭṭhānañcātipi satipaṭṭhānaṃ. Idamidha adhippetam.

Yadi evaṃ kasmā “satipaṭṭhānā”ti bahuvacanaṃ katanti? Satīnaṃ bahuttā. Ārammaṇabhedena hi bahukā satiyo. Atha “maggo”ti kasmā ekavacanaṃ? Maggaṇaṭṭhena ekattā. Catassopi hi etā satiyo maggaṇaṭṭhena ekattaṃ gacchanti. Vutañhetam “maggoti kenaṭṭhena maggo? Nibbānamaggaṇaṭṭhena, nibbānatthikehi maggaṇiṭṭhena cā”ti. Catassopi cetā aparabhāge kāyādīsū ārammaṇesu kiccaṃ sādhamānā nibbānaṃ gacchanti, ādito paṭṭhāya ca nibbānatthikehi maggiyantīti tasmā catassopi eko maggoti vuttā. Evañca sati vacanānusandhinā sānusandhikāva desanā hoti.

Katame cattāroti kathetukamyatāpucchā. **Kāyeti** rūpakāye. **Kāyānupassīti** kāyaṃ anupassanasīlo, kāyaṃ vā anupassamāno. Ayañhi bhikkhu imaṃ kāyaṃ aniccānupassanādīnaṃ sattannaṃ anupassanānaṃ vasena aniccato anupassati, no niccato, dukkhato anupassati, no sukkhato, anattato anupassati, no attato, nibbindati, no nandati, virajjati, no rajjati, nirodheti, no samudeti, paṭinissajjati, no ādiyati. So taṃ aniccato anupassanto niccasaññaṃ pajahati, dukkhato anupassanto sukhasaññaṃ pajahati, anattato anupassanto attasaññaṃ pajahati, nibbindanto nandiṃ pajahati, virajjanto rāgaṃ pajahati, nirodhento samudayaṃ pajahati, paṭinissajjanto ādānaṃ pajahatīti veditabbo.

Viharatīti irīyati. **Ātāpīti** tīsu bhavesu kilese ātapatīti ātāpo, vīriyassetam nāmaṃ. Ātāpo assa atthīti ātāpī. **Sampajānoti** sampajāññaśākhātena ñāṇena samannāgato. **Satimāti** kāyapariggāhikāya satiyā samannāgato. Ayaṃ pana yasmā satiyā ārammaṇaṃ pariggahetvā paññāya anupassati. Na hi sativirahitassa anupassanā nāma atthi, tenevāha “satiñca khvāhaṃ, bhikkhave, sabbatthikaṃ vadāmi”ti (saṃ. ni. 5.234). Tasmā ettha “kāye kāyānupassī viharatī”ti ettāvata kāyānupassanāsatiipaṭṭhānaṃ vuttaṃ hoti. Atha vā yasmā anātāpino antosañkhepo antarāyakaro hoti, asampajāno upāyapariggahe anupāyaparivajjane ca sammuyhati, muṭṭhassati upāyāpariccāge anupāyāpariggahe ca asamatto hoti, tenassa taṃ kammaṭṭhānaṃ na sampajjati. Tasmā yesam dhammaṇaṃ ānubhāvena taṃ sampajjati, tesam dassanattaṃ “ātāpī sampajāno satimā”ti idaṃ vuttanti veditabbaṃ.

Iti kāyānupassanāsatiipaṭṭhānaṃ sampayogaṅgañjassa dassetvā idāni pahānaṅgaṃ dassetuṃ **vineyya loke abhijjhādomanassanti** vuttaṃ. Tattha **vineyyāti** tadaṅgavinayena vā vikkhambhanavinayena vā vinayitvā. **Loketi** tasmimīyeva kāye. Kāyo hi idha lujjanapalujjanaṭṭhena

lokoti adhippeto. Yasmā panassa na kāyamatteyeva abhijjhādomanassaṃ pahīyati, vedanādīsupi pahīyati eva. Tasmā “pañcapi upādānakkhandhā loko”ti vibhaṅge (vibha. 362) vuttaṃ. Lokasaṅkhātattā vā tesam dhammānaṃ atthuddhāranayenetaṃ vuttaṃ. Yaṃ panāha “tattha katamo loko, sveva kāyo loko”ti, ayamevettha attho. Tasmim loke abhijjhādomanassaṃ vineyyāti evaṃ sambandho daṭṭhabbo.

Vedanāsūti ettha tisso vedanā, tā ca lokiyā eva, cittampi lokiyaṃ, tathā dhammā. Yathā pana vedanā anupassitabbā, tathā anupassanto esa **vedanānupassīti** veditabbo. Esa nayo **cittadhammesu**. Kathaṅca vedanā anupassitabbāti? Sukhā tāva vedanā dukkhato, dukkhā sallato, adukkhamasukhā aniccato. Yathāha –

“Yo sukhaṃ dukkhato adda, dukkhamaddakkhi sallato;
Adukkhamasukhaṃ santaṃ, addakkhi naṃ aniccato;
Sa ve sammaddaso bhikkhu, upasanto carissatī”ti.

Sabbā eva cetā dukkhātipi anupassitabbā. Vuttañhetam “yaṃkiñci vedayitaṃ, sabbam taṃ dukkhasminti vadāmi”ti (saṃ. ni. 4.259). Sukhadukkhatopi ca anupassitabbā, yathāha – “sukhā kho, āvuso visākha, vedanā thitisukhā vipariṇāmadukkhā”ti (ma. ni. 1.465) sabbam vitthāretabbaṃ. Apica aniccādisattaanupassanāvasenapi anupassitabbā.

Cittadhammesupi cittaṃ tāva ārammaṇādhipatisahajātabhūmikammavipākakiriyādinānattabhedānaṃ aniccādiānupassanānaṃ sarāgādīnaṅca bhedaṇaṃ vasena anupassitabbaṃ. Dhammā salakkhaṇasāmaññalakkhaṇaṃ suññatadhammassa aniccādisattaanupassanānaṃ “santaṃ vā ajjhataṃ kāmacchanda”ntiādīnaṅca pabhedānaṃ vasena anupassitabbā. Sesam vuttanayameva. Ayamettha saṅkhepo, vitthāro pana dīghamajjhimaṭṭhakathāsu (dī. ni. aṭṭha. 2.373 ādayo; ma. ni. aṭṭha. 1.105 ādayo) satipaṭṭhānavāṇṇāyamaṃ vuttanayeneva veditabbo.

2. Satisuttavaṇṇanā

368. Dutiye **satoti** kāyādiānupassanāsatiyā samannāgato. **Sampajānoti** catusampajāññapaññāya samannāgato. **Abhikkante paṭikkanteti** ettha abhikkantaṃ vuccati gamanaṃ, paṭikkantaṃ nivattanaṃ, tadubhayampi catūsu iriyāpathesu labbhati. Gamane tāva purato kāyaṃ abhiharanto abhikkamati nāma, paṭinivattanto paṭikkamati nāma. Thānēpi thitakova kāyaṃ purato onamanto abhikkamati nāma, pacchato apanāmento paṭikkamati nāma. Nisajjāyapi nisinnakova āsanassa purimaṅgābhimukho saṃsaranto abhikkamati nāma, pacchimaṅgappadesam paccāsaṃsaranto paṭikkamati nāma. Nipajjanepi eseva nayo.

Sampajānakārī hotīti sampajāññena sabbakiccakārī, sampajāññasseva vā kārī. So hi abhikkantādīsu sampajāññaṃ karoteva, na katthaci sampajāññavirahito hoti.

Tattha sātthakasampajāññaṃ, sappāyasampajāññaṃ, gocarasampajāññaṃ, asammohasampajāññanti catubbidham sampajāññaṃ. Tattha abhikkamanacitte uppanne cittavaseneva agantvā “kiṃ nu me ettha gatena attho atthi, natthi”ti atthānattham pariggaṇhitvā atthapariggaṇhanaṃ **sātthakasampajāññaṃ**. Tattha ca atthoti cetiyadassanabodhidassanaṅghadassanatheradassanaasubhadassanādivasena dhammato vaḍḍhi. Cetiyam disvāpi hi buddhārammaṇam, saṅghadassanena saṅghārammaṇam pītiṃ uppādetvā tadeva khayato sammāsanto arahattaṃ pāpuṇāti. Mahāvihārasmiñhi dakkhiṇadvāre thātva mahācetiyaṃ oloketā tiṃsasahassabhikkhū arahattaṃ pāpuṇimsu, tathā pacchimadvāre uttaradvāre pācīnadvāre ca, tathā pañhamaṅḍapaṭṭhāne abhayavāpīpāliyaṃ, thūpārāmadvāre nagarassa dakkhiṇadvāre anurādhavāpīpāliyaṃ.

Mahāariyavaṃsabhāṅakatthero panāha “kiṃ tumhe vadatha, mahācetiyaṃ samantā

kucchivedikāya heṭṭhimabhāgato paṭṭhāya paññāyanatṭhāne yattha yattha dve pādā sakkā honti samam patiṭṭhāpetum, tattha tattha ekapaduddhāre tiṃsatimsa bhikkhusahassāni arahattam pāpuṇimsūti sakkā vatu”nti. Aparo pana mahāthero āha – “mahācetiyaṭale ākiṇṇavālikāya bahutarā bhikkhū arahattam pattā”ti. There disvā tesam ovāde patiṭṭhāya asubham disvā tattha paṭhamam jhānam uppādetvā tadeva khayato sammāsanto arahattam pāpuṇāti. Tasmā etesam dassanam sāttham. Keci pana – “āmisatopi vadḍhi atthoyeva, tam nissāya brahmacariyānuggahāya paṭipannattā”ti vadanti.

Tasmim pana gamane sappāyāsappāyam pariggaṇhitvā sappāyapariggaṇhanam **sappāyasampajaññam**. Seyyathidaṃ? Cetiyaḍassanam tāva sāttham. Sace pana cetiyassa mahāpūjāya dasadvādasayojanantare parisā sannipatanti, attano vibhāvānurūpā itthiyopi purisāpi alaṅkatapaṭiyattā cittakammārūpakāni viya sañcaranti. Tatra cassa itṭhe ārammaṇe lobho, anitṭhe paṭigho, asamapekkhane moho uppajjati, kāyasamsagge kāyasamsaggāpattim āpajjati, jīvitabrahmacariyānam vā antarāyo ca hoti. Evaṃ tam ṭhānam asappāyam hoti, vuttappakāraantarāyābhāve sappāyam. Saṅghadassanampi sāttham. Sace pana antogāme mahāmaṇḍapam kāretvā sabbarattim dhammassavanaṃ kārentesu manussesu vuttappakāreneva janasannipāto ceva antarāyo ca hoti, evaṃ tam ṭhānam asappāyam, antarāyābhāve sappāyam. Mahāparivārānam therānam dassanepi eseva nayo.

Asubhadassanampi sāttham. Tadatthadīpanatthañca idaṃ vatthu – eko kira daharabhikkhu sāmaṇeram gahetvā dantakaṭṭhatthāya gato. Sāmaṇero maggā okkamitvā purato gacchanto asubham disvā paṭhamajjhānam nibbattetvā tadeva pādakam katvā saṅkhāre sammāsanto tīṇi phalāni sacchikatvā uparimaggatthāya kammaṭṭhānam pariggahetvā aṭṭhāsi. Daharo tam apassanto “sāmaṇerā”ti pakkosi. So – “mayā pabbajitadivasato paṭṭhāya bhikkhunā saddhim dve kathā nāma na kathitapubbā, aññasmimpi divase uparivisesam nibbattessāmī”ti cintetvā “kiṃ, bhante,”ti paṭivacanam adāsi. “Ehī”ti vutte ekavacaneneva āgantvā – “bhante, iminā tāva maggena gantvā mayā ṭhitokāse muhuttam puratthābhimukhā hutvā olokethā”ti āha. So tathā katvā tena pattavisesameva pāpuṇi. Evaṃ ekam asubham dvinnam janānam atthāya jātam. Evaṃ sātthampi panetam purisassa mātugāmāsubham asappāyam, mātugāmāssa ca purisāsubham, sabhāgameva sappāyanti evaṃ sappāyapariggaṇhanam sappāyasampajaññam.

Evaṃ pariggahitasātthasappāyassa pana aṭṭhatimsakammaṭṭhānesu attano cittarucikam kammaṭṭhānasāṅkhātam gocaram uggahetvā bhikkhācāragocare tam gahetvāva gamanam **gocarasampajaññam** nāma.

Tassāvibhāvattam idaṃ catukkam veditabbam – idhekacco bhikkhu harati na paccāharati, ekacco paccāharati na harati, ekacco pana neva harati na paccāharati, ekacco harati ca paccāharati ca.

Tattha yo bhikkhu divasam caṅkameṇa nisajjāya ca āvaraṇīyehi dhammehi cittaṃ parisodhetvā tathā rattiyā paṭhamam yāmaṃ majjhimayāme seyyam kappetvā, pacchimayāme pi nisajjācaṅkamehi vītināmetvā, pageva cetiyaṅgaṇabodhiyaṅgaṇavattam katvā bodhirukkhe udakam āsiñcitvā pāṇiyam paribhojanīyam paccupaṭṭhapetvā ācariyupajjhāyavattādīni samādāya vattati. So sarīraparikammaṃ katvā senāsanam pavisitvā dve tayo pallaṅke usumam gāhāpento kammaṭṭhānamanuyūñjitvā bhikkhācāraṇelāya utṭhahitvā kammaṭṭhānasīseṇeva pattacīvaramādāya senāsanato nikkhamitvā kammaṭṭhānam manasikarontova cetiyaṅgaṇam gantvā sace buddhānussatikammaṭṭhānam hoti, tam avissajjetvā cetiyaṅgaṇam pavisati. Aññam ce kammaṭṭhānam hoti, sopānapādamūle ṭhatvā hatthena gahitabhaṇḍam viya tam ṭhapetvā buddhārammaṇam pītim gahetvā cetiyaṅgaṇam āruya mahantam cetiyam ce, tikkhattum padakkhiṇam katvā catūso ṭhānesu vanditabbam, khuddakam ce, tatheva padakkhiṇam katvā aṭṭhasu ṭhānesu vanditabbam. Cetiyam vanditvā bodhiyaṅgaṇam pattenāpi buddhassa bhagavato sammukhā viya nipaccakāram dassetvā bodhi vanditabbā. So evaṃ cetiyañca bodhiñca vanditvā paṭisāmitaṭṭhānam gantvā paṭisāmitabhaṇḍakam hatthena gaṇhanto viya nikkhattakammaṭṭhānam gahetvā gāmasamīpe kammaṭṭhānasīseṇeva cīvaram pārupitvā gāmam piṇḍāya pavisati.

Atha naṃ manussā disvā “ayyo no āgato”ti paccuggantvā pattamaṃ gahetvā āsanasālāya vā gehe vā nisīdāpetvā yāguṃ datvā yāva bhattaṃ na niṭṭhāti, tāva pāde dhovitvā makkhetvā purato nisīditvā pañhaṃ vā pucchanti, dhammaṃ vā sotukāmā honti. Sacepi na kathāpentī, janasaṅgahaṇatthaṃ dhammakathā nāma kātabbāyevāti aṭṭhakathācariyā vadanti. Dhammakathā hi kammaṭṭhānavinimuttā nāma natthi, tasmā kammaṭṭhānasīseneva dhammaṃ kathetvā kammaṭṭhānasīseneva āhāraṃ paribhuñjitvā anumodanaṃ katvā nivattiyamānehipi manussehi anugatova gāmato nikkhamitvā tattha te nivattetvā maggaṃ paṭipajjati.

Atha naṃ puretaraṃ nikkhamitvā bahigāme katabhattakiccā sāmaṇeradahaṇabhikkhū disvā paccuggantvā pattacīvaramassa gaṇhanti. Porāṇakabhikkhū kira na “amhākaṃ upajjhāyo ācariyo”ti mukhaṃ oloketvā vattaṃ karonti, sampattaparicchedeneva karonti. Te taṃ pucchanti – “bhante, ete manussā tumhākaṃ kiṃ honti, mātipakkhato sambandhā pitipakkhato”ti? Kiṃ disvā pucchathāti? Tumhesu etesaṃ pemaṃ bahumānanti. “Āvuso, yaṃ mātāpitūhipi dukkarataraṃ, taṃ ete amhākaṃ karonti, pattacīvarampi no etesaṃ santakameva, etesaṃ ānubhāvena neva bhaye bhayaṃ, na chātake chātake jānāma, edisā nāma amhākaṃ upakārino natthi”ti tesāṃ guṇe kathayanto gacchati. Ayaṃ vuccati **harati na paccāharatī**.

Yassa pana pageva vuttappakāraṃ vattapaṭipattim karontassa kammajatejo pajjalati, anupādiṇṇakaṃ muñcivā upādiṇṇakaṃ gaṇhāti, sarīrato sedā muccanti, kammaṭṭhānavīthim nārohati, so pageva pattacīvaramādāya vegasāva cetiyaṃ vanditvā gorūpānaṃ nikkhamanavelāyameva gāmaṃ yāgubhikkhāya pavisitvā yāguṃ labhitvā āsanasālaṃ gantvā pivati. Athassa dvittikkhattuṃ ajjhoharaṇamatteneva kammajatejo upādiṇṇakaṃ muñcivā anupādiṇṇakaṃ gaṇhāti, ghaṭasatena nhāto viya tejodhātupariḷāhanibbānaṃ patvā kammaṭṭhānasīsenā yāguṃ paribhuñjitvā pattañca mukhañca dhovitvā antarābhatte kammaṭṭhānaṃ manasikatvā avasesaṭṭhāne piṇḍāya caritvā kammaṭṭhānasīsenā āhāraṃ paribhuñjitvā tato paṭṭhāya poṅkhānupoṅkhaṃ upaṭṭhahamānaṃ kammaṭṭhānaṃ gahetvāva āgacchati. Ayaṃ vuccati **paccāharati na haratī**. Edisā ca bhikkhū yāguṃ pivitvā vipassanaṃ ārabhitvā buddhasāsane arahattaṃ pattā nāma gaṇanapathaṃ vītivattā. Sīhaḷadīpeyeva tesu tesu gāmesu āsanasālāyaṃ na taṃ āsanamatthi, yattha yāguṃ pivitvā arahattaṃ pattā bhikkhū natthīti.

Yo pana pamādavihārī hoti nikkhattadhuro, sabbavattāni bhinditvā pañcavidhacetovinibandhabaddhacitto viharanto “kammaṭṭhānaṃ nāma atthi”tipi saññaṃ akatvā gāmaṃ piṇḍāya pavisitvā ananulomikena gihisaṃsaggena saṃsaṭṭho caritvā ca bhuñjitvā ca tuccho nikkhamati. Ayaṃ vuccati **neva harati na paccāharatī**.

Yo panāyaṃ **harati ca paccāharati cāti** vutto, so gatapaccāgatikavattavasena vedītabbo. Attakāmā hi kulaputtā sāsane pabbajitvā dasapi vīsampi tiṃsampi cattālīsampi paññāsampi satampi ekato vasantā katikavattaṃ katvā viharanti “āvuso, tumhe na iṇaṭṭā, na bhayaṭṭā, na jīvikāpakatā pabbajitā, dukkhā muccitukāmā panettha pabbajitā, tasmā gamane uppannakilesaṃ gamaneyeva niggaṇhatha, ṭhāne, nisajjāya, sayane uppannakilesaṃ sayaneyeva niggaṇhathā”ti. Te evaṃ katikavattaṃ katvā bhikkhācāraṃ gacchantā aḍḍhausabhausaḍḍhagāvutagāvutantaṃ pāsāṇā honti, tāya saññāya kammaṭṭhānaṃ manasikarontāva gacchanti. Sace kassaci gamane kilesaṃ upajjati, tattheva naṃ niggaṇhāti. Tathā asakkonto tiṭṭhati. Athassa pacchato āgacchantopi tiṭṭhati, so “ayaṃ bhikkhu tuyhaṃ uppannavitakkaṃ jānāti, ananucchavikāṃ te eta”nti attānaṃ paṭicodetvā vipassanaṃ vadḍhetvā tattheva ariyabhūmiṃ okkamati, tathā asakkonto nisīdatīti so eva nayo. Ariyabhūmiṃ okkamituṃ asakkontopi, taṃ kilesaṃ vikkhambhetvā kammaṭṭhānaṃ manasikarontova gacchati, na kammaṭṭhānavippayuttena cittaṃ pādaṃ uddharati. Uddharati ce, paṭinivattitvā purimāpadesaṃyeva eti ālindakavāsī **mahāphussadevatthero** viya.

So kira ekūnavāsati vassāni gatapaccāgatikavattaṃ pūrento eva vihāsi. Manussāpi sudamaṃ antarāmagge kasantā ca vapantā ca maddantā ca kammāni ca karontā theramaṃ tathā gacchantamaṃ disvā – “ayaṃ therō punappunaṃ nivattitvā gacchati, kiṃ nu kho maggamūḷho, udāhu kiñci pamuṭṭho”ti

samullapanti. So taṃ anādiyitvā kammaṭṭhānayuttacitteneva samaṇadhammaṃ karonto vīsativassabbhantare arahattaṃ pāpuṇi. Arahattappattadivase cassa caṅkamanakoṭṭiyaṃ adhivatthā devatā aṅgulīhi dīpaṃ ujjāletvā aṭṭhāsi. Cattāropi mahārājāno sakko ca devānamindo brahmā ca sahampati upaṭṭhānaṃ āgamaṃsu. Tañca obhāsaṃ disvā vanavāsīmahātissatthero taṃ dutiyadivase pucchi – “rattibhāge āyasmato santike obhāso ahoṣi, kiṃ so obhāso”’ti? Thero vikkhepaṃ karonto “obhāso nāma dīpobhāsoṃ hoti, maṇiobhāsoṃ”’ti evamādimāha. Tato “paṭicchādettha tumhe”’ti nibaddho āmāti paṭijānitvā ārocesi.

Kālavallimaṇḍapavāsīmahānāgatthero viya ca. Sopi kira gatapaccāgatikavattaṃ pūrento paṭhamam taṃ “bhagavato mahāpadhānaṃ pūjessāmi”’ti satta vassāni ṭhānacaṅkamaṃ eva adhiṭṭhāsi. Puna soḷasa vassāni gatapaccāgatikavattaṃ pūretvā arahattaṃ pāpuṇi. So kammaṭṭhānayutteneva cittaṃ pādaṃ uddharanto vippayuttana uddhaṭṭe paṭinivattanto gāmasamīpaṃ gantvā “gāvī nu pabbajito nū”’ti āsaṅkaniyapadesa ṭhatvā cīvaram pārupitvā kacchakarakato udakena pattaṃ dhovitvā udakaṅḍūsaṃ karoti. Kiṃ kāraṇā? “Mā me bhikkhaṃ dātuṃ vā vanditūṃ vā āgate manusse ‘dīghāyukā hothā’ ti vacanamattenāpi kammaṭṭhānavikkhepo ahoṣi”’ti “ajja, bhante, katimī”’ti divasaṃ vā bhikkhugaṇaṇaṃ vā pañhaṃ vā pucchito pana udakaṃ gilitvā āroceti. Sace divasādipucchakā na honti, nikkhamaṇavelāyaṃ gāmadvāre niṭṭhubhitvā yāti.

Kalambatiṭṭhavihāre vassūpagatā paññāsa bhikkhū viya ca. Te kira āsāḷhipuṇṇamiyaṃ katikavattaṃ akaṃsu – “arahattaṃ apatvā aññaṃaññaṃ nālapissāma”’ti. Gāmañca piṇḍāya pavisantā udakaṅḍūsaṃ katvā pavisiṃsu. Divasādīsu pucchitesu vuttanayeneva paṭipajjiṃsu. Tattha manussā niṭṭhubhanaṃ disvā jāniṃsu – “ajjeko āgato, ajja dve”’ti. Evañca cintesū – “kiṃ nu kho ete amheheva saddhiṃ na sallapanti, udāhu aññaṃaññaṃpi. Yadi aññaṃaññaṃ na sallapanti, addhā vivādajātā bhavissanti. Etha ne aññaṃaññaṃ khamāpessāma”’ti sabbe vihāraṃ gantvā paññāsāya bhikkhūsu dvepi bhikkhū ekokāse nāddasaṃsu. Tato yo tesu cakkhumā puriso, so āha – “na bho kalahakāraṇaṃ okāso īdiso hoti, susammaṭṭhaṃ cetiyaṅgaṇaṃ bodhiyaṅgaṇaṃ, sunikkhittā sammajjaniyo, supaṭṭhitam pānīyaṃ paribhojanīya”’nti. Te tatova nivattā. Tepi bhikkhū antotemāseyeva arahattaṃ patvā mahāpavāraṇāyaṃ visuddhipavāraṇaṃ pavāresūṃ.

Evaṃ kālavallimaṇḍapavāsī mahānāgatthero viya, kalambatiṭṭhavihāre vassūpagatā bhikkhū viya ca kammaṭṭhānayutteneva cittaṃ pādaṃ uddharanto gāmasamīpaṃ gantvā udakaṅḍūsaṃ katvā vīthiyo sallakkhetvā yatha surāsoṇḍadhuttādayo kalahakāraṇā caṇḍahatthiassādayo vā natthi, taṃ vīthiṃ paṭipajjati. Tattha ca piṇḍāya caramāno na turitaturito viya javena gacchati. Na hi javena piṇḍapātikadhutaṅgaṃ nāma kiñci atthi. Visamabhūmibhāgapattaṃ pana udakasakaṭṭhaṃ viya niccalo hutvā gacchati. Anugharam pavitṭho ca dātukāmaṃ vā adātukāmaṃ vā sallakkhetuṃ tadanurūpaṃ kālaṃ āgamento bhikkhaṃ gahetvā antogāme vā bahigāme vā vihārameva vā āgantvā yathāphāsuke patirūpe okāse nisīditvā kammaṭṭhānaṃ manasikaronto āhāre paṭikūlasaññaṃ upaṭṭhapetvā akkhabbhañjanavaṇalepanaputtamaṃsūpamāvasena paccavekkhanto aṭṭhaṅgasamannāgataṃ āhāraṃ āhāreti, neva davāya na madāya na maṇḍanāya na vibhūsanāya...pe... bhuttāvī ca udakakiccaṃ katvā muhuttaṃ bhattakilamathaṃ paṭipassambhetvā yathā purebhattaṃ, evaṃ pacchābhattaṃ purimayāmaṃ pacchimayāmañca kammaṭṭhānameva manasikaroti. Ayaṃ vuccati **harati ca paccāharati cāti**.

Imaṃ pana haraṇapaccāharaṇasaṅkhātaṃ gatapaccāgatikavattaṃ pūrento yadi upanissayasampanno hoti, paṭhamavaye eva arahattaṃ pāpuṇāti. No ce paṭhamavaye pāpuṇāti, atha majjhimavaye pāpuṇāti. No ce majjhimavaye pāpuṇāti, atha pacchimavaye pāpuṇāti, no ce pacchimavaye pāpuṇāti, atha maraṇasamaye. No ce maraṇasamaye pāpuṇāti, atha devaputto hutvā. No ce devaputto hutvā pāpuṇāti, anuppanne buddhe nibbato paccakabodhiṃ sacchikaroti. No ce paccakabodhiṃ sacchikaroti, atha buddhānaṃ sammukhībhāve khippābhīṇṇo vā hoti, seyyathāpi thero bāhiyo dārucīriyo mahāpañño vā, seyyathāpi thero sārīputto, mahiddhiko vā, seyyathāpi thero mahāmoggallāno, dhutavādo vā, seyyathāpi thero mahākassapo, dibbacakkhuko vā, seyyathāpi thero anuruddho, vinayadharo vā, seyyathāpi thero upāli, dhammakathiko vā, seyyathāpi thero puṇṇo mantāniputto, āraññiko vā, seyyathāpi thero revato,

bahussuto vā, seyyathāpi thero ānando, sikkhākāmo vā, seyyathāpi thero rāhulo buddhaputtoti. Iti imasmim catukke yvāyaṃ harati paccāharati ca, tassa gocarasampajaññaṃ sikhāpattaṃ hoti.

Abhikkamādīsu pana asammuyhanaṃ **asammohasampajaññaṃ**. Taṃ evaṃ veditabbaṃ – idha bhikkhu abhikkamanto vā paṭikkamanto vā yathā andhaputhujjanā abhikkamādīsu – “attā abhikkamati, attanā abhikkamo nibbattito”ti vā “ahaṃ abhikkamāmi, mayā abhikkamo nibbattito”ti vā sammuyhanti, tathā asammuyhanto abhikkamāmīti citte uppajjamāne teneva cittena saddhiṃ cittasamuṭṭhānā vāyodhātu viññattiṃ janayamānā uppajjati, iti cittakiriyavāyodhātuvipphārasena ayaṃ kāyasammato aṭṭhisāṅghāto abhikkamati. Tassevaṃ abhikkamato ekekapādudharaṇe pathavīdhātu āpodhātūti dve dhātuyo omattā honti mandā, itarā dve adhimattā honti balavatiyo, tathā atiharaṇavītiaraṇesu, vossajjane tejodhātu vāyodhātūti dve dhātuyo omattā honti mandā, itarā dve adhimattā honti balavatiyo, tathā sannikkhepanasannirumbhanesu.

Tattha uddharaṇe pavattā rūpārūpadhammā atiharaṇaṃ na pāpuṇanti, tathā atiharaṇe pavattā vītiaraṇaṃ, vītiaraṇe pavattā vossajjanaṃ, vossajjane pavattā sannikkhepanaṃ, sannikkhepane pavattā sannirumbhanaṃ na pāpuṇanti, tattha tattheva pabbapabbaṃ sandhisandhi odhiodhi hutvā tattakapāle pakkhittatilāni viya taṭataṭāyanta bhijjanti. Tattha ko eko abhikkamati, kassa vā ekassa abhikkamanaṃ? Paramatthato hi dhātūnaṃyeva gamanaṃ, dhātūnaṃ ṭhānaṃ, dhātūnaṃ nisajjā, dhātūnaṃ sayanaṃ. Tasmim tasmiñhi koṭṭhāse saddhiṃ rūpena –

“Aññaṃ uppajjate cittaṃ, aññaṃ cittaṃ nirujjhati;
Avīcimanusambandho, nadīsotova vattatī”ti. –

Evaṃ abhikkamādīsu asammuyhanaṃ asammohasampajaññaṃ nāmāti.

Niṭṭhito “abhikkante paṭikkante sampajānakārī hotī”tipadassa attho.

Ālokite vilokiteti ettha pana ālokitaṃ nāma purato pekkhanaṃ, vilokitaṃ nāma anudisāpekkhanaṃ. Aññānīpi heṭṭhā upari pacchato anupekkhanavasena olokitaullokitāpalokitāni nāma honti. Tāni idha na gahitāni, sārūppavasena pana imāneva dve gahitāni. Iminā vā mukhena sabbānīpi tāni gahitānevāti.

Tattha “ālokessāmī”ti citte uppanne cittavaseneva anoloketvā atthapariggaṇhanaṃ sātthakasampajaññaṃ. Taṃ āyasmantaṃ nandaṃ kāyasakkhim katvā veditabbaṃ. Vuttañhetam bhagavatā –

“Sace, bhikkhave, nandassa puratthimā disā āloketabbā hoti, sabbaṃ cetasa samannāharitvā nando puratthimaṃ disaṃ āloketi ‘evaṃ me puratthimaṃ disaṃ ālokayato nābhijjhādomanassā pāpakā akusalā dhammā anvāsavissanti’ti. Itiha tattha sampajāno hoti. Sace, bhikkhave, nandassa pacchimā disā, uttarā disā, dakkhiṇā disā, uddhaṃ, adho, anudisā āloketabbā hoti, sabbaṃ cetasa samannāharitvā nando anudisaṃ āloketi ‘evaṃ me anudisaṃ ālokayato’...pe... sampajāno hotī”ti (a. ni. 8.9).

Apica idhāpi pubbe vuttacetiyadassanādivaseneva sātthakatā ca sappāyatā ca veditabbā. Kammatṭhānassa pana avijahanaṃyeva gocarasampajaññaṃ, tasmā khandhadhātuāyatanakammatṭhānikēhi attano kamaṭṭhānavaseneva kasiṇādīkammatṭhānikēhi vā pana kammatṭhānasīseva ālokanavilokanaṃ kātabbaṃ.

“Abbhantare attā nāma āloketā vā viloketā vā natthi, ‘ālokessāmī’ti pana citte uppajjamāne teneva cittena saddhiṃ cittasamuṭṭhānā vāyodhātu viññattiṃ janayamānā uppajjati. Iti cittakiriyavāyodhātuvipphārasena heṭṭhimaṃ akkhidalaṃ adho sīdati, uparimaṃ uddhaṃ laṅgheti,

vedanā uppajjanti, cittaṃ ekaggaṃ na labhati, kammaṭṭhānaṃ paripatati, visesaṃ nādhigacchati. Kāle samiñjantassa kāle pasārentassa pana tā vedanā nuppajjanti, cittaṃ ekaggaṃ hoti, kammaṭṭhānaṃ phātiṃ gacchati, visesamadhigacchatīti evaṃ atthānatthapariggaṇhanaṃ veditabbaṃ.

Atthe pana satipi sappāyāsappāyaṃ pariggaṇhitvā sappāyapariggaṇhanaṃ sappāyasampajaññaṃ. Tatrāyaṃ nayo – mahācetiyaṅgaṇe kira daharabhikkhū sajjhāyaṃ gaṇhanti. Tesam piṭṭhipasse daharabhikkhuniyo dhammaṃ suṇanti. Tatthekeo daharo hatthaṃ pasārento kāyasamsaggaṃ patvā teneva kāraṇena gihī jāto. Aparo bhikkhu pādaṃ pasārento aggimhi pasāresi, aṭṭhiṃ āhacca pādo jhāyi. Aparo vammike pasāresi, so āsīvisena daṭṭho. Aparo cīvarakuṭidaṇḍake pasāresi, taṃ maṇisappo ḍaṃsi. Tasmā evarūpe asappāye apasāretvā sappāye pasāretabbaṃ. Idamettha sappāyasampajaññaṃ.

Gocarasampajaññaṃ pana mahātheravatthunā dīpetabbaṃ – mahāthero kira divāṭṭhāne nisinno antevāsikehi saddhiṃ kathayamāno sahasā hatthaṃ samiñjitvā puna yathāṭṭhāne ṭhapetvā saṅikaṃ samiñjesi. Taṃ antevāsikā pucchimsu – “kasmā, bhante, sahasā hatthaṃ samiñjitvā puna yathāṭṭhāne ṭhapetvā saṅikaṃ samiñjitthā”ti. Yato paṭṭhāyāhaṃ, āvuso, kammaṭṭhānaṃ manasikātuṃ āraddho, na me kammaṭṭhānaṃ muñcitvā hattho samiñjitapubbo, idāni pana tumhehi saddhiṃ kathayamānena kammaṭṭhānaṃ muñcitvā samiñjito, tasmā puna yathāṭṭhāne ṭhapetvā samiñjesinti. Sādhu, bhante, bhikkhunā nāma evarūpena bhavitabbanti. Evametthāpi kammaṭṭhānavijahanameva gocarasampajaññanti veditabbaṃ.

Abbhantare attā nāma koci samiñjanto vā pasārento vā natthi, vuttappakāracittakiriyavāyodhātuvipphārena pana sutkāḍḍhanavasena dāruyantassa hatthapādalaḷaṇaṃ viya samiñjanapasāraṇaṃ hotīti pariḷānaṃ panettha asammohasampajaññanti veditabbaṃ.

Saṅghātipattacīvaradhāraṇeti ettha saṅghāticīvarānaṃ nivāsanapārūpanavasena, pattassa bhikkhāpaṭiggahaṇādivasena paribhogo dhāraṇaṃ nāma. Tattha saṅghāticīvaradhāraṇe tāva nivāsetvā pārūpitvā ca piṇḍāya carato āmisalābho, “sītassa paṭighātāyā”tiādinā nayena bhagavatā vuttappakāroyeva ca attho attho nāma. Tassa vasena sātthakasampajaññaṃ veditabbaṃ.

Uṇhapakatikassa pana dubbalassa ca cīvaraṃ sukhumaṃ sappāyaṃ, sītālukassa ghaṇaṃ dupaṭṭaṃ. Viparītaṃ asappāyaṃ. Yassa kassaci jinṇaṃ asappāyameva. Aggaḷādīdānena hissa taṃ palibodhakaraṃ hoti. Tathā paṭṭuṇṇadukūlādībhedaṃ lobhanīyacīvaraṃ. Tādīsañhi araṇṇe ekakassa nivāsanarāyakaraṃ, jīvitantarāyakarañcāpi hoti. Nippariyāyena pana yaṃ nimittakammādimicchājīvasena uppannaṃ, yañcassa sevamānassa akusalā dhammā abhivaḍḍhanti, kusalā dhammā parihāyanti, taṃ asappāyaṃ. Viparītaṃ sappāyaṃ, tassa vasenettha sappāyasampajaññaṃ, kammaṭṭhānavijahanavaseneva ca gocarasampajaññaṃ veditabbaṃ.

Abbhantare attā nāma koci cīvaraṃ pārūpanto natthi, vuttappakāracittakiriyavāyodhātuvipphāreneva pana cīvarapārūpanaṃ hoti. Tattha cīvarampi acetanaṃ, kāyopi acetano. Cīvaraṃ na jānāti “mayā kāyo pārūpito”ti. Kāyopi na jānāti “ahaṃ cīvarena pārūpito”ti. Dhātuyova dhātusamūhaṃ paṭicchādenti paṭapilotikāya potthakarūpapaṭicchādane viya. Tasmā neva sundaraṃ cīvaraṃ labhitvā somanassaṃ kātābbaṃ, na asundaraṃ labhitvā domanassaṃ. Nāgavammikacetiyaṃ rukkhadīsu hi keci mālāgandhadhūmavattādhīhi sakkāraṃ karonti, keci gūthamuttakaddamaṇḍasatthapahārādīhi asakkāraṃ. Na tehi nāgavammikarukkhadāyo somanassaṃ vā karonti domanassaṃ vā. Evamevaṃ neva sundaraṃ cīvaraṃ labhitvā somanassaṃ kātābbaṃ, na asundaraṃ labhitvā domanassanti evaṃ pavattapaṭisaṅkhānavasenettha asammohasampajaññaṃ veditabbaṃ.

Pattadhāraṇepi pattam sahasāva aggahetvā – “imaṃ gahetvā piṇḍāya caramāno bhikkhaṃ labhissāmi”ti evaṃ pattaḅbhaṇapaccayā paṭilabhitabbaatthavasena sātthakasampajaññaṃ veditabbaṃ. Kisadubbalasarīrassa pana garupatto asappāyo. Yassa kassaci catupañcagaṇṭhikāhato dubbisodhaniyo

asappāyova. Duddhotapatto hi na vaṭṭati, taṃ dhovantasseva cassa palibodho hoti. Mañivaṇṇapatto pana lobhañño cīvare vuttanayeneva asappāyo. Nimittakammādivasena laddho, pana yañcassa sevamānassa akusalā dhammā abhivaḍḍhanti, kusalā dhammā parihāyanti, ayaṃ ekantaasappāyova. Viparīto sappāyo. Tassa vasenettha sappāyasampajaññaṃ, kammaṭṭhānāvijahanavaseneva ca gocarasampajaññaṃ veditabbaṃ.

Abbhantare attā nāma koci pattaṃ gaṇhanto natthi, vuttappakāracittakiriyavāyodhātuvipphārenea pattaggahaṇaṃ nāma hoti. Tattha pattopi acetano, hatthāpi acetanā. Patto na jānāti “ahaṃ hatthehi gahito”ti. Hatthāpi na jānanti “patto amhehi gahito”ti. Dhātuyova dhātusamūhaṃ gaṇhanti, saṇḍāsena aggivaṇṇapattaggahaṇe viyāti evaṃ pavattapaṭisaṅkhānavasenettha asammohasampajaññaṃ veditabbaṃ.

Apica yathā chinnahatthapāde vaṇamukhehi paggharitamubbalo hitakimikule nīlamakkhikasamparikiṇṇe anāthasālāya anāthamanusse disvā dayālukā purisā tesam vaṇapaṭṭacoḷakāni ceva kapālādīhi bhesajjāni ca upanāmenti. Tattha coḷakāni kesañci saṇhāni, kesañci thūlāni pāpuṇanti, bhesajjakapālāni kesañci susaṇḥānāni, kesañci dussaṇḥānāni pāpuṇanti, na te tattha sumanā vā dummanā vā honti. Vaṇapaṭṭicchādanamatteneva hi coḷakena bhesajjapaṭiggahamatteneva ca kapālakena tesam attho. Evameva yo bhikkhu vaṇacoḷakaṃ viya cīvamaṃ, bhesajjakapālakaṃ viya ca pattaṃ, kapāle bhesajjamiva ca patte laddhabhikkhaṃ sallakkheti. Ayaṃ saṅghāṭipattacīvaradhāraṇe asammohasampajaññaṃ uttamasampajānakārīti veditabbo.

Asitādīsu asiteti piṇḍapātabhojane. **Pītetī** yāguādīpāne. **Khāyiteti** piṭṭhakhajjakādīkhādane. **Sāyiteti** madhuphāṇitādīsāyane. Tattha “neva davāyā”tiādīnā nayena vutto aṭṭhavidhopi attho attho nāma, tassa vasena sātthakasampajaññaṃ veditabbaṃ.

Lūkhapaṇītatittamadhurādīsu pana yena bhojanena yassa aphāsu hoti, taṃ tassa asappāyaṃ. Yaṃ pana nimittakammādivasena paṭiladdhaṃ, yañcassa bhuñjato akusalā dhammā abhivaḍḍhanti, kusalā dhammā parihāyanti, taṃ ekantaasappāyameva. Viparītaṃ sappāyaṃ. Tassa vasenettha sappāyasampajaññaṃ, kammaṭṭhānāvijahanavaseneva ca gocarasampajaññaṃ veditabbaṃ.

Abbhantare attā nāma koci bhuñjako natthi, vuttappakāracittakiriyavāyodhātuvipphārenea pattapaṭiggahaṇaṃ nāma hoti, cittakiriyavāyodhātuvipphārenea hatthassa patte otāraṇaṃ nāma hoti, cittakiriyavāyodhātuvipphārenea ālopakaraṇaṃ ālopuddharaṇaṃ mukhavivaraṇaṇca hoti. Na koci kuñcīkāya na yantakena hanukaṭṭhīni vivarati, cittakiriyavāyodhātuvipphārenea ālopassa mukhe ṭhapanāṃ uparidantānaṃ musalakiccasādhanāṃ heṭṭhādantānaṃ udukkhalakiccasādhanāṃ jivhāya hatthakiccasādhanāṇca hoti. Iti naṃ tattha aggajivhāya tanukakheḷo, mūlajivhāya bahalakheḷo makkheti. Taṃ heṭṭhādantaudukkhale jivhāhatthaparivattitaṃ kheḷaudakatemitāṃ uparidantamusalasañcuṇṇitaṃ koci kaṭacchunā vā dabbīyā vā anto pavesento nāma natthi, vāyodhātuyāva pavasati. Paviṭṭhaṃ paviṭṭhaṃ koci palālasantharaṃ katvā dhārento nāma natthi, vāyodhātuvaseva tiṭṭhati. Ṭhitaṃ ṭhitaṃ koci uddhanaṃ katvā aggim jāletvā pacanto nāma natthi, tejo dhātuyāva paccati. Pakkaṃ pakkaṃ koci daṇḍakena vā yaṭṭhiyā vā bahi nīharako nāma natthi, vāyodhātuyeva nīharati. Iti vāyodhātu atiharati ca vītiharati ca dhāreti ca parivatteti ca sañcuṇṇeti ca visoseti ca nīharati ca; pathavīdhātu dhāreti ca parivatteti ca sañcuṇṇeti ca visoseti ca; āpodhātu sineheti ca allattañca anupāleti; tejo dhātu antopaviṭṭhaṃ paripāceti; ākāsadhātu añjaso hoti; viññāṇadhātu tattha tattha sammāpayogamanvāya ābhujatīti evaṃ pavattapaṭisaṅkhānavasenettha asammohasampajaññaṃ veditabbaṃ.

Apica gamanato, pariyesanato, paribhogato, āsayato, nidhānato, aparipakkato, paripakkato, phalato, nissandato, sammakkhanatoti evaṃ dasavidhaṃ paṭikūlabhāvaṃ paccavekkhaṇatopettha asammohasampajaññaṃ veditabbaṃ. Vitthārakathā panettha visuddhimagge (visuddhi. 1.294 ādayo) āhārapaṭikūlasaññāniddesato gahetabbā.

Uccārapassāvakkammeti uccārassa ca passāvassa ca karaṇe. Tattha pattakāle uccārapassāvaṃ akarontassa sakalasarīrato sedā muccanti, akkhīni bhamanti, cittaṃ na ekaggaṃ hoti, aññe ca rogā uppajjanti. Karontassa pana sabbam taṃ na hotīti ayamettha attho. Tassa vasena sātthakasampajaññaṃ veditabbaṃ. Aṭṭhāne uccārapassāvaṃ karontassa pana āpatti hoti, ayaso vaḍḍhati, jīvitantarāyopi hoti. Patirūpe ṭhāne karontassa sabbam taṃ na hotīti idamettha sappāyaṃ. Tassa vasena sappāyasampajaññaṃ, kammaṭṭhānāvijahanavasena ca gocarasampajaññaṃ veditabbaṃ.

Abbhantare attā nāma koci uccārapassāvakkammaṃ karonto natthi, cittakiriyavāyodhātuvipphārenea pana uccārapassāvakkammaṃ hoti. Yathā pana pakke gaṇḍe gaṇḍabhedena pubbalohitaṃ akāmatāya nikkhamati, yathā ca atibharitā udakabhājanā udakaṃ akāmatāya nikkhamati, evaṃ pakkāsāyammuttavattāṃ sannicitā uccārapassāvā vāyuvegasamuppilīṭā akāmatāyapi nikkhamanti. So panāyaṃ evaṃ nikkhamanto uccārapassāvo neva tassa bhikkhuno attano hoti na parassa, kevalaṃ sarīranissandova hoti. Yathā kiṃ? Yathā udakatumbato purāṇaudakaṃ chaḍḍentassa neva taṃ attano hoti na paresaṃ, kevalaṃ paṭijagganamattameva hoti. Evaṃ pavattapaṭisaṅkhānavasenettha asammohasampajaññaṃ veditabbaṃ.

Gatādīsu gateti gamane. **Ṭhiteti** ṭhāne. **Nisinneti** nisajjāya. **Sutteti** sayane. **Jāgarite** ti jāgaraṇe. **Bhāsiteti** kathane. **Tuṇhībhāveti** akathane. Ettha ca yo ciraṃ gantvā vā caṅkamitvā vā aparabhāge ṭhito iti paṭisaṅcikkhati “caṅkamanakāle pavattā rūpārūpadhammā ettheva niruddhā”ti, ayaṃ gate sampajānakārī nāma.

Yo sajjhāyaṃ vā karonto pañhaṃ vā vissajjento kammaṭṭhānaṃ vā manasikaronto ciraṃ ṭhatvā aparabhāge nisinno iti paṭisaṅcikkhati “ṭhitakāle pavattā rūpārūpadhammā ettheva niruddhā”ti, ayaṃ ṭhite sampajānakārī nāma.

Yo sajjhāyādikaraṇavaseneva ciraṃ nisīditvā aparabhāge nipanno iti paṭisaṅcikkhati – “nisinnakāle pavattā rūpārūpadhammā ettheva niruddhā”ti, ayaṃ nisinne sampajānakārī nāma.

Yo pana nipannakova sajjhāyaṃ karonto kammaṭṭhānaṃ vā manasikaronto niddaṃ okkamitvā aparabhāge uṭṭhāya iti paṭisaṅcikkhati – “sayanakāle pavattā rūpārūpadhammā ettheva niruddhā”ti, ayaṃ sutte ca jāgarite ca sampajānakārī nāma. Kiriyamayacittānañhi appavattaṃ suttaṃ nāma, pavattaṃ jāgaritaṃ nāmāti.

Yo pana bhāsamāno – “ayaṃ saddo nāma oṭṭhe ca paṭicca dante ca jivhañca tāluñca paṭicca cittassa ca tadanurūpaṃ payogaṃ paṭicca jāyatī”ti sato sampajāno bhāsati, ciraṃ vā pana kālaṃ sajjhāyaṃ katvā dhammaṃ vā kathetvā kammaṭṭhānaṃ vā parivattetvā pañhaṃ vā vissajjetvā aparabhāge tuṇhībhūto iti paṭisaṅcikkhati “bhāsitaṅkāle uppānā rūpārūpadhammā ettheva niruddhā”ti ayaṃ bhāsate sampajānakārī nāma.

Yo tuṇhībhūto ciraṃ dhammaṃ vā kammaṭṭhānaṃ vā manasikatvā aparabhāge iti paṭisaṅcikkhati – “tuṇhībhūtakāle pavattā rūpārūpadhammā ettheva niruddhā”ti. Upādārūpapavattiyā satī bhāsati nāma, asati tuṇhī bhavati nāmāti, ayaṃ tuṇhībhāve sampajānakārī nāmāti. Evamettha asammohasampajaññaṃ tassa vasena sampajānakārītā veditabbā. Imasmiṃ sutte satipaṭṭhānamissakasampajaññaṃ pubbabhāgaṃ kathitaṃ.

3. Bhikkhusuttavaṇṇanā

369. Tatiye **evameva panidhekacce**ti so kira bhikkhu kammaṭṭhānaṃ kathāpetvā ito cito ca āhiṇḍati, kāyavivekaṃ nānuyuñjati. Tena naṃ bhagavā niggaṇhanto evamāha. **Tasmāti** yasmā saṃkhittena desanaṃ yācasi, tasmā. **Diṭṭhī**ti kammassakatādiṭṭhi.

4. Sālasuttavaṇṇanā

370. Catutthe **dhammavinayoti** dhammoti vā vinayoti vā ubhayametam satthusāsanasseva nāmaṃ. **Samādapetabbāti** gaṇhāpetabbā. **Ekodibhūtāti** khaṇikasamādhinā ekaggabhūtā. **Samāhitā ekaggacittāti** upacārappanāvasena sammā ṭhapitacittā ca ekaggacittā ca. Imasmim̐ sutte navakabhikkhūhi ceva khīṇāsavehi ca bhāvitasatipaṭṭhānā pubbhāgā, sattahi sekhehi bhāvitā missakā.

6. Sakuṇagghisuttavaṇṇanā

372. Chaṭṭhe **sakuṇagghīti** sakuṇam hanatīti sakuṇagghi, senassetam adhivacanam. **Sahasā ajjhapattāti** lobhasāhasena pattā. **Alakkhikāti** nissirikā. **Appapuññāti** parittapuññā. **Sacejja mayanti** sace ajja mayam. **Naṅgalakaṭṭhakarāṇanti** naṅgalena kasikarāṇam, adhunā kaṭṭham khettaṭṭhānanti attho. **Leḍḍuṭṭhānanti** leḍḍūnam ṭhānam. **Samvadamānāti** sammā vadamānā, attano balassa suṭṭhu vaṇṇam vadamānāti attho. **Mahantam leḍḍum abhiruhitvāti** uddhanasaṅṭhānena ṭhitesu tīsu leḍḍūsu “ito sene āgacchante ito nikkhamissāmi, ito āgacchante ito” ti sallakkhetvā tesu ekam leḍḍum abhiruhitvā aṭṭhāsi avadamāno. **Sannayhāti** khurappam sannayhamāno viya sannayhitvā suṭṭhu ṭhapetvā. **Bahuāgato kho myāyanti** “mayham atthāya ayam bahutam ṭhānam āgato, appam avasiṭṭham, idāni mam gaṇhissatī” ti ṇatvā dāruḡo viya vinivattitvā tasseva leḍḍussa antare paccupādi, paṭipanno pavitṭhoti attho. **Uram paccatālesīti** “ekappahāreneva lāpassa sīsam chinditvā gahessāmī” ti pakkhandatā vegam sandhāretum asakkonto tasmim̐ leḍḍusmim̐ uram patālesi. Tāvadevassa hadayamaṃsam phāliyittha. Atha lāpo “diṭṭhā vata sattuno piṭṭhī” ti haṭṭhatuṭṭho tassa hadaye aparāparam caṅkama.

7. Makkaṭasuttavaṇṇanā

373. Sattame **duggāti** duggamā. **Cārīti** sañcāro. **Lepam oḍḍentīti** vaṭarukkakhāhīrādīhi yojetvā lepam karonti, tam makkaṭānam dhuvagamanaṭṭhānanti sallakkhetvā rukkhasākhādīsu ṭhapenti. **Pañcodḍitoti** pañcasu ṭhānesu kājandaṇḍakam pavesetvā gahetabbā kājasikkā viya oḍḍito. **Thunam setīti** thunanto sayati.

8. Sūdasuttavaṇṇanā

374. Aṭṭhame **sūdoti** bhattakārako. **Nānaccayehīti** nānācayehi, nānāvidhehīti attho. Ayameva vā pāṭho. **Ambilaggehīti** ambilakoṭṭhāsehi. Eseva nayo sabbattha. **Abhiharatīti** gahaṇatthāya hattham pasāreti. **Bahum gaṇhātīti** ekaggahaṇena bahum gaṇhantopi punappunam gaṇhantopi bahum gaṇhateva. **Abhihārānanti** satam vā sahasam vā ukkhipitvā abhihāṇam dāyānam. **Upakkilesāti** pañca nīvaraṇā. **Nimittam na uggaṇhātīti** “imaṃ me kammaṭṭhānam anulomam vā gotrabhum vā āhacca ṭhita” nti na jānāti, attano cittassa nimittam gaṇhitum na sakkoti. Imasmim̐ sutte pubbhāgavipassanā satipaṭṭhānāva kathitā.

9. Gilānasuttavaṇṇanā

375. Navame **beḷuvagāmaketi** vesāliyā samīpe evaṃnāmako pādagaṃmo atthi, tasmim̐. **Yathāmittantiādīsu mittāti** mittāva. **Sandiṭṭhāti** tattha tattha saṅgama diṭṭhamattā nātidalhamittā. **Sambhattāti** suṭṭhu bhattā sinehavanto dalhamittā. Yesam yattha yattha evarūpā bhikkhū atthi, te tattha tattha vassam upethāti attho. Kasmā evamāha? Tesam phāsuvihāratthāya. Tesam kira beḷuvagāmake senāsanam nappahoti, bhikkhāpi mandā. Samantā vesāliyā pana bahūni senāsanāni, bhikkhāpi sulabhā. Tasmā evamāha.

Atha kasmā “yathāsukham gacchathā” ti na vissajjesi? Tesam anukampāya. Evaṃ kirassa ahosi – “ahaṃ dasamāsamattam ṭhatvā parinibbāyissāmi. Sace ime dūram gacchissanti, mam parinibbānakāle

daṭṭhum na sakkhissanti. Atha nesam ‘sathā parinibbāyanto amhākaṃ satimattampi na adāsi. Sace jāneyyāma, na evaṃ dūre vaseyyāma’ ti vippiṭṭisāro bhaveyya. Vesāliya samantā pana vassaṃ vasantā māssa aṭṭha vāre āgantvā dhammaṃ suṇissanti, sugatovādaṃ labhissanti” ti na vissajjesi.

Kharoti pharuso. **Ābādhoti** visabhāgarogo. **Bālhāti** balavatiyo. **Māraṇantikāti** maraṇantaṃ maraṇasantikaṃ pāpanasamatthā. **Sato sampajāno adhvāsesī** satim sūpaṭṭhitam katvā nāṇena paricchinditvā adhvāsesi. **Avihaññamānoti** vedanānuvattanavasena aparāparaṃ parivattanaṃ akaronto apīliyamāno adukkhiyamāno ca adhvāsesi. **Anāmantetvāti** ajānāpetvā. **Anapaloketvāti** ajānāpetvāva ovādānusāsaniṃ adatvāti vuttaṃ hoti. **Vīriyenāti** pubbhāgavīriyena ceva phalasaṃpattivīriyena ca. **Paṭipañāmetvāti** vikkhambhetvā. **Jīvitasāṅkhārenti** ettha jīvitampi jīvitasāṅkhāro. Yena jīvitam saṅkharīyati chijjamānaṃ ghaṭetvā ṭhapīyati, so phalasaṃpattidhammopi jīvitasāṅkhāro. So idha adhippeto. **Adhiṭṭhāyāti** adhiṭṭhahitvā pavattetvā jīvitaṭṭhapanasamattham phalasaṃpattim samāpajjeyyanti ayamettha saṅkhepattho.

Kim pana bhagavā ito pubbe phalasaṃpattim na samāpajjati? Samāpajjati. Sā pana khaṇikasamāpatti. Khaṇikasamāpatti ca antosamāpattiyāmyeva vedanaṃ vikkhambheti, samāpattito vuṭṭhitamattassa kaṭṭhapātena vā kaṭhalapātena vā chinnasevālo viya udakaṃ, puna sarīraṃ vedanā ajjhottharati. Yā pana rūpasattakaṃ arūpasattakaṃca niggumbaṃ nijjaṭṭam katvā mahāvīpassanāvasena samāpannā samāpatti, sā suṭṭhu vikkhambheti. Yathā nāma purisena pokkharaniṃ ogāhetvā hatthehi ca pādehi ca suṭṭhu apabyulhasevālo cirena udakaṃ ottharati, evameva tato vuṭṭhitassa cirena vedanā uppajjati. Iti bhagavā taṃdivasaṃ mahābodhipallaṅke abhinavaṃ vipassanaṃ paṭṭhapento viya rūpasattakaṃ arūpasattakaṃca niggumbaṃ nijjaṭṭam katvā cuddasahākārehi sannetvā mahāvīpassanāya vedanaṃ vikkhambhetvā “dasamāse mā uppajjitthā” ti samāpattim samāpajji, samāpattivikkhambhitā vedanā dasa māse na uppajjiyeva.

Gilānā vuṭṭhitoti gilāno hutvā puna vuṭṭhito. **Madhurakajāto viyāti** sañjātagarubhāvo sañjātathaddhabhāvo sūle uttāsītapuriso viya. **Na pakkhāyantīti** na pakāsanti, nānākārato na upaṭṭhahanti. **Dhammāpi maṃ nappaṭibhantīti** satipaṭṭhānadhammā mayhaṃ pākāṭā na hontīti dīpeti. Tantidhammā pana therassa suppaṅṇā. **Na udāharatīti** pacchimaovādaṃ na deti, taṃ sandhāya vadati.

Anantaraṃ abāhiranti dhammavasena vā puggalavasena vā ubhayaṃ akatvā. “Ettakaṃ dhammaṃ parassa na desessāmī” ti hi cintento dhammaṃ abbhantaraṃ karoti nāma, “ettakaṃ parassa desessāmī” ti cintento bāhiraṃ karoti nāma. “Imassa puggalassa desessāmī” ti cintento pana puggalaṃ abbhantaraṃ karoti nāma, “imassa na desessāmī” ti cintento puggalaṃ bāhiraṃ karoti nāma. Evaṃ akatvā desitoti attho. **Ācariyamuṭṭhīti** yathā bāhirakānaṃ ācariyamuṭṭhi nāma hoti, daharakāle kassaci akathetvā pacchimakāle maraṇamañce nipannā piyamanāpassa antevāsikassa kathenti, evaṃ tathāgatassa “idaṃ mahallakakāle pacchimaṭṭhāne kathessāmī” ti muṭṭhim katvā pariharitvā ṭhapitaṃ kiñci natthīti dasseti.

Ahaṃ bhikkhusaṅghanti ahameva bhikkhusaṅghaṃ pariharissāmīti vā, **mamuddesikoti** ahaṃ uddisītabbaṭṭhena uddeso assāti mamuddesiko, mameva uddisītvā maṃ paccāsīsamāno bhikkhusaṅgho hotu mama accayena mā vā ahosi, yaṃ vā taṃ vā hotūti iti vā pana yassa assāti attho. **Na evaṃ hotīti** bodhipallaṅkeyeva issāmaccherānaṃ vigatattā evaṃ na hoti. **Sa kinti** so kiṃ. **Āsītikoti** asītiṣaṃvacchariko, idaṃ pacchimavayaṃ anuppattabhāvadīpanatthaṃ vuttaṃ. **Veṭhamissakenāti** bāhabandhacakkabandhādīnā paṭisaṅkharāṇena veṭhamissakena. **Maññeti** jarasakaṭṭam viya veṭhamissakena maññe yāpeti, arahattaphalaveṭhanena catuiriyaṭṭhakaṭṭanaṃ tathāgatassa hotīti dasseti.

Idāni tamatthaṃ pakāsento **yasmim ānanda samayeti**ādīmāha. Tattha **sabbanimittānanti** rūpanimittādīnaṃ. **Ekaccānaṃ vedanānanti** lokiyānaṃ vedanānaṃ. **Tasmātihānandāti** yasmā iminā phalasaṃpattivihārena phāsu hoti, tasmā tumhepi tadatthāya evaṃ viharathāti dasseti. **Attadīpāti**

mahāsamuddagatā dīpaṃ viya attānaṃ dīpaṃ paṭiṭṭhaṃ katvā viharatha. **Attasaraṇā**ti attagatikāva hotha, mā aññagatikā. **Dhammadīpadhammasaraṇa**padesupi eseva nayo. Ettha ca dhammoti navavidho lokuttaradhammo veditabbo. **Tamataggeti** tamaagge, majjhe ta-kāro padasandhivasena vutto. Idaṃ vuttaṃ hoti – ime aggatamāti tamataggāti. Evaṃ sabbaṃ tamasotaṃ chinditvā ativiya agge uttamabhāve ete, ānanda, mama bhikkhū bhavissanti, tesam agge bhavissanti. Ye keci sikkhākāmā, sabbesaṃ tesam catusatipaṭṭhānagocarāva bhikkhū agge bhavissantīti arahattanikūṭena desanaṃ gaṇhīti.

10. Bhikkhunupassayasuttavaṇṇanā

376. Dasame **tenupasaṅkamī**ti tasmim upassaye kammaṭṭhānakammikā bhikkhuniyo atthi, tāsam ussukkāpetvā kammaṭṭhānaṃ kathessāmīti upasaṅkami. **Uḷāraṃ pubbenāparaṃ visesanti** pubbavisesato aparaṃ uḷāravisesaṃ. Tattha mahābhūtapariggaho pubbaviseso, upādārūparariggaho aparaviseso nāma. Tathā sakalarūparariggaho pubbaviseso, arūparariggaho aparaviseso nāma. Rūpārūparariggaho pubbaviseso, paccayarariggaho aparaviseso nāma sappaccayanāmarūpadassanaṃ pubbaviseso, tilakkhaṇāropanaṃ aparaviseso nāma. Evaṃ pubbenāparaṃ uḷāravisesaṃ jānāṭīti attho.

Kāyārammaṇoti yaṃ kāyaṃ anupassati, tameva ārammaṇaṃ katvā uppajjati kilesapariḷāho. **Bahiddhā vā cittaṃ vikkipatīti** bahiddhā vā puthuttārammaṇe cittuppādo vikkipati. **Kismiñcideva pasādanīye nimitte cittaṃ paṇidahitabbanti** evaṃ kilesapariḷāhe ca līnatte ca bahiddhāvikkhepe ca uppanne kilesānurañjītena na vattitabbaṃ, kismiñcideva pasādanīye pasādāvahe buddhādīsu aññatarasmim ṭhāne kammaṭṭhānacittaṃ ṭhapetabbaṃ. **Cittaṃ samādhīyāṭīti** ārammaṇe sammā ādhīyati suṭṭhu ṭhapitaṃ ṭhapiyati. **Paṭisaṃharāmīti** pasādanīyaṭṭhānato paṭisaṃharāmi, mūlakammaṭṭhānābhimukhaṃyeva naṃ karomīti attho. **So paṭisaṃharati cevāti** mūlakammaṭṭhānābhimukhaṃ peseti. **Na ca vitakketi na ca vicāretīti** kilesavitakkaṃ na vitakketi, kilesavicāraṃ na vicāreti. **Avitakkomhi avicāroti** kilesavitakkavicārehi avitakkāvicāro. **Ajjhattaṃ satimā sukhamasmīti** gocarajjhatte pavattāya satiyā “satimāhamasmi sukhito cā”ti pajānāti.

Evaṃ kho, ānanda, paṇidhāya bhāvanā hotīti evaṃ, ānanda, ṭhapetvā bhāvanā hoti. Imassa hi bhikkhuno yathā nāma purisassa mahantaṃ ucchubhāraṃ ukkipitvā yantasālaṃ nentassa kilantakilantakāle bhūmiyaṃ ṭhapetvā ucchukhaṇḍaṃ khādītva puna ukkipitvā gamanaṃ hoti; evameva arahattaṃ pāpuṇiṭṭhaṃ uggahitakammaṭṭhānassa kāyapariḷāhādīsu uppannesu taṃ kammaṭṭhānaṃ ṭhapetvā buddhaguṇādiānussaraṇena cittaṃ pasādetvā kammaniyaṃ katvā bhāvanā pavattā, tasmā “paṇidhāya bhāvanā hotī”ti vuttaṃ. Tassa pana purisassa ucchubhāraṃ yantasālaṃ netvā pīletvā rasapānaṃ viya imassa bhikkhuno kammaṭṭhānaṃ matthakaṃ pāpetvā arahattaṃ pattassa phalasaṃpattisukhānubhavanaṃ veditabbaṃ.

Bahiddhāti mūlakammaṭṭhānaṃ pahāya bahi aññasmim ārammaṇe. **Appaṇidhāyāti** aṭṭhapetvā. **Atha pacchā pure asaṃkhittaṃ vimuttaṃ appaṇihitanti pajānāṭīti** ettha kammaṭṭhānavasena vā sarīravasena vā desanāvasena vā attho veditabbo.

Tattha kammaṭṭhāne tāva kammaṭṭhānassa abhiniveso pure nāma, arahattaṃ pacchā nāma. Tattha yo bhikkhu mūlakammaṭṭhānaṃ gahetvā kilesapariḷāhassa vā līnattassa vā bahiddhāvikkhepassa vā uppajjitaṃ okāsaṃ adento sudantagoṇe yojetvā sārento viya caturassacchidde sutacchitaṃ caturassaghaṭikaṃ pakkhipanto viya vipassanaṃ paṭṭhapetvā aṭṭhanto alagganto arahattaṃ pāpuṇāti, so puresaṅkhātassa kammaṭṭhānābhinivesassa pacchāsaṅkhātassa arahattassa ca vasena pacchā pure asaṃkhittaṃ vimuttaṃ appaṇihitanti pajānāti nāma.

Sarīre pana pādaṅgulīnaṃ aggapabbāni pure nāma, sīsakaṭāhaṃ pacchā nāma. Tattha yo bhikkhu pādaṅgulīnaṃ aggapabbāaṭṭhikesu abhinivisitvā byābhaṅgiyā yavakalāpaṃ mocento viya vaṇṇasaṅṭhānadisokāsaparicchedavasena aṭṭhīni pariggaṇhanto antarā kilesapariḷāhādīnaṃ uppattim vāretvā yāva sīsakaṭāhā bhāvanaṃ pāpeti, so puresaṅkhātānaṃ aggapādaṅgulipabbānaṃ

pacchāsaṅkhātassa sīsakaṭāhassa ca vasena pacchā pure asaṃkhittam vimuttam appaṇihitanti pajānāti nāma.

Desanāyapi dvattiṃsākāradesanāya kesā pure nāma, matthaluṅgaṃ pacchā nāma. Tattha yo bhikkhu kesesu abhinivisitvā vaṇṇasaṅṭhānadisokāsavasena kesādayo pariggaṇhanto antarā kilesapariḷāhādīnaṃ uppattiṃ vāretvā yāva matthaluṅgā bhāvanam pāpeti. So puresaṅkhātānaṃ kesānaṃ pacchāsaṅkhātassa matthaluṅgassa ca vasena pacchā pure asaṃkhittam vimuttam appaṇihitanti pajānāti nāma.

Evam kho, ānanda, appaṇidhāya bhāvanā hotīti evaṃ, ānanda, aṭṭhapetvā bhāvanā hoti. Imassa hi bhikkhuno yathā nāma purisassa guḷabhāraṃ labhitvā attano gāmaṃ atiharantassa antarā aṭṭhapetvāva uccaṅge pakkhittāni guḷakhaṇḍādīni khādanīyāni khādanantassa attano gāmeveva otaraṇam hoti, evameva arahattam pāpuṇitum āradhabhāvanassa kāyapariḷāhādīnaṃ uppattiṃ vāretvā kammaṭṭhānabhāvanā pavattā, tasmā “appaṇidhāya bhāvanā”ti vuttā. Tassa pana purisassa taṃ guḷabhāraṃ attano gāmaṃ netvā ñātihi saddhiṃ paribhogo viya imassa bhikkhuno kammaṭṭhānaṃ matthakaṃ pāpetvā arahattam pattassa phalasaṃpattisukhānubhavanaṃ veditabbaṃ. Imasmiṃ sutte pubbabhāgavipassanā kathitā. Sesam sabbattha uttānamevāti.

Ambapālivaggo paṭhamo.

2. Nālandavaggo

2. Nālandasuttavaṇṇanā

378. Dutiyavaggassa dutiye **nālandāyanti** nālandāti evaṃnāmake nagare, taṃ nagaraṃ gocaragāmaṃ katvā. **Pāvārikambavaneti** dussapāvārikaseṭṭhino ambavane. Taṃ kira tassa uyyānaṃ ahoṣi. So bhagavato dhammadeśanaṃ sutvā bhagavati pasanno tasmim uyyāne kuṭiḷenaṃaṇḍapādipaṭimaṇḍitaṃ bhagavato vihāraṃ katvā niyyātesī. So vihāro jīvakambavanaṃ viya pāvārikambavanantveva saṅkhaṃ gato. Tasmim pāvārikambavane viharatīti attho.

Evam pasannoti evaṃ uppannasaddho, evaṃ saddahāmīti attho. **Bhiyyobhiññataroti** bhiyyataro abhiññāto bhiyyatarābhiyyo vā, uttaritaraññoti attho. **Sambodhiyanti** sabbaññutaññāṇe arahattamaggaññāṇe vā arahattamaggeneva hi buddhaguṇā nippadesā gahitā honti, dvepi aggasāvaka arahattamaggeneva sāvakapāramīññaṃ paṭilabhanti, paccekabuddhā paccekabodhiññaṃ, buddhā sabbaññutaññāṇaṃ sakale ca buddhaguṇe. Sabbampi nesam arahattamaggeneva ijjhati. Tasmā arahattamaggaññaṃ sambodhi nāma hoti. Tena uttaritaro ca bhagavatā natthi. Tenāha “bhagavatā bhiyyobhiññataro, yadidaṃ sambodhiya”nti.

Uḷārāti seṭṭhā. Ayañhi uḷārasaddo “uḷārāni khādanīyāni khādanī”tiādīsu (ma. ni. 1.366) madhure āgacchati. “Uḷārāya khalu bhavaṃ vacchāyano samaṇam gotamaṃ pasamsāya pasamsatī”tiādīsu (ma. ni. 1.288) seṭṭhe. “Appamaṇo uḷāro obhāso”tiādīsu (dī. ni. 2.32; ma. ni. 3.201) vipule. Svāyamidha seṭṭhe āgato. Tena vuttam “uḷārāti seṭṭhā”ti. **Āsabhīti** usabhassa vācāsadisī acalā asampavedhī. **Ekamsō gahitoti** anussavena vā ācariyaparamparāya vā itikirāya vā piṭakasampadānena vā ākāraparivitakkena vā diṭṭhinijjhānakkhantiyā vā takkahetu vā nayahetu vā akathetvā paccakkhato ñāṇena paṭivijjhivā viya ekamsō gahito, sanniṭṭhānakathāva kathitāti attho. **Sihanādoti** seṭṭhanādo, vane unnādayantena sīhena viya uttamanādo naditoti attho.

Kiṃ nu te sārīputtāti imaṃ desanaṃ kasmā ārabhi? Anuyogadāpanattham. Ekacco hi sihanādaṃ naditvā attano sihanāde anuyogaṃ dātuṃ na sakkoti, nighamsanaṃ na khamati, silese patitamakkaṭṭo viya hoti. Yathā dhamamānaṃ aparissuddham lohaṃ jhāyitvā aṅgāro hoti, evaṃ jhāmaṅgāro viya hoti. Eko sihanāde anuyogaṃ dāpiyamāno dātuṃ sakkoti, nighamsanaṃ khamati, dhamamānaṃ

niddosajātarūpaṃ viya adhikataṃ sobhati, tādiso thero. Tena naṃ bhagavā “anuyogakkhama aya”nti nātvā sīhanāde anuyogadāpanatthaṃ imaṃ desanaṃ ārabhi.

Tattha **sabbe teti sabbe te tayā. Evaṃsīlāti** maggasīlena phalasīlena lokiyalokuttarasīlena evaṃsīlā. **Evaṃdhammāti** ettha samādhipakkhā dhammā adhippetā, maggasamādhinā phalasamādhinā lokiyalokuttarena samādhinā evaṃsamādhīti attho. **Evaṃpaññāti** maggapaññādivaseneva evaṃpaññā. **Evaṃvihārinoti** ettha pana heṭṭhā samādhipakkhānaṃ dhammānaṃ gahitattā vihāro gahitopi puna kasmā gahitameva gaṇhatīti ce. Therena idaṃ gahitameva. Idañhi nirodhasamāpattidīpanatthaṃ vuttaṃ. Tasmā evaṃ nirodhasamāpattivihāriṇo te bhagavanto ahesunti evamettha attho daṭṭhabbo.

Evaṃvimuttāti ettha vikkhambhanavimutti, tadaṅgavimutti, samucchedavimutti, paṭipassaddhivimutti, nissaraṇavimuttīti pañcavidhā vimutti. Tattha aṭṭha samāpattiyo sayā vikkhambhitehi nīvaraṇādīhi vimuttattā **vikkhambhanavimuttīti** saṅkhaṃ gacchanti. Aniccānupassanādīkā satta anupassanā sayā tassa tassa paccanīkavasena pariccattāhi nīcassaññādīhi vimuttattā **tadaṅgavimuttīti** saṅkhaṃ gacchanti. Cattāro ariyamaggā sayā samucchinnehi kilesehi vimuttattā **samucchedavimuttīti** saṅkhaṃ gacchanti. Cattāri sāmāññaphalāni maggānubhāvena kilesānaṃ paṭipassaddhante uppannattā **paṭipassaddhivimuttīti** saṅkhaṃ gacchanti. Nibbānaṃ sabbakilesehi nissāṭṭā apagatattā dūre thitattā **nissaraṇavimuttīti** saṅkhaṃ gataṃ. Iti imāsaṃ pañcannaṃ vimuttīnaṃ vasena evaṃ vimuttāti ettha attho daṭṭhabbo.

Kiṃ pana te sārīputta ye te bhavissanti atītā tāva niruddhā apanṇattikabhāvaṃ gatā dīpasikhā viya nibbutā, evaṃ niruddhe apanṇattikabhāvaṃ gate tvaṃ kathaṃ jānissasi, anāgatabuddhānaṃ pana guṇā kiṃ tayā attano cittaṃ paricchinditvā veditāti pucchanto evamāha.

Kiṃ pana tyāhaṃ sārīputta etarahīti anāgatāpi buddhā ajātā anibbattā anuppannā, te kathaṃ jānissasi. Tesañhi jānanaṃ apade ākāse padadassanaṃ viya hoti. Idāni mayā saddhiṃ ekavīhāre vasasi, ekato bhikkhāya carasi, dhammadesanākāle dakkhiṇapasse nisīdasi, kiṃ pana mayhaṃ guṇā attano cetasā paricchinditvā veditā tayāti anuyūjanto evamāha. Thero pana pucchitapucchite “no hetam bhante”ti paṭikkhipati.

Therassa ca veditampi atthi, aviditampi. Kiṃ so attano veditaṭṭhāne paṭikkhepaṃ karoti, aviditaṭṭhāneti? Veditaṭṭhāne na karoti, aviditaṭṭhāneyeva karoti. Thero kira anuyoge āradde evaṃ aññasi “nāyaṃ anuyogo sāvakaṃpāramīñāṇe, sabbaññūtaññāṇe pana ayaṃ anuyogo”ti attano sāvakaṃpāramīñāṇe paṭikkhepaṃ akatvāva aviditaṭṭhāne sabbaññūtaññāṇe paṭikkhepaṃ karoti. Tena idampi dīpeti – bhagavā mayhaṃ atītānāgatapaccuppannānaṃ buddhānaṃ silasamādhīpaññāvīmuttikāraṇajānanasamatthaṃ sabbaññūtaññāṇaṃ natthīti.

Etthāti etesu atītādibhedeṣu buddhesu. **Atha kiñcaraṇāti** atha kasmā evaṃ ñāṇe asati tayā evaṃ kathitanti vadati. **Dhammanvayoti** dhammasa paccakkhato ñāṇassa anuyogaṃ anugantvā uppannaṃ anumānañāṇaṃ nayaggāho vidito, sāvakaṃpāramīñāṇe thātvāva iminā ākārena jānāmi bhagavāti vadati. Therassa hi nayaggāho appamāṇo apariyanto. Yathā ca sabbaññūtaññāṇassa pamāṇaṃ vā pariyaṇṇo vā natthi, evaṃ dhammasenāpatino nayaggāhassa. Tena so – “iminā evaṃvidho iminā evaṃvidho, iminā anuttaro iminā anuttaro satthā”ti jānāti. Therassa hi nayaggāho sabbaññūtaññāṇagatiko eva.

Idāni taṃ nayaggāhaṃ pākāṭaṃ kātuṃ upamaṃ dassento **seyyathāpi bhanteti**ādīmāha. Tattha yasmā majjhīmadese nagarassa uddhāpapākārādīni thirāni vā hontu dubbalāni vā, sabbaso vā pana mā hontu, corānaṃ āsaṅkā na hoti. Tasmā taṃ aggahetvā **paccantimaṃ nagaranti** āha. **Daḷhuddhāpanti** thiramūlapākāraṃ. **Daḷhapākāraṇanti** thirapākārañceva thirapīṭṭhasaṅghāṭaṇca. **Ekadvāranti** kasmā āha? Bahudvāre hi nagare bahūhi paṇḍitadovārikehi bhavitabbaṃ, ekadvāreva eko vaṭṭati. Therassa ca paññāya sadiso aññā natthi, tasmā attano paṇḍitabhāvassa opammatthaṃ ekameva dovārikaṃ dassetuṃ “ekadvāra”nti āha.

Paṇḍitoti paṇḍiccena samannāgato. **Byattoti** veyyattiyena samannāgato visadañño. **Medhāvīti** ṭhānuppattikapaññāsaṅkhātāya medhāya samannāgato. **Anupariyāyapathanti** anupariyāyanāmakam pākāramaggaṃ. **Pākārasandhīti** dvinnam iṭṭhakānam apagataṭṭhānam. **Pākāravivaranti** pākārassa chinnaṭṭhānam. **Cetaso upakkileseti** pañcanīvaraṇā cittaṃ upakkilissanti kiliṭṭham karonti upatāpentī viheṭṭenti, tasmā “cetaso upakkilesā”ti vuccanti. **Paññāya dubbalīkaraṇeti** nīvaraṇā uppajjamānā anuppannāya paññāya uppajjitum na denti, tasmā “paññāya dubbalīkaraṇā”ti vuccanti. **Supatiṭṭhitacittāti** catūsu satipaṭṭhānesu suṭṭhu ṭhapitacittā hutvā. **Satta bojjaṅge yathābhūtanti** satta bojjaṅge yathāsabhāvena bhāvetvā. **Anuttaram sammāsambodhīti** arahattaṃ sabbaññutaññāṇam paṭivijjhimsūti dasseti.

Apicettha satipaṭṭhānāti vipassanā, bojjaṅgā maggo, anuttarasammāsambodhi arahattaṃ. Satipaṭṭhānāti vā vipassanā, bojjaṅgāmissakā, sammāsambodhi arahattameva. Dīghabhāṇakamahāsīvaththero pañña “satipaṭṭhāne vipassanam gahetvā bojjaṅge maggo ca sabbaññutaññāṇācātī gahite sundaro pañño bhāveyya, na panevaṃ gahita”nti. Iti thero sabbabuddhānam nīvaraṇappahāne satipaṭṭhānabhāvanāya sambodhiyañca majjhe bhinnasuvaṇṇarajatānam viya nānattābhāvaṃ dasseti.

Idha ṭhatvā upamā saṃsandetabbā – āyasmā hi sārīputto paccantanagaraṃ dassesi, pākāram dassesi, anupariyāyapatham dassesi, dvāram dassesi, paṇḍitadovārikaṃ dassesi, nagaram pavisanakanikkhamanake oḷārike pāṇe dassesi, dovārikassa tesam pāṇānam pākātabhāvaṃ dassesi. Tattha kiṃ kena sadisanti ce? Nagaram viya hi nibbānam, pākāro viya sīlam, anupariyāyapatho viya hirī, dvāram viya ariyamaggo, paṇḍitadovāriko viya dhammasenāpati, nagaram pavisanakanikkhamanaka oḷārikapāṇā viya atītānāgatapaccuppannā buddhā, dovārikassa tesam pāṇānam pākātabhāvo viya āyasmato sārīputtassa atītānāgatapaccuppannānam buddhānam sīlasamathādīhi pākātabhāvo. Ettāvata therena bhāgavato – “evamaḥam sāvakaṃpāramiññaṇe ṭhatvā dhammanvayena nayaggāhena jānāmi”ti attano sīhanādassa anuyogo dinno hoti.

Tasmāti yasmā “na kho metaṃ, bhante, atītānāgatapaccuppannesu arahantesu sammāsambuddhesu cetopariyañāṇam atthi, apica dhammanvayo vidito”ti vadati, tasmā. **Abhikkhaṇam bhāseyyāsīti** punappunam bhāseyyāsī, “pubbaṅhe me kathita”nti mā majjhanhikādīsū na kathayittha, “ajja vā me kathita”nti mā paradivasādīsū na kathayitthāti attho. **Sā pahīyissatīti** “sārīputtasadisopi nāma ñāṇajavanasaṃpanno sāvako buddhānam cittācāram jānitum na sakkoti, evaṃ appameyyā tathāgatā”ti cintentānam yā tathāgate kaṅkhā vā vimati vā, sā pahīyissatīti.

3. Cundasuttavaṇṇanā

379. Tatiye **magadhesūti** evaṃnāmake janapade. **Nālakagāmaketi** rājagahassa avidūre attano kulasantake evaṃnāmake gāme. **Cundo samaṇuddesoti** ayaṃ thero dhammasenāpatissa kaniṭṭhabhātiko, taṃ bhikkhū anupasaṃpannakāle “cundo samaṇuddeso”ti samudācaritvā therakālepi tatheva samudācarīmsu. Tena vuttaṃ “cundo samaṇuddeso”ti. **Upaṭṭhāko hotīti** mukhodakadantakaṭṭhadānena ceva pariveṇasammajjana-piṭṭhiparikammakaraṇa-pattacīvaraggahaṇena ca upaṭṭhānakaro hoti. **Parinibbāyīti** anupādisesāya nibbānadhātuyā parinibbuto. Katarasmim kāleti? Bhāgavato parinibbānasamvacchare.

Tatrāyam anupubbikathā – bhāgavā kira vutthavasso veḷuvagāmakā nikkhamitvā “sāvattim gamissāmi”ti āgataṃ maggeneva paṇinivattanto anupubbena sāvattim patvā jetavanam pāvīsi. Dhammasenāpati bhāgavato vattaṃ dassetvā divāṭṭhānam gato, so tattha antevāsikesu vattaṃ dassetvā paṭikkantesu divāṭṭhānam sammajjitvā cammakhaṇḍam paññāpetvā pāde pakkhāletvā pallaṅkam ābhujitvā phalasaṃpattim pāvīsi. Athassa yathā paricchēdena tato vuṭṭhitassa ayaṃ parivitakko udapādi “buddhā nu kho paṭhamam parinibbāyanti, udāhu aggasāvakāti, tato “aggasāvakaṃ paṭhama”nti ñatvā attano āyusaṅkhāram olokesi. So “sattāhameva me āyusaṅkhārā pavattissanti”ti ñatvā “kattha

parinibbāyissāmī”ti cintesi.

Tato “**rāhulo** tāvatimsesu parinibbuto, **aññāsikoṇḍaññatthero** chaddantadahe, ahaṃ kattha parinibbāyissāmī”ti punappunaṃ cintento mātaraṃ ārabha satim uppādesi – “mayhaṃ mātā sattannaṃ arahantānaṃ mātā hutvāpi buddhadhammasaṅghesu appasannā, atthi nu kho tassā upanissayo, natthi nu kho”ti. Sotāpattimaggassa upanissayaṃ disvā “kassa desanāya abhisamayo bhavissati”ti olokeno “mameva dhammadesanāya bhavissati, na aññassa. Sace kho panāhaṃ apposukko bhaveyyaṃ, bhavissanti me vattāro – “sāriputtatthero avasesajanānampi avassayo hoti. Tathā hissa samacittasuttantadesanādivase (a. ni. 2.33-37) koṭisatasahassadevatā arahattaṃ pattā, tayo magge paṭividdhadevatānaṃ gaṇanā natthi, aññesu ca ṭhānesu anekā abhisamayā dīssanti, there ca cittaṃ pasādetvā sagge nibbattāneva asīti kulasahassāni, so dāni sakamātumicchādassanamattampi haritum nāsakkhī”ti. Tasmā mātaraṃ micchādassanā mocetvā jāto varakeyeva parinibbāyissāmī”ti sannitthānaṃ katvā “ajjeva bhagavantaṃ anujānāpetvā nikkhamissāmī”ti cundattheraṃ āmantesi – “āvuso, cunda, amhākaṃ pañcasatāya bhikkhuparisāya saññaṃ dehi. ‘Gaṇhathāvuso pattacīvarāni, dhammasenāpati nālakagāmaṃ gantukāmo””ti. Thero tathā akāsi.

Bhikkhū senāsaṇaṃ saṃsāmetvā pattacīvaramādāya therassa santikaṃ agamaṃsu. Thero senāsaṇaṃ saṃsāmetvā divāṭṭhānaṃ sammajjitvā divāṭṭhānadvāre ṭhatvā divāṭṭhānaṃ oloketvā “idaṃ dāni pacchimadassanaṃ, puna āgamaṇaṃ natthi”ti pañcasatabhikkhūhi parivuto bhagavantaṃ upasaṅkamtivā vanditvā bhagavantaṃ etadavoca “anujānātu me bhante bhagavā, anujānātu sugato. Parinibbānakālo me, ossaṭṭho me āyusaṅkhāro”ti. Buddhā pana yasmā “parinibbāhī”ti vutte maraṇavaṇṇaṃ saṃvaṇṇentīti, “mā parinibbāhī”ti vutte vaṭṭassa guṇaṃ kathentīti micchādittikā dosaṃ āropessanti, tasmā tadubhayampi na vadanti. Tena ṇaṃ bhagavā – “kattha parinibbāyissasi sāriputtā”ti vatvā – “atthi, bhante, magadhesu nālakagāme jāto varako, tathāhaṃ parinibbāyissāmī”ti vutte – “yassa dāni tvaṃ, sāriputta, kālaṃ maññasi, idāni pana te jeṭṭhakaniṭṭhabhātikānaṃ tādisassa bhikkhuno dassanaṃ dullabhaṃ bhavissati, desehi nesāṃ dhamma”nti āha.

Thero – “sathā mayhaṃ iddhivikubbanapubbaṅgamaṃ dhammadesanaṃ paccāsīsatī”ti ñatvā bhagavantaṃ vanditvā tālappamāṇaṃ ākāsaṃ abbhuggantvā oruyha dasabalassa pāde vandi, puna dvitālappamāṇaṃ abbhuggantvā oruyha dasabalassa pāde vandi, etenupāyena sattatālappamāṇaṃ abbhuggantvā anekāni pāṭihāriyasatāni dassento dhammakathaṃ ārabhi. Dissamānenapi kāyena katheti, adissamānenapi. Uparimena vā heṭṭhimena vā upaḍḍhakāyena katheti adissamānenapi dissamānenapi, kālena candavaṇṇaṃ dasseti, kālena sūriyavaṇṇaṃ, kālena pabbatavaṇṇaṃ, kālena samuddavaṇṇaṃ, kālena cakkavattirājā hoti, kālena vessavaṇamahārājā, kālena sakko devarājā, kālena mahābrahmāti evaṃ anekāni pāṭihāriyasatāni dassento dhammakathaṃ kathesi. Sakalanagaraṃ sannipati. Thero oruyha dasabalassa pāde vanditvā aṭṭhāsi. Atha ṇaṃ sathā āha – “ko nāmo ayaṃ sāriputta dhammapariyāyo”ti. Sīhavigīlito nāma, bhanteti. Taggha, sāriputta, sīhavigīlito taggha, sāriputta, sīhavigīlitoti.

Thero alattakavaṇṇe hatthe pasāretvā satthu suvaṇṇakacchapasadise pāde gopphakesu gahetvā – “bhante, imesaṃ pādānaṃ vandanatthāya kappasatasahassādhikaṃ asaṅkhyeyyaṃ pāramiyo pūritā, so me manoratho matthakaṃ patto, ito dāni paṭṭhāya paṭisandhivasena na puna ekatṭhāne sannipāto samāgamo atthi, chinno esa vissāso, anekehi buddhasatasahasseehi pavitṭhaṃ ajaraṃ amaraṃ khemaṃ sukhaṃ sītalaṃ abhayaṃ nibbānapuraṃ pavisissāmi, sace me kiñci kāyikaṃ vā vācasikaṃ vā na rocetha, khamatha taṃ bhagavā, gamanakālo mayha”nti. Khamāmi te, sāriputta, na kho pana te kiñci kāyikaṃ vā vācasikaṃ vā mayhaṃ aruccanakaṃ atthi, yassa dāni tvaṃ, sāriputta, kālaṃ maññasīti.

Iti bhagavatā anuññātasamanantaraṃ satthu pāde vanditvā utṭhitamatte āyasmante sāriputte sinerucakkavālahimavantaparibhaṇḍapabbate dhārayamānāpi – “ajja imaṃ guṇarāsimaṃ dhāretuṃ na sakkomī”ti vadantī viya ekappahāreneva viravamānā mahāpathavī yāva udakapariyantā akampi, ākāse devadundubhiyo phaliṃsu, mahāmegho utṭhahitvā pokkharavassaṃ vassi.

Satthā – “dhammasenāpatiṃ paṭipādessāmī”ti dhammāsanā vuṭṭhāya gandhakuṭṭiabhimukho gantvā maṇiphalake aṭṭhāsi. Thero tikkhattuṃ padakkhiṇaṃ katvā catūsu ṭhānesu vanditvā – “bhagavā ito kappasatasahassādhikassa asaṅkhyeyyassa upari anomadassīsammāsambuddhassa pādamūle nīpajjītvā tumhākaṃ dassanaṃ patthesiṃ, sā me patthanā samiddhā, diṭṭhā tumhe, taṃ paṭhamadassanaṃ, idaṃ pacchimadassanaṃ. Puna tumhākaṃ dassanaṃ natthī”ti vatvā dasanakhasamodhānasamujjalaṃ añjaliṃ paggayha yāva dassanavisayā abhimukhova paṭikkamitvā vanditvā pakkāmi. Puna mahāpathavī dhāretuṃ asakkontī udakapariyantaṃ katvā akampi.

Bhagavā parivāretvā ṭhite bhikkhū āha – “anugacchatha, bhikkhave, tumhākaṃ jeṭṭhabhātika”nti. Tasmīṃ khaṇe catassopi parisā sammāsambuddhaṃ ekakaṃyeva jetavane ohāya niravasesā nikkhamiṃsu. Sāvattinagaravāsīnopi – “sāriputtatthero kira sammāsambuddhaṃ āpucchitvā parinibbāyitukāmo nikkhanto, passissāma na”nti nagaradvārāni nirokāsāni karontā nikkhamitvā gandhamālādīhatthā kese vikiritvā – “idāni mayaṃ kahaṃ mahāpañño nisīno, kahaṃ dhammasenāpati nisīno”ti pucchantā – “kassa santikaṃ gamissāma, kassa hatthe satthāraṃ ṭhapetvā thero pakkanto”tiādinā nayena paridevantā rodantā therāṃ anubandhiṃsu.

Thero mahāpaññāya ṭhitattā – “sabbesaṃ anatikkamanīyo esa maggo”ti mahājanaṃ ovaditvā – “tumhepi, āvuso, tiṭṭhatha, mā dasabale pamādaṃ āpajjitthā”ti bhikkhusaṅghampi nivattetvā attano parisāyeva saddhiṃ pakkāmi. Yēpi manussā – “pubbe ayyo paccāgamanacārikaṃ carati, idaṃ idāni gamanaṃ na puna paccāgamanāyā”ti paridevantā anubandhiṃsueva. Tepi – “appamattā, āvuso, hotha, evaṃbhāvino nāma saṅkhārā”ti nivattesi.

Atha kho āyasmā sāriputto sabbattha ekarattivāsenā antarāmagge sattāhaṃ manussānaṃ saṅghaṃ karonto sāyaṃ nālakaḡāmaṃ patvā gāmadvāre nigrodharukkhamaṃle aṭṭhāsi. Atha uparevato nāma therassa bhāgīneyyo bahigāmaṃ gacchanto therāṃ disvā upasaṅkamitvā vanditvā aṭṭhāsi. Thero taṃ āha – “atthi gehe te ayyikā”ti. Āma bhanteti. Gaccha ambhākaṃ idhāgatabhāvaṃ ārocehi. “Kasmā āgato”ti ca vutte – “ajja kira ekadivasaṃ antogāme vasissati, jāto varakaṃ paṭijaggatha, pañcannañca kira bhikkhusatānaṃ vasanaṭṭhānaṃ jānāthā”ti. So gantvā – “ayyike mayhaṃ mātulo āgato”ti āha. Idāni kuhinti? Gāmadvāreti. Ekakova, aññopi koci atthīti? Atthi pañcasatā bhikkhūti. Kiṃkāraṇā āgatoti? So taṃ pavattim ārocesi. Brāhmaṇī – “kiṃ nu kho ettakānaṃ vasanaṭṭhānaṃ paṭijaggāpeti, daharakāle pabbajitvā mahallakakāle gihī hotukāmo”ti cintenti jāto varakaṃ paṭijaggāpetvā pañcasatānaṃ vasanaṭṭhānaṃ kāretvā daṇḍadīpikā jāletvā therassa pāhesi.

Thero bhikkhūhi saddhiṃ pāsādaṃ āruya jāto varakaṃ pavisitvā nisīdi, nisīditvā “tumhākaṃ vasanaṭṭhānaṃ gacchathā”ti bhikkhū uyyojesi. Tesu gatamattesueva therassa kharo ābādho uppajji, lohitaṃ pakkhandikā māraṇantikā vedanā vattanti. Ekaṃ bhājanaṃ pavisati, ekaṃ nikkhamati. Brāhmaṇī – “mama puttassa pavatti mayhaṃ na rucati”ti attano vasanaḡabbhadvāraṃ nissāya aṭṭhāsi.

Cattāro mahārājāno “dhammasenāpati kuhiṃ viharatī”ti oloketā nālakaḡāme jāto varake parinibbānāmañce nīpanno, pacchimadassanaṃ gamissāmā”ti āgamaṃ vanditvā aṭṭhaṃsu. Ke tumhēti? Mahārājāno bhanteti. Kasmā āgatattathāti? Gilānupaṭṭhākā bhavissāmāti. “Hotu, atthi gilānupaṭṭhāko, gacchatha tumhe”ti uyyojesi. Tesāṃ gatāvasāne teneva nayena sakko devānamindo. Tasmīṃ gate mahābrahmā ca āgamiṃsu. Tepi tatheva thero uyyojesi.

Brāhmaṇī devatānaṃ āgamañca gamanañca disvā “ke nu kho ete mama puttaṃ vanditvā gacchantī”ti therassa gabbhadvāraṃ gantvā “tāta, cunda, kā pavattī”ti pucchi. So taṃ pavattim ācikkhitvā “mahāupāsikā, bhante, āgatā”ti āha. Thero “kasmā avelāya āgatā”ti pucchi. Sā “tuyhaṃ, tāta, dassanattāyā”ti vatvā “tāta, paṭhamaṃ ke āgatā”ti pucchi. Cattāro mahārājāno upāsiketī. Tāta, tvaṃ catūhi mahārājehi mahantataroti? Ārāmikasadisā ete upāsike, amhākaṃ satthu paṭisandhiggahaṇato paṭṭhāya khaggahattā hutvā ārakkhaṃ akaṃsūti. Tesāṃ tāta gatāvasāne ko āgatoti? Sakko devānamindoti. Devarājatopi tvaṃ tāta mahantataroti? Bhaṇḍaggāhakaṃ sāmaṇerasadisā esa upāsike,

amhākaṃ satthu tāvatimsato otaraṇakāle pattacīvaram gahetvā otiṇṇoti. Tassa tāta gatāvasāne jotayamāno viya ko āgatoti? Upāsike, tuyhaṃ bhagavā ca satthā ca mahābrahmā nāma esoti. Mayhaṃ bhagavato mahābrahmatopi tvam, tāta, mahantataroti? Āma upāsike, ete nāma kira amhākaṃ satthu jātadivase cattāro mahābrahmāno mahāpurisaṃ suvaṇṇajālena paṭiggaṇhimsūti.

Atha brāhmaṇiyā – “puttassa tāva me ayaṃ ānubhāvo, kīdiso vata mayhaṃ puttassa bhagavato satthu ānubhāvo bhavissati”ti cintayantiyā sahasā pañcavaṇṇā pīti uppajjitvā sakalasarīraṃ phari. Thero – “uppannaṃ me mātu pītisomanassaṃ, ayaṃ dāni kālo dhammadesanāyā”ti cintetvā “kiṃ cintesi mahāupāsike”ti āha. Sā “puttassa tāva me ayaṃ guṇo, satthu panassa kīdiso bhavissati idam, tāta, cintemī”ti āha. Mahāupāsike, mayhaṃ satthujātakkaṇe mahābhinnikkhamane sambodhiyaṃ dhammacakkappavattane ca dasasahasilokadhātu kampittha. Sīlena samādhinā paññāya vimuttiyā vimuttiñānadassanena samo nāma natthi, itipi so bhagavāti vitthāretvā buddhaguṇapaṭisaṃyuttaṃ dhammadesanaṃ kathesi.

Brāhmaṇī piyaputtassa dhammadesanāpariyosāne sotāpattiṃphale patiṭṭhāya puttaṃ āha – “tāta upatissa, kasmā evamakāsi, evarūpaṃ nāma amataṃ mayhaṃ ettakaṃ kālaṃ na adāsī”ti. Thero – “dinnaṃ dāni me mātu rūpasāriyā brāhmaṇiyā posāvanikamūlaṃ, ettakena vaṭṭissati”ti cintetvā – “gaccha mahāupāsike”ti brāhmaṇiṃ uyyojetvā – “cunda kā velā”ti āha. Balavapaccūsakālo, bhanteti. Bhikkhusaṅghaṃ sannipātehīti. Sannipatito bhante bhikkhusaṅghoti. “Maṃ ukkhipitvā nisīdāpehi cundā”ti ukkhipitvā nisīdāpesi.

Thero bhikkhū āmantesi – “āvuso catucattālīsaṃ vo vassāni mayā saddhiṃ vicarantānaṃ yaṃ me kāyikaṃ vā vācasikaṃ vā na rocetha, taṃ khamatha āvuso”ti. Ettakaṃ, bhante, amhākaṃ chāyā viya tumhe amuñcivā vicarantānaṃ aruccanaṃ nāma natthi, tumhe pana amhākaṃ khamathāti. Atha thero mahācīvaram saṅkaḍḍhitvā mukhaṃ pidhāya dakkhiṇena passena nipanno satthā viya nava anupubbasaṃpattiyo anulomapaṭilomato samāpajjitvā puna paṭhamajjhānaṃ ādiṃ katvā yāva catutthajjhānā samāpajji. Tato vuṭṭhāya anantaraṃyeva mahāpathaviṃ unnādentō anupādisesāya nibbānadhātuyā parinibbāyi.

Upāsikā – “kiṃ nu kho me putto, na kiñci katheti”ti utṭhāya piṭṭhipāde parimajjantī parinibbutabhāvaṃ ṇatvā mahāsaddaṃ kurumānā pādesu nipatitvā – “tāta mayaṃ ito pubbe tava guṇaṃ na jānimhā, idāni pana taṃ ādiṃ katvā anekasate anekasahasā anekasatasahasā bhikkhū imasmiṃ nivesane nisīdāpetvā bhojetuṃ na labhimhā, cīvarehi acchādetuṃ na labhimhā, vihārasataṃ vihārasahasā kāretuṃ na labhimhā”ti yāva aruṇuggamaṇā paridevi. Aruṇe uggatamatteyeva suvaṇṇakāre pakkosāpetvā suvaṇṇagabbhaṃ vivarāpetvā suvaṇṇaghaṭiyo mahātulāya tulāpetvā – “pañca kūṭāgārasatāni pañca agghikasatāni karoṭhā”ti dāpeti.

Sakkopi devarājā vissakammadevaputtaṃ āmantetvā – “tāta dhammasenāpati parinibbuto, pañca kūṭāgārasatāni pañca agghikasatāni ca māpehī”ti āha. Iti upāsikāya kāritāni ca vissakammaṇa nimmitāni ca sabbānīpi dvesahassāni ahesuṃ. Tato nagaramajjhe saramayaṃ mahāmaṇḍapaṃ kāretvā maṇḍapamajjhe mahākūṭāgāraṃ ṭhapetvā sesāni parivārasaṅkhepena ṭhapetvā sādhuṅṅikaṃ ārabhiṃsu. Devānaṃ antare manussā, manussānaṃ antare devā ahesuṃ.

Revatī nāma ekā therassa upaṭṭhāyikā – “ahaṃ therassa pūjaṃ karissāmī”ti suvaṇṇapupphānaṃ tayo kumbhe kāresi. “Therassa pūjaṃ karissāmī”ti sakkō devarājā aḍḍhateyyakoṭinātakehi parivārito otari. “Sakkō otarati”ti mahājano pacchāmukho paṭikkami. Tattha sāpi upāsikā paṭikkamamānā garubhāratā ekamantaṃ apasakkituṃ asakkontī manussānaṃ antare pati. Manussā apassantā taṃ madditvā agamiṃsu. Sā tattheva kālaṃ katvā tāvatimsabhavane kanakavimāne nibbatti. Nibbattakkhaṇeyevassā ratanakkhandho viya tigāvutappamāṇo attabhāvo ahoṣi saṭṭhisakataṇṇapūrapamāṇaalaṅkārapaṭimaṇḍitā accharāsahassaparivāritā. Athassā dibbaṃ sabbakāyikādāsaṃ purato ṭhapayīsu. Sā attano sirisampattiṃ disvā – “uḷārā ayaṃ sampatti, kiṃ nu

kho me kammaṃ kata’’nti cintayamānā addasa – “mayā sārīputtattherassa parinibbutaṭṭhāne tīhi suvaṇṇapupphakumbhehi pūjā katā, mahājano maṃ madditvā gato, sāhaṃ tattha kālaṃ katvā idhūpapannā, theram nissāya laddhaṃ idāni puññavipākaṃ manussānaṃ kathessāmī’’ti saha vimāneneva otari.

Mahājano dūratova disvā – “kiṃ nu kho dve sūriyā utṭhitā’’ti? Olokento – “vimāne āgacchante kūṭāgārasaṅghānaṃ paññāyati, nāyaṃ sūriyo, vimānametaṃ eka’’nti āha. Tampi vimānaṃ tāvadeva āgantvā therassa dārucitakamatthake vehāsaṃ aṭṭhāsi. Devadhītā vimānaṃ ākāseyeva ṭhapetvā pathaviṃ otari. Mahājano – “kā tvaṃ, ayye’’ti? Pucchi. “Na maṃ tumhe jānātha, revatī nāmāhaṃ, tīhi suvaṇṇapupphakumbhehi theram pūjaṃ katvā manussehi madditā kālaṃ katvā tāvatimṣabhavane nibbattā, passatha me sirisampattim, tumhepi dāni dānāni detha, puññāni karoṭhā’’ti kusalakiriyyā vaṇṇaṃ kathetvā therassa citakaṃ padakkhiṇaṃ katvā vanditvā attano devaṭṭhānaṃyeva gatā.

Mahājanopi sattāhaṃ sādhuṅkīlakaṃ kīḷitvā sabbagandhehi citakaṃ akāsi, citakā ekūnaratanasatikā ahoṣi. Therassa sarīraṃ citakaṃ āropetvā usīrakalāpakehi ālimpesuṃ. Ālāhane sabbarattim dhammassavanaṃ pavatti. Anuruddhatthero sabbagandhodakena therassa citakaṃ nibbāpesi. Cundatthero dhātuyo parissāvane pakkhipitvā – “na dāni mayā idheva sakkā ṭhātum, mayhaṃ jeṭṭhabhātikassa dhammasenāpatisārīputtattherassa parinibbutabhāvaṃ sammāsambuddhassa āroccesāmī’’ti dhātuparissāvanaṃ therassa ca pattacīvaraṃ gahetvā sāvatthim agamāsi. Ekaṭṭhānepi ca dve rattiyo avasitvā sabbattha ekarattivāseneva sāvatthim pāpuṇi. Tamatthaṃ dassetuṃ **atha kho cundo samaṇuddesotiādi vuttaṃ.**

Tattha **yenāyasmā ānandoti** yena attano upajjhāyo dhammabhaṇḍāgāriko āyasmā ānando, tenupasaṅkamaṃ. Kasmā panesa ujukaṃ satthu santikaṃ agantvā therassa santikaṃ agamāsīti? Satthari ca there ca gāravena. Jetavanamahāvihāre pokkharāṇiyaṃ kirassa nhatvā paccuttaritvā sunivatthasupārutassa etadahosi – “buddhā nāma mahāpāsānacchattaṃ viya garuno, phaṇakatasappa sīhabyagghamattavaravāraṇādayo viya ca durāsadā, na sakkā mayā ujukameva satthu santikaṃ gantvā kathetum, kassa nu kho santikaṃ gantabba’’nti. Tato cintesi – “upajjhāyo me dhammabhaṇḍāgāriko jeṭṭhabhātikattherassa uttamasahāyo, tassa santikaṃ gantvā taṃ ādāya satthārā saddhim kathessāmī’’ti satthari ceva there ca gāravena upasaṅkamaṃ.

Idamassa pattacīvaranti “ayamassa paribhogapatto, idaṃ dhātuparissāvana’’nti evaṃ ekekaṃ ācikkhi. Pāliyaṃ pana “idamassa pattacīvara’’nti ettakameva vuttaṃ. **Kathāpābhatanti** kathāmūlaṃ. Mūlañhi **pābhatanti** vuccati. Yathāha –

“Appakenapi medhāvī, pābhatena vicakkhaṇo;
Samuṭṭhāpeti attānaṃ, aṇuṃ aggaṃva sandhama’’nti. (jā. 1.1.4);

Bhagavantaṃ dassanāyāti bhagavantaṃ dassanattāya. Kiṃ paniminā bhagavā na diṭṭhapubboti? No na diṭṭhapubbo. Ayañhi āyasmā divā nava vāre, rattim nava vāreti ekāhaṃ aṭṭhārasa vāre upaṭṭhānameva gacchati. Divasassa pana satavāraṃ vā sahasavāraṃ vā gantukāmo samānopi na akāraṇā gacchati, ekaṃ pañhadvāraṃ gahetvāva gacchati. So taṃdivasaṃ tena kathāpābhatena gantukāmo evamāha. **Idamassa pattacīvaranti** theropi – “idaṃ tassa pattacīvaraṃ, idaṃca dhātuparissāvana’’nti pāṭiyekkaṃyeva dassetvā ācikkhi.

Satthā hatthaṃ pasāretvā dhātuparissāvanaṃ gahetvā hatthatale ṭhapetvā bhikkhū āmantesi – “yo so, bhikkhave, bhikkhu purimadivase anekāni pāṭihāriyasatāni katvā parinibbānaṃ anujānāpesi, tassa idāni imā saṅkhavaṇṇasannibhā dhātuyova paññāyanti, kappasatasahassādhiakaṃ asaṅkhyeyyaṃ pūritapāramī esa, bhikkhave, bhikkhu, mayā pavattitaṃ dhammacakkaṃ anupavattako esa bhikkhu, paṭiladdhadutiyaāsaṇo esa bhikkhu, pūritasāvakaṃnipāto esa bhikkhu, ṭhapetvā maṃ dasasu cakkavālasahassesu paññāya asadiso esa bhikkhu, mahāpañño esa bhikkhu, puthupañño hāsapañño

javanapañño tikkhapañño nibbedhikapañño esa bhikkhu, appiccho esa bhikkhu, santuṭṭho pavivitto asaṃsaṭṭho āraddhavīriyo codako pāpagarahī esa bhikkhu, pañca jāṭisatāni paṭiladdhamahāsampattiyo pahāya pabbajito esa bhikkhu, mama sāsane pathavīsamakhantiko esa bhikkhu, chinnavisāṇausabhasadiso esa bhikkhu, caṇḍālaputtasadanīcaccitto esa bhikkhu. Passatha, bhikkhave, mahāpaññassa dhātuyo, passatha, bhikkhave, puthupaññassa hāsapaññassa javanapaññassa tikkhapaññassa nibbedhikapaññassa appicchassa santuṭṭhassa pavivittassa asaṃsaṭṭhassa āraddhavīriyassa, codakassa, passatha, bhikkhave, pāpagarahissa dhātuyoti.

“Yo pabbajī jāṭisatāni pañca,
Pahāya kāmāni manoramāni;
Taṃ vītarāgaṃ susamāhitindriyaṃ,
Parinibbutaṃ vandatha sārīputtaṃ.

“Khantibalo pathavisamo na kuppāti,
Na cāpi cittassa vasena vattati;
Anukampako kāruṇiko ca nibbuto,
Parinibbutaṃ vandatha sārīputtaṃ.

“Caṇḍālaputto yathā nagaraṃ pavīṭṭho,
Nīcamano carati kaḷopihattho;
Tathā ayaṃ viharati sārīputto,
Parinibbutaṃ vandatha sārīputtaṃ.

“Usabho yathā chinnavisāṇako,
Aheṭṭhayanto carati purantare vane;
Tathā ayaṃ viharati sārīputto,
Parinibbutaṃ vandatha sārīputta”nti.

Iti bhagavā pañcahi gāthāsatehi therassa vaṇṇaṃ kathesi. Yathā yathā bhagavā therassa vaṇṇaṃ kathesi, tathā tathā ānandatthero sandhāretuṃ na sakkoti, biḷāramukhe pakkhantakukkuṭo viya pavedhati. Tenāha **apica me, bhante, madhurakajāto viya kāyoti** sabbaṃ vitthāretabbaṃ. Tattha **madhurakajāto**tiādīnaṃ attho vuttoyeva. Idha pana **dhammā**ti uddesaparipucchādhammā adhippetā. Tassa hi uddesaparipucchādhamme agahite vā gahetuṃ, gahite vā sajjhāyaṃ kātuṃ cittaṃ na pavattati. Atha satthā pañcapasādavacitrāni akkhīni ummīletvā therāṃ olokento “assāsessāmi na”nti assāsento **kiṃ nu kho te, ānanda, sārīputtoti**ādīmāha.

Tattha **sīlakkhandhanti** lokiyalokuttarasīlaṃ. **Samādhipaññāsupi** ese va nayo. **Vimutti** pana lokuttarāva. **Vimuttiñāḍadassanaṃ** paccavekkhaṇaṇāṇaṃ, taṃ lokiyameva. **Ovādakoti** ovādadāyako. **Otiṇṇoti** otiṇṇesu vatthūsu nānappakārena otaraṇasīlo. **Viññāpakoti** dhammakathākāle atthañca kāraṇaṇca viññāpetā. **Sandassakoti** khandhadhātuāyatanavasena tesāṃ tesāṃ dhammānaṃ dassetā. **Samādapakoti** “idañcidañca gaṇhathā”ti evaṃ gaṇhāpako. **Samuttejakoti** abbhussāhako. **Sampahaṃsakoti** paṭiladdhaguṇehi modāpako jotāpako.

Akilāsu dhammadesanāyāti dhammadesanaṃ ārabhitvā “sīsaṃ vā me rujjati, hadayaṃ vā kucchi vā piṭṭhi vā”ti evaṃ osakkanākāravirahito nikkilāsu visārado ekassāpi dvinnampi sīhavegeneva pakkhandati. **Anuggāhako sabrahmacārī**nantī padassa attho khandhakavagge vitthāritova. **Dhammojaṃ dhammabhoganti** ubhayenapi dhammaparibhogova kathito. **Dhammānuggahanti** dhammena anuggahaṇaṃ.

Satthā “atīviya ayaṃ bhikkhu kilamāti”ti puna taṃ assāsento **nanu taṃ, ānanda, mayā**tiādīmāha. Tattha **piyehi manāpehī**ti mātāpitābhātābhaginīādikehi jātiyā nānābhāvo, maraṇena vinābhāvo, bhavena

aññathābhāvo. **Taṃ kutettha, ānanda, labbhāti tanti** tasmā. Yasmā sabbehi piyehi manāpehi nānābhāvo, tasmā dasa pāramiyo pūretvāpi sambodhiṃ patvāpi dhammacakkaṃ pavattetvāpi yamakapāṭihāriyaṃ dassetvāpi devorohanaṃ katvāpi yaṃ taṃ jātaṃ bhūtaṃ saṅkhatāṃ palokadhammaṃ, taṃ tathāgatassāpi sarīraṃ mā palujjīti netāṃ thānaṃ vijjati, rodantenapi kandantenapi na sakkā taṃ kāraṇaṃ laddhanti. **So palujjeyyāti** so bhijjeyya.

Evameva khoti ettha yojanasatubbedho mahājamburukkho viya bhikkhusaṅgho tassa dakkhiṇadisāṃ gato paññāsayojaniko mahākhandho viya dhammasenāpati. Tasmīṃ mahākhandhe bhinne tato paṭṭhāya anupubbena vaḍḍhitvā pupphaphalādīhi taṃ thānaṃ pūretuṃ samatthassa aññassa khandhassa abhāvo viya there parinibbute soḷasannaṃ paññānaṃ matthakaṃ pattassa aññassa dakkhiṇāsane nisīdanasamatthassa sārīputtasadisassa bhikkhuno abhāvo. Tāya paribhinnāya so rukkho viya bhikkhusaṅgho khandhotveva jātoti veditabbo. **Tasmāti** yasmā sabbaṃ saṅkhatāṃ palokadhammaṃ, taṃ mā palujjīti na sakkā laddhuṃ, tasmā.

4-5. Ukkacelasuttādivaṇṇanā

380-381. Catutthe **aciraparinibbutesu sārīputtamoggallānesūti** naciraparinibbutesu dvīsu aggasāvakesu. Tesañhi dhammasenāpati kattikamāsapuṇṇamāya parinibbuto, mahāmoggallāno tato aḍḍhamāsaṃ atikkamma amāvasuposathe. Satthā dvīsu aggasāvakesu parinibbutesu mahābhikkhusaṅghaparivāro mahāmaṇḍale cārikaṃ caramāno anupubbena ukkacelanagaraṃ patvā tattha piṇḍāya caritvā gaṅgāpiṭṭhe rajatapaṭṭavaṇṇavālikāpuline vihāsi. Tena vuttaṃ “aciraparinibbutesu sārīputtamoggallānesū”ti. **Ye mahantatarā khandhā te palujjeyyunti** idhāpi yojanasatubbedho mahājamburukkho viya bhikkhusaṅgho, tassa dakkhiṇato ca uttarato ca gatā paṇṇāsayojanikā dve mahākhandhā viya dve aggasāvakāti. Sesāṃ purimanayeneva yojetabbaṃ. Pañcame **diṭṭhīti** kammassakadiṭṭhi.

6. Uttiyasuttavaṇṇanā

382. Chaṭṭhe **maccudheyassa pāranti** tebhūmakavaṭṭassa pārabhūtaṃ, nibbānaṃ.

8. Brahmasuttavaṇṇanā

384. Aṭṭhame **kāye vā bhikkhūti** tasmīṃ kāle bhikkhuyeva natthi, evaṃ santepi yo satipaṭṭhāne bhāveti, so kilesabhindanena bhikkhuyevāti dassento evamāha. **Ekāyananti** ekamaggaṃ. **Jātikkhayantadassīti** jātiyā khayoti ca antoti ca nibbānaṃ, taṃ passatīti attho. **Maggaṃ pajānātīti** ekāyanasaṅkhātāṃ ekamaggabhūtaṃ maggaṃ pajānāti. Ekāyanamaggo vuccati pubbabhāgasatipaṭṭhānamaggo, taṃ pajānātīti attho.

9. Sedakasuttavaṇṇanā

385. Navame **sumbhesūti** evaṃnāmake janapade. **Medakathālikāti** evaṃ itthilingavasena laddhanāmaṃ. **Mamaṃ rakkha, ahaṃ taṃ rakkhissāmīti** ettha ayaṃ tassa laddhi – ācariyo ukkhittavaṃsaṃ suggahitaṃ agaṇhanto, antevāsikena pakkhantapakkhantadisāṃ agacchanto, sabbakālaṅca vaṃsaggaṃ anulokento antevāsikaṃ na rakkhati nāma, evaṃ arakkhito antevāsiko patitvā cuṇṇavicuṇṇaṃ hoti. Vaṃsaṃ pana suggahitaṃ gaṇhanto, tena pakkhantapakkhantadisāṃ gacchanto, sabbakālaṅca vaṃsaggaṃ ullokento taṃ rakkhati nāma. Antevāsikopi ito cito ca pakkhanditvā migo viya kīlanto ācariyaṃ na rakkhati nāma. Evañhi sati tikhiṇavaṃsakoṭi ācariyassa galavāṭake vā nalāṭe vā thapitā thitaṭṭhānaṃ bhinditvā gaccheyya. Ācārasampannatāya pana yato vaṃso namati, tato anāmento taṃ ākaḍḍhento viya ekatobhāgiyaṃ katvā vātūpathambaṃ gāhāpetvā satim sūpaṭṭhitaṃ katvā niccalova nisīdanto ācariyaṃ rakkhati nāmāti.

Tvaṃ ācariya attānaṃ rakkha, ahaṃ attānaṃ rakkhissāmīti ettha ayamadhippāyo – ācariyo vaṃsaṃ suggahitaṃ gaṇhanto, antevāsikena pakkhantapakkhantadisamṅacchanto, sabbakālaṅca vaṃsaggaṃ ullokento, attānameva rakkhati, na antevāsikaṃ. Antevāsikopi kāyampi ekatobhāgiyaṃ katvā vātūpathambhaṃ gāhāpetvā satim̐ sūpaṭṭhitaṃ katvā niccalova nisīdamāno attānaṃyeva rakkhati nāma, na ācariyaṃ.

So tattha ñāyoti yaṃ medakathālikā āha. So tattha ñāyo, so upāyo, taṃ kāraṇanti attho. **Satipaṭṭhānaṃ sevitabbanti** catubbidhaṃ satipaṭṭhānaṃ sevitabbaṃ. **Āsevanāyāti** kammaṭṭhānāsevanāya. **Evaṃ kho, bhikkhave, attānaṃ rakkhanto paraṃ rakkhatīti** yo bhikkhu kammārāmatādīni pahāya rattiṭṭhānadivāṭṭhānesu mūlakammaṭṭhānaṃ āsevanto bhāvento arahattaṃ pāpuṇāti, atha naṃ paro disvā – “bhaddako vatāyaṃ, bhikkhu, sammāpaṭipanno”ti tasmim̐ cittaṃ pasādetvā saggaparaṃyaṇo hoti. Ayaṃ attānaṃ rakkhanto paraṃ rakkhati nāma.

Khantiyāti adhvāsānakhantiyā. **Avihimsāyāti** sapubbabhāgāya karuṇāya. **Mettacittatāyāti** sapubbabhāgāya mettāya. **Anudayatāyāti** anuvaḍḍhiyā, sapubbabhāgāya muditāyāti attho. **Paraṃ rakkhanto attānaṃ rakkhatīti** ettha yo bhikkhu rattiṭṭhānadivāṭṭhānaṃ gato tīsu brahmavihāresu tikacatukkajjhānāni nibbattetvā jhānaṃ pādakaṃ katvā saṅkhāre sammasanto vipassanaṃ vaḍḍhetvā arahattaṃ pāpuṇāti. Ayaṃ paraṃ rakkhanto attānaṃ rakkhati nāmāti vedītabbo.

10. Janapadakalyāṇīsuttavaṇṇanā

386. Dasame **janapadakalyāṇīti** janapadamhi kalyāṇī uttamā chasarīradosarahitā pañcakalyāṇasamannāgatā. Sā hi yasmā nātīdīghā nātīrassā, nātīkisā nātīthūlā, nātīkāḷā nāccodātā, atikkantā, mānusaṃvaṇṇaṃ appattā dibbavaṇṇaṃ, tasmā chasarīradosarahitā. Chavikalyāṇaṃ, maṃsakalyāṇaṃ, nhārukalyāṇaṃ, aṭṭhikalyāṇaṃ, vayakalyāṇanti imehi pana kalyāṇehi samannāgatattā pañcakalyāṇehi samannāgatā nāma. Tassā hi āgantukobhāsakiccaṃ natthi, attano sarīrobhāseneva dvādasahatthaṭṭhāne ālokaṃ karoti, piyaṅgusāmā vā hoti, suvaṇṇasāmā vā, ayamassā chavikalyāṇatā. Cattāro panassā hatthapādā mukhapariyosānaṅca lākhārasaparikkammakataṃ viya rattapavāḷarattakambalasadisaṃ hoti, ayamassā maṃsakalyāṇatā. Vīsati pana nakhapattāni maṃsato amuttaṭṭhāne lākhārasapūritāni viya, muttaṭṭhāne khīradhārāsadisāni, honti ayamassā nhārukalyāṇakatā. Dvattīṃsa dantā suphusitā sudhotavajirapanti viya khāyanti, ayamassā aṭṭhikalyāṇatā. Vīsativassasatikāpi pana samānā soḷasavassuddesikā viya hoti nippalitā, ayamassā vayakalyāṇatā.

Paramapāsāvinīti ettha pasavanaṃ pasāvo, pavattīti attho. Pasāvo eva pāsāvo. Paramo pāsāvo paramapāsāvo, so assā atthīti paramapāsāvinī. Nacce ca gīte ca uttamapavatti seṭṭhakiriyā, uttamameva naccaṃ naccati, gītaṃ vā gāyatīti vuttaṃ hoti. Sesam̐ sabbattha uttānatthameva. Imesu pana dvīsu suttesu pubbhāgavipassanāva kathitāti.

Nālandavaggo dutiyo.

3. Silaṭṭhitivaggo

1-2. Silasuttādivaṇṇanā

387-388. Tatiyavaggassa paṭhame **sīlānīti** catupārisuddhisīlāni. Dutīye **ummaṅgoti** pañhamaggo pañhagavesanaṃ.

3-5. Parihānasuttādivaṇṇanā

389-391. Tatiye **parihānaṃ hotīti** puggalavasena parihānaṃ hoti. Yo hi buddhesu dharantesupi cattāro satipaṭṭhāne na bhāveti, tassa saddhammo antarahito nāma hoti devadattādīnaṃ viya. Iti

imasmim̐ sutte tassa puggalasseva dhammantaradhānaṃ kathitaṃ. Catutthapañcamesu sabbaṃ uttānameva.

6. Padesasuttavaṇṇanā

392. Chaṭṭhe **padesaṃ bhāvitattā**ti padesato bhāvitattā. Cattāro hi magge tīṇi ca phalāni nibbattentena satipaṭṭhānā padesaṃ bhāvitā nāma honti.

7. Samattasuttavaṇṇanā

393. Sattame **samattaṃ bhāvitattā**ti samattā bhāvitattā. Arahattaphalaṃ uppādentena hi satipaṭṭhānā samattaṃ bhāvitā nāma honti.

8-10. Lokasuttādivaṇṇanā

394-396. Aṭṭhame **mahābhiññatanti** channaṃ abhiññānaṃ vasena vuttaṃ. **Sahassaṃ lokaṃ abhijānāmī**ti satatavihāraseneva vuttaṃ. Thero kira pātova utthāya mukhaṃ dhovivā senāsane nisinno atīte kappasahassaṃ, anāgate kappasahassaṃ anussarati, paccuppannepi sahassaṃ cakkavāḷānaṃ tassāvajjanassa gatiṃ anubandhati. Iti so dībbena cakkhunā sahassaṃ lokaṃ abhijānāti, ayamassa satatavihāro. Sesam̐ sabbattha uttānatthamevāti.

Sīlaṭṭhitivaggo tatiyo.

4. Ananussutavaggavaṇṇanā

401-406. Catutthavaggassa pañcame **viditā vedanā**ti yā vedanā sammasivā arahattaṃ patto tāvassa viditā uppajjanti, viditā upaṭṭhahanti, viditā abbatthaṃ gacchanti nāma. Yā ca pana pariggahitesu vatthārammaṇesu pavattā vedanā, tāpi viditā uppajjanti, viditā upaṭṭhahanti, viditā abbatthaṃ gacchanti nāma. **Vitakkā**dīsupi eseva nayo. Sesam̐ sabbattha uttānamevāti.

Ananussutavaggo catuttho.

5. Amatavaggo

2. Samudayasuttavaṇṇanā

408. Pañcamavaggassa dutiye **āhārasamudayā kāyassa samudayoti** āhārasamudayena kāyasamudayo. Eseva nayo sesesu. **Manasikārasamudayā**ti ettha pana yonisomanasikārasamudayā bojjhaṅgadhammānaṃ samudayo, ayonisomanasikārasamudayā nīvaraṇadhammānaṃ. Iti imasmim̐ sutte sārammaṇasatipaṭṭhānā kathitā.

4. Satisuttavaṇṇanā

410. Catutthaṃ suddhikaṃ katvā samudaye kathite bujjanakānaṃ ajjhāsayena vuttaṃ.

6. Pātimokkhasaṃvarasuttavaṇṇanā

412. Chaṭṭhe **pātimokkhasaṃvarasaṃvutoti** catunnaṃ sīlānaṃ jeṭṭhakaṃ dassetto evamāha. Tipiṭakacūlanāgatthero panāha – ‘‘pātimokkhasaṃvarova sīlaṃ, itarāni tīṇi sīlanti vuttaṭṭhānaṃ nāma natthī’’ti. Vatvā taṃ anujānanto āha – ‘‘indriyasaṃvaro nāma chadvārarakkhaṇamattameva,

ājīvapārisuddhi dhammeneva samena paccayuppattimattakaṃ, paccayasannissitaṃ paṭiladdhapaccaye idamatthanti paccavekkhitvā paribhuñjanamattakaṃ. Nippariyāyena pātimokkhasaṃvarova sīlaṃ. Yassa so bhinno, ayaṃ chinnaśīso viya puriso hatthapāde, sesāni rakkhissatīti na vattabbo. Yassa pana so arogo, ayaṃ acchinnaśīso viya puriso jīvitam, sesāni puna pākatikāni katvā rakkhitumpi sakkotī'ti. Tasmā pātimokkhasaṃvarova sīlaṃ, tena pātimokkhasaṃvarena saṃvutoti pātimokkhasaṃvarasaṃvuto, upeto samannāgatoti attho.

Ācāragocarasaṃpannoti ācārena ca gocarena ca saṃpanno. **Aṇumattesūti** appamattakesu. **Vajjesūti** akusaladhammesu. **Bhayadassāvīti** bhayadassī. **Samādāyāti** sammā ādiyitvā. **Sikkhassu sikkhāpadesūti** sikkhāpadesu taṃ taṃ sikkhāpadaṃ samādiyitvā sikkha, yaṃ yaṃ pana kiñci sikkhāpadesu sikkhākoṭṭhāsesu sikkhitabbaṃ kāyikaṃ vā vācasikaṃ vā, taṃ taṃ sabbaṃ sammā ādāya sikkhassūti ayamettha sankhepattho. Vitthāro pana visuddhimagge (visuddhi. 1.14) vutto. Iti imasmiṃ sutte pātimokkhasaṃvarasīlameva kathitaṃ.

7. Duccaritasuttavaṇṇanā

413. Sattame kāyasucaritavacīsucaritāni pātimokkhasaṃvarasīlaṃ, manosucaritaṃ itarāni tīṇi sīlānīti catupārisuddhisīlaṃ kathitaṃ hoti. Iminā nayena pañcasattanavadasasu kusalakammāpathesu pacchīmāpi tayo sīlaṃ hotīti veditabbā. Sesam uttānamevāti. Chaṭṭhasattamesu heṭṭhā vuttanayeneva attho veditabbo.

Amatavaggo pañcama.

Satipaṭṭhānasamuyuttavaṇṇanā niṭṭhitā.

4. Indriyasamuyuttaṃ

1. Suddhikavaggo

1. Suddhikasuttavaṇṇanā

471. Indriyasamuyuttassa paṭhame **saddhindriyaṃ satindriyaṃ paññindriyanti** imāni tīṇi catubhūmakakusalavipākesu ceva kiriyāsu ca labbhanti. **Vīriyindriyasamādhindriyāni** catubhūmakakusale akusale vipāke kiriyāyāti sabbattha labbhanti. Iti idaṃ suttaṃ catubhūmakasabbasaṅgāhakadhammaparicchedavasena vuttanti veditabbaṃ.

7. Dutiyasamaṇabrāhmaṇasuttavaṇṇanā

477. Sattame **saddhindriyaṃ nappajānantīti** dukkhasaccavasena na pajānanti. **Saddhindriyasamudayaṃ nappajānantīti** samudayasaccavasena na pajānanti. Evaṃ nirodhaṃ nirodhasaccavasena, paṭipadaṃ maggasaccavasenāti. Sesesupi eseva nayo.

Sukkapakkhe pana adhimokkhasena āvajjanasamudayā saddhindriyasamudayo hoti, paggahavasena āvajjanasamudayā vīriyindriyasamudayo, upaṭṭhānavasena āvajjanasamudayā satindriyasamudayo, avikkhepavasena āvajjanasamudayā samādhindriyasamudayo, dassanavasena āvajjanasamudayā paññindriyasamudayo hoti. Tathā chandavasena āvajjanasamudayā saddhindriyasamudayo hoti, chandavasena āvajjanasamudayā vīriyasatisamādhipaññindriyasamudayo hoti. Manasikāravasena āvajjanasamudayā saddhindriyasamudayo hoti. Manasikāravasena āvajjanasamudayā vīriyasatisamādhipaññindriyasamudayo hotīti evampi attho veditabbo. Imesu paṭipāṭiyā chasu suttesu catusaccameva kathitaṃ.

8. Daṭṭhabbasuttavaṇṇanā

478. Aṭṭhame **kattha ca, bhikkhave, saddhindriyaṃ daṭṭhabbaṃ, catūsu sotāpattiyaṅgesūtiādi** imesaṃ indriyānaṃ savisaye jeṭṭhakabhāvadassanattaṃ vuttaṃ. Yathā hi cattāro seṭṭhiputtā rājāti rājapañcomesu sahāyesu “nakkhattaṃ kīḷissāmā”ti vīthiṃ otinnesu ekassa seṭṭhiputtassa gehaṃ gatakāle itare cattāro tuṇhī nisīdanti, gehasāmikova – “imesaṃ khādanīyaṃ bhojanīyaṃ detha, gandhamālālaṅkāradīni dethā”ti gehe vicāreti. Dutiyassa, tatiyassa, catutthassa gehaṃ gatakāle itare cattāro tuṇhī nisīdanti, gehasāmikova – “imesaṃ khādanīyaṃ bhojanīyaṃ detha, gandhamālālaṅkāradīni dethā”ti gehe vicāreti. Atha sabbapacchā rañño gehaṃ gatakāle kiñcāpi rājā sabbattha issaro, imasmiṃ pana kāle attano geheyeva – “imesaṃ khādanīyaṃ bhojanīyaṃ detha, gandhamālālaṅkāradīni dethā”ti gehe vicāreti. Evameva saddhāpañcamakesu indriyesu tesu sahāyesu ekato vīthiṃ otarantesu viya ekārammaṇe uppajjamānesupi yathā paṭhamassa gehe itare cattāro tuṇhī nisīdanti, gehasāmikova vicāreti, evaṃ sotāpattiyaṅgāni patvā adhimokkhalakkhaṇaṃ saddhindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā dutiyassa gehe itare cattāro tuṇhī nisīdanti, gehasāmikova vicāreti, evaṃ sammappadhānāni patvā paggahalakkhaṇaṃ vīriyindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā tatiyassa gehe itare cattāro tuṇhī nisīdanti, gehasāmikova vicāreti, evaṃ satipaṭṭhānāni patvā upaṭṭhānalakkhaṇaṃ satindriyameva jeṭṭhakaṃ hoti pubbaṅgamaṃ, sesāni tadanvayāni honti. Yathā catutthassa gehe itare cattāro tuṇhī nisīdanti, gehasāmikova vicāreti, evaṃ jhānavimokkhe patvā avikkhepalakkhaṇaṃ samādhindriyameva jeṭṭhakaṃ hoti pubbaṅgamaṃ, sesāni tadanvayāni honti. Sabbapacchā rañño gehaṃ gatakāle pana yathā itare cattāro tuṇhī nisīdanti, rājāva gehe vicāreti, evameva ariyasaccāni patvā pajānanalakkhaṇaṃ paññindriyameva jeṭṭhakaṃ hoti pubbaṅgamaṃ, sesāni tadanvayāni hontīti.

9-10. Paṭhamavibhaṅgasuttādivaṇṇanā

479-480. Navame **satinepakkenāti** ettha nipakassa bhāvo nepakkaṃ, paññāyetaṃ nāmaṃ. Kasmā pana satibhājane paññā vuttāti? Satiyā balavabhāvadassanattaṃ. Balavasati hi idha adhippetā. Sā ca paññāsampayuttāva balavatī hoti, na vippayuttāti paññāsampayuttasatiṃ dassento evamāha. **Cirakatanti** cirakālaṃ kataṃ dānaṃ vā sīlaṃ vā uposathakammaṃ vā. **Cirabhāsitanti** “asukasmiṃ ṭhāne asukaṃ nāma bhāsita”nti evaṃ cirakāle bhāsitaṃ. **Vossaggārammaṇaṃ katvāti** nibbānārammaṇaṃ katvā. **Udayatthagāminiyāti** udayaṅca atthaṅca gacchantiyā, udayabbayapariggahikāyāti attho. Imasmiṃ sutte saddhāsatipaññindriyāni pubbabhāgāni, vīriyindriyaṃ missakaṃ, samādhindriyaṃ nibbattitalokuttarameva kathitaṃ. Dasamepi ayameva dhammaparicchedoti.

Suddhikavaggo paṭhamo.

2. Mudutaravaggo

1. Paṭilābhasuttavaṇṇanā

481. Dutiyavaggassa paṭhame **sammappadhāne ārabbhāti** sammappadhāne paṭicca, sammappadhāne bhāventoti attho. **Satindriyepi** eseva nayo.

2. Paṭhamasaṃkhittasuttavaṇṇanā

482. Dutiyē **tatoti** vipassanāmaggaṃ paṭhavasena nissakkaṃ veditaṃ. **Samattāni** hi paripuṇṇāni pañcīndriyāni arahattamaggassa vipassanindriyāni nāma honti. **Tato mudutarehīti** tehi arahattamaggassa vipassanindriyehi mudutarāni anāgāmimaggassa vipassanindriyāni nāma honti, tato mudutarāni sakadāgāmimaggassa, tato mudutarāni sotāpattimaggassa vipassanindriyāni nāma honti, tato mudutarāni dhammānusārimaggassa, tato mudutarāni saddhānusārimaggassa vipassanindriyāni nāma honti.

Tathā samattāni paripuṇṇāni pañcindriyāni arahattamaggindriyāni nāma honti, tato mudutarāni anāgāmimaggindriyāni nāma honti, tato mudutarāni sakadāgāmimaggindriyāni nāma honti, tato mudutarāni sotāpattimaggindriyāni nāma honti, tato mudutarāni dhammānusārimaggindriyāni, tato mudutarāni saddhānusārimaggindriyāni nāma honti.

Samattāni paripuṇṇāni pañcindriyāni arahattaphalindriyāni nāma honti, tato mudutarāni anāgāmiphāhalindriyāni, tato mudutarāni sakadāgāmiphāhalindriyāni, tato mudutarāni sotāpattiphāhalindriyāni nāma honti. Dhammānusārisaddhānusārino pana dvepi sotāpattimaggaṭṭhapuggalā, maggaṭṭhapuggalavasena nesam nānattam jātanti āgamanenapi maggenapi. Saddhānusārī puggalo hi uddisāpento paripucchanto anupubbena maggam pāpuṇāti, dhammānusārī ekena vā dvīhi vā savanehi. Evaṃ tāva nesam āgamanena nānattam veditabbam.

Dhammānusārissa pana maggo tikkho hoti, sūram nānam vahati, asaṅkhārena appayogena kilese chindati kadalikkhandham viya tikhiṇā asidhārā. Saddhānusārissa na tassa viya maggo tikkho hoti, na sūram nānam vahati, asaṅkhārena sappayogena kilese chindati kadalikkhandham viya atikhiṇā asidhārā. Kilesakkhaye pana tesam nānattam natthi. Avasesā ca kilesā khīyanti.

3. Dutiyasaṃkhittasuttavaṇṇanā

483. Tatiye **tatoti** phalavasena nissakkaṃ veditabbam. Samattāni hi paripuṇṇāni pañcindriyāni arahattaphalindriyāni nāma honti, arahattaphalena samannāgato puggalo arahā nāma hoti. Arahattaphalato mudutarāni anāgāmiphāhalindriyāni nāma honti, tato mudutarāni sakadāgāmiphāhalindriyāni, tato mudutarāni sotāpattiphāhalindriyāni, sotāpattiphāhalena samannāgato puggalo sotāpanno nāma hoti. **Indriyavemattatā phalavemattatā hotīti** indriyanānattena phalanānattam, phalanānattena puggalanānattanti.

4. Tatiyasaṃkhittasuttavaṇṇanā

484. Catutthe **paripūram paripūrakārī ārādhetīti** paripūram arahattamaggaṃ karonto arahattaphalam ārādheti. **Padesam padesakārīti** avasese tayo padesamagge karonto padesam phalattayamattameva ārādheti. Iti imesu catūsūpi suttesu missakāneva indriyāni kathitāni.

5-7. Paṭhamavitthārasuttādivaṇṇanā

485-487. Pañcame **tato mudutarehīti** vipassanāvasena nissakkaṃ veditabbam. Paripuṇṇāni hi pañcindriyāni arahattamaggassa vipassanindriyāni honti, tato mudutarāni antarāparinibbāyissa vipassanindriyāni, tato mudutarāni upahaccaparinibbāyissa, tato mudutarāni asaṅkhāraparinibbāyissa, tato mudutarāni asaṅkhāraparinibbāyissa, tato mudutarāni uddhamṣotaakaniṭṭhagāmissa vipassanindriyāni nāma honti.

Imasmim pana ṭhāne arahattamaggeyeva ṭhatvā pañca nissakkāni nīharitabbāni. Arahattamaggassa hi vipassanindriyehi mudutarāni paṭhamaantarāparinibbāyissa vipassanindriyāni, tato mudutarāni dutiyaantarāparinibbāyissa, tato mudutarāni tatiyaantarāparinibbāyissa, tato mudutarāni upahaccaparinibbāyissa, tato mudutarāni uddhamṣotaakaniṭṭhagāmissa vipassanindriyāni. Asaṅkhāraparinibbāyissa asaṅkhāraparinibbāyinopi eteva pañca janā.

Idāni tīhi nissakkāni. Sakadāgāmimaggassa hi indriyehi mudutarāni sotāpattimaggindriyāni, sotāpattimaggeyeva indriyehi mudutarāni dhammānusārimaggindriyāni. Tehipi mudutarāni saddhānusārimaggindriyāni. Chaṭṭhasattamāni vuttanayāneva. Imesu pana tīsūpi suttesu pubbhāgavipassanindriyāneva kathitāni.

8. Paṭipannasuttavaṇṇanā

488. Aṭṭhame **tato mudutarehīti** maggaphalavasena nissakkaṃ veditabbaṃ. Taṃ pāliyaṃ vuttameva. **Bāhiroti** imehi aṭṭhahi puggalehi bahibhūto. **Puthujjanapakkhe** **ṭhitoti** puthujanakoṭṭhāse **ṭhito**. Imasmiṃ sutte lokuttarāneva indriyāni kathitāni.

9-10. Sampannasuttādivaṇṇanā

489-490. Navame **indriyasampannoti** paripuṇṇindriyo. Dasamaṃ uttānameva. Imasmiṃ suddavaye missakāni indriyāni kathitānīti.

Mudutaravaggo dutiyo.

3. Chaḷindriyavaggo

2. Jīvitindriyasuttavaṇṇanā

492. Tatiyavaggassa dutiye **itthindriyantiādīsu** itthibhāve indaṭṭhaṃ karotīti **itthindriyaṃ**. Purisabhāve indaṭṭhaṃ karotīti **purisindriyaṃ**. Jīvite indaṭṭhaṃ karotīti **jīvitindriyaṃ**. Atthuppattikaṃ kiretaṃ suttaṃ. Saṅghamajjhasmiñhi “kati nu kho vaṭṭindriyāni”ti kathā udapādi, atha bhagavā vaṭṭindriyāni dassento **tīṇimāni bhikkhavi**tiādīmāha.

3. Aññindriyasuttavaṇṇanā

493. Tatiye **anaññātāññassāmīti**ndriyanti “anamatagge saṃsāre ajānitaṃpubbaṃ dhammaṃ jānissāmī”ti paṭipannassa sotāpattimaggakkhaṇe uppannaṃ indriyaṃ. **Aññindriyanti** tesamyeva ñātadhammānaṃ ajānanākārena sotāpattiphalādīsu chasu ṭhānesu uppannaṃ indriyaṃ. **Aññātāvindriyanti** aññātāvīsu arahattaphaladhammesu uppannaṃ indriyaṃ. Tattha tattha tena tenākārena uppannassa ñāṇassevetaṃ adhivacanaṃ. Idampi suttaṃ atthuppattikameva. Saṅghamajjhasmiñhi “kati nu kho lokuttarindriyāni”ti kathā udapādi, atha bhagavā tāni dassento **tīṇimāni, bhikkhave, indriyāni**tiādīmāha.

4. Ekabījīsuttavaṇṇanā

494. Catutthe **tato mudutarehīti** vipassanato nissakkaṃ veditabbaṃ. Samattāni hi pañcindriyāni arahattamaggassa vipassanindriyāni nāma honti, tato mudutarāni antarāparinibbāyissa vipassanindriyāni, tato mudutarāni upahaccaparinibbāyissa, tato mudutarāni asaṅkhārāparinibbāyissa, tato mudutarāni sasaṅkhārāparinibbāyissa, tato mudutarāni uddhamṣotaakaniṭṭhagāmissa vipassanindriyāni nāma. Idhāpi purimanayeneva arahattamagge ṭhatvā pañca nissakkāni nīharitabbāni.

Yathā pana purimanaye sakadāgāmimagge ṭhatvā tīṇi nissakkāni, evamidha pañca nīharitabbāni. Sakadāgāmimaggassa hi vipassanindriyehi mudutarāni sotāpattimaggassa vipassanindriyāni, sotāpattimaggassa ca tehi vipassanindriyehi mudutarāni ekabījīādīnaṃ maggassa vipassanindriyāni.

Ettha ca **ekabījī**tiādīsu yo sotāpanno hutvā ekameva attabhāvaṃ janetvā arahattaṃ pāpuṇāti, ayaṃ **ekabījī** nāma. Yathāha “katamo ca puggalo ekabījī, idhekacco puggalo tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo, so ekaññeva mānusaṃ bhavaṃ sandhāvītvā saṃsaritvā dukkhassantaṃ karoti. Ayaṃ vuccati puggalo ekabījī”ti (pu. pa. 33).

Yo pana dve tayo bhava saṃsaritvā dukkhassantaṃ karoti, ayaṃ **kolamkolo** nāma. Yathāha

“katamo ca puggalo kolaṃkolo. Idhekacco puggalo tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo, so dve vā tīṇi vā kulāni sandhāvitvā saṃsaritvā dukkhassantaṃ karoti. Ayaṃ vuccati puggalo kolaṃkolo”ti (pu. pa. 32). Tattha kulānīti bhavā veditabbā. “Dve vā tīṇi vā”ti idaṃ desanāmatameva, yāva chaṭṭhabhavā saṃsaranto pana kolaṃkolova hoti.

Yassa sattakkhattuṃ paramā upapatti, aṭṭhamaṃ bhavaṃ nādiyati, ayaṃ **sattakkhattuparamo** nāma. Yathāha “katamo ca puggalo sattakkhattuparamo. Idhekacco puggalo tiṇṇaṃ saṃyojanānaṃ parikkhayā sotāpanno hoti avinipātadhammo niyato sambodhiparāyaṇo, so sattakkhattuṃ deve ca manusse ca sandhāvitvā saṃsaritvā dukkhassantaṃ karoti, ayaṃ vuccati puggalo sattakkhattuparamo”ti (pu. pa. 31).

Bhagavatā gahitanāmaseneva cetāni tesam nāmāni. “Ettakañhi ṭhānaṃ gato ekabījī nāma hoti, ettakaṃ kolaṃkolo, ettakaṃ sattakkhattuparamo”ti bhagavatā etesaṃ nāmaṃ gahitaṃ. Niyamato pana “ayaṃ ekabījī, ayaṃ kolaṃkolo, ayaṃ sattakkhattuparamo”ti natthi.

Ko pana nesaṃ etaṃ pabhedam niyametīti? Keci pana therā “pubbahetu niyametī”ti vadanti, keci “paṭhamamaggo”, keci “uparima tayo maggā”, keci “tiṇṇaṃ maggānaṃ vipassanā”ti. Tattha “pubbahetu niyametī”ti vāde paṭhamamaggassa upanissayo kato nāma hoti, upari tayo maggā anupanissayā uppannāti vacanaṃ āpajjati. “Paṭhamamaggo niyametī”ti vāde upari tiṇṇaṃ maggānaṃ niratthakatā āpajjati. “Upari tayo maggā niyametī”ti vāde paṭhamamagge anuppanneva upari tayo maggā uppannāti āpajjati. “Tiṇṇaṃ maggānaṃ vipassanā niyametī”ti vādo pana yujjati. Sace hi upari tiṇṇaṃ maggānaṃ vipassanā balavatī hoti, ekabījī nāma hoti, tato mandatarāya kolaṃkolo, tato mandatarāya sattakkhattuparamoti.

Ekacco hi sotāpanno vaṭṭajjhāsayo hoti vaṭṭābhirato punappunaṃ vaṭṭasmiṃyeva vicarati sandissati. Anāthapiṇḍiko seṭṭhi, visākhā upāsikā, cūḷarathamahārathā devaputtā, anekavaṇṇo devaputto, sakko devarājā, nāgadatto devaputtoti ime hi ettakā janā vaṭṭajjhāsayaṃ vaṭṭābhiratā ādito paṭṭhāya cha devaloke sodhetvā akaniṭṭhe ṭhatvā parinibbāyissanti, ime idha na gahitā. Na kevalaṅcime, yopi manusse yeva sattakkhattuṃ saṃsaritvā arahattaṃ pāpuṇāti, yopi devaloke nibbatta devesuyeva sattakkhattuṃ aparāparaṃ saṃsaritvā arahattaṃ pāpuṇāti, imepi idha na gahitā. Kālena deve, kālena manusse saṃsaritvā pana arahattaṃ pāpuṇantova idha gahito. Tasmā sattakkhattuparamoti idaṃ idhaṭṭhakavokiṇṇasukkhavipassakassa nāmaṃ kathitanti veditabbaṃ.

Dhammānusārī saddhānusārīti ettha pana imasmiṃ sāsane lokuttaradhammaṃ nibbattentassa dve dhurāni, dve sīsāni, dve abhinivesā – saddhādhuraṃ, paññādhuraṃ, saddhāsīsaṃ, paññāsīsaṃ, saddhābhiniveso, paññābhinivesoti. Tattha yo bhikkhu “sace saddhāya sakkā nibbattetuṃ, nibbattessāmi lokuttaramagga”nti saddhaṃ dhuraṃ katvā sotāpattimaggam nibbatteti, so maggakkhaṇe saddhānusārī nāma hoti. Phalakkhaṇe pana saddhāvimutto nāma hutvā ekabījī kolaṃkolo sattakkhattuparamoti tividho hoti. Tattha ekeko dukkhāpaṭipadādivasena catubbidhabhāvaṃ āpajjati saddhādhurena dvādasa janā honti.

Yo pana “sace paññāya sakkā nibbattetuṃ, nibbattessāmi lokuttaramagga”nti paññaṃ dhuraṃ katvā sotāpattimaggam nibbatteti, so maggakkhaṇe dhammānusārī nāma hoti. Phalakkhaṇe pana paññāvimutto nāma hutvā ekabījīādhedena dvādasabhedova hoti. Evaṃ dve maggaṭṭhā phalakkhaṇe catuvīsati sotāpannā hontīti.

Tipiṭakatissatthero kira “tīṇi piṭakāni sodhessāmi”ti paratīraṃ gato. Tam eko kuṭumbiko catūhi paccayehi upaṭṭhāsī, therō āgamanakāle “gacchāmi upāsakā”ti āha. “Kahaṃ bhante”ti? “Amhākaṃ ācariyupajjhāyānaṃ santika”nti. “Na sakkā, bhante, mayā gantuṃ, bhaddantaṃ pana nissāya mayā sāsanaṃ guṇo nāto, tumhākaṃ parammukhā kīdisaṃ bhikkhuṃ upasaṅkamāmi”ti? Atha naṃ therō āha

– “yo bhikkhu catuvīsati sotāpanne dvādasa sakadāgāmī aṭṭhacattālīsa anāgāmī dvādasa arahante dassetvā dhammakathaṃ kathetuṃ sakkoti, evarūpaṃ bhikkhuṃ upaṭṭhātuṃ vaṭṭati”’ti. Imasmiṃ sutte vipassanā kathitāti.

5-10. Suddhakasuttādivaṇṇanā

495-500. Pañcame cakkhu ca taṃ cakkhudvāre nibbattānaṃ dhammānaṃ ādhipateyyasaṅkhātena indaṭṭhena indriyañcāti **cakkhundriyaṃ. Sotindriyā**dīsipi eseva nayo. Sesam sabbattha uttānameva. Imasmiṃ vage paṭhamasuttañceva chaṭṭhādīni ca pañcāti cha suttāni catusaccavasena kathitānīti.

Chaḷindriyavaggo tatiyo.

4. Sukhindriyavaggo

1-5. Suddhikasuttādivaṇṇanā

501-505. Catutthavaggassa paṭhame sukhañca taṃ saḥajātānaṃ ādhipateyyasaṅkhātena indaṭṭhena indriyañcāti **sukhindriyaṃ. Dukkhindriyā**dīsipi eseva nayo. Ettha ca sukhindriyadukkhindriyadomanassindriyāni kāmāvacarāneva, somanassindriyaṃ ṭhapetvā arūpāvacaraṃ sesam tebhūmakam, upekkhindriyaṃ catubhūmakam. Dutiyādīni cattāri catusaccavaseneva kathitāni.

6. Paṭhamavibhaṅgasuttavaṇṇanā

506. Chaṭṭhe **kāyikanti** kāyapasādavatthukaṃ. **Sukhanti** ayamassa sarūpaniddeso. **Sātanti** tasseva vevacanaṃ, madhuranti vuttaṃ hoti. **Kāyasamphassajanti** kāyasamphassato jātaṃ. **Sukham sātanti** vuttanayameva. **Vedayitanti** ayamassa sabbavedanāsādhāraṇo aññadhammavisiṭṭho sabhāvaniddeso. Iminā nayena sesesupi attho veditabbo. **Kāyikaṃ vā cetasikaṃ vā**ti ettha pana cakkhādayo cattāro pasādakāye vatthuṃ katvā uppattivaseva kāyikanti vuttaṃ. Kāyapasādavatthukaṃ pana adukkhamasukham nāma natthi.

9. Kaṭṭhopamasuttavaṇṇanā

509. Navame **dvinnaṃ kaṭṭhānanti** dvinnaṃ araṇīnaṃ. **Saṅghaṭṭanasamodhānāti** saṅghaṭṭanena ceva samodhānena ca. **Usmāti** usumākāro. **Tejoti** aggidhūmo. Ettha ca adharāraṇī viya vatthārammaṇaṃ, uttarāraṇī viya phasso, saṅghaṭṭo viya phassasaṅghaṭṭanaṃ, aggi viya vedanā daṭṭhabbā. Vatthārammaṇaṃ vā uttarāraṇī viya, phasso adharāraṇī viya daṭṭhabbo.

10. Uppaṭipāṭikasuttavaṇṇanā

510. Dasamaṃ yathādhammarasena paṭipāṭiyā vuttampi imasmiṃ indriyavibhaṅge sesasuttāni viya adesitattā uppaṭipāṭikasuttaṃ nāmāti veditabbaṃ. Tatha **nimittanti**ādīni sabbāni paccayavevacanāneva. **Dukkhindriyañca pajānāti**ti dukkhasaccavaseneva pajānāti. **Dukkhindriyasamudayanti** kaṇṭakena vā viddhassa maṅkulena vā daṭṭhassa paccattharaṇe vā valiyā phuṭṭhassa dukkhasahagataṃ kāyaviññānaṃ uppajjati, taṃ etassa samudayoti pajānāti.

Parato **domanassindriyasamudayanti**ādīsipi tesam tesam kāraṇavaseneva samudayo veditabbo. Pattacīvarādīnaṃ vā hi saṅkhārānaṃ saddhivihārikādīnaṃ vā sattānaṃ vināseva domanassindriyaṃ uppajjati tesam vināsaṃ tassa samudayoti pajānāti. Subhojanaṃ bhuñjitvā varasayane nipannassa hatthapādasambāhanatālavaṇṭavātādisamphassena sukhindriyaṃ uppajjati, taṃ phassaṃ tassa samudayoti pajānāti. Vuttappakārānaṃ pana sattasaṅkhārānaṃ manāpānaṃ paṭilābhavasena

somanassindriyaṃ uppajjati, taṃ paṭilābhaṃ tassa samudayoti pajānāti. Majjhakkārena pana upekkhindriyaṃ uppajjati, taṃ sattasaṅkhāresu majjhakkāraṃ tassa samudayoti pajānāti.

Kattha cuppannaṃ dukkhindriyaṃ aparisesaṃ nirujjhati, idha, bhikkhave, bhikkhu viviceva kāmehitiādīsu pana ayaṃ ekatova vinicchaya kathā – dukkhindriyaṃ paṭhamajjhānassa upacārakkhaṇe nirodhāya nirujjhati pahīnaṃ hoti, domanassādīni dutiyajjhānādīnaṃ. Evaṃ santepi tesāṃ atisayanirodhattā ayaṃ jhānesuyeva nirodho vutto. Atisayanirodho hi tesāṃ paṭhamajjhānādīsu, na nirodhoyeva, nirodhoyeva pana upacārakkhaṇe, nātisayanirodho. Tathā hi nānāvajjane paṭhamajjhānupacāre niruddhassāpi dukkhindriyassa ḍaṃsamakasādisamphassena vā visamāsanupatāpena vā siyā uppatti, na tveva antoappanāyaṃ. Upacāre vā niruddhampetāṃ na suṭṭhu niruddhaṃ hoti paṭipakkhena avihatattā. Antoappanāyaṃ pana pītipharaṇena sabbo kāyo sukhokkanto hoti, sukhokkantakāyassa ca suṭṭhu niruddhaṃ hoti dukkhindriyaṃ paṭipakkhena vihatattā. Nānāvajjaneyeva ca dutiyajjhānupacāre pahīnassa domanassindriyassa yasmā etaṃ vitakkavicārapaccayepi kāyakilamathe cittupaghāte ca satī uppajjati, vitakkavicārābhāve neva uppajjati. Yattha pana uppajjati, tattha vitakkavicārābhāve, appahīnā eva ca dutiyajjhānupacāre vitakkavicārāti tatthassa siyā uppatti. Na tveva dutiyajjhāne pahīnapaccayattā. Tathā tatiyajjhānupacāre pahīnassāpi sukhindriyassa pītisamuṭṭhānapanātarūpaphuṭṭhakāyassa siyā uppatti, na tveva tatiyajjhāne. Tatiyajjhāne hi sukhassa paccayabhūtā pīti sabbaso niruddhā. Tathā catutthajjhānupacāre pahīnassāpi somanassindriyassa āsannattā appanāpattāya upekkhāya abhāvena sammā anatikkantattā ca siyā uppatti, na tveva catutthajjhāne. Tasmā “ettha cuppannaṃ dukkhindriyaṃ aparisesaṃ nirujjhati”ti tattha tattha aparisesaggahaṇaṃ kataṃ.

Yaṃ panettha **tadatthāya cittaṃ upasaṃharatī**ti vuttaṃ, tattha alābhī samāno uppādanatthāya cittaṃ upasaṃharatī, lābhī samāno samāpajjanatthāyāti evamattho veditabbo. Imesu dvīsūpi suttesu sammasanavārova kathitoti.

Sukhindriyavaggo catuttho.

5. Jarāvaggo

1. Jarādhammasuttavaṇṇanā

511. Pañcamavaggassa paṭhame **pacchātāpeti** pāsādaccchāyāya puratthimadisāṃ paṭicchannattā pāsādassa pacchimadisābhāge ātāpo hoti, tasmim̐ ṭhāne paññattavarabuddhāsane nisinnoti attho. **Piṭṭhiṃ otāpayamānoti** yasmā sammāsambuddhassāpi upādinnakasarīre uṇhakāle uṇhaṃ hoti, sītakāle sītaṃ, ayaṅca himapātāsītasamāyo. Tasmā mahācīvaraṃ otāretvā sūriyasmīhi piṭṭhiṃ otāpayamāno nisīdi.

Kim̐ pana buddharasmiyo madditvā sūriyasmī anto pavisitūṃ sakkotīti? Na sakkoti. Evaṃ sante kim̐ tāpetīti? Rasmitejaṃ. Yatheva hi ṭhitamajjhanhike parimaṇḍalāya chāyāya rukkhamūle nisinnassa kiñcāpi sūriyasmīyo sarīraṃ na phusanti, sabbadisāsu pana tejo pharati, aggijālāhi parikkhitto viya hoti, evaṃ sūriyasmīsu buddharasmiyo madditvā anto pavisitūṃ asakkuṇantīsūpi satthā tejaṃ tāpento nisinnoti veditabbo.

Anomajjantoti piṭṭhiparikammakaraṇavasena anumajjanto. **Acchariyaṃ bhanteti** thero bhagavato piṭṭhito mahācīvaraṃ otāretvā nisinnassa dvinnaṃ aṃsakūtānaṃ antare suvaṇṇāvattāṃ viya kesaggappamānaṃ valiyāvattāṃ disvā – “evarūpepi nāma sarīre jarā paññāyati”ti sañjātasamvego jaraṃ garahanto evamāha. Garahanacchariyaṃ nāma kiretaṃ.

Na cevaṃ dāni, bhante, bhagavato tāva parisuddhoti yathā pakatiyā chavivaṇṇo parisuddho, na evametarahīti dīpento evamāha. Tathāgatassa hi daharakāle saṅkusatasamabbhāhataṃ usabhacammaṃ viya vihatavaliko kāyo hoti, tasmim̐ ṭhapito hattho bhassateva, na santiṭṭhati, telapuñchanākārapatto

viya hoti. Mahallakakāle pana sirājālā milāyanti, sandhipabbāni sithilāni honti, maṃsaṃ aṭṭhito mucchivā sithilabhāvaṃ āpajjitvā tattha tattha olambati. Buddhānaṃ pana evarūpaṃ na hoti. Aññesaṃ apākaṭaṃ, santikāvacarattā ānandattherasseva pākaṭaṃ hoti, tasmā evamāha.

Sithilāni ca gattānīti aññesaṃ mukhe aṃsakūṭantarehi tesu tesu ṭhānesu valiyo santiṭṭhanti, satthu panetaṃ natthi, thero ca dvinnāṃ aṃsakūṭānaṃ antare valiyāvattakāṃ disvā evamāha. **Sabbāni valiyajātānīti** idampi attano pākaṭavasena evamāha – satthu pana aññesaṃ viya valiyo nāma natthi. **Purato pabbhāro ca kāyoti** satthā brahmujugatto, devanagare samussitasuvaṇṇatorāṇaṃ viyassa kāyo ujukameva uggato. Mahallakakāle pana kāyo purato vaṅko hoti, svāyaṃ aññesaṃ apākaṭo, santikāvacarattā pana therasseva pākaṭo, tasmā evamāha. **Dissati ca indriyānaṃ aññathattanti** indriyāni nāma na cakkhuvīññeyyāni. Yato pana pakatiyā parisuddho chavivaṇṇo, idāni na tathā parisuddho, aṃsakūṭantare vali paññāyati, brahmujukāyo purato vaṅko, imināva kāraṇena cakkhādīnaṃ indriyānaṃ aññathattena bhavitabbanti nayaggāhato evamāha. **Dhī taṃ jammi jare atthūti** lāmake jare dhī taṃ tuyhaṃ hotu, dhikkāro taṃ phusatu. **Bimbanti** attabhāvo.

2. Uṇṇābhabrāhmaṇasuttavaṇṇanā

512. Dutiye **gocaravisayanti** gocarabhūtaṃ visayaṃ. **Aññamaññassāti** cakkhu sotassa, sotaṃ vā cakkhussāti evaṃ ekaṃ ekassa gocaravisayaṃ na paccanubhoti. Sace hi nīlādibhedāṃ rūpārammaṇaṃ samodhānetvā sotindriyassa upaneyya – ‘īṅha tvāṃ tāva naṃ vavatthapehi vibhāvehi ‘kinnāmetāṃ ārammaṇaṃ’ nti. Cakkhuvīññānaṃ vināpi mukhena attano dhammatāya evaṃ vadeyya – ‘are, andhabāla, vassasatampi vassasahassampi vassasatasahassampi paridhāvamāno aññatra mayā kuhiṃ etassa jānanakāṃ labhissasi, taṃ āhara, cakkhupasāde upanehi, ahametaṃ ārammaṇaṃ jānissāmi – yadi vā nīlaṃ, yadi vā pītakaṃ. Na hi eso aññassa visayo, mayhameveso visayo’ ti. Sesadvāresupi eseve nayo. Evametāni aññamaññassa gocaravisayaṃ na paccanubhonti nāma.

Kim paṭisaraṇanti etesaṃ kiṃ paṭisaraṇaṃ, kiṃ etāni paṭisaraṇtīti pucchati. **Mano paṭisaraṇanti** javanamano paṭisaraṇaṃ. **Manova nesanti** manodvārikajavanamanova etesaṃ gocaravisayaṃ rajjanādivasena anubhoti. Cakkhuvīññānaṃ rūpadassanāmetameva, ettha rajjanaṃ vā dussanaṃ vā muyhanaṃ vā natthi. Ekasmiṃ pana dvāre javanaṃ rajjati vā dussati vā muyhati vā. Sotaviññādisupi eseve nayo.

Tatrāyaṃ upamā – pañca kira dubbalabhojakā rājānaṃ sevivā kicchena kasirena ekasmiṃ pañcakulike gāme parittakāṃ āyaṃ labhiṃsu. Tesāṃ tattha macchabhāgo maṃsabhāgo, addukahāpaṇo vā yottakahāpaṇo vā māsakahāpaṇo vā aṭṭhakahāpaṇo vā soḷasakahāpaṇo vā catusaṭṭhikahāpaṇo vā daṇḍoti ettakamattameva pāpuṇāti, satavatthukaṃ pañcasatavatthukaṃ sahasavatthukaṃ mahābalim rājāva gaṇhāti.

Tattha pañcakulikagāmā viya pañcapasādā daṭṭhabbā, pañca dubbalabhojakā viya pañcaviññānāni; rājā viya javanaṃ, dubbalabhojakānaṃ parittakāyapāpuṇanaṃ viya cakkhuvīññānānaṃ rūpadassanādimattaṃ, rajjanādi pana etesu natthi. Rañño mahābaliggahaṇaṃ viya tesu dvāresu javanassa rajjanādīni veditabbāni. Evamettha **manoti** kusalākusalajavanaṃ vuttaṃ.

Sati paṭisaraṇanti maggasati paṭisaraṇaṃ. Javanamano hi maggasatiṃ paṭisarati. **Vimuttīti** phalavimuttīti. **Paṭisaraṇanti** phalavimuttīyā nibbānaṃ paṭisaraṇaṃ. Tañhi sā paṭisarati. **Nāsakkhi pañhassa pariyaṇtaṃ gahetunti** pañhassa paricchedaṃ pamāṇaṃ gahetuṃ nāsakkhi, appaṭisaraṇaṃ dhammaṃ ‘sappaṭisaraṇa’ nti pucchi. Nibbānaṃ nāmetāṃ appaṭisaraṇaṃ, na kiñci paṭisarati. **Nibbānogaḍhanti** nibbānabbhantaṃ nibbānaṃ anupaviṭṭhaṃ. **Brahmacariyanti** maggabrahmacariyaṃ. **Nibbānaparāyaṇanti** nibbānaṃ paraṃ ayanamassa parā gati, na tato paraṃ gacchatīti attho. Nibbānaṃ pariyoṣānaṃ avasānaṃ assāti **nibbānapariyoṣānaṃ**.

Mūlajātā patitṭhitāti maggena āgatasaddhā vuccati. **Imamhi ce, bhikkhave, samayeti** kiṃ sandhāyāha? Jhānaanāgāmitaṃ. Tasmiñhi samaye brāhmaṇassa paṭhamamaggena pañca akusalacittāni pahīnāni, paṭhamajjhānena pañca nīvaraṇānīti jhānaanāgāmitṭhāne ṭhito. So aparihīnajjhāno kālaṃ katvā tattheva parinibbāyeyya. Sace paṇassa puttadāraṃ anusāsantassa kammante vicārentassa jhānaṃ nassati, naṭṭhe jhāne gati anibaddhā hoti, anaṭṭhe pana nibaddhāti imaṃ jhānaanāgāmitaṃ sandhāya evamāha.

3. Sāketasuttavaṇṇanā

513. Tatiye **añjanavaneti** añjanavaṇṇapupphānaṃ rukkhānaṃ ropitavane. **Yaṃ, bhikkhave, saddhindriyaṃ, taṃ saddhābalanti** tañhi adhimokkhalakkhaṇe indaṭṭhena saddhindriyaṃ, assaddhiye akampanena saddhābalaṃ. Itaresaṃ paggahaupaṭṭhānaavikkhepapajānanalakkhaṇesu indaṭṭhena indriyabhāvo, kosajjamuṭṭhasaccavikkhepāvijjāsu akampanena balabhāvo veditabbo. **Evameva khoti** tassā nadiyā ekasotaṃ viya saddhāvīriyasatisamādhipaññāvasena etesaṃ ninnānākaraṇaṃ veditabbaṃ, dve sotāni viya indaṭṭhaakampanaṭṭhehi indriyabalavasena nānākaraṇaṃ veditabbaṃ.

4. Pubbakoṭṭhakasuttavaṇṇanā

514. Catutthe **amatogadhanti** amatabbhantaraṃ. **Amataparāyaṇanti** amatanibbattikaṃ. **Amatapariyosānanti** amataniṭṭhaṃ. **Sādhu sādhu**ti therassa byākaraṇaṃ pasamsanto sādhu-kāraṃ deti.

5. Paṭhamapubbārāmasuttavaṇṇanā

515. Pañcame **tadanvayāti** taṃ anugacchamānā, anuvattamānāti attho. Pubbakoṭṭhakaṃ ādiṃ katvā paṭipāṭiyā chasu suttesu phalindriyāneva kathitāni.

10. Āpaṇasuttavaṇṇanā

520. Dasame **ime kho te dhammāti** upari saha vipassanāya tayo maggā. **Ye me pubbe sutāva ahesunti** ye dhammā mayā pubbe “arahattaphalindriyaṃ nāma atthī”ti kathentānaṃyeva sutā ahesuṃ. **Kāyena ca phusitvāti** nāmakāyena ca phusitvā paṭilabhitvā. **Paññāya ca ativijjha passāmīti** paccavekkhaṇapaññāya ca ativijjhitvā passāmi. **Yā hissa, bhante, saddhāti** ayaṃ katarasaddhā? Catūhi indriyehi sampayuttā saddhā heṭṭhā kathitāva, ayaṃ pana paccavekkhaṇasaddhā. Sampayuttasaddhā hi missakā, paccavekkhaṇasaddhā lokiyāva. Sesaṃ sabbattha uttānamevāti.

Jarāvaggo pañcama.

6. Sūkarakhatavaggo

1. Sālasuttavaṇṇanā

521. Chaṭṭhavaggassa paṭhame **sūrenāti** sūrabhāvena. **Bodhāyāti** bujjanatthāya.

2. Mallikasuttavaṇṇanā

522. Dutiye **mallesūti** evaṃnāmake janapade. Imasmiṃ sutte cattāri indriyāni missakāni, ariyañāṇaṃ lokuttaraṃ. Tampi pana catukkindriyanissitaṃ katvā missakanti bhājetuṃ vaṭṭati.

3. Sekhasuttavaṇṇanā

523. Tatiye **na heva kho kāyena phusitvā viharatīti** na nāmakāyena phusitvā paṭilabhitvā viharati,

phusitum paṭilabhitum na sakkoti. **Paññāya ca ativijja passatīti** paccavekkhaṇapaññāya pana “upari arahattaphalindriyaṃ nāma atthī”ti pajānāti. Asekhabhūmiyaṃ **phusitvā viharatīti** paṭilabhitvā viharatī. **Paññāyāti** paccavekkhaṇapaññāya “arahattaphalindriyaṃ nāma atthī”ti pajānāti. **Na kuhiñci kismiñcīti** dvepi aññamaññavevacanāneva, kismiñci bhava na uppajjissantīti attho. Imasmiṃ sutte pañcindriyāni lokuttarāni, cha lokikāni vaṭṭanissitāneva kathitāni.

4-5. Padasuttādivaṇṇanā

524-525. Catutthe **yāni kānici padāni bodhāya saṃvattantīti** yāni kānici dhammapadāni, ye keci dhammakotṭhāsā, bujjhanatthāya saṃvattanti. Pañcamam uttānameva.

6-7. Patiṭṭhitasuttādivaṇṇanā

526-527. Chaṭṭhe **cittaṃ rakkhati āsavesu ca sāsavesu ca dhammesūti** tebhūmakadhamme ārabba āsavuppattiṃ vārento āsavesu ca sāsavesu ca dhammesu cittaṃ rakkhati nāma. Sattamaṃ uttānameva.

8. Sūkarakhatasuttavaṇṇanā

528. Aṭṭhame **sūkarakhatāyanti** sūkarakhataleṇe. Kassapabuddhakāle kira taṃ leṇaṃ ekasmiṃ buddhantare pathaviyā vaḍḍhamānāya antobhūmigataṃ jātaṃ. Athekadivasam eko sūkaro tassa chadanapariyantasaṃpāpe paṃsum khaṇi. Deve vuṭṭhe paṃsu dhotā, chadanapariyanto pākaṭo ahoṣi. Eko vanacarako disvā “pubbe sīlavantehi paribhuttaṭṭhānena bhavitabbaṃ, paṭijaggissāmi na”nti samantato paṃsum apanetvā leṇaṃ sodhetvā kuṭiparikkhepaṃ katvā dvāravātapānaṃ yojetvā supariniṭṭhitasudhākammacittakammaṃ rajatapaṭṭasadisāya vālikāya santharitaṃ pariveṇaṃ katvā mañcapīṭhaṃ paññāpetvā bhagavato vasanatthāya adāsi, leṇaṃ gambhīraṃ ahoṣi otaritvā āruhitabbaṃ. Taṃ sandhāyetam vuttam. **Paramanipaccakāranti** bhāvanapumsakaṃ, paramanipaccakārī hutvā pavattamāno pavattatīti vuttam hoti. **Anuttaram yogakkhemanti** arahattaṃ. **Sappatissoti** sajeṭṭhako. Sesam sabbattha uttānatthamevāti.

Sūkarakhatavaggo chaṭṭho.

7. Bodhipakkhiyavaggo

531-650. Sattamavagge satta phalāni pubbabhāgāni, tesam heṭṭhā dve phalāni ādiṃ katvā missakāni. Sesamettha ito parañca sabbaṃ uttānamevāti.

Indriyasamuyuttavaṇṇanā niṭṭhitā.

5. Sammappadhānasamuyuttavaṇṇanā

651-704. Sammappadhānasamuyutte sakalepi pubbabhāgavipassanāva kathitāti.

Sammappadhānasamuyuttavaṇṇanā niṭṭhitā.

6. Balasamuyuttavaṇṇanā

705-812. Balasamuyutte balāni missakāneva kathitāni. Sesam sabbattha uttānamevāti.

Balasaṃyuttavaṇṇanā niṭṭhitā.

7. Iddhipādasamṃyuttam

1. Cāpālavaggo

1. Apārasuttavaṇṇanā

813. Iddhipādasamṃyuttassa paṭhame chandaṃ nissāya pavatto samādhī **chandasamādhī**. Padhānabhūtā saṅkhārā **padhānasaṅkhārā**. **Samannāgatanti** tehi dhammehi upetaṃ. Iddhiyā pādaṃ, iddhibhūtaṃ vā pādanti **iddhipādaṃ**. Sesesupi eseva nayo. Ayamettha saṅkhepo, vitthāro pana iddhipādavibhaṅge (vibha. 431 ādayo) āgatova. Visuddhimagge (visuddhi. 2.3.69 ādayo) panassa attho dīpito. Tathā maggabojjhaṅgasatipaṭṭhānasamṃyuttessu ceva idha ca ekaparichedova.

5. Iddhipadesasuttavaṇṇanā

817. Pañcame **iddhipadesanti** tayo ca magge tīṇi ca phalāni.

6. Samattasuttavaṇṇanā

818. Chaṭṭhe **samattam iddhinti** arahattaphalameva. Ādito paṭṭhāya pana navasupi suttessu vivaṭṭapādakā eva iddhipādā kathitā.

10. Cetiyaṣuttavaṇṇanā

822. Dasame **nisīdananti** cammakhaṇḍaṃ adhippetam. **Udenam cetiyanti** udenayakkhassa cetiyatṭhāne katavīhāro vuccati. **Gotamakādisupi** eseva nayo. **Bhāvitāti** vaḍḍhitā. **Bahulikatāti** punappunam katā. **Yānikatāti** yuttayānam viya katā. **Vatthukatāti** patitṭhānatṭhena vatthu viya katā. **Anuṭṭhitāti** adhiṭṭhitā. **Paricitāti** samantato citā suvaḍḍhitā. **Susamāraddhāti** suṭṭhu samāraddhā.

Iti aniyamena kathetvā puna niyametvā dassento **tathāgatassa khotiādimāha**. Ettha ca **kappanti** āyukappaṃ, tasmim tasmim kāle yaṃ manussānaṃ āyuppanānaṃ, taṃ paripuṇṇaṃ karonto tiṭṭheyya. **Kappāvesaṃ vāti** “appaṃ vā bhīyyo”ti vuttavassasatato atirekaṃ vā. Mahāsīvatthero panāha “buddhānaṃ aṭṭhāne gajjitaṃ nāma natthi. Yatheva hi veḷuvagāmake uppanaṃ māraṇantikavedanaṃ dasa māse vikkhambhesi, evaṃ punappunam taṃ samāpattiṃ samāpajjitvā dasa dasa māsepi vikkhambhento imaṃ bhaddakappameva tiṭṭheyvā”ti.

Kasmā pana na ṭhitoti? Upādiṇṇakasarīraṃ nāma khaṇḍiccādīhi abhibhuyyati, buddhā nāma khaṇḍiccādībhāvaṃ apatvāva pañcame āyukoṭṭhāse bahujanassa piyamaṇāpakāleyeva parinibbāyanti. Buddhānubuddhesu ca mahāsāvakesu parinibbutesu ekakena khāṇukena viya ṭhātabbaṃ hoti, daharasāmaṇeraparivāritena vā, tato – “aho buddhānaṃ parisā”ti hīletabbaṃ āpajjeyya, tasmā na ṭhitoti. Evaṃ vuttepi so pana na ruccati, “āyukappo”ti idameva aṭṭhakathāyaṃ niyamitaṃ.

Yathā taṃ mārena pariyaṭṭhitacittoti ettha tanti nipātamattaṃ. Yathā mārena pariyaṭṭhitacitto ajjhotthatacitto aññopi koci puthujjano paṭivijjhituṃ na sakkuṇeyya, evameva nāsakkhi paṭivijjhitunti attho. Māro hi yassa sabbena sabbam dvādasā vipallāsā appahīnā, tassa cittaṃ pariyaṭṭhāti. Therassa ca cattāro vipallāsā appahīnā, tenassa māro cittaṃ pariyaṭṭhāsī. So pana cittaṃ pariyaṭṭhānaṃ karonto kiṃ karotīti? Bheravaṃ rūpārammaṇaṃ vā dasseti, saddārammaṇaṃ vā sāveti, tato sattā taṃ disvā vā sutvā vā satim vissajjetvā vivaṭṭamukhā honti, tesam mukhena hatthaṃ pavesetvā hadayaṃ maddati, te visaññī hutvā tiṭṭhanti. Therassa panesa mukhe hatthaṃ pavesetuṃ kiṃ sakkhissati? Bheravārammaṇaṃ pana

dasseti, taṃ disvā thero nimittobhāsaṃ na paṭivijjhi. Jānantoyeva bhagavā kimatthaṃ yāvataiyakaṃ āmaṇṇesīti. Parato “tiṭṭhatu, bhante, bhagavā”ti yācite “tuyhevetam dukkaṭam, tuyhevetam aparaddha”nti dosāropanena sokatanukaraṇatthaṃ.

Māro pāpimāti ettha satte anatto niyojento māretīti māro. **Pāpimāti** tasseva vevacanaṃ. So hi pāpadhammasamannāgatattā “pāpimā”ti vuccati. Kaṇho, antako, namuci, pamattabandhūtipi tasseva nāmāni. **Bhāsītā kho panesāti** ayañhi bhagavato sambodhipattiyā aṭṭhame sattāhe bodhimaṇḍaṃyeva āgantvā – “bhagavā yadatthaṃ tumhehi pāramiyo pūritā, so vo attho anuppatto, paṭividdhaṃ sabbaññutaññānaṃ, kiṃ vo lokavicaraṇena”ti vatvā yathā ajja, evameva – “parinibbātu dāni, bhante, bhagavā, parinibbātu, sugato,”ti yāci. Bhagavā cassa “na tāvāha”ntiādīni vatvā paṭikkhipi. Taṃ sandhāya “bhāsītā kho panesā, bhante,”tiādīmāha.

Tattha **viyattāti** maggavasena byattā. Tatheva **vinītā**. Tathā **visāradā**. **Bahussutāti** teṭṭakavasena bahu sutametesanti bahussutā. Tadeva dhammaṃ dhārentīti **dhammadharā**. Atha vā pariyattibahussutā ceva paṭivedhabahussutā ca, pariyattipaṭivedhadhammānaṃyeva dhāraṇato dhammadharāti evamettha attho daṭṭhabbo. **Dhammānudhammapaṭipannāti** ariyadhammassa anudhammabhūtaṃ vipassanādhammaṃ paṭipannā. **Sāmicippaṭipannāti** anucchavikapāṭipadaṃ paṭipannā. **Anudhammacārinoti** anudhammacaraṇasīlā. **Sakaṃ ācariyakanti** attano ācariyavādaṃ. **Ācikkhissantīti**ādīni sabbāni aññaṃaññasseva vevacanaṃ. **Sahadhammenāti** sahetukena sakāraṇena vacanena. **Sappāṭihāriyanti** yāva niyyānikaṃ katvā dhammaṃ desessanti.

Brahmacariyanti sikkhattayasaṅghitaṃ sakalaṃ sāsanabrahmacariyaṃ. **Iddhanti** samiddhaṃ jhānassādasena. **Phīṭanti** vuḍḍhipattaṃ sabbapāliphullaṃ viya abhiññāsampattivasena. **Vitthārikanti** vitthataṃ tasmiṃ tasmiṃ disābhāge paṭiṭṭhitavasena. **Bāhujaññanti** bahūhi ñātaṃ paṭividdhaṃ mahājanābhisamayavasena. **Puthubhūṭanti** sabbākārena puthulabhāvapattaṃ. Kathaṃ? **Yāva devamanussehi suppakāsitaṃ**, yattakā viññujātikā devā ceva manussa ca atthi, sabbehi suṭṭhu pakāsitaṃ attho.

Appossukoti nirālayo. Tvañhi pāpima aṭṭhamasattāhato paṭṭhāya “parinibbātu dāni, bhante, bhagavā, parinibbātu sugato”ti viravanto āhiṇḍittha, ajja dāni paṭṭhāya vigatussāho hohi, mā mayhaṃ parinibbānatthaṃ vāyāmaṃ karohīti vadati.

Sato sampajāno āyusaṅkhāraṃ ossajīti satim sūpaṭṭhitaṃ katvā ñāṇena paricchinditvā āyusaṅkhāraṃ vissaji pajahi. Tattha na bhagavā hatthena leḍḍuṃ viya āyusaṅkhāraṃ ossaji, temāsamattameva pana phalasaṃpattim samāpajjitvā tato paraṃ na samāpajjissāmīti cittaṃ uppādesi. Taṃ sandhāya vuttaṃ “ossajī”ti. Ussajītipi pāṭho. **Mahābhūmicāloti** mahanto pathavikampo. Tadā kira dasasahassilokadhātu akampittha. **Bhimsanakoti** bhayajanako. **Devadundubhiyo ca phalimsūti** devabheriyo phalimsu, devo sukkhagajjitaṃ gajji, akālavijjulātā niccharimsu, khaṇikavassaṃ vassīti vuttaṃ hoti.

Udānaṃ udānesīti kasmā udānesi? Koci nāma vadeyya “bhagavā pacchato pacchato anubandhitvā – ‘parinibbāyatha, bhante, parinibbāyatha, bhante’ti upadduto bhayena āyusaṅkhāraṃ vissajjesi”ti. Tassokāso mā hotūti. Bhīṭassa hi udānaṃ nāma natthīti pīṭivegavissaṭṭhaṃ udānesi.

Tattha sabbesaṃ soṇasiṅgālādīnampi paccakkhabhāvato tulitaṃ paricchinnanti **tulaṃ**. Kiṃ taṃ? Kāmāvacarakammaṃ. Na tulaṃ, na vā tulaṃ sadisamassa aññaṃ lokiyakammaṃ atthīti **atulaṃ**. Kiṃ taṃ? Mahaggatakammaṃ. Atha vā kāmāvacaraṃ rūpāvacaraṇa tulaṃ, arūpāvacaraṃ atulaṃ. Appavipākaṃ tulaṃ, bahuvipākaṃ atulaṃ. **Sambhavanti** sambhavahetubhūtaṃ, piṇḍakāraṃ rāsikāraṃ attho. **Bhavaṅkhāraṃ** punabbhavaṃ saṅkhāraṃ. **Avassajīti** vissajjesi. **Munīti** buddhamuni. **Ajjhattaratoti** niyakajjhattarato. **Samāhitoti** upacārappanāsamādhivasena samāhito. **Abhindi kavacamivāti** kavacaṃ viya abhindi. **Attasambhavanti** attani jātakilesaṃ. Idaṃ vuttaṃ hoti –

savipākaṭṭhena sambhavaṃ bhavābhisaṅkhaṇaṭṭhena bhavasāṅkhāranti ca laddhanāmaṃ tulātulasāṅkhātaṃ lokiyakammaṅca ossaji, saṅgāmasīse mahāyodho kavacaṃ viya attasambhavaṃ kilesaṅca ajjhatarato samāhito hutvā abhindaṭṭi.

Atha vā **tulanti** tulento tūrento. **Atulaṅca sambhavanti** nibbānaṅceva bhavaṅca. **Bhavasāṅkhāranti** bhavagāmikammaṃ. **Avassaji munīti** “pañcakkhandhā aniccā, pañcannaṃ khandhānaṃ nirodho nibbānaṃ nicca”ntiādinā nayena tulayanto buddhamuni bhava ādīnaṃ nibbāne cānisamsaṃ disvā taṃ khandhānaṃ mūlabhūtaṃ bhavasāṅkhāraṃ “kammakkhayāya saṃvattatī”ti evaṃ vuttena kammakkhayakarena ariyamaggena avassaji. Kathaṃ? Ajjhatarato samāhito abhinda kavacamivattasambhavaṃ. So hi vipassanāvasena ajjhatarato, samathavasena samāhitoti evaṃ pubbhāgato paṭṭhāya samathavipassanābalena kavacamiva attabhāvaṃ pariyanandhitvā ṭhitaṃ, attani sambhavattā attasambhavanti laddhanāmaṃ sabbhaṃ kilesajātaṃ abhinda. Kilesābhāvena ca kammaṃ appaṭisandhikattā avassaṭṭhaṃ nāma hotīti evaṃ kilesappahānena kammaṃ jahi. Pahīnakilesassa bhayaṃ nāma natthi. Tasmā abhītova āyusaṅkhāraṃ ossaji. Abhītabhāvaṅāpanatthaṅca udānaṃ udānesīti veditabbo.

Cāpālavaggo paṭhamo.

2. Pāsādakampanavaggo

1-2. Pubbasuttādivaṇṇanā

823-824. Dutiyavaggassa paṭhame **na ca atilīnoti**ādinī parato āvi bhavissanti. Imasmimṃ sutte chaabhiññāpādakā iddhipādā kathitā, tathā dutiye ca.

3. Chandasamādhisuttavaṇṇanā

825. Tatiye **chandanti** kattukamyatāchandaṃ. **Nissāyāti** nissayaṃ katvā, adhipatiṃ katvāti attho. **Padhānasāṅkhārāti** padhānabhūtā saṅkhārā, catukiccasādhakasammappadhānavīriyasetaṃ adhivacanaṃ. **Iti ayaṅca chandoti**ādisu chando chandasamādhinā ceva padhānasāṅkhārehi ca, chandasamādhi chandena ceva padhānasāṅkhārehi ca, padhānasāṅkhārāpi chandena ceva chandasamādhinā ca samannāgatā. Tasmā sabbe te dhamme ekato katvā **ayaṃ vuccati, bhikkhave, chandasamādhippadhānasāṅkhārasamannāgato iddhipādoti** vuttaṃ. Iddhipādavibhaṅge (vibha. 437) pana “yo tathābhūtassa vedanākkhandho tiādinā nayena imehi dhammehi samannāgatā sesaarūpino dhammā iddhipādāti vuttā.

Apica imepi tayo dhammā iddhīpi honti iddhipādāpi. Kathaṃ? Chandaṅhi bhāvayato chando iddhi nāma hoti, samādhippadhānasāṅkhārā chandiddhipādo nāma. Samādhimṃ bhāventassa samādhi iddhi nāma hoti, chandappadhānasāṅkhārā samādhiddhiyā pādo nāma. Padhānasāṅkhāre bhāventassa padhānasāṅkhārā iddhi nāma hoti, chandasamādhi padhānasāṅkhāriddhiyā pādo nāma, sampayuttadhammesu hi ekasmimṃ ijhamāne sesāpi ijjhantiyeva.

Apica tesamṃ tesamṃ dhammānaṃ pubbhāgavasenāpi etesaṃ iddhipādātā veditabbā. Paṭhamajjhānaṅhi iddhi nāma, paṭhamajjhānassa pubbhāgaparikkamasampayuttā chandādayo iddhipādo nāma. Etenupāyena yāva nevasaṅgānāsāṅgāyatanā, iddhividhaṃ ādimṃ katvā yāva dibbacakkhuabhiññā, sotāpattimaggamṃ ādimṃ katvā yāva arahattamaggā nayo netabbo. Sesiddhipādesupi eseva nayo.

Keci pana “anibbatto chando iddhipādo”ti vadanti. Idha tesamṃ vādamaddanattāya abhidhamme **uttaracūlavāro** nāma āgato –

“Cattāro iddhipādā – chandiddhipādo, vīriyiddhipādo, cittiddhipādo, vīmaṃsiddhipādo. Tattha katamo chandiddhipādo? Idha, bhikkhu, yasmim̃ samaye lokuttaram̃ jhānaṃ bhāveti niyyānikaṃ apacayagāmiṃ diṭṭhigatānaṃ pahānāya paṭhamāya bhūmiyā pattiyā vivicca kāmehi...pe... paṭhamam̃ jhānaṃ upasampajja viharati dukkhāpaṭipadaṃ dandhābhiññaṃ, yo tasmim̃ samaye chando chandikatā kattukamyatā kusalo dhammacchando, ayaṃ vuccati chandiddhipādo. Avasesā dhammā chandiddhipādasampayuttā”ti (vibha. 457-458).

Ime pana lokuttaravaseneva āgatā.

Tattha raṭṭhapālatthero chandaṃ dhuraṃ katvā lokuttaradhammaṃ nibbatesi. Soṇatthero vīriyaṃ dhuraṃ katvā; sambhutatthero cittaṃ dhuraṃ katvā, āyasmā mogharājā vīmaṃsaṃ dhuraṃ katvāti. Tattha yathā catūsu amaccaputtesu ṭhānantaram̃ patthetvā rājānaṃ upanissāya viharantesu eko upaṭṭhāne chandajāto rañño ajjhāsayañca ruciñca ñatvā divā ca ratto ca upaṭṭhahanto rājānaṃ ārādhettvā ṭhānantaram̃ pāpuṇi. Evaṃ chandadhurena lokuttaradhammanibbattako veditabbo.

Eko pana – “divase divase upaṭṭhātuṃ na sakkomi, uppanne kicce parakkamena ārādhessāmi”ti kupite paccante rañña pahito parakkamena sattumaddanaṃ katvā pāpuṇi. Yathā so, evaṃ vīriyadhurena lokuttaradhammanibbattako veditabbo. Eko “divase divase upaṭṭhānampi urena sattisarasampaṭicchanaṃ bhāroyeva, mantabalena ārādhessāmi”ti khattavijjāya kataparicayattā mantasaṃvidhānena rājānaṃ ārādhettvā pāpuṇi. Yathā so, evaṃ cittadhurena lokuttaradhammanibbattako veditabbo.

Aparo – “kiṃ imehi upaṭṭhānādīhi, rājāno nāma jātisampannassa ṭhānantaram̃ denti, tādisassa dento mayhaṃ dassatī”ti jātisampattimeva nissāya ṭhānantaram̃ pāpuṇi. Yathā so, evaṃ suparisuddham̃ vīmaṃsaṃ nissāya vīmaṃsadhurena lokuttaradhammanibbattako veditabboti. Imasmim̃ sutte vivaṭṭapādakaidhi kathitā.

4. Moggallānasuttavaṇṇanā

826. Catutthe **uddhatā**ti uddhaccapakatikā vipphandamānacittā. Uddhaccena hi ekārammaṇe cittaṃ vipphandati dhajayaṭṭhiyaṃ vātena pahatadhajo viya. **Unnaḷā**ti uggatanaḷā, uṭṭhitatucchamānāti vuttaṃ hoti. **Capalā**ti pattacīvaramaṇḍanādicāpallena yuttā. **Mukharā**ti mukhakharā, kharavacanāti vuttaṃ hoti. **Vikiṇṇavācā**ti asaṃyatavacanā divasampi niratthakavacanappalāpino. **Muṭṭhassatī**ti naṭṭhassatino. **Asampajānā**ti paññārahitā. **Asamāhitā**ti upacārappanāsamādhivirahitā. **Bhantacittā**ti ubbhantacittā samādhivirahena laddhokāsena uddhaccena. **Pākatindriyā**ti asaṃvutindriyā. **Iddhābhisaṅkhāranti** āpokasiṇaṃ samāpajjitvā vuṭṭhāya pāsādapatiṭṭhitaṃ pathavibhāgaṃ “udaka”nti adhiṭṭhāya, udakapiṭṭhe ṭhitapāsādaṃ vehāsaṃ abhuggantvā aṅguṭṭhakena pahari. **Gambhīranemoti** gambhīraāvāto, gambhīrabhūmibhāgaṃ anupaviṭṭhoti attho. **Sunikhātoti** suṭṭhu nikhāto, koṭṭetvā suṭṭhu ṭhapito. Idha abhiññāpādakiddhi kathitā.

5. Uṇṇābhabrāhmaṇasuttavaṇṇanā

827. Pañcame **chandappahānatthanti** taṇhāchandassa pahānatthaṃ. Idhāpi vivaṭṭapādakiddhi kathitā.

9. Iddhādesanāsuttavaṇṇanā

831. Navame **yo so bhikkhave maggoti** abhiññāpādakaṃ catutthajjhānaṃ adhippetam̃.

10. Vibhaṅgasuttavaṇṇanā

832. Dasame **kosajjasahagatoti** idha bhikkhu chandaṃ uppādetvā kammaṭṭhānaṃ manasikaronto nisīdati. Athassa cittaṃ līnākāro okkamati, so “līnākāro me okkanto”ti ñatvā apāyabhayena cittaṃ tajjetvā puna chandaṃ uppādetvā kammaṭṭhānaṃ manasi karoti. Athassa puna līnākāro okkamati. So puna apāyabhayena cittaṃ tajjetvā chandaṃ uppādetvā kammaṭṭhānaṃ manasi karotīti evamassa kosajjena vokiṇṇattā chando kosajjasahagato nāma hoti. **Kosajjasampayuttoti** tasseva vevacanaṃ.

Uddhaccasahagatoti idha bhikkhu chandaṃ uppādetvā kammaṭṭhānaṃ manasikaronto nisīdati. Athassa cittaṃ uddhacce patati. So buddhadhammasaṅghaguṇe āvajjetvā cittaṃ hāsetvā tosetvā kammaniyam katvā puna chandaṃ uppādetvā kammaṭṭhānaṃ manasi karoti. Athassa puna cittaṃ uddhacce patati. So puna buddhadhammasaṅghaguṇe āvajjetvā cittaṃ hāsetvā tosetvā kammaniyam katvā chandaṃ uppādetvā kammaṭṭhānaṃ manasi karotīti evamassa uddhaccena vokiṇṇattā chando uddhaccasahagato nāma hoti.

Thinamidhasahagatoti idha bhikkhu chandaṃ uppādetvā kammaṭṭhānaṃ manasikaronto nisīdati. Athassa thinamidham uppajjati. So “uppannaṃ me thinamidha”nti ñatvā udakena mukhaṃ puñchitvā, kaṇṇe ākaḍḍhitvā paguṇaṃ dhammaṃ sajjhāyitvā divā gahitaṃ vā ālokasaññaṃ manasikarivā thinamidham vinodetvā puna chandaṃ uppādetvā kammaṭṭhānaṃ manasi karoti. Athassa puna thinamidham uppajjati. So vuttanayeneva puna thinamidham vinodetvā chandaṃ uppādetvā kammaṭṭhānaṃ manasi karotīti evamassa thinamidhena vokiṇṇattā chando thinamidhasahagato nāma hoti.

Anuvikkhittoti idha bhikkhu chandaṃ uppādetvā kammaṭṭhānaṃ manasikaronto nisīdati. Athassa kāmaguṇārammaṇe cittaṃ vikkhipati. So “bahiddhā vikkhittaṃ me citta”nti ñatvā anamatagga (saṃ. ni. 2.124-125) devadūta- (ma. ni. 3.261) celopama (saṃ. ni. 5.1104) anāgatabhayasuttādīni (a. ni. 5.77) āvajjento suttadaṇḍena cittaṃ tajjetvā kammaniyam katvā puna chandaṃ uppādetvā kammaṭṭhānaṃ manasi karoti. Athassa puna cittaṃ vikkhipati. So puna suttadaṇḍena cittaṃ kammaniyam katvā chandaṃ uppādetvā kammaṭṭhānaṃ manasi karotīti evamassa kāmavitakkavokiṇṇattā chando bahiddhā pañca kāmaguṇe ārabha anuvikkhitto anuvisaṭo hoti.

Yathā pure tathā pacchāti kammaṭṭhānavasenapi desanāvasenapi purimapacchimatā veditabbā. Kathaṃ? Kammaṭṭhāne tāva kammaṭṭhānassa abhiniveso pure nāma, arahattaṃ pacchā nāma. Tattha yo bhikkhu mūlakammaṭṭhāne abhinivisitvā atilīnādīsu catūsu ṭhānesu cittaṃ okkamaṇaṃ paṭisedhetvā, duṭṭhagoṇe yojetvā sārento viya caturassaghaṭikaṃ otārento viya catunnaṃ ṭhānānaṃ ekaṭṭhānepi asajjanto saṅkhāre sammasitvā arahattaṃ pāpuṇāti. Ayampi yathā pure tathā pacchā viharati nāma. Ayaṃ kammaṭṭhānavasena purimapacchimatā. Desanāvasena pana kesā pure nāma, matthaluṅgaṃ pacchā nāma. Tattha yo bhikkhu kesesu abhinivisitvā vaṇṇasaṅṭhānādivasena kesādayo pariggaṇhanto catūsu ṭhānesu asajjanto yāva matthaluṅgā bhāvanaṃ pāpeti, ayampi yathā pure tathā pacchā viharati nāma. Evaṃ desanāvasena purimapacchimatā veditabbā. **Yathā pacchā tathā pureti** idaṃ purimasseva vevacanaṃ.

Yathā adho tathā uddhanti idaṃ sarīravasena veditabbam. Tenevāha “uddham pādatalā adho kesamatthakā”ti. Tattha yo bhikkhu pādatalato paṭṭhāya yāva kesamatthakā dvattiṃsākāravasena vā pādaṅguliaggapabbatṭhito yāva sīsakaṭāham, sīsakaṭāhato yāva pādaṅgulīnaṃ aggapabbatṭhīni, tāva aṭṭhivasena vā bhāvanaṃ pāpeti catūsu ṭhānesu ekaṭṭhānepi asajjanto. Ayaṃ yathā uddham tathā adho, yathā adho tathā uddham viharati nāma.

Yehi akārehīti yehi koṭṭhāsehi. **Yehi liṅgehīti** yehi saṅṭhānehi. **Yehi nimittehīti** yehi upaṭṭhānehi. **Ālokasaññā suggahitā hotīti** yo bhikkhu aṅgaṇe nisīditvā ālokasaññaṃ manasi karoti, kālena nimīleti, kālena ummīleti. Athassa yadā nimīlentassāpi ummīletvā olokontassa viya ekasadisameva upaṭṭhāti, tadā ālokasaññā jātā nāma hoti. “Divāsaññā”tipi tasseva nāmaṃ. Sā ca pana rattim uppajjamānā suggahitā nāma hoti. **Svādhiṭṭhitā**tipi tasseva vevacanaṃ. Suṭṭhu adhiṭṭhitā suṭṭhu ṭhapitā svādhiṭṭhitā nāma

vuccati. Sā atthato suggahitāyeva. Yo vā ālokena thinamiddhaṃ vinodetvā chandaṃ uppādetvā kammaṭṭhānaṃ manasi karoti, tassa divāpi ālokasaññā suggahitā svādhiṭṭhitā nāma. Ratti vā hotu divā vā yena ālokena thinamiddhaṃ vinodetvā kammaṭṭhānaṃ manasi karoti, tasmiṃ thinamiddhavinodane āloke uppannā saññā suggahitāyeva nāma. Vīriyādīsupi eseva nayo. Imasmiṃ sutte channaṃ abhiññānaṃ pādakiddhi kathitā.

Pāsādakampanavaggo dutiyo.

3. Ayogūlavaggo

2. Ayogūlasuttavaṇṇanā

834. Tatiyavaggassa dutiye **iminā cātumahābhūtikenāti** iminā catumahābhūtamayena evaṃ bhārikena garukena samānenāpi. **Omāṭṭi** pahoti sakkoti, idaṃ teṭṭake buddhavadane asamhinnapadaṃ. **Kāyampi citte samodahatīti** kāyaṃ gahetvā citte āropeti, cittasannissitaṃ karoti, cittagatiyā peseti. Cittaṃ nāma mahaggatacittaṃ, cittagatigamaṇaṃ lahukaṃ hoti. **Cittampi kāye samodahatīti** cittaṃ gahetvā kāye āropeti, kāyasannissitaṃ karoti, kāyagatiyā peseti, kāyo nāma karajakāyo, kāyagatigamaṇaṃ dandhaṃ hoti. **Sukhasaññāñca lahusaññāñcāti** abhiññācittasahajātasaññā. Sā hi santasukhasamannāgatattā sukhasaññā nāma hoti, kilesadandhāyitattassa ca abhāvā lahusaññā nāma.

Ayogūlo divasaṃ santatto lahutaro ceva hotīti so hi dvīhi tīhi janehi ukkhipitvā kammāruddhane pakkhittopi divasaṃ paccamāno vivarānupaviṭṭhena tejena ceva vāyena ca vāyosahagato ca usmāsahagato ca tejosahagato ca hutvā evaṃ lahuko hoti, yathā naṃ kammāro mahāsaṇḍāsena gahetvā ekato parivatteti ukkhipati bahi nīharati. Evaṃ pana mudu ca hoti kammaniyo ca. Yathā naṃ so khaṇḍaṃ khaṇḍaṃ vicchindati, kūṭena hananto dīghacaturassādibhedāṃ karoti. Imasmiṃ sutte vikubbaniddhi kathitā.

3-10. Bhikkhusuttādivaṇṇanā

835-842. Tatiye vivaṭṭapādakiddhi kathitā, tathā catutthe. Apica dve phalāni ādiṃ katvā heṭṭhā missakiddhipādā kathitā, sattasu phalesu pubbabhāgā. Sattamādīni cattāri heṭṭhā kathitanayāneva.

11-12. Moggallānasuttādivaṇṇanā

843-844. Ekādasamadvādasamesu cha abhiññā kathitā. Sesāṃ sabbattha uttānatthamevāti.

Iddhipādasamṃyuttavaṇṇanā niṭṭhitā.

8. Anuruddhasamṃyuttaṃ

1. Rahogatavaggo

1-2. Paṭhamarahogatasuttādivaṇṇanā

899-900. Anuruddhasamṃyuttassa paṭhame **āraddhāti** paripuṇṇā. Saṅkhepato panettha chattiṃsāya ṭhānesu arahattaṃ pāpetvā vipassanā kathitā, dutiye dvādasasu ṭhānesu arahattaṃ pāpetvā vipassanā kathitā.

3. Sutanusuttavaṇṇanā

901. Tatiye **mahābhiññatanti** chaabhiññābhāvaṃ. **Hīnaṃ dhammantiādīsu** imāya pāḷiyā attho veditabbo –

“Katame dhammā hīnā? Dvādasa akusalacittuppādā, ime dhammā hīnā. Katame dhammā majjhimā? Tīsu bhūmīsū kusalaṃ, tīsu bhūmīsū vipāko, tīsu bhūmīsū kiriyābyākataṃ sabbañca rūpaṃ, ime dhammā majjhimā. Katame dhammā paṇītā? Cattāro maggā apariyāpannā, cattāri ca sāmaññaphalāni nibbānañca, ime dhammā paṇītā” ti (dha. sa. 1423-1425).

4-7. Paṭhamakaṇḍakīsuttādivaṇṇanā

902-905. Catutthe **kaṇḍakīvaneti** mahākaramandavane. Chaṭṭhe **sahassaṃ lokanti** iminā therassa satata vihāro dassīto. Thero hi pātova mukhaṃ dhovivā atītānāgate kappasahassaṃ anussarati. Paccuppanne pana dasacakkavāḷasahassaṃ ekāvajjanassa āpāthamāgacchati. Sattamaṃ uttānameva.

8. Salaḷāgārasuttavaṇṇanā

906. Aṭṭhame **salaḷāgāreti** salaḷarukkhamayāya paṇṇasālāya, salaḷarukkhasa vā dvāre ṭhitattā evaṃnāmake agāre. Imasmiṃ sutte vipassanāya saddhiṃ vipassakapuggalo kathito.

9. Ambapālivanasuttavaṇṇanā

907. Navame **āsabhiṃ vācanti** attano arahattabhāvadīpakam uttamavācam. Sesam sabbattha uttānatthamevāti.

Rahogatavaggo paṭhamo.

2. Dutiyavaggavaṇṇanā

909-922. Dutiyavagge **ṭhānañca ṭhānatotiādīhi** thero dasabalaññaṃ paṭijānāti. Kimpanetaṃ sāvakānaṃ hotīti? Ekadesena hoti, sabbaññubuddhānaṃ panetaṃ nippadesaṃ sabbākāraparipūranti.

Anuruddhasaṃyuttavaṇṇanā niṭṭhitā.

9. Jhānasamṃyuttavaṇṇanā

923. Jhānasamṃyuttaṃ uttānatthameva.

Jhānasamṃyuttavaṇṇanā niṭṭhitā.

10. Ānāpānasamṃyuttam

1. Ekadhammavaggo

1. Ekadhammasuttavaṇṇanā

977. Ānāpānasamṃyuttassa paṭhame **ekadhammoti** eko dhammo. Sesamettha yaṃ vattabbaṃ siyā, taṃ sabbaṃ sabbākārena visuddhimagge (visuddhi. 1.215) ānāpānasatikammaṭṭhānaniddese vuttameva.

6. Ariṭṭhasuttavaṇṇanā

982. Chaṭṭhe **bhāvetha noti bhāvetha nu. Kāmacchandoti** pañcakāmaguṇikarāgo. **Ajjhattaṃ bahiddhā ca dhammesūti** ajjhattikabāhiresu dvādasasu āyatanadhammesu. **Paṭighasaññā suppaṭiviniṭāti** paṭighasampayuttasaññā suṭṭhu paṭiviniṭā, samucchinnāti attho. Iminā attano anāgāmimaggaṃ katheti. Idāni arahattamaggassa vipassanaṃ dassento **so satova assasissāmīti**ādīmāha.

7. Mahākappinasuttavaṇṇanā

983. Sattame **iñjitattaṃ vā phanditattaṃ vāti** ubhayenapi calanameva kathitaṃ.

8. Padīpopamasuttavaṇṇanā

984. Aṭṭhame **neva kāyopi kilamati na cakkhūnīti** aññesu hi kammatṭhānesu kammaṃ karontassa kāyopi kilamati, cakkhūnipi vihaññanti. Dhātukammatṭhānasmiñhi kammaṃ karontassa kāyo kilamati, yante pakkhipitvā pīlanākārappatto viya hoti. Kasiṇakammatṭhāne kammaṃ karontassa cakkhūni phandanti kilamanti, nikkhamitvā patanākārappattāni viya honti. Imasmiṃ pana kammatṭhāne kammaṃ karontassa neva kāyo kilamati, na akkhīni vihaññanti. Tasmā evamāha.

Sabbaso rūpasaññānantiādi kasmā vuttaṃ, kiṃ ānāpāne kasiṇuggahānaṃ labbhatīti? Tipiṭakacūlābhayatthero panāha – “yasmā ānāpānamittaṃ tārakarūpamuttāvalikādisadisam hutvā paññāyati, tasmā tattha kasiṇuggahānaṃ labbhatī”ti. Tipiṭakacūlanāgatthero “na labbhatevā”ti āha. Alabbhante ayaṃ ariyiddhiādiko pabhedo kasmā gahitoti? Ānisaṃsadassanattaṃ. Ariyaṃ vā hi iddhiṃ cattāri vā rūpāvacarajjhānāni catasso vā arūpasamāpattiyo nirodhasamāpattiṃ vā patthayamānena bhikkhunā ayaṃ ānāpānassatisamādhī sādhuṃ manasikātabbo. Yathā hi nagare laddhe yaṃ catūsu disāsu uṭṭhānakabhaṇḍaṃ, taṃ catūhi dvārehi nagarameva pavisaṭṭi, janapado laddho ca hoti. Nagarasseva heso ānisaṃso. Evaṃ ānāpānassatisamādhībhāvanāya ānisaṃso esa ariyiddhiādiko pabhedo, sabbākārena bhāvite ānāpānassatisamādhismiṃ sabbametaṃ yogino nipphajjati ānisaṃsadassanattaṃ vuttaṃ. **Sukhañceti** ettha soti kasmā na vuttaṃ? Yasmā bhikkhūti imasmiṃ vāre nāgataṃ.

9. Vesālīsuttavaṇṇanā

985. Navame **vesāliyanti** evaṃnāmake itthilingavasena pavattavohāre nagare. Tañhi nagaraṃ tikkhattuṃ pākāraparikkhepavaḍḍhanena visālībhūtattā vesālīti vuccati. Idampi ca nagaraṃ sabbaññutaṃ patteyeva sammāsambuddhe sabbākāravapullataṃ pattanti veditabbaṃ. Evaṃ gocaragāmaṃ dassetvā nivāsaṭṭhānamāha **mahāvane kūṭāgārasālāyanti**. Tattha mahāvanaṃ nāma sayamjātaṃ aropimaṃ saparicchedaṃ mahantaṃ vanaṃ. Kapilavatthusāmantaṃ pana mahāvanaṃ himavantena saha ekābaddhaṃ aparicchedaṃ hutvā mahāsamuddaṃ āhacca ṭhitaṃ. Idaṃ tādisaṃ na hoti, saparicchedaṃ mahantaṃ vananti **mahāvanaṃ**. Kūṭāgārasālā pana mahāvanaṃ nissāya kate ārāme kūṭāgāraṃ antokatvā haṃsavaṭṭakacchannena katā sabbākārasampannā buddhassa bhagavato gandhakuṭīti veditabbā.

Anekapariyāyena asubhakathaṃ kathetiti anekehi kāraṇehi asubhākārasandassanappavattaṃ kāyavicchandaniyakathaṃ katheti. Seyyathidaṃ – atthi imasmiṃ kāye kesā lomā nakhā dantā...pe... muttanti. Kiṃ vuttaṃ hoti? Bhikkhave, imasmiṃ byāmamatte kaḷevare sabbākārenapi vicinanto na koci kiñci muttaṃ vā maṇiṃ vā veḷuriyaṃ vā agaruṃ vā candanaṃ vā kuṅkumaṃ vā kappuraṃ vā vāsacuṇṇādiṃ vā aṇumattampi sucibhāvaṃ passati, atha kho paramaduggandhaṃ jegucchaassirikadassanaṃ kesalomādinānappakāraṃ asucimeva passati, tasmā na ettha chando vā rāgo vā karaṇīyo. Yepi uttamaṅge sirasi jātā kesā nāma, tepi asubhā ceva asucino ca paṭikūlā ca. So ca nesam asubhāsucipaṭikūlabhāvo vaṇṇatopi saṅghānatopi gandhatopi āsayatopi okāsatopīti pañcahākārehi veditabbo. Evaṃ lomādīnampīti ayamettha saṅkhepo, vitthāro pana visuddhimagge (visuddhi. 1.307) vuttanayeneva veditabbo. Iti bhagavā ekamekasmim koṭṭhāse pañcapañcappabhedenā anekapariyāyena

asubhakatham katheti.

Asubhāya vaṇṇaṃ bhāsatiti uddhumātakādivasena asubhamātikam nikkhipitvā padabhājanīyena taṃ vibhajanto vaṇṇento asubhāya vaṇṇaṃ bhāsati. **Asubhabhāvanāya vaṇṇaṃ bhāsati**ti yā ayam kesādīsu vā uddhumātakādīsu vā ajjhatabbahiddhāvattūsu asubhākāram gahetvā pavattassa cittassa bhāvanā vaḍḍhanā phātikammaṃ, tassā asubhabhāvanāya ānisaṃsaṃ dassento vaṇṇaṃ bhāsati, guṇaṃ parikkhitteti. Seyyathidaṃ – “asubhabhāvanābhuyutto, bhikkhave, bhikkhu kesādīsu vā vatthūsu uddhumātakādīsu vā pañcaṅgavippahīnaṃ pañcaṅgasamannāgataṃ tividhakalyāṇaṃ dasalakkhaṇasampannaṃ paṭhamajjhānaṃ paṭilabhati. So taṃ paṭhamajjhānasaṅkhātaṃ cittamañjūsaṃ nissāya vipassanaṃ vaḍḍhetvā uttamatthaṃ arahattaṃ pāpuṇāti”ti.

Ichāmahaṃ, bhikkhave, aḍḍhamāsaṃ paṭisallīyitunti ahaṃ, bhikkhave, ekaṃ aḍḍhamāsaṃ paṭisallīyituṃ nilīyituṃ ekakova hutvā viharituṃ icchāmīti attho. **Nāmi kenaci upasaṅkamitabbo aññatra ekena piṇḍapātanihārakena**ti yo attanā payuttavācaṃ akatvā mamatthāya saddhesu kulesu paṭiyattapiṇḍapātaṃ nīharitvā mayhaṃ upanāmeti, taṃ piṇḍapātanihāraṃ ekaṃ bhikkhuṃ ṭhapetvā nāmi aññena kenaci bhikkhunā vā gahaṭṭhena vā upasaṅkamitabboti.

Kasmā pana evamāhāti? Atīte kira pañcasatā migaluddakā mahatīhi daṇḍavāgurādīhi araññaṃ parikkhipitvā haṭṭhatuṭṭhā ekatoyeva yāvajīvaṃ migapakkhighātakammaṃ jīvikam kappetvā niraye uppanā. Te tatha paccitvā pubbe katena kenacideva kusalakammaṃ manussesu uppanā kalyāṇūpanissayavasena sabbepi bhagavato santike pabbajjañca upasampadañca labhiṃsu. Tesam tato mūlakusalakammato avipakkavipākā aparāparacetanā tasmim aḍḍhamāsaṃ bhantare attūpakkammaṃ ca parūpakkammaṃ ca jīvitūpacchedāya okāsamakāsi. Taṃ bhagavā addasa. Kammavipāko ca nāma na sakkā kenaci paṭibāhituṃ. Tesu ca bhikkhūsu puthujjanāpi atthi, sotāpannasakadāgāmiānāgāmiḥhīnāsavāpi. Tatha khīnāsavā appaṭisandhikā, itare ariyasāvakaṃ niyatagatikā sugatiparāyaṇā, puthujjanānaṃ gati aniyatā.

Atha bhagavā cintesi – “ime attabhāve chandarāgena maraṇabhayabhītā na sakkhissanti gatiṃ visodhetuṃ, handa nesam chandarāgappahānāya asubhakatham kathemi. Taṃ sutvā attabhāve vigatacchandarāgatāya gativisodhanaṃ katvā sagge paṭisandhiṃ gaṇhissanti, evaṃ tesam mama santike pabbajjā sātthikā bhavissati”ti. Tato tesam anuggahāya asubhakatham kathesi kammaṭṭhānāsīna, no maraṇavaṇṇasaṃvaṇṇanādhippāyena. Kathetvā ca panassa etadahosi – “sace imaṃ aḍḍhamāsaṃ maṃ bhikkhū passissanti, ‘ajja eko bhikkhu mato, ajja dve...pe... ajja dasā’ti āgantvā ārocessanti, ayañca kammavipāko na sakkā mayā vā aññena vā paṭibāhituṃ, svāhaṃ taṃ sutvāpi kiṃ karissāmi, kiṃ me anattakena anayabyasanena sutena, handāhaṃ bhikkhūnaṃ adassanaṃ upagacchāmi”ti. Tasmā evamāha – “icchāmahaṃ, bhikkhave, aḍḍhamāsaṃ paṭisallīyituṃ, nāmi kenaci upasaṅkamitabbo aññatra ekena piṇḍapātanihārakena”ti.

Apāre panāhu – “parūpavādavivajjanatthaṃ evaṃ vatvā paṭisallīno”ti. Pare kira bhagavantaṃ upavadissanti – “ayam ‘sabbaññū ahaṃ saddhammavaracakkavattī’ti paṭijānamāno attanopi sāvake aññamaññaṃ ghātente nivāretuṃ na sakkoti, kiṃ aññaṃ sakkhissati”ti? Tatra paṇḍitā vakkhanti – “bhagavā paṭisallānāmanuyutto na imaṃ pavattim jānāti, kocissa ārocayitāpi natthi, sace jāneyya addhā nivāreyyā”ti. Idaṃ pana icchāmattaṃ, paṭhamamevettha kāraṇaṃ. **Nāssudhāti** ettha assudhāti padapūraṇamatte avadhāraṇatthe vā nipāto, neva koci bhagavantaṃ upasaṅkamīti attho.

Anekehi vaṇṇasaṅghānādīhi kāraṇehi vokāro assāti **anekākāravokāro**. Anekākāravokiṇṇo anekākārena sammissoti vuttaṃ hoti. Ko so? Asubhabhāvanānuyogo, taṃ anekākāravokāraṃ. **Asubhabhāvanānuyogamanuyuttā viharanti**ti yuttappayuttā viharanti. **Aṭṭiyamānāti** tena kāyena aṭṭā dukkhitā honti. **Harāyamānāti** lajjamānā. **Jigucchamānāti** jiguccham upādayamānā. **Satthahāraṃ pariyesanti**ti jīvitahāraṇasatthaṃ pariyesanti. Na kevalaṃ te satthaṃ pariyesitvā attanā vā attānaṃ jīvitā voropenti, migalaṇḍikampi pana samaṇakuttakaṃ upasaṅkamitvā, “sādhu no, āvuso, jīvitā

voropehī’’ti vadanti. Ettha ca ariyā neva pāṇātipātaṃ karim̐su, na samādapesuṃ, na samanūññā ahesuṃ. Puthujjanā pana sabbamakamsu.

Paṭisallānā vuṭṭhitoti tesam pañcannaṃ bhikkhusatānaṃ jīvitakkhayappattabhāvaṃ ñatvā tato ekībhāvato vuṭṭhito jānantopi ajānanto viya kathāsamuṭṭhāpanatthaṃ āyasmantaṃ ānandaṃ āmantesi. **Kim nu kho, ānanda, tanubhūto viya bhikkhusaṅgho** ito, ānanda, pubbe bahū bhikkhū ekato upaṭṭhānaṃ āgacchanti, uddesaṃ paripucchaṃ gaṇhanti, sajjhāyanti, ekapajjoto viya ārāmo dissati. Idāni pana aḍḍhamāsamattassa accayena tanubhūto viya tanuko mando appako viraḷo viya jāto bhikkhusaṅgho. Kim nu kho kāraṇaṃ? Kim disāsu pakkantā bhikkhūti?

Athāyasmā ānando kammavipākena tesam jīvitakkhayappattiṃ asallakkhento asubhakammaṭṭhānānuyogapaccayā pana sallakkhento **tathā hi pana, bhante bhagavāti**ādim̐ vatvā bhikkhūnaṃ arahattappattiyā aññaṃ kammaṭṭhānaṃ yācanto, **sādhu, bhante, bhagavāti**ādimāha. Tassattho – sādhu, bhante, bhagavā aññaṃ kāraṇaṃ ācikkhatu, yena bhikkhusaṅgho arahatte patiṭṭhaheyya. Mahāsamuddaṃ oroḥaṇatitthāni viya aññāniṇi dasānussati, dasakasiṇa, catudhātuvavatthāna, brahmavihāra, ānāpānassatipabhedāni bahūni nibbānorohaṇakammaṭṭhānāni santi, tesu bhagavā bhikkhū samassāsetvā aññataraṃ kammaṭṭhānaṃ ācikkhatūti adhippāyo.

Atha bhagavā tathā kātukāmo theram̐ uyyojento **tenahānandāti**ādimāha. Tattha **vesālim̐ upanissāyāti** vesāliyaṃ upanissāya samantā gāvutepi aḍḍhayojanepi yāvaticā viharanti, te sabbe sannipātehiṭi attho. **Sabbe upaṭṭhānasālāyaṃ sannipāte**tvāti attanā gantuṃ yuttaṭṭhānaṃ sayam̐ gantvā aññattha daharabhikkhū pahīṇitvā muhutteneva anavasese bhikkhū upaṭṭhānasālāyaṃ samūhaṃ katvā. **Yassadāni, bhante, bhagavā kālaṃ maññatīti** ettha ayamadhippāyo – bhagavā bhikkhusaṅgho sannipatito, esa kālo bhikkhūnaṃ dhammakathaṃ kātuṃ, anusāsaniṃ dātuṃ, idāni yassa tumhe kālaṃ jānātha, taṃ kātabbanti.

Atha kho bhagavā bhikkhū āmantesi, **ayampi kho, bhikkhaveti**. Āmantetvā ca pana bhikkhūnaṃ arahattappattiyā pubbe ācikkhitaasubhakammaṭṭhānato aññaṃ pariyāyaṃ ācikkhanto **ānāpānassatisamādhīti**ādimāha. Tattha **ānāpānassatisamādhīti** ānāpānapariggāhikāya satiyā saddhim̐ sampayutto samādhī, ānāpānassatiyaṃ vā samādhī, ānāpānassatisamādhī. **Bhāvitoti** uppādito vaḍḍhito vā. **Bahulīkatoti** punappunaṃ kato. **Santo ceva paṇīto cāti** santo ceva paṇīto ceva. Ubhayattha evasaddena niyamo veditabbo. Kim vuttaṃ hoti? Ayañhi yathā asubhakammaṭṭhānaṃ kevalaṃ paṭivedhasena santañca paṇītañca, oḷārikārammaṇattā pana paṭikūlārammaṇattā ca ārammaṇavasena neva santaṃ na paṇītaṃ, na evaṃ kenaci pariyāyena asanto vā appaṇīto vā, apica kho ārammaṇasantatāyapi santo vūpasanto nibbuto, paṭivedhasaṅkhātāya aṅasantatāyapi, ārammaṇapaṇītatāya paṇīto atittikaro, aṅapaṇītatāyapīti. Tena vuttaṃ “santo ceva paṇīto cā’’ti.

Asecanako ca sukho ca vihāroti ettha pana nāssa secananti asecanako, anāsittako abbokiṇṇo paṭiyekko āveṇiko, natthi ettha parikamma vā upacārena vā santatā, ādisamannāhārato pabhuti attano sabhāvene va santo ca paṇīto cāti attho. Keci “asecanako’’ti anāsittako ojavanto, sabhāvene va madhuro’’ti vadanti. Evamayaṃ asecanako ca appitappitakkhaṇe kāyikacetasisukhappaṭilābhāya saṃvattanato sukho ca vihāroti veditabbo.

Uppannuppanneti avikkhambhite. **Pāpake**ti lāmake. **Akusale dhammeti** akosallasambhūte dhamme. **Ṭhānaso antaradhāpetīti** khaṇeneva antaradhāpeti vikkhambhete. **Vūpasame**tiṭi suṭṭhu upasameṭi, nibbedhabhāgiyattā anupubbena ariyamaggavuddhippato samucchindati, paṭippassambheteṭi vuttaṃ hoti. **Gimhānaṃ pacchime māseti** āsālhamāse. **Ūhataṃ rajojallanti** atṭha māse vātātapasukkhāya gomahiṃsādipādappahārasambhinnāya pathaviyā uddhaṃ hatam̐ ūhataṃ ākāse samuṭṭhitaṃ rajañca reṇuñca. **Mahā akālameghoti** sabbam̐ nabhaṃ ajjhottharivā uṭṭhito āsālhaṃhapakkhe sakalaṃ aḍḍhamāsaṃ vassanakamegho. So hi asampatte vassakāle uppannattā akālameghoti idha adhippeto. **Ṭhānaso antaradhāpeti vūpasame**tiṭi khaṇeneva adassanaṃ neti

pathaviyaṃ sannisīdāpeti. **Evameva khoti** opammanidassanametaṃ. Tato paraṃ vuttanayameva.

10. Kimilasuttavaṇṇanā

986. Dasame **kimilāyanti** evaṃnāmake nagare. **Etadvocāti** thero kira cintesi – “ayaṃ desanā na yathānusandhikā katā, yathānusandhiṃ gamessāmī”ti desanānusandhiṃ ghaṭento etaṃ avoca. **Kāyaññataranti** pathaviādīsu kāyesu aññatarāṃ vadāmi vāyokāyaṃ vadāmīti attho. Atha vā cakkhāyatanaṃ...pe... kabalīkāro āhāroti pañcavīsati rūpakoṭṭhāsā rūpakāyo nāma, tesu ānāpānaṃ phoṭṭhabbāyatane saṅgahitattā kāyaññatarāṃ hoti, tasmāpi evamāha. **Tasmātihāti** yasmā catūsu kāyesu aññatarāṃ vāyokāyaṃ, pañcavīsati koṭṭhāse vā rūpakāye aññatarāṃ ānāpānaṃ anupassati, tasmā kāye kāyānupassīti attho. Evaṃ sabbattha attho veditabbo. **Vedanāññataranti** tīsu vedanāsu aññatarāṃ, sukhavedanaṃ sandhāyetaṃ vuttaṃ.

Sādhukaṃ manasikāraṃ pītipaṭisaṃveditādivasena uppannaṃ sundaraṃ manasikāraṃ. Kiṃ pana manasikāro sukhā vedanā hotīti? Na hoti, desanāsīsaṃ panetaṃ. Yatheva hi “aniccasaññābhāvanānuyogamanuyuttā”ti (ma. ni. 3.147) ettha saññānāmena paññā vuttā, evamidhāpi manasikāranāmena jhānavedanā vuttāti veditabbā. Etasmiñhi catukke paṭhamapade pītīsīsenā vedanā vuttā, dutiyapade sukhanti sarūpeneva vuttā. Cittasaṅkhārapadadvaye “saññā ca vedanā ca cetasikā ete dhammā cittappaṭibaddhā cittasaṅkhārā”ti (paṭi. ma. 1.174) vacanato “vitakkavicāre ṭhapetvā sabbepi cittasampayuttakā dhammā cittasaṅkhāre saṅgahitā”ti vacanato cittasaṅkhāranāmena vedanā vuttā. Taṃ sabbhaṃ manasikāranāmena saṅgahetvā idha “sādhukaṃ manasikāra”nti āha.

Evaṃ santēpi yasmā esā vedanā ārammaṇaṃ na hoti, tasmā vedanānupassanā na yujjatīti. No na yujjati, mahāsatiṭṭhānādīsūpi hi taṃ taṃ sukhādīnaṃ vatthūṃ ārammaṇaṃ katvā vedanā vedayati, taṃ pana vedanāpavattim upādāya “ahaṃ vedayāmi”ti vohāramattaṃ hoti, taṃ sandhāya “sukhaṃ vedanaṃ vedayamāno sukhaṃ vedanaṃ vedayāmi”tiādi vuttaṃ. Apica “pītipaṭisaṃvedī”tiādīnaṃ atthavaṇṇanāyāmetassa pariḥāro vuttoyeva. Vuttañhetāṃ visuddhimagge –

“Dvīhākārehi pīti paṭisaṃviditā hoti – ārammaṇato ca asammohato ca. Kathaṃ ārammaṇato pīti paṭisaṃviditā hoti? Sappīlike dve jhāne samāpajjati, tassa samāpattikkhaṇe jhānapaṭilābhena ārammaṇato pīti paṭisaṃviditā hoti ārammaṇassa paṭisaṃviditattā. Kathaṃ asammohato pīti paṭisaṃviditā hoti? Sappīlike dve jhāne samāpajjitvā vuṭṭhāya jhānasampayuttapītim khayato vayato sammasati, tassa vipassanākkhaṇe lakkhaṇappaṭivedhena asammohato pīti paṭisaṃviditā hoti. Vuttañhetāṃ paṭisambhidāyaṃ (paṭi. ma. 1.172) “dīghaṃ assāsavasena cittassa ekaggataṃ avikkhepaṃ pajānato sati upaṭṭhitā hoti, tāya satiyā tena ñāṇena sā pīti paṭisaṃviditā hotī”ti. Eteneva nayena avasesapaḍānīpi atthato veditabbānī”ti.

Iti yatheva jhānapaṭilābhena ārammaṇato pītisukhacittasaṅkhārā paṭisaṃviditā honti, evaṃ imināpi jhānasampayuttana vedanāsaṅkhātamanasikārapaṭilābhena ārammaṇato vedanā paṭisaṃviditā hoti. Tasmā suvuttametaṃ “vedanāsu vedanānupassī bhikkhu tasmim samaye viharatī”ti.

Nāhaṃ, ānanda, muṭṭhassatissa asampajānassāti ettha ayamadhippāyo – yasmā “cittapaṭisaṃvedī assāsissāmī”tiādīnā nayena pavatto bhikkhu kiñcāpi assāsapassāsanimittamārammaṇaṃ karoti, tassa pana cittassa ārammaṇe satīṅca sampajāññāṅca upaṭṭhāpetvā pavattanato citte cittānupassīyeva nāmesa hoti. Na hi muṭṭhassatissa asampajānassa ānāpānassatisamādhībhāvanā atthi, tasmā ārammaṇato cittapaṭisaṃviditavasena “citte cittānupassī bhikkhu tasmim samaye viharatī”ti.

So yaṃ taṃ hoti abhijjhādomanassānaṃ pahānaṃ, taṃ paññāya disvā sādhukaṃ ajjupekkhitā hotīti ettha abhijjhā kāmacchandaniṭṭhāraṇameva, domanassavasena byāpādanīvaraṇaṃ dassitaṃ. Idañhi catukkaṃ vipassanāvaseneva vuttaṃ, dhammānupassanā ca nīvaraṇapabbādivasena

pañcavidhā hoti, tassā nīvaraṇapabbaṃ ādi, tassāpi idaṃ nīvaraṇadvayaṃ ādi. Iti dhammānupassanāya ādiṃ dassetuṃ **abhijjhādomanassānanti** āha. **Pahānanti** aniccānupassanāya nīcassāññaṃ pajahatīti evaṃ pahānakaraññaṃ adhippetā. **Taṃ paññāya disvāti** taṃ aniccavīraṇānīrodhapaṭinissaggaññaṃsañkhātāṃ pahānaññaṃ aparāya vipassanāpaññāya, tampi aparāyāti evaṃ vipassanāparamparaṃ dasseti. **Ajjhupekkhitā hotīti** yañcassa pathapaṭipannaṃ ajjhupekkhati, yañca ekato upaṭṭhānaṃ ajjhupekkhatīti dvidhā ajjhupekkhati nāma. Tattha sahañātānampiajjhupekkhanā hoti ārammaṇassāpi ajjhupekkhanā. Idha ārammaṇa ajjhupekkhanā adhippetā. **Tasmātihānandāti** yasmā “aniccānupassī assāsissāmī” tiādīnā nayena pavatto na kevalaṃ nīvaraṇādidhamme, abhijjhādomanassasīsena pana vuttānaṃ dhammānaṃ pahānakaraññaṃampi paññāya disvā ajjhupekkhitā hoti, tasmā dhammesu dhammānupassī bhikkhu tasmīṃ samaye viharatīti veditabbo.

Evameva khoti ettha catumahāpatho viya cha āyatanāni daṭṭhabbāni. Tasmīṃ paṃsupuñjo viya chasu āyatanesu kilesā. Catūhi disāhi āgacchantā sakaṭarathā viya catūsu ārammaṇesu pavattā cattāro satipaṭṭhānā. Ekena sakaṭena vā rathena vā paṃsupuñjassa upahananaṃ viya kāyānupassanādīhi pāpakānaṃ akusalānaṃ dhammānaṃ upaghāto veditabboti.

Ekadhammavaggo paṭhamo.

2. Dutiyavaggo

1-2. Icchānaṅgalasuttādivaṇṇanā

987-988. Dutiyavaggassa paṭhame **evaṃ byākareyyāthāti** kasmā attano vihārasamāpattīṃ ācikkhati? Upārambhamocanattaṃ. Sace hi te “na jānāmā” ti vadeyyuṃ, atha nesam tithiyā “tumhe ‘asukasamāpattiyā nāma no sathā temāsam vihāsī’ tīpi na jānātha, atha kasmā naṃ upaṭṭhahantā viharathā” ti upārambhaṃ āropeyyuṃ, tato mocanattaṃ evamāha.

Atha kasmā yathā aññattha “satova assasati, dīghaṃ vā assasanto” ti (dī. ni. 2.374; ma. ni. 1.107; saṃ. ni. 5.977) eva-vākāro vutto. Evaṃ idha na vuttoti? Ekantasantattā. Aññesañhi assāso vā pākaṭo hoti passāso vā, bhagavato ubhayampetaṃ pākaṭameva nīcamaṃ upaṭṭhitassatitāyāti ekantasantattā na vutto. Atha “sikkhāmī” ti avatvā kasmā “assasāmī” ti ettakameva vuttanti? Sikkhitabbābhāvā. Satta hi sekhā sikkhitabbābhāvā sekhā nāma, khīṇāsavā sikkhitabbābhāvā asekhā nāma, tathāgatā asikkhitabbā asekhā nāma natthi tesam sikkhitabbakiccanti sikkhitabbābhāvā na vuttaṃ. Dutiyam uttānameva.

3-10. Paṭhamaānandasuttādivaṇṇanā

989-996. Tatiye **pavicinatīti** aniccādivasena pavicinati. Itaraṃ padadvayaṃ etasseva vevacanaṃ. **Nirāmisāti** nikkilesā kāyikacetasikadarathapaṭipassaddhiyā kāyopi cittampi passambhati. **Samādhīyatīti** sammā ṭhapiyati, appanācittaṃ viya hoti. **Ajjhupekkhitā hotīti** sahañātāajjhupekkhanāya ajjhupekkhitā hoti.

Evaṃ cuddasavidhena kāyapariggāhakassa bhikkhuno tasmīṃ kāye sati satisambojjhaṅgo, tāya satiyā sampayuttaññaṃ dhammavicayasambojjhaṅgo, taṃsampayuttameva kāyikacetasikavīriyaṃ vīriyasambojjhaṅgo, pītipassaddhicittakaggatā pītipassaddhisamādhīsambojjhaṅgā, imesaṃ channaṃ bojjhaṅgānaṃ anosakkanaanativattanasāñkhāto majjhātākāro upekkhāsambojjhaṅgo. Yatheva hi samappavattesu assesu sārathino “ayaṃ olīyatī” ti tudanaṃ vā, “ayaṃ atidhāvati” ti ākaḍḍhanaṃ vā natthi, kevalaṃ evaṃ passamānassa ṭhitākārova hoti, evameva imesaṃ channaṃ bojjhaṅgānaṃ anosakkanaanativattanasāñkhāto majjhātākāro upekkhāsambojjhaṅgo nāma hoti. Ettāvata kiṃ kathitaṃ? Ekacittakkhaṇikā nānāsarasalakkhaṇā vipassanābojjhaṅgā nāma kathitā.

Vivekanissitantiādīni vuttatthāneva. Ettha pana soḷasakkhattukā ānāpānassati missakā kathitā,

ānāpānamūlakā satipaṭṭhānā pubbabhāgā, tesam mūlabhūtā ānāpānassati pubbabhāgā. Bojjhaṅgamūlakā satipaṭṭhānā pubbabhāgā, tepi bojjhaṅgā pubbabhāgāva. Vijjāvimuttipūrakā pana bojjhaṅgā nibbattitalokuttarā, vijjāvimuttiyo ariyaphalasampayuttā. Vijjā vā catutthamaggasampayuttā, vimutti phalasampayuttāti. Catutthapañcamachāṭṭhānīpi imināva samānaparicchedāni. Sesam sabbattha uttānamevāti.

Ānāpānasamuyuttavaṇṇanā niṭṭhitā.

11. Sotāpattisaṃyuttam

1. Veḷudvāravaggo

1. Cakkavattirājasuttavaṇṇanā

997. Sotāpattisaṃyuttassa paṭhame **kiñcāpīti** anuggahagaraṇesu nipāto. Catunnañhi mahādīpānaṃ issariyādhipaccaṃ rajjaṃ anuggaṇhanto catunnañca apāyānaṃ appahīnabhāvaṃ garahanto satthā “kiñcāpi, bhikkhave, rājā cakkavattī” tiādimāha. Tattha **catunnaṃ dīpānanti** dvisahassadīparivārānaṃ catunnaṃ mahādīpānaṃ. **Issariyādhipaccanti** issarabhāvo issariyaṃ, adhipatibhāvo ādhipaccaṃ, issariyaṃ ādhipaccaṃ etasmiṃ rajje, na chedanabhedananti issariyādhipaccaṃ. **Kāretvāti** evarūpaṃ rajjaṃ pavattāpetvā. **Kiñcāpi, bhikkhave, ariyasāvako**ti ettha anuggahapasamsāsu nipāto. Piṇḍiyālopa hi yāpanaṃ anuggahanto catunnañca apāyānaṃ pahīnabhāvaṃ pasamsanto satthā “kiñcāpi, bhikkhave, ariyasāvako” tiādimāha. Tattha **nantakānīti** anantakāni. Terasahatthopi hi vatthasāṭako dasacchedanato paṭṭhāya nantakanteva saṅkhaṃ gacchati.

Aveccappasādenāti acalappasādena. So panāyaṃ pasādo kiṃ eko, anekoti? Ekova, so maggena āgatappasādo. Yesu pana vatthūsu apubbaṃ acarimaṃ ruhati, tesam vasena “buddhe aveccappasādenā” tiādinā nayena tidhā vutto. Yasmā ca eko, tasmāva ninnānākaraṇo hoti. Ariyasāvakassa hi buddheya pasādo ca pemañca gāravañca mahantaṃ, na dhamme vā saṅhe vā, dhammeyeva vā mahantaṃ, na buddhe vā saṅhe vā, saṅheya vā mahantaṃ, na buddhe vā dhamme vāti etaṃ natthi. **Itipi so bhagavāti**tiādinī visuddhimagge vitthāritāneva.

Ariyakantehīti ariyānaṃ kantehi piyehi manāpehi. Pañca hi sīlāni bhavantaragatāpi ariyā na kopenti, evaṃ tesam piyāni. Tāni sandhāyetaṃ vuttaṃ. **Akhaṇḍehīti**tiādi sadisavasena vuttaṃ. Mukhavaṭṭiyañhi chinnekadesā pāti khaṇḍāti vuccati, majjhe bhinnā chiddāti, ekasmiṃ padese visabhāgavaṇṇā gāvī sabalāti, nānābinducittā kammāsāti, evameva paṭipāṭiyā ādimhi vā ante vā bhinnaṃ sīlaṃ khaṇḍaṃ nāma, majjhe bhinnaṃ chiddaṃ, yattha katthaci dvinnaṃ vā tiṇṇaṃ vā paṭipāṭiyā bhinnattā sabalaṃ, ekantaraṃ bhinnaṃ kammaṣaṃ. Tesam doṣānaṃ abhāvena akhaṇḍādītā veditabbā. **Bhujissehīti** bhujissabhāvakarehi. **Viññuppasatthehīti** buddhādīhi viññūhi pasamsitehi. **Aparāmatṭhehīti** “idaṃ nāma tayā kataṃ, idaṃ vītikkanta”nti evaṃ parāmasitūṃ asakkuṇeyyehi. **Samādhisaṃvattanikehīti** appanāsamādhim upacārasamādhim vā saṃvattetuṃ samatthehi.

2. Brahmācariyogadhasuttavaṇṇanā

998. Dutiye **yesam saddhāti** padena buddhe pasādo gahito. **Sīlanti** padena ariyakantāni sīlāni gahitāni. **Pasādoti** padena saṅhe pasādo gahito. **Dhammadassananti** padena dhamme pasādo gahitoti evaṃ cattāri sotāpattiyaṅgāni vuttāni. **Kālena paccenti**ti kālena pāpuṇanti. **Brahmācariyogadham sukhaṃ**ti brahmācariyaṃ oghitvā ṭhitaṃ uparimaggattayasampayuttaṃ sukhaṃ. Yo panesa gāthāya āgato pasādo, so katarapasādo hotīti. Tipiṭakacūḷābhayaṭṭhero tāva “maggapasādo”ti āha, tipiṭakacūḷānāgatṭhero “āgatamaggassa paccavekkhaṇappasādo”ti. Ubhopi therā paṇḍitā bahussutā, ubhinnaṃ subhāsitaṃ. Missakappasādo esoti.

3. Dīghāvuupāsakasuttavaṇṇanā

999. Tatiye **tasmā**ti yasmā catūsu sotāpattiyaṅgesu sandissasi, tasmā. **Vijjābhāgiyeti** vijjakoṭṭhāsike. **Sabbasaṅkhāresūti** sabbesu tebhūmakasaṅkhāresu. Evamassa upari tiṇṇaṃ maggānaṃ vipassanā kathitā. **Vighātanti** dukkhaṃ.

4-5. Paṭhamasāriputtasuttādivaṇṇanā

1000-1001. Catuttha uttānameva. Pañcame **sotāpattiyaṅganti** sotāpattiyaṃ pubbhāgapaṭilābhaṅgaṃ. Buddhe aveccappasādādayo pana paṭiladdhaguṇā sotāpannessa aṅgā nāma, tepi pana sotāpattiyaṅganti āgatā. Tatrāyaṃ dvinnampi vacanatto – sappurise sevanto bhajanto payirupāsanto dhammaṃ suṇanto yoniso manasikaronto dhammānudhammaṃ pubbhāgapaṭipadaṃ paṭipajjanto sotāpattiṃ paṭilabhatīti sappurisasamsevādayo sotāpattiatthāya aṅganti sotāpattiyaṅgaṃ nāma, itare paṭhamamaggasaṅkhātāya sotāpattiyaṃ aṅganti sotāpattiyaṅgaṃ, paṭividdhasotāpattimaggassa sotāpattimaggo aṅganti sotāpattiyaṅgaṃ.

6. Thapatisuttavaṇṇanā

1002. Chaṭṭhe **sādhuke paṭivasantīti** sādhuṅāmake attano bhogagāmake vasanti. Tesu isidatto sakadāgāmī, purāṇo sotāpanno sadārasantuṭṭho. **Magge purisaṃ ṭhapesunti** tesam kira gāmadvarena bhagavato gamanamaggo. Tasmā “bhagavā kāle vā akāle vā amhākaṃ suttānaṃ vā pamattānaṃ vā gaccheyya, atha passitum na labheyyāma”ti maggamajjhe purisaṃ ṭhapesum.

Anubandhimsūti na dūratova piṭṭhito piṭṭhito anubandhimsu, bhagavā pana sakaṭamaggassa majjhe jaṅghamaggena agamāsi, itare ubhosu passesu anugacchantā agamaṃsu. **Maggā okkammāti** buddhānaṃhi kenaci saddhiṃ gacchantānaṃyeva paṭisanthāraṃ kātum vaṭṭati kenaci saddhiṃ ṭhitakānaṃ, kenaci saddhiṃ divasabhāgaṃ nisinnānaṃ. Tasmā bhagavā cintesi – “imehi me saddhiṃ gacchantassa paṭisanthāraṃ kātum ayuttam, ṭhitakenapi kātum na yuttam, ime hi mayhaṃ sāsane sāmīno āgataphalā. Imehi saddhiṃ nisīditvā divasabhāgaṃ paṭisanthāraṃ karissāmi”ti maggā okkamma yena aññataraṃ rukkhamūlaṃ tenupasaṅkama.

Paññatte āsane nisīdīti te kira chattupāhanaṃ kattaraḍḍaṃ pādabbhañjanatelādīni ceva aṭṭhavidhaṅca pānakaṃ sarabhapādapallaṅkaṅca gāhāpetvā agamaṃsu, ābhataṃ pallaṅkampi paññāpetvā adamaṃsu, satthā tasmim nisīdi. **Ekamantaṃ nisīdīmsūti** sesāni chattupāhanādīni bhikkhusaṅghassa dethāti vatvā sayampi bhagavantaṃ vanditvā ekamantaṃ nisīdīmsu.

Sāvattiyā kosalesu cārikaṃ pakkamissatītiadi sabbaṃ majjhimapadesavasena vuttaṃ. Kasmā? Niyatattā. Bhagavato hi cārikācāraṇampi aruṇuṭṭhāpanampi niyataṃ, majjhimapadeseyeva cārikaṃ carati, majjhimadesa aruṇaṃ uṭṭhapetīti niyatattā majjhimadesavasena vuttaṃ. **Āsanne no bhagavā bhavissatīti** ettha na kevalaṃ āsannattāyeva tesam somanassaṃ hoti, atha kho “idāni dānaṃ dātum gandhamālādīhi pūjaṃ kātum dhammaṃ sotum pañhaṃ pucchitum labhissāma”ti tesam somanassaṃ hoti.

Tasmātiha thapatayo sambādho gharāvāsoti thapatayo yasmā tumhākaṃ mayi dūrībhūte anappakaṃ domanassaṃ, āsanne anappakaṃ somanassaṃ hoti, tasmāpi veditabbameṭaṃ “sambādho gharāvāso”ti. Gharāvāsassa hi dosena tumhākaṃ evaṃ hoti. Sace pana gharāvāsaṃ pahāya pabbajitā, atha evaṃ vo mayā saddhiṃyeva gacchantānaṅca āgacchantānaṅca taṃ na bhaveyyāti imamatthaṃ dīpento evamāha. Tattha sakiñcanaṃpalibodhaṭṭhena sambādhatā veditabbā. Mahāvāse vasantassapi hi sakiñcanaṃpalibodhaṭṭhena gharāvāso sambādho. **Rajāpathoti** rāgadosamoharajānaṃ āpatho, āgamaṇaṭṭhānanti attho. **Abbhokāso pabbajjāti** pabbajjā pana akiñcanaṃpalibodhaṭṭhena abbhokāso. Caturatanikepi hi gabbhe dvinnam bhikkhūnaṃ pallaṅkena pallaṅkaṃ ghaṭetvā nisinnānampi

akiñcanaapalibodhatthēna pabbajjā abbhokāso nāma hoti. **Alañca pana vo thapatayo appamādāyāti** evaṃ sambādhe gharāvāse vasantānaṃ tumhākaṃ appamādameva kātuṃ yuttanti attho.

Ekam purato ekam pacchato nisīdāpemāti te kira dvepi janā sabbālañkārapaṭimaṇḍitesu dvīsu nāgesu tā itthiyo evaṃ nisīdāpetvā rañño nāgaṃ majjhe katvā ubhosu passesu gacchanti, tasmā evamāhamsu. **Nāgopi rakkhitabboti** yathā kiñci visevitaṃ na karoti, evaṃ rakkhitabbo hoti. **Tāpi bhaginiyoti** yathā pamādaṃ nāpajjanti, evaṃ rakkhitabbā honti. **Attāpīti** sitahasitakathitavipekkhitādīni akarontehi attāpi rakkhitabbo hoti. (Tehi tathā karontehi na attāpi rakkhitabbo hoti). Tathā karonto hi “sāmidubbho eso”ti niggahetabbo hoti. **Tasmātiha thapatayoti** yasmā tumhe rājā niccaṃ rājabhaṇḍaṃ paṭicchāpeti, tasmāpi sambādho gharāvāso rajāpatho. Yasmā pana paṃsukūlikabhikkhuṃ evaṃ paṭicchāpento natthi, tasmā abbhokāso pabbajjā. Evam sabbatthāpi alañca pana vo thapatayo appamādāya appamādameva karothāti dasseti.

Muttacāgoti vissatthacāgo. **Payatapāṇīti** āgatāgatānaṃ dānatthāya dhotahattho. **Vossaggaratoti** vossaggasankhāte cāge rato. **Yācayogoti** yācitabbakayutto. **Dānasamvibhāgaratoti** dānena ceva appamattakampi kiñci laddhā tatopi samvibhāge rato. **Appaṭivibhattanti** “idaṃ amhākaṃ bhavissati, idaṃ bhikkhūna”nti evaṃ akatavibhāgaṃ, sabbam dātabbameva hutvā ṭhitanti attho.

7. Veḷudvāreyyasuttavaṇṇanā

1003. Sattame **veḷudvāranti** gāmadvāre pavenīāgatassa veḷugacchassa atthitāya evamladdhanāmo gāmo. **Attupanāyikanti** attani upanetabbaṃ. **Samphabhāsenāti** amantabhāsenā. **Samhappalāpabhāsenāti** samhappalāpasambhāsenā niratthakena aññāṇavacanenāti attho.

8-9. Paṭhamagiñjakāvasathasuttādivaṇṇanā

1004-5. Aṭṭhame **nātiketi** ekam taḷākaṃ nissāya dvinnaṃ cūlapitimahāpitiputtānaṃ dve gāmā, tesu ekasmiṃ gāmake. **Giñjakāvasatheti** iṭṭhakāmaye āvasathe. **Orambhāgiyānanti** heṭṭhābhāgiyānaṃ, kāma bhavēyeva paṭisandhiggāhāpakānanti attho. Oranti laddhanāmehi vā tīhi maggehi pahātābbānītipi orambhāgiyāni. Tattha kāmacchando byāpādoti imāni dve samāpattiyā vā avikkhambhitāni maggena vā asamucchinnāni nibbattivasena uddham bhāgaṃ rūpabhavaṃ arūpabhavaṃ vā gantuṃ na denti. Sakkāyadīṭṭhādīni tīni tattha nibbattampi ānetvā puna idheva nibbattāpentīti sabbānīpi orambhāgiyāneva. **Anāvattidhammoti** paṭisandhivasena anāgamanasabhāvo.

Rāgadosamohānaṃ tanuttāti ettha kadāci uppattiyā ca pariyaṭṭhānamandatāya cāti dvedhāpi tanubhāvo vedītabbo. Sakadāgāmissa hi puthujjanānaṃ viya abhiñhaṃ rāgādayo na uppajjanti, kadāci karahaci uppajjanti. Uppajjamānā ca na puthujjanānaṃ viya bahalabahalā uppajjanti, makkhipattaṃ viya tanukā uppajjanti. Dīghabhāṇakatipīṭakamahāsivatthero panāha – “yasmā sakadāgāmissa puttadhītarō hontī, orodhā ca hontī, tasmā bahalā kilesā. Idaṃ pana bhavatanukavasena kathita”nti. Tam aṭṭhakathāyaṃ “sotāpannassa satta bhavē ṭhapetvā aṭṭhame bhavē bhavatanukaṃ natthi, sakadāgāmissa dve bhavē ṭhapetvā pañcasu bhavesu bhavatanukaṃ natthi, anāgāmissa rūpārūpabhavaṃ ṭhapetvā kāma bhavē bhavatanukaṃ natthi, khīṇāsavassa kismiñci bhavē bhavatanukaṃ natthi”ti vuttattā paṭikkhittaṃ hoti.

Imaṃ lokanti imaṃ kāmāvacaralokaṃ sandhāya vuttaṃ. Ayañhettha adhippāyo – sace hi manussesu sakadāgāmiphalaṃ patto devesu nibbattivā arahattaṃ sacchikaroti, iccetaṃ kusalaṃ. Asakkonto pana avassaṃ manussalokaṃ āgantvā sacchikaroti. Devesu sakadāgāmiphalaṃ pattopi sace manussesu nibbattivā arahattaṃ sacchikaroti, iccetaṃ kusalaṃ. Asakkonto pana avassaṃ devalokaṃ gantvā sacchikarotīti.

Vinipatanaṃ vinipāto, nāssa vinipāto dhammoti **avinipātadhammo**, catūsu apāyesu

avinipātanāsabhāvoti attho. **Niyatoti** dhammaniyāmena niyato. **Sambodhiparāyaṇoti** uparimaggattayasāṅkhātā sambodhi param ayanam assa gati paṭisaraṇam avassam pattabbāti sambodhiparāyaṇo. **Vihesāvesāti** tesam tesam ñāṇagatiṃ ñāṇūpapattiṃ ñāṇābhisamparāyam olokontassa kāyakilamathova esa, ānanda, tathāgatassāti dīpeti. Cittavihesā pana buddhānam natthi.

Dhammādāsanti dhammamayaṃ ādāsam. **Yenāti** yena dhammādāsena samannāgato. **Khīṇāpāyaduggativinipātoti** idam nirayādīnaṃyeva vevacanasaseneva vuttam. Nirayādayo hi vaḍḍhisāṅkhātato ayato apettatā **apāyo**, dukkhassa gati paṭisaraṇanti. **Duggati**, dukkaṭakārino ettha vivasā nipatantīti **vinipāto**. Navamaṃ uttānameva.

10. Tatiyagiṇṇjakāvasathasuttavaṇṇanā

1006. Dasame **paropaññāsāti** atirekapaññāsa. **Sādhikanavutīti** atirekanavuti. **Chātirekānīti** chahi adhikāni. So kira gāmo kiñcāpi nātimahā ahosi, ariyasāvakaṃ panettha bahū. Tattha tattha ahivātārogena ekappahārenea catuvīsati pāṇasatasahassāni kālamakaṃsu, tesu ariyasāvakaṃ ettakā nāma ahesuṃ. Sesam sabbattha uttānamevāti.

Veḷudvāravaggo paṭhamo.

2. Rājakārāmaggo

1. Sahassabhikkhusaṅghasuttavaṇṇanā

1007. Dutiyassa paṭhame **rājakārāmeti** raññā kārītattā evaṃ laddhanāme ārāme, tam raññā pasenadikosalena katam. Paṭhamabodhiyaṃ kira lābhaggayasaggapattam satthāram disvā titthiyā cintayimṃsu – “samaṇo gotamo lābhaggayasaggapatto, na kho panesa aññaṃ kiñci sīlam vā samādhiṃ vā nissāya evaṃ lābhaggayasaggapatto. Bhūmisīsam pana tena gahitam, sace mayampi jetavanasaṃīpe ārāmaṃ kārāpetuṃ sakkuṇeyyāma, lābhaggayasaggapattā bhavēyyāmā”ti. Te attano attano upaṭṭhāke samādapetvā satasahasamatte kahāpaṇe labhitvā te ādāya rañño santikaṃ agamaṃsu. Rājā “kiṃ eta”nti? Pucchi. Mayaṃ jetavanasaṃīpe titthiyārāmaṃ karoma, sace samaṇo gotamo vā samaṇassa gotamassa sāvakaṃ vā āgantvā vāressanti, vāretuṃ mā adatthāti lañjam adamaṃsu. Rājā lañjam gahetvā “gacchatha kārethā”ti āha.

Te gantvā, attano upaṭṭhākehi dabbasambhāre āharāpetvā, thambhussāpanādīni karontā, uccāsaddā mahāsaddā ekakolāhalaṃ akaṃsu. Satthā gandhakuṭito nikkhamma pamukhe ṭhatvā “ke pana te, ānanda, uccāsaddā mahāsaddā kevaṭṭā maññe macchavilope”ti?, Pucchi. Titthiyā, bhante, jetavanasaṃīpe titthiyārāmaṃ karontīti. Ānanda, ime sāsana paṭiviruddhā bhikkhusaṅghassa aphāsuvihāram karissanti, rañño ārocetvā vārāpehīti.

Thero bhikkhusaṅghena saddhiṃ gantvā rājadvāre aṭṭhāsi. Rañño “therā, deva, āgatā”ti nivedayimṃsu. Rājā lañjassa gahitattā na nikkhami. Therā gantvā satthu ārocayimṃsu. Satthā sārīputtamoggallāne pesesi. Rājā tesampi dassanaṃ na adāsi. Te āgantvā satthu ārocayimṃsu “na, bhante, rājā nikkhanto”ti. Satthā taṅkhaṇaṃyeva byākāsi – “attano rajje ṭhatvā kālam kātuṃ na labhissati”ti.

Dutiyadvāse ca sāmaṃyeva bhikkhusaṅghaparivāro gantvā rājadvāre aṭṭhāsi. Rājā “satthā āgato”ti sutvā nikkhamitvā, nivesanaṃ pavesetvā, sārāpallanke nisīdāpetvā, yāgukhajjakaṃ adāsi. Satthā paribhuttayāgukhādāniyo “yāva bhataṃ niṭṭhāti, tāva satthu santike nisīdissāmi”ti āgantvā nisinnaṃ rājānaṃ “tayā, mahārāja, idam nāma kata”nti avatvā, “kāraṇeṇeva naṃ saññāpessāmi”ti idam atūtakāraṇaṃ āhari – mahārāja, pabbajite nāma aññaṃaññaṃ yujjhāpetuṃ na vaṭṭati. Atītepi isayo aññaṃaññaṃ yujjhāpetvā saha raṭṭhena rājā samuddam pavitṭhoti. Kadā bhagavāti?

Atīte, mahārāja, bharuraṭṭhe bharurājā nāma rajjaṃ kāreti. Pañcasatā pañcasatā dve isigaṇā pabbatapādato loṇambilasevanatthāya bharunagaraṃ gantvā nagarassa avidūre dve rukkhā atthi, paṭṭhamam āgato isigaṇo ekassa rukkhassa mūle nisīdi, pacchāgatopi ekassāti. Te yathābhirantaṃ viharitvā pabbatapādam eva agamaṃsu. Te puna āgacchantāpi attano rukkhāmūleyeva nisīdanti. Addhāne gacchante eko rukkho sukkhi, tasmim sukkhe āgatā tāpasā “ayaṃ rukkho mahā, amhākampi tesampi pahossati”ti itaresam rukkhāmūlassa ekapadesa nisīdimsu. Te pacchā āgacchantā rukkhāmūlam apavisitvā bahi ṭhitāva “kasmā tumhe ettha nisīdathā”ti āhaṃsu. Ācariyā amhākaṃ rukkho sukkho, ayaṃ rukkho mahā, tumhepi pavisatha, tumhākampi amhākampi pahossatīti. Te “na mayaṃ pavisāma, nikkhamatha tumhe”ti kathaṃ vaḍḍhetvā “na tumhe attanova manena nikkhamissathā”ti hatthādīsu gahetvā nikkadḍhiṃsu. Te “hotu sikkhāpessāma ne”ti iddhiyā sovaṇṇamayāni dve cakkāni rajatamayaṇca akkhaṃ māpetvā pavattentā rājadvāraṃ agamiṃsu. Rañño “evarūpaṃ, deva, tāpasā paṇṇākāraṃ gahetvā ṭhitā”ti nivedayiṃsu. Rājā tuṭṭho “pakkosathā”ti te pakkosāpetvā “mahākammaṃ tumhehi kataṃ, atthi vo kiñci mayā kattabba”nti āha. Āma, mahārāja, amhākaṃ nisinnatṭhānaṃ ekarukkhāmūlam atthi, taṃ aññehi isīhi gahitaṃ, taṃ no dāpehīti. Rājā purise pesetvā tāpase nikkadḍhāpesi.

Te bahi ṭhitā “kiṃ nu kho datvā labhiṃsū”ti olokayamānā “idaṃ nāmā”ti disvā “mayampi lañjaṃ datvā puna gaṇhissāmā”ti iddhiyā sovaṇṇamayaṃ rathapañjaraṃ māpetvā ādāya agamaṃsu. Rājā disvā tuṭṭho – “kiṃ, bhante, kātabba”nti?, Āha. Mahārāja amhākaṃ rukkhāmūle añño isigaṇo nisino, taṃ no rukkhāmūlam dāpehīti. Rājā purise pesetvā te nikkadḍhāpesi. Tāpasā aññamaññaṃ kalahaṃ katvā, “ananucchavikaṃ amhehi kata”nti vipaṭṭisārino hutvā pabbatapādameva agamaṃsu. Tato devatā “ayaṃ rājā dvinnaṃ isigaṇānaṃ hatthato lañjaṃ gahetvā aññamaññaṃ kalahaṃ kāraṃpesi”ti kujjhitvā mahāsamuddaṃ ubbaṭṭetvā tassa rañño vijitaṃ yojanasahassamattatṭhānaṃ samuddameva akaṃsūti.

“Isīnamantaraṃ katvā, bharurājāti me sutam;
Ucchinno saha raṭṭhehi, sa rājā vibhavaṅgato”ti. (jā. 1.2.125) –

Evam bhagavatā imasmim atīte dassite yasmā buddhānaṃ nāma kathā okappaniyā hoti, “tasmā rājā attano kiriyaṃ sallakkhetvā anupadhāretvā mayā akattabbaṃ kammaṃ kata”nti “gacchatha, bhāṇe, titthiye nikkadḍhathā”ti nikkadḍhāpetvā cintesi – “mayā kārito vihāro nāma natthi, tasmimyeva ṭhāne vihāraṃ kāressāmī”ti tesam dabbasambhārepi adatvā vihāraṃ kāresi. Taṃ sandhāyetaṃ vuttaṃ.

2-3. Brāhmaṇasuttādivaṇṇanā

1008-9. Dutiye **udayagāmininti** attano samaye vaḍḍhigāminiṃ. **Maraṇaṃ āgameyyāsīti** maraṇaṃ iccheyyāsi, pattheyyāsi vā. Tatiyaṃ uttānameva.

4. Duggatibhayasuttavaṇṇanā

1010. Catutthe **sabbaduggatibhayaṃ samatikkantoti** manussadobhaggaṃ paṭikkhittaṃ.

5. Duggativinipātabhayaṃsuttavaṇṇanā

1011. Pañcame **sabbaduggativinipātabhayaṃ samatikkantoti** manussadobhaggena saddhim cattāro apāyā paṭikkhittā.

6. Paṭṭhamamittāmaccasuttavaṇṇanā

1012. Chaṭṭhe **mittāti** aññamaññaṃsa gehe āmisaparibhogavasena vohāramittā. **Amaccāti** āmantanapaṭimantanairiyāpathādīsu ekato pavattakiccā. **Ñātīti** sassusasurapakkhikā. **Sālohitāti**

samānalohitā bhātibhaginimātulādayo.

7. Dutiyamittāmaccasuttavaṇṇanā

1013. Sattame **aññathattam** nāma pasādaññathattam bhāvaññathattam gatiaññathattam lakkhaṇaññathattam vipariṇāmaññathattanti anekavidham. Tattha mahābhūtesu bhāvaññathattam adhippetam. Suvaṇṇādibhāvena hi ghanasaṅghitāya pathavidhātuyā vilīyitvā udakabhāvaṃ āpajjamānāya purimabhāvo vigacchati, bhāvaññathattam paññāyati. Lakkhaṇam pana na vigacchati, kakkhaḷalakkhaṇāva hoti. Ucchurasādibhāvena ca yūsākārasaṅghitāya āpodhātuyā sussitvā ghanapathavibhāvaṃ āpajjamānāya purimabhāvo vigacchati, bhāvaññathattam paññāyati. Lakkhaṇam pana na vigacchati, ābandhanalakkhaṇāva hoti. **Tatridam aññathattanti** ettha pana gatiaññathattam adhippetam, tañhi ariyasāvakaṃ natthi. Pasādaññathattampi natthiyeva, idha pana pasādaphalam pakāsetum gatiaññathattameva dassitam. Sesam sabbattha uttānamevāti.

Rājakārāmaṃvaggo dutiyo.

3. Saraṇānivaggo

1-2. Paṭhamamahānāmasuttādivaṇṇanā

1017-18. Tatiyassa paṭhame **iddhanti** telamadhuphāṇitādīhi samiddham. **Phīṭanti** hatthūpagasīsūpagagīvūpagādialaṅkāravasena supupphitam. **Ākiṇṇamanussanti** nirantaramanussam. **Sambādhabyūhanti** byūhā vuccanti avinibbidharacchāyo, yā pavitṭhamaggeneva niggacchanti, tā sambādhā byūhā bahukā etthāti **sambādhabyūham**. Imināpi nagarassa ghanavāsameva dīpeti. **Bhantenāti** ito cito ca paribbhamantena uddhatacārīnā. Dutiyam uttānameva.

3. Godhasakkasuttavaṇṇanā

1019. Tatiye **bhagavāva etaṃ jāneyya etehi dhammehi samannāgataṃ vā asamannāgataṃ** vāti idaṃ so sakko tīhi dhammehi samannāgataṃ puggalassa sotāpannabhāvaṃ, catūhi vā dhammehi samannāgataṃ sotāpannabhāvaṃ bhagavāva jānātīti adhippāyena āha.

Kocideva dhammasamuppādo uppajjeyyāti kiñcideva kāraṇam uppajjeyya. **Ekato assa bhagavā, ekato bhikkhusaṅgho**ti yasmim kāraṇe uppanne bhagavā bhikkhusaṅghena nānaladdhiko hutvā ekaṃ vādaṃ vadanto ekato assa, bhikkhusaṅgho ekaṃ vadanto ekatoti attho. **Tenevāhanti** yaṃ vādaṃ tumhe vadetha, tamevāham gaṇheyyanti. Nanu ca ariyasāvakaṃ ratanattaye pasādanānattam natthi, atha kasmā esa evamāhāti? Bhagavato sabbaññūtāya. Evañhissa hoti “bhikkhusaṅgho attano asabbaññūtāya ajānitvāpi katheyya, satthu pana aññāṇam nāma natthī”ti. Tasmā evamāha. **Aññatra kalyāṇā aññatra kusalāti** kalyāṇameva kusalameva vadāmi, na kalyāṇakusalavimuttanti. Apicassa anavajjanadoso esoti.

4. Paṭhamasaraṇānisakkasuttavaṇṇanā

1020. Catutthe **idha mahānāma ekacco puggaloti** idaṃ na kevalam saraṇāni eva apāyato mutto, imepi puggalā muttāti dassetum āradham. **Mattaso nijjhānam khamantīti** pamāṇena ca olokaṇam khamanti. Iminā dhammānusārimaggaṭṭhapuggalaṃ dasseti. **Agantā nirayanti** maggaṭṭhapuggalo hi apāyato parimuttoti vā parimuccissatīti vā vattum na vaṭṭati, parimuccatīti pana vattum vaṭṭati. Yasmā ca parimuccati, tasmā gantā nāma na hotīti, “agantā”ti vutto, na gacchatīti attho. **Saddhāmattam pemamattanti** iminā saddhānusārimaggaṭṭhapuggalaṃ dasseti. **Mahāsālāti** samīpe ṭhiteva cattāro mahāsārarukkhe dassento āha. **Maraṇakāle sikkham samādiyīti** maraṇasamaye tīsu sikkhāsu

paripūrakārī ahoṣīti dasseti.

5. Dutiyasaraṇānisakkasuttavaṇṇanā

1021. Pañcame **dukkhettanti** visamakhettaṃ. **Dubbhūmanti** ūsarabhūmiṃ loṇūpahataṃ. **Khaṇḍānīti** paribhinnāni. **Pūtīnīti** udakena temetvā pūtibhāvaṃ āpannāni. **Vātātapahatānīti** vātātapena hatattā nirojabhāvaṃ gatāni. **Asārādānīti** anādinnaśārāni agahitaśārāni. **Asukhasayitānīti** na koṭṭhādīsu pakkhipitvā suṭṭhu ṭhapitāni. **Sukhasayitānīti** ṭhapitaṭṭhānato cattāro māse acalitāni.

6. Paṭhamaanāthapiṇḍikasuttavaṇṇanā

1022. Chaṭṭhe **ṭhānaso vedanā paṭippassambheyyāti** khaṇena vedanā paṭippassambheyya. **Micchāñāṇenāti** micchāpaccavekkhaṇena **micchāvimuttiyāti** aniyyānikavimuttiyā. **Tasmā saddhañca silāncāti** gāthā vuttatthā eva. **Yatra hi nāmāti** yo nāma.

7. Dutiyaanāthapiṇḍikasuttavaṇṇanā

1023. Sattame **samparāyikaṃ maraṇabhayaṃ** samparāyahetukaṃ maraṇabhayaṃ **gihisāmīcīkānīti** gihīnaṃ anucchavīkāni. Sesam sabbattha uttānamevāti.

Saraṇānivaggo tatiyo.

4. Puññābhisandavaggo

1. Paṭhamapuññābhisandasuttavaṇṇanā

1027. Catutthassa paṭhame **puññābhisandā kusalābhisandāti** puññanadiyo kusalanadiyo. **Sukhassāhārāti** sukhasa paccayā.

4. Paṭhamadevapadasuttavaṇṇanā

1030. Catutthe **devapadānīti** devānaṃ ñāṇena, devassa vā ñāṇena akkantaṭṭhāni. **Visuddhiyāti** visujjhanatthāya. **Pariyodapanāyāti** puriyodapanatthāya jotanatthāya. Imasmiṃ sutte cattāropi phalaṭṭhapuggalā visuddhaṭṭhena devā nāma jātā.

8. Vassasuttavaṇṇanā

1034. Aṭṭhame **pāraṃgantvāti** pāraṃ vuccati nibbānaṃ, taṃ patvāti attho. **Āsavānaṃ khayāya samvattantīti** na paṭhamaṃ nibbānaṃ gantvā pacchā samvattanti, gacchamānā eva samvattanti. Desanā pana evaṃ katā.

10. Nandiyasakkasuttavaṇṇanā

1036. Dasame **divā pavivekāya rattiṃ paṭisallānāyāti** divā pavivekatthāya rattiṃ paṭisallānatthāya. **Dhammā na pātubhavantīti** samathavipassanā dhammā na uppajjanti. Sesam sabbattha uttānamevāti.

Puññābhisandavaggo catuttho.

5. Sagāthakapuññābhisandavaggo

1. Paṭhamaabhisandasuttavaṇṇanā

1037. Pañcamassa paṭhame **asaṅkhyeyyoti** āḷhakagaṇanāya asaṅkhyeyyo, yojanavasena panassa saṅkhyā atthi. **Bahubheravanti** saviññākaaviññākaṇaṃ bheravārammaṇānaṃ vasena bahubheravaṃ. **Puthūti** bahu. **Savantīti** sandamānā. **Upayantīti** upagacchanti.

2. Dutiyaabhisandasuttavaṇṇanā

1038. Dutīye **yatthimā mahānadiyo saṃsandanti samentīti** yasmim saṃbhajje etā mahānadiyo ekībhavanti, nirantarā bhavantīti attho.

3. Tatiyaabhisandasuttavaṇṇanā

1039. Tatiye **puññakāmoti** puññatthiko. **Kusale patiṭṭhitoti** maggakusale patiṭṭhito. **Bhāveti maggaṃ amatassa pattiyāti** nibbānassa pāpuṇanattaṃ arahattamaggaṃ bhāveti. **Dhammasārādhigamoti** dhammasāro vuccati ariyaphalaṃ dhammasāro, adhigamo assāti dhammasārādhigamo, adhigataphaloti attho. **Khaye ratoti** kilesakkhaye rato.

4. Paṭhamamahaddhanasuttavaṇṇanā

1040. Catutthe **aḍḍho mahaddhanoti** sattavidhena ariyadhanena aḍḍho ceva mahaddhano ca. Teneva bhogena **mahābhogo**. Sesam sabbattha uttānamevāti.

Sagāthakapuññābhisandavaggo pañcama.

6. Sappaññavaggo

2. Vassaṃvuttasuttavaṇṇanā

1048. Chaṭṭhassa dutīye ayamadhippāyo – sotāpanno bhikkhu ettakena vosānaṃ anāpajjivā tāneva indriyabalabojjhaṅgāni samodhānetvā vipassanaṃ vaḍḍhetvā sakadāgāmimaggaṃ pāpuṇissati, sakadāgāmī anāgāmimaggaṃ, anāgāmī arahattamagganti imamatthaṃ sandhāya bhagavatā imasmim sutte sāsane tanti paveṇī kathitāti.

3. Dhammadinnasuttavaṇṇanā

1049. Tatiye **dhammadinnoti** sattasu janesu eko. Buddhakālasmiñhi dhammadinno upāsako, visākho upāsako, uggo gahapati, citto gahapati, hatthako āḷavako, cūlaanāthapiṇḍiko, mahāanāthapiṇḍikoti ime satta janā pañcasataupāsakaparivārā ahesuṃ. Etesu esa aññataro.

Gambhīrāti dhammagambhīrā sallasuttādayo. **Gambhīratthāti** atthagambhīrā cetanāsuttantādayo. **Lokuttarāti** lokuttaratthadīpakā asaṅkhatasamuyuttādayo. **Suññatappaṭṭisamuyuttāti** sattasuññatādīpakā khajjanikasuttantādayo. **Upasampajja viharissāmāti** paṭilabhivā viharissāma. **Evañhi vo, dhammadinna, sikkhitabbanti** evaṃ tumhehi candopamaṭṭipadaṃ rathavinīṭapaṭṭipadaṃ moneyyapaṭṭipadaṃ mahāariyavaṃsapaṭṭipadaṃ pūrentehi sikkhitabbaṃ. Iti sathā imesaṃ upāsakānaṃ asayabhāraṃ āropesi. Kasmā? Ete kira na attano bhūmiyaṃ ṭhatvā ovādaṃ yāciṃsu, avisesena pana sabbabhāraṃ ukkhipituṃ samatthā viya “ovadatu no, bhante, bhagavā”ti yāciṃsu. Tena tesam sathā asayabhāraṃ āropento evamāha. **Na kho netanti** na kho etaṃ. Nakāro panettha byañjanasandhimattamevāti veditabbo. **Tasmāti** yasmā idāni attano bhūmiyaṃ ṭhatvā ovādaṃ yācatha, tasmā.

4. Gilānasuttavaṇṇanā

1050. Catutthe **na kho panetanti** na kho amhehi etaṃ. **Sappañño upāsakoti** sotāpanno adhippeto. **Assāsanīyehi dhammehīti** assāsakarehi dhammehi. **Assāsatāyasmāti** assāsatu āyasmā. **Mārisoti** maraṇapaṭibaddho. **Maraṇadhammoti** maraṇasabhāvo. **Adhimocehīti** ṭhapehi. **Adhimocitanti** ṭhapitaṃ. **Evaṃ vimuttacittassāti** evaṃ arahattaphalavimuttiyā vimuttacittassa. **Yadidaṃ vimuttiyā vimuttanti** yaṃ idaṃ vimuttiṃ ārabha vimuttiyā nānākaraṇaṃ vattabbaṃ siyā, na taṃ vadāmi. Bhikkhusaṅghassa hi cetiyaṅgaṇabodhiyaṅgaṇavattesu ceva asītikkhandhakavattesu cāti āgamanīyaguṇesu pamāṇaṃ nāma natthi, paṭividdhe pana magge vā phale vā upāsakānañca bhikkhūnañca nānākaraṇaṃ natthi.

9. Paññāpaṭilābhasuttavaṇṇanā

1055. Navame **paññāpaṭilābhāya saṃvattantīti** ettha satta sekkhā paññaṃ paṭilabhanti nāma, khīṇāsavo paṭiladdhapañño nāmāti veditabbo. Parato **paññābuddhiyāti**ādīsupi eseva nayo. Sesam sabbattha uttānamevāti.

Sappaññavaggo chaṭṭho.

7. Mahāpaññavaggo

1. Mahāpaññāsuttavaṇṇanā

1058. Sattame **mahāpaññatāya saṃvattantīti**ādīsu “mahante atthe pariggaṇhātīti mahāpaññā”tiādīnā paṭisambhidāyaṃ (paṭi. ma. 2.4) vuttanayeneva sabbattha sabbapadesu attho veditabbo. Sesam sabbattha uttānamevāti.

Sotāpattisaṃyuttavaṇṇanā niṭṭhitā.

12. Saccasaṃyuttaṃ

1. Samādhivaggo

1. Samādhisuttavaṇṇanā

1071. Saccasaṃyuttassa paṭhame **samādhim, bhikkhaveti** te kira bhikkhū cितtekaggatāya pariḥāyanti, atha nesam satthā – “evamete cितtekaggataṃ labhitvā, kammaṭṭhānaṃ vaḍḍhetvā, visesaṃ pāpuṇissanti”ti imaṃ desanaṃ ārabhi. **Tasmātiha, bhikkhave, “idaṃ dukkha”nti yogo karaṇīyoti** ettha yathābhūtādivasena kāraṇacchedo veditabbo. Idañhi vuttaṃ hoti – bhikkhave, yasmā samāhito bhikkhu cattāri saccāni yathābhūtaṃ pajānāti, tasmā tumhehi ca samāhitehi catunnaṃ saccānaṃ yathābhūtaṃ pajānanatthāya “idaṃ dukkha”nti yogo karaṇīyo. Tathā yasmā cattāri saccāni tathāgatasseva pātubhāvā pākāṭāni honti, yasmā ca tathāgatena suvibhattāni, yasmā ca tesu aparimāṇā vaṇṇā aparimāṇāni padabyañjanāni, yasmā ca tesam appaṭividdhattā vaṭṭaṃ vaḍḍhati, tesam paṭividdhakālato paṭṭhāya na vaḍḍhati, tasmā “evaṃ no vaṭṭaṃ na vaḍḍhissati”ti tumhehi “idaṃ dukkha”nti yogo karaṇīyo.

2. Paṭisallānasuttavaṇṇanā

1072. Dutiyam kāyavivekavikalānaṃ kāyavivekapaṭilābhatthāya vuttaṃ.

3. Paṭhamakulaputtasuttādivaṇṇanā

1073-75. Tatiye **abhisamayāyāti** abhisamayatthāya. **Samaṇabrāhmaṇāti** cettha sāsanāvacarā adhippetā. Tathā catutthapañcomesu, tena tena abhilāpena bujghanakānaṃ pana ajjhāsayenetāni vuttāni.

6. Dutiyasamaṇabrāhmaṇasuttavaṇṇanā

1076. Chaṭṭhe **abhisambuddhaṃ pakāsesunti** abhisambuddho ahanti evaṃ attānaṃ abhisambuddhaṃ pakāsayiṃsu. Imasmiñhi sutte sabbaññubuddhā ca samaṇagahaṇena gahitā.

10. Tiracchānakathāsuttavaṇṇanā

1080. Dasame **anekavihitanti** anekavidhaṃ. **Tiracchānakathanti** aniyyānikattā saggamokkhamaggānaṃ tiracchānabhūtaṃ kathaṃ. **Rājakathanti**ādīsu rājānaṃ ārabha “mahāsammato mandhātā dhammāsoko evaṃ mahānubhāvo”tiādīnaṃ nayena pavattakathā **rājakathā**. Esa nayo **corakathā**ādīsu. Tesu “asuko rājā abhirūpo dassanīyo”tiādīnaṃ nayena gehasitakathāva tiracchānakathā hoti. “Sopi nāma evaṃ mahānubhāvo khayāṃ gato”ti evaṃ pavattā pana kammaṭṭhānabhāve tiṭṭhati. Coresupi “mūladevo evaṃ mahānubhāvo meghamālo evaṃ mahānubhāvo”ti tesāṃ kammaṃ paṭicca “aho sūrā”ti gehasitakathāva tiracchānakathā. Yuddhepi bhāratayuddhādisu “asukena asuko evaṃ mārito evaṃ viddho”ti kāmāsādavaseneva kathā tiracchānakathā, “tepi nāma khayāṃ gatā”ti evaṃ pavattā pana sabbattha kammaṭṭhānameva hoti. Apica annādīsu “evaṃ vaṇṇavantaṃ gandhavantaṃ rasavantaṃ phassasampannaṃ khādimha bhūñjimha pivimha paribhuñjimhā”ti kāmāsādavasena kathetuṃ na vaṭṭati. Sāttakāṃ pana katvā “pubbe evaṃ vaṇṇādisampannaṃ annaṃ pānaṃ vatthaṃ sayanaṃ mālaṃ gandhaṃ vilepanaṃ silavantaṃ adamha, cetiye pūjaṃ akarimhā”ti kathetuṃ vaṭṭati.

Ñātikathādisupi “amhākaṃ ñātakā sūrā samatthā”ti vā, “pubbe mayāṃ evaṃ vicitrehi yānehi vicarimhā”ti vā assādavasena vattuṃ na vaṭṭati. Sāttakāṃ pana katvā “tepi no ñātakā khayāṃ gatā”ti vā, “pubbe mayāṃ evarūpā upāhanā saṅghassa adamhā”ti vā kathetabbā. **Gāmakathā**disupi suniviṭṭhadunniviṭṭhasubhikkhadubbhikkhādivasena vā “asukagāmaṃvāsino sūrā samatthā”ti vā evaṃ assādavasena vattuṃ na vaṭṭati, sāttakāṃ pana katvā “saddhā pasannā”ti vā, “khayāṃ gatā”ti vā vattuṃ vaṭṭati. **Nigamanagarajanapadakathā**supi eseva nayo.

Itthikathāpi vaṇṇasaṅghānādīni paṭicca assādavasena vattuṃ na vaṭṭati, “saddhā pasannā khayāṃ gatā”ti evameva vaṭṭati. **Sūrakathā**pi “nandimitto nāma yodho sūro ahoṣī”ti assādavasena vattuṃ na vaṭṭati, “saddho pasanno ahoṣi, khayāṃ gato”ti evameva vaṭṭati. Surākathātipi pāṭho. Sāpi cesā surākathā “evarūpā nāma surā pītā ratijananī hoti”ti assādavaseneva na vaṭṭati, ādīnavavasena pana “ummattakasaṃvattanikā”tiādīnaṃ nayena vaṭṭati. **Visikhākathā**pi “asukavisikhā suniviṭṭhā dunniviṭṭhā”ti vā, “asukavisikhāya vāsino sūrā samatthā”ti vā assādavaseneva vattuṃ na vaṭṭati, “saddhā pasannā khayāṃ gatā”ti evameva vaṭṭati. **Kumbhaṭṭhānakathā**ti udakatitthakathā vuccati, kumbhadāsikathā vā. Sāpi “pāsādikā naccituṃ gāyituṃ chekā”ti assādavasena na vaṭṭati, “saddhā pasannā”tiādīnaṃ nayeneva vaṭṭati.

Pubbapetakathāti atītañātikathā. Tattha vattamānañātikathāsadisova vinicchayo. **Nānattakathā**ti purimacchimakathāhi vimuttā avasesā nānāsabhāvā niratthakakathā. **Lokakkhāyikā**ti “ayaṃ loko kena nimmito, asukena nāma nimmito, kāko seto aṭṭhīnaṃ setattā, balākā rattā lohitaṃ rattattā”ti evamādikā lokāyatavitaṇḍasallāpakathā. **Samuddakkhāyikā** nāma “kasmā samuddo sāgaro, sāgaradevena khanitattā sāgaro, khato meti hatthamuddāya niveditattā samuddo”ti evamādikā niratthakasamuddakkhāyikakathā. Iti bhavo iti abhavoti yaṃ vā taṃ vā niratthakakāraṇaṃ vatvā pavattitakathā **itibhavābhavakathā**. Ettha ca bhavoti sassataṃ, abhavoti ucchedaṃ. Bhavoti vuddhi, abhavoti hāni. Bhavoti kāmāsukhaṃ, abhavoti attakilamatho. Iti imāya chabbidhāya

itibhavābhavakathāya saddhiṃ bāttiṃsa tiracchānakathā nāma honti. Sesam sabbattha uttānatthamevāti.

Paṭhamo vaggo.

2. Dhammacakkappavattanavaggo

1. Dhammacakkappavattanasuttavaṇṇanā

1081. Dutiyassa paṭhame **bārāṇasiyanti** evaṃnāmake nagare. **Isipatane migadāyeti** isīnaṃ patanuppatanavasena evaṃladdhanāme migānaṃ abhayadānavasena dinnattā migadāyasankhāte ārāme. Ettha hi uppannuppannā sabbaññuisayo patanti, dhammacakkappavattanatthaṃ nisīdantīti attho. Nandamūlakapabbhārato sattāhaccayena nirodhasamāpattito vuṭṭhitā anotattadahe katamukhadhovanādikiccā ākāseṇa āgantvā paccekabuddhaisayopettha otaraṇavasena patanti, uposathatthañca anuposathatthañca sannipatanti, gandhamādanam paṭigacchantāpi tatova uppatantīti iminā isīnaṃ patanuppatanavasena taṃ “isipatana”nti vuccati.

Āmantesīti dīpaṅkarapādamūle katābhinhārato paṭṭhāya pāramiyo pūrento anupubbena pacchimabhve katābhinnikkhamano anupubbena bodhimaṇḍam patvā tattha aparājitapallanke nisīno mārabalaṃ bhinditvā paṭhamayāme pubbenivāsam anussarivā majjhimayāme dibbacakkhum visodhetvā pacchimayāmāvasāne dasasahassilokadhātuṃ unnādentō sabbaññutaṃ patvā satta sattāhāni bodhimaṇḍe vītināmetvā mahābrahmunā āyācitadhammadesano buddhacakkhunā lokaṃ voloketvā lokānuggahena bārāṇasiṃ gantvā pañcavaggiye saññāpetvā dhammacakkaṃ pavattetukāmo āmantesi.

Dveme, bhikkhave, antāti dve ime, bhikkhave, koṭṭhāsā. Imassa pana padassa saha samudāhārena samudāhāranigghoso heṭṭhā avīciṃ upari bhavaggaṃ patvā dasasahassilokadhātuṃ pattharivā aṭṭhāsi. Tasmīyeva samaye aṭṭhārasakoṭṭisaṅkhā brahmāno samāgacchīsu, pacchimadisāya sūriyo atthameti, pācīnadisāya āsāḷhanakkhattena yutto puṇṇacando uggacchati. Tasmīṃ samaye bhagavā imaṃ dhammacakkappavattanasuttaṃ ārabhanto “dveme, bhikkhave, antā”tiādīmāha.

Tattha **pabbajitenāti** gihisaṃyojanaṃ chinditvā pabbajjupagatena. **Na sevitabbāti** na vaḷaṅjetabbā. **Yo cāyaṃ kāmesu kāmasukhallikānuyogoti** yo ca ayaṃ vatthukāmesu kilesakāmasukhassa anuyogo. **Hīnoti** lāmako. **Gammoti** gāmaṃvāsīnaṃ santako. **Pothujjanikoti** andhabālanena āciṇṇo. **Anariyoti** na ariyo na visuddho na uttamo na vā ariyānaṃ santako. **Anatthasaṃhitoti** na atthasaṃhito, hitasukhāvahakāraṇaṃ anissitoti attho. **Attakilamathānuyogoti** attano kilamathassa anuyogo, attano dukkhakāraṇanti attho. **Dukkhoti** kaṅṭakāpassayaseyyādīhi attamāraṇehi dukkhāvaho.

Paññācakkhum karotīti **cakkhukaraṇī**. Dutiyapadaṃ tasseva vevacanaṃ. **Upasamāyāti** kilesūpasamatthāya. **Abhiññāyāti** catunnaṃ saccānaṃ abhijānanatthāya. **Sambodhāyāti** tesamīyeva sambujjhanatthāya. **Nibbānāyāti** nibbānasacchikiriyāya. Sesamettha yaṃ vattabbaṃ siyā, taṃ heṭṭhā tattha tattha vuttameva. Saccakathāpi sabbākāreneva visuddhimagge (visuddhi. 2.529) vittharītā.

Tiparivaṭṭanti saccañānāciccañānākatañānasaṅkhātānaṃ tiṇṇaṃ parivaṭṭānaṃ vasena tiparivaṭṭaṃ. Ettha hi “idaṃ dukkhaṃ ariyasaccaṃ, idaṃ dukkhasamudaya”nti evaṃ catūsu saccesu yathābhūtaṃ ñānaṃ **saccañānaṃ** nāma. Tesuyeva “pariññeyyaṃ pahātabba”nti evaṃ kattabbakiccajānanañānaṃ **kiccañānaṃ** nāma. “Pariññātaṃ pahīna”nti evaṃ tassa tassa kiccassa katabhāvajānanañānaṃ **katañānaṃ** nāma. **Dvādasākāraṇāti** tesamīyeva ekekasmīṃ sacce tiṇṇaṃ tiṇṇaṃ ākāraṇaṃ vasena dvādasākāraṇaṃ. **Ñānadassananti** etesaṃ tiparivaṭṭānaṃ dvādasannaṃ ākāraṇaṃ vasena uppannañānasaṅkhātānaṃ dassanaṃ. **Dhammacakkhanti** aññattha tayo maggā tīṇi ca phalāni dhammacakkhu nāma honti, idha paṭhamamaggova.

Dhammacakketi paṭivedhaññaṇe ceva desanāññaṇe ca. Bodhipallaṅke nisinnassa hi catūsu saccesu uppannaṃ dvādasākāraṃ paṭivedhaññaṇampi, isipatane nisinnassa dvādasākārāya saccadesanāya pavattitaṃ desanāññaṇampi dhammacakkaṃ nāma. Ubhayampi hettaṃ dasabalassa ure pavattaññaṇameva. Imāya desanāya pakāsenta bhagavatā dhammacakkaṃ pavattitaṃ nāma. Taṃ panetaṃ dhammacakkaṃ yāva aññaṣikoṇḍaññaṭthero aṭṭhārasahi brahmakoṭṭhi saddhiṃ sotāpattiphale paṭiṭṭhāti, tāva naṃ bhagavā pavatteti nāma, paṭiṭṭhite ca pavattitaṃ nāma. Taṃ sandhāya **pavattite ca pana bhagavatā dhammacakke bhumā devā saddamanussāvesunti**ādi vuttaṃ.

Tattha **bhumā**ti bhūmaṭṭhakadevatā. **Saddamanussāvesunti** ekappahārenea sādhu-kāraṃ datvā – “etaṃ bhagavatā”tiādīni vadantā anusāvayimṃsu. **Obhāso**ti sabbaññaṭṭhāññaṇobhāso. So hi tadā devānaṃ devānubhāvaṃ atikkamivā virocittha. **Aññaṣi vata, bho, koṇḍaññaṇoti** imassapi udānassa udāhāranigghoso dasasahassilokadhātum pharivā aṭṭhāsi.

9. Saṅkāsanasuttavaṇṇanā

1089. Navame **aparimāṇā vaṇṇā**ti appamāṇāni akkharāni. **Byañjanā**ti tesamyeva vevacanaṃ, vaṇṇānaṃ vā ekadesā yadidaṃ byañjanā nāma. **Saṅkāsana**ti vibhattiyo. Ekamekasmiñhi sacce sabbākārena vitthāriyamāne vaṇṇādīnaṃ anto nāma natthi. Tasmā evamāha.

10. Tathasuttavaṇṇanā

1090. Dasame sabhāvāvijahanaṭṭhena **tathaṃ**. Dukkhañhi dukkhameva vuttaṃ. Sabhāvassa amoghatāya **avitathaṃ**. Na hi dukkhaṃ adukkhaṃ nāma hoti. Aññaṭṭhāññaṇupagamena **anaññaṭṭhāṃ**. Na hi dukkhaṃ samudayādibhāvaṃ upagacchati. **Samudayādīsupi** e seva nayoti.

Dhammacakkappavattanaṃ dutiyo.

3. Koṭṭigāmaṃ

1. Koṭṭigāmasuttavaṇṇanā

1091. Tatiyassa paṭhame **ananubodhā**ti ananubujjhanena. **Appaṭivedhā**ti appaṭivijjhanena.

2. Dutiyakoṭṭigāmasuttavaṇṇanā

1092. Dutie **cetovimutti paññaṇāvimuttī**ti phalasaṃpattiphalaṃ paññaṇānaṃ nāmaṃ.

7. Tathasuttavaṇṇanā

1097. Sattame **tasmā ariyasaccānī**ti yasmā tathāni avitathāni anaññaṭṭhāni, tasmā ariyānaṃ saccānīti vuccanti. Na hi vitathāni ariyā ariyasaccato paṭivijjanti.

8. Lokasuttavaṇṇanā

1098. Aṭṭhame **tathāgato ariyo, tasmā** “**ariyasaccānī**”ti yasmā ariyena tathāgatena paṭividdhattā desitattā ca tāni ariyasantakāni honti, tasmā ariyassa saccattā ariyasaccānīti attho.

10. Gavampatisuttavaṇṇanā

1100. Dasame **sahañcaniketi** sahañcaniyanagare. **Yo, bhikkhave, dukkhaṃ passati,**

dukkhasamudayampi so passatītiādi ekapaṭivedhavasena vuttaṃ, imasmiñhi sutte ekapaṭivedhova kathito.

Koṭigānavaggo tatiyo.

4. Sīsapāvanavaggo

1. Sīsapāvanasuttavaṇṇanā

1101. Catutthassa paṭhame **yadidaṃ uparīti** yāni imāni upari. **Sīsapāvaneti** sīsapārukkhe.

2. Khadirapattasuttavaṇṇanā

1102. Dutiye **anabhisameccāti** ñāṇena anabhisamāgantvā, appaṭivijjhivāti attho.

3. Daṇḍasuttavaṇṇanā

1103. Tatiye **asmā lokā paraṃ lokanti** imamhā manussalokā paraṃ nirayampi, tiracchānayanimpi, pattivisayampi, manussalokampi, devalokampi, gacchanti, punappunaṃ vaṭṭasmiṃyeva nibbantantīti attho.

5. Sattisatasuttavaṇṇanā

1105. Pañcame **evañcetam, bhikkhave, assāti**, bhikkhave, evaṃ ce etaṃ bhaveyya, nirantaram sattisatehi haññamānassa dukkhadomanassehi sahevesa saccābhisamayo bhaveyya ceti attho.

9. Indakhīlasuttavaṇṇanā

1109. Navame **mukhaṃ oloketīti** ajjhāsayaṃ oloketi. Ajjhāsayo idha mukhanti adhippeto.

10. Vādatthikasuttavaṇṇanā

1110. Dasame **silāyūpoti** silāthambho. **Soḷasakukkukoti** soḷasahattho. Soḷasakukkūtipi pāṭho. **Heṭṭhā nemaṅgamāti** heṭṭhā āvāṭaṃ pavitṭhā. **Aṭṭha kukku uparinemassāti** aṭṭha hatthā āvāṭassa upari uggantvā ṭhitā bhaveyyuṃ. **Bhusāti** balavatī. Sesam sabbattha uttānamevāti.

Sīsapāvanavaggo catuttho.

5. Papātavaggo

1. Lokacintāsuttavaṇṇanā

1111. Pañcamassa paṭhame **sumāgadhāya pokkharāṇiyāti** evaṃnāmikāya pokkharāṇiyā. **Lokacintam cintentoti**, “kena nu kho candimasūriyā katā, kena mahāpathavī, kena mahāsamuddo, kena sattā uppādītā, kena pabbatā, kena ambatālanāḷikerādayo”ti evarūpaṃ lokacintam cinto nisīdi.

Vicetoti vigatacitto vikkhittacitto vā. **Bhūtaṃyeva addasāti** te kira asurā sambarimāyaṃ samparivattetvā yathā ne so puriso hatthiassādīsū āruhante ukkhipitvā, bhisamuḷlacchiddehi pavisante passati, evaṃ adhiṭṭhahimsu. Taṃ sandhāya satthā “bhūtaṃyeva addasā”ti āha. **Devānaṃyeva mohayamānāti** devānaṃ cittam mohayantā. **Tasmāti** yasmā lokacintam cinto ummattakopi hoti,

tasmā.

2-3. Papātasuttādivaṇṇanā

1112-13. Dutiye **paṭibhānakūṭoti** eko mahanto pabbatasadiso mariyādapāsāṇo. Tatiye **aniṭṭharūpanti** aniṭṭhasabhāvaṃ.

4. Kūṭāgārasuttavaṇṇanā

1114. Catutthe **heṭṭhimam gharam akaritvāti** thambhabhittipādussāpanādinā gharassa heṭṭhimabhāgaṃ akatvā.

5. Vālasuttavaṇṇanā

1115. Pañcame **santhāgāreti** sippuggaṇhanasālāyaṃ. **Upāsanaṃ karonteti** kaṇḍakhipanasippaṃ karonte. **Asanaṃ atipātenteti** kaṇḍaṃ atikkamente. **Poṅkhānupoṅkhanti** ekaṃ kaṇḍaṃ khipitvā yathā assa sarassa poṅkhaṃ vijjhati, aparaṃ anupoṅkhaṃ nāma dutiyassa poṅkhaṃ, puna aparaṃ tassa poṅkhanti evaṃ atipātentē addasa. **Yatra hi nāmāti** ye nāma. **Durabhisambhavataranti** dukkarataraṃ. **Sattadhā bhinnassa vālassa koṭiyā koṭim paṭivijjheyāti** ekaṃ vālaṃ sattadhā bhinditvā, tassa ekaṃ bhedaṃ gahetvā, vātingaṇamajjhe bandhitvā, aparaṃ bhedaṃ kaṇḍassa aggakoṭiyaṃ bandhitvā, usabhamatte ṭhito kaṇḍabaddhāya koṭiyā taṃ vātingaṇabaddhakoṭim paṭivijjheyāti attho. **Tasmāti** yasmā evaṃ duppaṭivijjhāni cattāri saccāni, tasmā.

7. Paṭhamachiggaḷayugasuttavaṇṇanā

1117. Sattame **aññamaññakhādikāti** aññamaññaṃ khādanaṃ. **Dubbalakhādikāti** balavantehi macchādīhi dubbalānaṃ macchādīnaṃ khādanaṃ.

8. Dutiya-chiggaḷayugasuttavaṇṇanā

1118. Aṭṭhame **mahāpathavīti** cakkavāḷagabbhantarā mahāpathavī. **Adhiccamiḍaṃ, bhanteti** idaṃ adhiccuppattikaṃ sace taṃ yugaṃ na pūti bhaveyya, samudde udakaṃ na susseyya, so ca kacchapo na mareyya, api nāma yadicchāvasena siyāti attho.

Evaṃ adhiccamiḍaṃ, bhikkhaveti ettha mahāsīvatthero cattāri yugāni dasseti – puratthimacakkavāḷamukhavatṭiyaṃ ṭhitena purisena pakkhittayugassa hi chiggaḷena tassa andhakacchapassa gīvāya pavesanaṃ viya manussapaṭilābho adhiccapaṭilābhī. Dakkhiṇacakkavāḷamukhavatṭiyaṃ ṭhitena pakkhittassa pana paribbhamantassa purimayugaṃ patvā chiggaḷena chiggaḷupari āruḷhassa chiggaḷena gīvappavesanaṃ viya tathāgatuppādo adhiccatarasambhavo. Pacchimacakkavāḷamukhavatṭiyaṃ ṭhitena pakkhittassa pana paribbhamantassa purimayugadvayaṃ patvā chiggaḷena chiggaḷupari āruḷhassa chiggaḷena gīvappavesanaṃ viya tathāgatappaveditassa dhammavinayassa dīpanaṃ adhiccatarasambhavaṃ. Uttaracakkavāḷamukhavatṭiyaṃ ṭhitena pakkhittassa pana paribbhamantassa purimayugattayaṃ patvā chiggaḷena chiggaḷupari āruḷhassa chiggaḷena gīvappavesanaṃ viya catusaccapaṭivedho ativiya adhiccatarasambhavo veditabbo. Navamādīni abhisamayasaṃyutte vuttanayānevāti.

Papātavaggo pañcamaṃ.

6. Abhisamayavaggavaṇṇanā

1121. Abhisamayavaggo nidānavagge abhisamayasaṃyutte vitthāritova.

7. Paṭhamaāmakadhaññaṭṭhāvaggo

3. Paññāsuttavaṇṇanā

1133. Āmakadhaññaṭṭhāvagge **ariyena paññācakkhunāti** vipassanaṃ ādiṃ katvā lokiyalokuttarena ñāṇacakkhunā.

4. Surāmerayasuttavaṇṇanā

1134. **Surāmerayamajjappamādaṭṭhānā paṭiviratāti** ettha **surā** nāma piṭṭhasurā, odanasurā, pūvasurā, kiṇṇapakkhittā, sambhārasaṃyuttāti pañcavidhā. **Merayaṃ** nāma pupphāsavo, phalāsavoti, evaṃ vutto yo koci āsavo. **Majjanti** tadeva ubhayaṃ, yaṃ vā panaññaṃpi surāsavavinimuttaṃ madanīyaṃ. Yāya cetaṇāya taṃ pivanti, sā pamādassa kāraṇattā **pamādaṭṭhānaṃ** nāma, tato paṭiviratāti attho.

6-7. Matteyyasuttādivaṇṇanā

1136-37. **Matteyyāti** mātuhiṭā, mātari sammāpaṭipannāti attho. **Petteyyādīsu** pituhiṭā petteyyā.

8-9. Sāmaññasuttādivaṇṇanā

1138-39. Samaṇānaṃ hitā **sāmañña**. Brāhmaṇānaṃ hitā **brahmañña**. Tesu tesu sammā paṭipannānaṃyevaṃ adhivacanaṃ.

10. Pacāyikasuttavaṇṇanā

1140. **Kule jeṭṭhāpacāyīnoti** kule jeṭṭhānaṃ apacāyīno, nīcavuttinoti attho.

8. Dutiyāmakadhaññaṭṭhāvaggo

8. Bījagāmasuttavaṇṇanā

1148. **Bījagāmabhūtagāmasamārambhāti** mūlabījaṃ, khandhabījaṃ, phalubījaṃ, aggabījaṃ, bījabījanti pañcavidhassa bījagāmassa ceva yassa kassaci nīlatiṇarukkhādikassa bhūtagāmassa ca samārambhā, chedanapacanādibhāvena vikopanaṃ paṭiviratāti attho.

9. Vikālabhojanasuttavaṇṇanā

1149. **Vikālabhojanāti** kālātikkantabhojanā, majjhanhikātikkamato paṭṭhāya yāvakālikaparibhogāti attho.

10. Gandhavilepanasuttavaṇṇanā

1150. Mālādīsu **mālāti** yaṃ kiñci pupphaṃ. **Gandhanti** yaṃ kiñci gandhajātaṃ. **Vilepananti** chavirāgakarāṇaṃ. Tattha piḷandhantā dhārenti nāma, ūnaṭṭhānaṃ pūrentā maṇḍenti nāma, gandhavasena chavirāgavasena ca sādiyanta vibhūsentī nāma. **Ṭhānaṃ** vuccati kāraṇaṃ. Tasmā yāya dussīlyacetanāya tāni mālādhāraṇādīni mahājano karoti, tato paṭiviratāti attho.

9. Tatiyaāmakadhaññapeyyālavaggo

1. Naccagītasuttavaṇṇanā

1151. Sāsanassa ananulomattā visūkaṃ paṭāṇībhūtaṃ dassananti **visūkadassanaṃ**. Attanā naccananaccāpanādivasena naccā ca gītā ca vādītā ca antamaso mayūranaccādivasenāpi pavattānaṃ naccādīnaṃ visūkabhūtā dassanā cāti **naccagītavāditavisūkadassanā**. Naccādīni hi attanā payojetuṃ vā parehi payojāpetuṃ vā payuttāni passituṃ vā neva bhikkhūnaṃ, na bhikkhunīnaṃ vaṭṭanti.

2. Uccāsayanāsuttavaṇṇanā

1152. **Uccāsayanaṃ** vuccati pamāṇātikantaṃ. **Mahāsayanaṃ** akappiyattharaṇaṃ, tato paṭiviratāti attho.

3. Jātarūpasuttavaṇṇanā

1153. **Jātarūpanti** suvaṇṇaṃ. **Rajatanti** kahāpaṇo – lohamāsako, jatumāsako, dārumāsakoti ye vohāraṃ gacchanti, tassa ubhayassāpi paṭiggahaṇā paṭiviratā. Neva naṃ uggaṇhanti na uggaṇhāpenti, na upanikkhittaṃ sādiyantīti attho.

4. Āmakadhaññāsuttavaṇṇanā

1154. Āmakadhaññapaṭiggahaṇāti sāli-vīhi-yava-godhuma-kaṅgu-varaka-kudrūsakasaṅkhātassa sattavidhassāpi āmakadhaññassa paṭiggahaṇā. Na kevalañca etesaṃ paṭiggahaṇameva, āmasanampi bhikkhūnaṃ na vaṭṭatiyeva.

5. Āmakamaṃsasuttavaṇṇanā

1155. Āmakamaṃsapaṭiggahaṇāti ettha aññatra uddissa anuññātā āmakamaṃsamacchānaṃ paṭiggahaṇameva bhikkhūnaṃ na vaṭṭati, no āmasanaṃ.

6. Kumārikasuttavaṇṇanā

1156. **Itthikumārikapaṭiggahaṇāti** ettha itthī purisantaragatā, itarā **kumārikā** nāma. Tāsaṃ paṭiggahaṇampi āmasanampi akappiyameva.

7. Dāsīdāsasuttavaṇṇanā

1157. **Dāsīdāsapaṭiggahaṇāti** ettha dāsīdāsavaseneva tesāṃ paṭiggahaṇaṃ na vaṭṭati, “kappiyākāraṃ dammi, āramikaṃ dammi”ti evaṃ vutte pana vaṭṭati.

10. Catutthaāmakadhaññapeyyālavaggo

1. Khettavatthusuttavaṇṇanā

1161. **Ajeḷakādīsu khettavatthu**pariyosānesu kappiyākappiyanayo vinayavasena upaparikkhitabbo. Tattha khettaṃ nāma yasmimṃ pubbaṇṇaṃ ruhati. Vatthu nāma yasmimṃ aparāṇṇaṃ ruhati. Yattha vā ubhayaṃ ruhati, taṃ khettaṃ. Tadatthāya akatabhūmibhāgo vatthu. Khettavatthusīsenā cettha vāpitaḷākādīnīpi saṅgahitāneva.

2-3. Kayavikkayasuttādivaṇṇanā

1162-63. Kayavikkayāti kayā ca vikkayā ca. **Dūteyyaṃ** vuccati dūtakkammaṃ, gihīnaṃ paṇṇaṃ vā sāsaṇaṃ vā gaheṭvā tattha tattha gamaṇaṃ. **Pahiṇagamaṇaṃ** vuccati gharā gharaṃ pesitassa khuddakagamaṇaṃ. **Anuyogo** nāma tadubhayakaraṇaṃ. Tasmā dūteyyapahiṇagamaṇānuyogāti evamettha attho vedītabbo.

4. Tulākūṭasuttavaṇṇanā

1164. Tulākūṭādīsu **kūṭanti** vañcanaṃ. Tattha **tulākūṭaṃ** tāva rūpakūṭaṃ, aṅgakūṭaṃ, gahaṇakūṭaṃ, paṭicchannakūṭanti catubbidhaṃ hoti. Tattha **rūpakūṭaṃ** nāma dve tulā samarūpā katvā gaṇhanto mahatīyā gaṇhāti, dadanto khuddikāya deti. **Aṅgakūṭaṃ** nāma gaṇhanto pacchābhāge hatthena tulaṃ akkamati, dadanto pubbabhāge. **Gahaṇakūṭaṃ** nāma gaṇhanto mūle rajjuṃ gaṇhāti, dadanto agge. **Paṭicchannakūṭaṃ** nāma tulaṃ susiraṃ katvā anto ayacuṇṇaṃ pakkhipitvā gaṇhanto taṃ pacchābhāge karoti, dadanto aggabhāge.

Kaṃso vuccati suvaṇṇapāti, tāya vañcanaṃ **kaṃsakūṭaṃ**. Kathaṃ? Ekaṃ suvaṇṇapātīṃ katvā aññā dve tisso lohapātīyo suvaṇṇavaṇṇā karonti. Tato janapadaṃ gantvā, kiñcīdeva aḍḍhakulaṃ pavisitvā, “suvaṇṇabhājanāni kiṇathā”ti vatvā, agghe pucchite samagghataṃ dātukāmaṃ honti, tato tehi “kathaṃ imesaṃ suvaṇṇabhāvo jānitabbo”ti vutte “vīmaṃsitvā gaṇhathā”ti suvaṇṇapātīṃ pāsāṇe ghaṃsitvā sabbapātīyo datvā gacchanti.

Mānakūṭaṃ hadayabheda-sikhābheda-rajjubhedavasena tividdhaṃ hoti. Tattha **hadayabhedo** sappitelādīminanakāle labbhati. Tāni hi gaṇhanto heṭṭhāchiddena mānena “saṇikaṃ āsiñcā”ti vatvā antobhājane bahuṃ paggharāpetvā gaṇhāti, dadanto chiddaṃ pidhāya sīghaṃ pūretvā deti. **Sikhābhedo** tilataṇḍulādīminanakāle labbhati. Tāni hi gaṇhanto saṇikaṃ sikhāṃ ussāpetvā gaṇhāti, dadanto vegena sikhāṃ bhindanto deti. **Rajjubhedo** khettavatthūminanakāle labbhati. Lañjaṃ alabhantā hi khettaṃ amahantaṃ mahantaṃ katvā minanti.

5. Ukkoṭanasuttavaṇṇanā

1165. Ukkoṭanādīsu ukkoṭananti sāmīke assāmīke kātuṃ lañjaggahaṇaṃ. **Vañcananti** tehi tehi upāyehi paresaṃ vañcanaṃ. Tatridamekaṃvatthu – eko kira luddako mīgañca migapotakañca gaheṭvā āgacchati. Tameko dhutto “kiṃ, bho, migo agghati, kiṃ migapotako”ti?, Āha. “Migo dve kahāpaṇe, migapotako eka”nti ca vutte kahāpaṇaṃ datvā, migapotakaṃ gaheṭvā thokaṃ gantvā nivatto “na me, bho, migapotakena attho, migamaṃ me dehi”ti āha. Tena hi dve kahāpaṇe dehitī. Nanu, bho, mayā paṭhamaṃ eko kahāpaṇo dinnoti. Āma dinnoti. Imampi migapotakaṃ gaṇha, evaṃ so ca kahāpaṇo, ayañca kahāpaṇagghanaṃ migapotakoti dve kahāpaṇā bhavissanti. So “kāraṇaṃ vadati”ti sallakkhetvā migapotakaṃ gaheṭvā migamaṃ adāsīti.

Nikatīti yogavasena vā māyāvasena vā apāmaṅgaṃ pāmaṅganti amaṇiṃ maṇinti, asuvaṇṇaṃ suvaṇṇanti katvā patirūpakena vañcanaṃ. **Sāciyogoti** kuṭīlayogo. Etesaṃyeva ukkoṭanādīnametaṃ nāmaṃ. Tasmā ukkoṭanasāciyogā vañcanasāciyogā nikatisāciyogāti evamettha attho datṭhabbo. Keci aññāṃ dassetvā aññassa parivattanaṃ sāciyogoti vadanti. Taṃ pana vañcaneneva saṅgahitaṃ.

6-11. Chedanasuttādivaṇṇanā

1166-71. Chedanādīsu chedananti hatthacchedanādi. **Vadhoti** maraṇaṃ. **Bandhoti** rajjubandhanādīhi bandhanaṃ. **Viparāmosoti** himaviparāmoso, gumbaviparāmosoti duvidho. Yaṃ himapātasamaye himena paṭicchannā hutvā maggapaṭipannaṃ janaṃ musanti, ayaṃ himaviparāmoso. Yaṃ gumbādīpaṭicchannā musanti, ayaṃ gumbaviparāmoso.

Ālopo vuccati gāmanigamādīnaṃ vilopakaraṇaṃ. **Sahasākāro**ti sāhasakiriya, gehaṃ pavisitvā, manussānaṃ ure satthaṃ ṭhapetvā, icchitabhaṇḍaggahaṇaṃ. Evametasmā chedanavadhabandhanaviparāmosaālopasahasākārā paṭiviratā. Sesāṃ sabbattha uttānatthamevāti.

Āmakadhañṇapeyyālavāṇṇanā niṭṭhitā.

Iti sārattappakāsiniyā saṃyuttanikāya-aṭṭhakathāya

Mahāvaggavaṇṇanā niṭṭhitā.

Nigamanakathā

Ettāvata hi –

“Bahukārassa yatīnaṃ vipassanācāranipuṇabuddhīnaṃ,
Samyuttavarānikāyassa atthasaṃvaṇṇanaṃ kātuṃ.

“Saddhammassa ciraṭṭhitimāsisamānena yā mayā;
Nipuṇā aṭṭhakathā āradhā **sārattappakāsini** nāma.

“Sā hi mahāaṭṭhakathāya sāramādāya niṭṭhitā esā;
Aṭṭhasattatimattāya pāḷiyā bhāṇavārehi.

“Ekūnasatṭhimatto visuddhimaggopi bhāṇavārehi;
Atthappakāsanaṭṭhāya āgamānaṃ kato yasmā.

“Tasmā tena sahāyaṃ aṭṭhakathā bhāṇavāragāṇāya;
Thokena aparipūraṃ sattatiṃsasataṃ hoti.

“Sattatiṃsādhikasata-parimāṇaṃ bhāṇavārato evaṃ;
Samayaṃ pakāsantiṃ mahāvihārādhivāsīnaṃ.

“Mūlaṭṭhakathāya sāramādāya mayā imaṃ karontena;
Yaṃ puññaṃpacitaṃ tena hotu sabbo sukhī loko.

“Etissā karaṇatthaṃ therena **bhadanta jotipālena**;
Suciśīlena subhāsītassa pakāsantaññaṇena.

“Sāsanavibhūtikāmena yācamānena maṃ subhagaṇena;
Yaṃ samadhigataṃ puññaṃ tenāpi jano sukhī bhavatū”ti.

Paramavisuddhasaddhābuddhivīriyappaṭimaṇḍitena
sīlācārajjavamaddavādiḡuṇasamudayasamuditena sakasamayasaṃyantaragahanajjhogāhaṇasamatthena
paññāveyyattiyasamānāgatena tipīṭakapariyattippabhede sātṭhakathe satthusāsane
appaṭihataññaṇappabhāvena mahāveyyākaraṇena
karaṇasampattijanitasukhaviniggaṭamadhurodāravacanalāvaṇṇayuttana yuttamuttavādīnā vādīvarena
mahākavinā pabhinnapaṭisambhidāparivāre chaḷabhiññādiṭṭhappabhedaḡuṇappaṭimaṇḍite
uttarimanussadhamme suppaṭiṭṭhitabuddhīnaṃ theravaṃsappadīpānaṃ therānaṃ mahāvihāravāsīnaṃ
vaṃsālaṅkārahūtena vipulavisuddhabuddhīnā **buddhaghosoti** garūhi gahitaṇāmadheyyena therena katā
ayaṃ **sārattappakāsini** nāma saṃyuttanikāyaṭṭhakathā.

“Tāva tiṭṭhatu lokasmiṃ, lokanittaraṇesinaṃ;
Dassentī kulaputtānaṃ, nayamaṃ sīlavisuddhiyā.

“Yāva buddhoti nāmampi, suddhacittassa tādino;
Lokamhi lokajeṭṭhassa, pavattati mahesino’’ti.

Sāratthappakāsini nāma

Samyuttanikāya-aṭṭhakathā sabbākārena niṭṭhitā.